

ШАРҚ ЎЛДУЗИ

Адабиёт журнали

1931 йилдан чиқа бошлаган

ЖАМОАТЧИЛИК КЕНГАШИ

Бобур Алимов — кенгаш раиси
Ўрзбой Абдураҳмонов
Эркин Воҳидов
Тўра Мирзаев
Иқбол Мирзо
Минҳожиддин Мирзо
Абдуваҳоб Нурматов

Абдулла Орипов
Тўра Саидов
Сироҷиддин Сайид
Йўлдош Солижонов
Хайриддин Султонов
Шарап Уснатдинов
Рустам Қосимов

Бош муҳаррир в.б. — Улугбек Ҳамдам
Бош муҳаррир ўринбосари — Икром Отамурод
Масъул котиб — Зиёдбек Ўринов
Наср бўлими мудири — Асад Дилмурод



МУНДАРИЖА

НАЗМ

Сайдулла Ҳаким. Бир ҳайрат ичиди... Шеърлар.	3
Энахон Сиддиқова. Суюнчилик сочинг кунларга. Шеърлар.	64
Кўчкор Норқобил. Тонг шамоли... Шеърлар.	76
Гавҳар Ибодуллаева. Соғинч кафт ёзади япроқларимда. Шеърлар.	79
Насиба Юсупова. Юлдузлар юрагим тубида ёнар. Шеърлар.	93
Носиржон Жўраев. ... Орзу тўларкан дилга. Шеърлар.	96

ҒАЗАЛХОНЛИК

Маҳмуджон Нурматов. Ҳуррият ҳимматидин хурланумран. Фазаллар.	86
---	----

БУЛОҚ КЎЗ ОЧДИ

Барнигул. Дунёни уйготтим келяпти. Шеърлар.	119
---	-----

МУШОИРА

Умр елдек ўтиб бормоқда. Шеърлар.	126
-----------------------------------	-----

БИР ДАРАХТ НОВДАЛАРИ

Халила Давлатназаров. Ҳаётимда борсан... Шеърлар.	111
---	-----

УНУТМАС МЕНИ БОФИМ

Замира Эгамбердиева. Йўлингизга... қараб турган кўздириман. Шеърлар.	174
--	-----

НАСР

Омон Мухтор. Муҳаббат ўлимдан кучли. Роман.	7
Каримабегим. Номалардаги нолалар. Ҳикоя.	89
Шомирза Турдимов. Сиртлон. Ҳикоя.	122
Салим Абдураҳмон. Қайтиш. Ҳикоя.	115

ЖАҲОН ҲИКОЯЛАРИ ХАЗИНАСИДАН

Ёкуб Умар ўли. Ўн доллар. Ҳикоя.	82
----------------------------------	----

ҚУТЛОВ

Абдугафур Расулов. Жасур қалам соҳиби.	68
--	----

БАРҲАЁТ СИЙМОЛАР

Абдулла Шер. “Мажнунтол тагига ўтқазинг мени...”	100
Олимжон Холдор. “Новвотнинг дури...”	106

ИЗЛANIШ

Сирдарёҳон Ўтанова. Ёш тилшунос ва адабиётшунослар анижумани.	136
Ўткир Исломов. “Бил, ҳам аввал сўзу ҳам охир сўз”.	135
Наима Аликулова. Мажзуб Наманғоний «Соқийнома»сининг ўзига хос ҳусусиятлари.	140

МУТОЛАА, МУЛОҲАЗА, МУШОҲАДА

Рашид Зоҳидов. Тарбия ва гўзалик илми.	145
--	-----

АДАБИЁТШУНОСЛИК

Нурбой Абдулҳаким. “Фирдавсу-л-иқбол”нинг адабий-эстетик қиймати.	150
Гулчехра Имомова. Анъаналар сатҳидаги бадиий синтез.	160

ЁДНОМА

Баҳодир Каримов. Аъзам шоирнинг ўқтам овози.	165
--	-----

САНЪАТ

Йўлдош Норбўтаев. Ўзбек миллий чолгулари тарихидан.	170
---	-----

МЕРОСИМИЗНИЙ ЎРГАНАМИЗ

Дилдора Ҳошимова. “Рости бил эрдиким, маистур бўлди...”	177
---	-----

ЛУҚМА

Наим Каримов. “Мардикорлар ашуласи”ни ким ёзган?	182
--	-----

ГУЛҚАЙЧИ

Аҳмаджон Мелибоев. Эркин Сиддиқ нима дейди?	187
---	-----

ШАРҚ ЎЛДУЗИ

2010

5-сон

Муассис:

ЎЗБЕКИСТОН ЁЗУВЧИЛАР ЎЮШМАСИ

* Муаллифлар фикри таҳририят фикри деб қабул қилинмасин.

Таҳририятга юборилган материаллар муаллифларга қайтарилмайди.

* Обуна монеълик кўрсатилса

Тошкент — 100000,
Амир Темур тор
кўчаси, 2. Республика
«Матбуот тарқатувчи»
акциядорлик
компаниясига мурожаат
қилинсин.
Обуна индекси — 911, 932

Манзилимиз:

100127, Тошкент шаҳри,
Ўзбекистон кўчаси, 16-а уй.

Телефонлар:
227-00-81, 245-22-99
E-mail: sharqyulduzi1931@mail.ru

Босишга руҳсат этилди
30.10.2010 йил.

Қозоғ бичими 70x108 ¼.
Офсет босма усулида тип.
№ 1-қоғозга босилди.

Босма тобоги 12.
Шартли босма тобоги 16,8.
Нашриёт ҳисоб тобоги 18,4.
Адади 1500 нусха.
Буюртма №

Журнал Ўзбекистон Матбуот ва ахборот агентлигига 0562-рақам билан рўйхатга олинган.

«Ўқитувчи» НМИУ
босмахонасида чоп этилди.

Корхона манзили:
Тошкент шаҳри, Юнусобод тумани, Янги шаҳар кўчаси, 1-уй.

Саҳифаловчи:
Акбарали Мамасолиев

Мусаххиҳлар:
Дилфузда Маҳмудова,
Феруза Раҳимова



Бир ҳайрат шуда...



Сайдулла ҲАКИМ

ОШИҚ ҚУЁШ

Ўзбекистон – Ватаним азиз,
Сени севиб не қилолдим, мен?!
Сенга меҳр бобида, асли,
Ким қўёшга кела олур тенг?!

Сен деб қўёш аршидан тушиб,
Меҳр тўла бағрини очар.
Эҳтиросдан юраги жўшиб,
Бошинг узра марварид сочар.

Сенга яқин келгани сари
Уялади ўзидан, чоги,
Тақир бошин беркитай дея
Кийиб олар баҳмал қалпоғин.

Бундайини қўрмаган ҳали
Оlam олам бўлиб сира ҳам.
Ҳар кун келар сени кўргали,
Ҳар кун кетар умидга ҳамдам.

ИШҚ ОЯТИ

Боғ йўлида ётган бир варақ қофоз
Эътиборим тортар, қўлга оламан.
Бир бетда бор-йўғи тўртта сўз, холос:
“Севганман, севаман, севиб қоламан!”

Ёзганми айтишга тополмай журъат,
Ким у куйган кўнгил? Ўйга толаман.
Етиб бордимикан эгасига хат:
“Севганман, севаман, севиб қоламан!”.

Бог ҳайрат ичида тебратар бошин,
Шамол тегажоқлик қилиб боладай
Хатни олиб қочар ва ўқир шошиб:
“Севганман, севаман, севиб қоламан!”

Кушлар ҳам басма-бас чугурлар жўшиб,
Мен энди уларнинг тилин биламан:
“Ҳамиша айтилар фақат бир қўшиқ
Севганман, севаман, севиб қоламан!”

Меним-да, ишим бир шу қушлар ила,
Дилда такрор айтиб сабоқ оламан:
“Эй ёр, эшит сўзим, келдим айтгали,
Севганман, севаман, севиб қоламан!”.

ОНАГА ТАЪЗИМ

Сиз чиганоқ каби ўзингиздан сўнг
Қолдириб кетасиз дуру жавоҳир.
Жаннат оёғингиз остида, демак,
Бизнинг бошимизнинг устида зоҳир.

Мадҳингиз қўёшу ойгача етган,
Не-не донишмандлар ёниб айтганлар.
Сиздан кимки кетса сахрого кетган,
Чаманзорга қайтган сизга қайтганлар.

ПУШКИН

Севги, ҳасрат қўйчиси,
Асов даҳо, жўшқин руҳ
Чалиб ўтди янгроқ соз,
Мангу шараф топди рус.

Маккор бир замон эди,
Ҳар ёнда найранг, ўйин.
Муҳаббат лирасини
Синдириди қора қуюн.

Танҳо эди. Туғилмас
Энди, Пушкин бошқа йўқ.
Аммо кезиб юрибди
Шоирга отилган ўқ...

СЎЗ ВА ДОНИШМАНД

Эл ичра номи баланд,
Ҳар ишда фазли аён,
Яшар эди донишманд –
Тоза тийнат, покдомон.

Кимdir: “Оlam иборат, –
Деса, – молекуладан”,
“Йўқ, сўздан бу иморат”, –
Дерди сирли куларкан.

Сўз унинг кўз ўнгига
Оқар эди чулдираb,
Гоҳ қоронгу осмонда
Чақнар эди гулдираb.

“Бу дунёни ёритиб
Турган ҳам сўз”, дерди у.
“Инсон дардин аритиб
Турган ҳам сўз”, дерди у.

“Сўз айниса, диёнат
Ўлгани шу”, дер эди.
“Сўз қайнаса, қиёмат
Бўлгани шу”, дер эди.

Неки яралмиш бари
Сўзнинг жисму танидир,
Сўз – чиганоқ гавҳари,
Кўнгил – сўз Ватанидир.

Бир сўз бор сўз аввали,
Жой олган дил тўридан,
Қолган барча сўз, асли,
Ўша сўздан ўриган.

Юрса ҳам, ўтирса ҳам
Фақат ўша ўйида,
Яшар эди донишманд
Шу танҳо сўз кўйида.

Жон каби эди азиз
Ўша сўзнинг дийдори,
Охир, йиқилди ҳолсиз,
Кетди тандан мадори.

Ўнгимиidi, туши ё
Билмас, ҳарчанд уринди,
Сўз жамоли кўзига
Элас-элас кўринди.

Кувончидан кўксини
Ўртаб кетди ҳаяжон,
Чорлади шогирдларин
Хузурига ўшал он.

Дупур-дупур жон қуши
Депсиди қанот қоқиб,
Бошидан учиб ҳуши,
Тилдан қолди, боёқиши.

Ёш айланди кўзида:
Севинч ёши, фам ёши.
Ўқраг эди донишманд
Ўпкаси тўлиб-тошиб.

Сўзга қовушмай лаби
Фўлдиради, сўнг сўлгин:
“Ана у!” деган каби
Осмонга чўзди қўлин...

...Устознинг очиқ кўзин
Шогирд аста ёпаркан,
Аҳд қилди: “Ўша сўзни
Бир кун сўзсиз топаман!”

ҚАЛДИРГОЧ ҚОШ

Бошима тушмиш бу савдо қошидан,
Айланурман ҳеч кетолмай қошидан.
Ўсмани қўймиш яратганинг ўзи,
Айланай ҳам ўзи, ҳам наққошидан.





Омон МУХТОР

МУҲАББАТ ЎЛИМДАН КУЧЛИ

Роман*

* * *

(Бомдод пайти дераза олдида туриб шу воқеалар бирма-бир кўз ўнгимдан ўтди.

Мен Ёзувчи сифатида – албатта, буларни “қоғозга туширганим”дан кейин! – воқеага нуқта қўйишим ёки уни давом эттиришим керак. Лекин...

Марварид автофалокатда ҳалок бўлганмиди, тирикмиди? У билан Иброҳим кейин денгизга чўкиб кетишдими ёки улар, жилла курса улардан бири, ўлимдан қутилиб қолдими? Ҳаётнинг ўзида қандай бўлган эди? Билмайман. Менда бу тўғрида бирон мъалумот йўқ.

Улар иккаласи ҳам кетма-кетми, биргаликдами – ўша, Лайли ва Мажнун сингари! – хазон бўлди, тарихда бундай воқеа кам эканми, дейишим мумкин. Аксинча, уларни, ҳеч бўлмагандан бирини “тирик қолдиришим” ҳам мумкин. Бу менинг қўлимдан – Ёзувчининг қўлидан келадиган иш. Хўп. Ҳаётда-чи? Ҳаётда воқеанинг бўёғи номаълум, мен “тўқишим” мумкин бўлган “ёлгон гап”дан буткул бошқа, аммо барибир, Иброҳим билан Марваридга “қандайдир” дахлдор воқеалар рўй берган эди. Қисқаси мен ўзим билмаган нарсалардан воз кечиб, бўлган-бор воқеа яна ёдимга туша бошлади...)

Иккинчи қисм

НАЙ САДОСИ

6

Унга аввалида олисдан от дупури эшитилаётгандек туюлди.

Сўнг, назарида, дарвоза кескин тақиллади.

Ниҳоят, отнинг кишинаганию одамларнинг гала-говури эшитила бошлади.

Тушми? Ўнгми?

У бир ёндан иккинчи ёнга ағдарилди. Айни дамда сассиз бир шарпа хонада гимирлаётганини сезди. Истар-истамас кўзини очиб, мулоzим ташвишланиб турганини кўрди.

* Давоми. Бошланиши ўтган сонда.

— Сизни сўрашаяпти, бегим.

Маҳал-бемаҳал ҳар ким уни безовта қилмасди. Шу боисдан, сўраган ким бўлди-ю, қандай юмуш чиқди экан, деб ўйлаб, ўрнидан малол билан қўзгалди. Пойгакда энди мулозими тутган обдастадан қўлини чайиб, юзини ювди. Тўнини шошмасдан кийиб, ташқари чиқди.

Тонг ёриша бошлаган, лекин ҳали фонуслар ўчмаган. Илк навбатда оқ от олдида қомат тиклаган сипоҳига кўзи тушди.

Туш эмас, ўнг экан!

Уни бехос ийӯқлашга сабаб борми?

У олдинга босар-босмас, ҳовлида тўплланганлар нафас ютиб, орқага чекинишиди. Фақат сипоҳи отни қолдирганича, қўли кўксисда илдам юриб, тиз чўқди:

— Шаҳзодам! Минг қатла узр. Турғизишга тўғри келди.

— Нима гап?

— Онҳазрат сизни қистов келсин дедилар.

Индамай изига қайтди.

Мулозим тез кийинтириди. Йўл учун сув ва томоқ ҳам тайёрланган эди.

Эшиқдан чиқиб бир дам паришенланди.

Рўпарадаги уй эшиги, деразаларига қаради. Уйда шам ёқувли, юқори дераза яқинида энага жойнамоз устида ибодат бажо келтирмоқда. Болалиқда волидаси вафот этган. Бу аёл шундан буён она ўрнига ўтар эди.

Энага юзига фотиҳа тортиб, деразани очди:

— Бегим! Бошингиз тошдан бўлсин. Парвардигоримнинг Ўзи сизни учраган бало-қазодан асрасин. Дўсту душман олдида хорликдан, забунликдан халос этсин. Ҳар қадамда мадад берсин. Омин.

Энага қўлларини юзига сўйкагач, негадир бармоқларини лабларига босди.

Ҳайбатли ҳовлининг баланд гужум дарвозасидан бояги отга бошқа бир оқ от кўшилиб чиққанича, Мадора шаҳарчасидан Тошқўргонга қараб йўл олди.

Мадора Тошқўргонга нисбатан ҳам қадимий, обод ва ораста жой. Отлиқлар кўчадан-кўчага ўтиб, чойхоналар, катта-кичик ишратхоналар, дўконлар, усти айвонли уйлар, яшнаб ётган боғларни оралаб боришаркан, шаҳзода ҳозир ҳамма нарса билан хайрлашаёттандек ҳолатда эди. Улар қуюқ бир дараҳтзорни ёнлаб, шер шаклидаги тарновларидан шариллаб сув қўйилаётган ҳовуз бўйига чиқишиганида, у беихтиёр отнинг жиловини тортди. Унинг хаёлида ярқираган жоду қўзлар, соядек нозик вужуд жонланган эди! Шаҳзода ҳамма нарса билан хайрлашишга чоғлангани ҳолда, ҳатто ишқи тушган, ўзи учун Мадорада танҳо, азиз сиймо билан хайрлашмагани ва хайрлаша олмаслигини мана энди ҳис этди.

Сўнгги пайтлар мамлакатга душман бостириб келаётгани тўгрисида совуқ миш-миш тарқалган. Ҳаммаёқ нотинч, чўп суқилган ари ини.

Шаҳзода бундан бехабар эмасди.

Лекин у ҳали жуда ёш, мўйлаби энди сабза урган йигит эди. Шўх. Ўйинқароқ. Бедард! Душман келса, отам бор, ўзи чора қўради, бизни ҳимоя қилади, деб ўйлар эди. Унинг ҳаёти бу кунгача тинч эди. Бу кун саҳардан ҳаловати бузилди. Шу асно отга қайтиб қамчи соларкан, маҳзун бир ҳолат уни чулгади. Шаҳзода шу паллада онҳазрат нега чақирганига ҳам тушуниб етган эди. Юзлашган соатда шоҳ ота нима дейиши мумкинлигини башорат сингари тасаввур қилди:

— Ўглим! Душман маккор, аёвсиз. Бунинг устига, шаҳар дарвозалари қалитини унга қўшқўллаб топширадиган хоинлар топилади. Мен қарип қолдим. Ҳолим йўқ. Сен ёшсан. Юртни асра, халқни асра! Бирорлар топташига йўл берма! Сенга насиҳатим ҳам, васиятим ҳам шу...

Отлиқлар Мадорани орқада қолдириб, очиқ далада кета бошлашди. Ва кўп ўтмай, бепоён саҳро бошланди.

* * *

Мисдек қизиб ётган мажнун-саҳрода Дарвеш олдин қўлидаги иргай таёги, кейин озгин оёқлари тиззагача қумга ботиб, имиллаб борар эди:

— Ҳақ дўст! Ё аллоҳ!

У чарчаган, чанқаган, оч. Унга қўнадиган бир манзил керак. Ҳарҳолда жисмига жон кириладиган ўша манзилга етиб олишни умид қилиб, қолган-қутган бутун кучини сарфламоқда эди.

Ахийри, олисдан шаҳар қорасига кўзи тушди.

Аммо шу лаҳзада орқадан булутдек ёпирилиб келаётган бир тўп отлик қўринди. Дарвеш ажабланиб тўхтади.

Кўп ўтмай, отлиқлар яқинлашиши. Дарвеш ўртада келаётган киши қўшин бошлиғи эканлигини кўнглида сезди.

— Ҳақ дўст! Ё аллоҳ!

— Биз дунёни эгаллаётган мамлакатмиз! Сенинг юртингни ҳам босиб олмоқчимиз! — деди ўртадаги киши. — Сен ким?

— Искандарнинг шохи бор.

— Сен ким деялман.

Дарвеш бошлиққа тиржайиб қаради.

Бу одам қизиқ экан!

У — Яссавий бўлиши мумкин.

Оллоҳёр бўлиши мумкин.

Машраб бўлиши мумкин...

Сен уларнинг кимлигини, ақалли номини билмайсан-ку!

**Ўз улуғларингни байроқ қилиб кўтариб,
ҳаммаёққа шу байроқни қадагинг келади.**

**Бизга бегона бир оламни тиқишириб,
яна кимлигимни сўрайсан!**

— Мен Дарвешман.

— Озиб-тўзиб кетибсан, оғайни. Сенга кўнглим ачиябди. Тила тилагингни, — деди босқинчи.

— Бошингизни бир кўрсатинг, — деди Дарвеш.

— Бошимни? Бошни нима қиласан?

— Шоҳ борми, йўқми?

— Эй, одам кийик эмас. Эчки эмас!

— Барибир. Учрайди. Ана, яқинда, Сурхонда...

Бошлиқнинг жаҳли чиқди.

— Тентак... Олиб бориб зиндонга ташла, — имо қилди аскарларига. — Ҳар хил аҳмоқ гапларни гапириб юрмасин.

Орадан уч-тўрт кун ўтгач, саркарда боши қичиб шоҳ ўсаётганини пайқади.

Аскарларидан Дарвешни олиб келишларини сўради.

Улар ерга чўйкан зим-зиё зиндонга кириб, кутилмаган ҳолатга дуч келишиди. Дарвеш ўзи-ўзидан қаёққадир гойиб бўлган.

Зиндонда фақат унинг жулдор жандаси қолган эди.

* * *

Ўша куни — айтишларича, — зиндондан олиб чиқиб кетилган жанда гоҳгоҳо қайсиидир зиндонларда “қайтиб жонланган” эмиш!

Дарвеш-чи? У, эшилган арқондек туйнукдан тушиб-тортилиб турган нурга чирмashiб, зиндондан чиқиб кетган эмиш!

Бунга ким ишониб-ишонмаслиги ўзига ҳавола. Лекин...

Тошкўргонга ниҳоят етиб келган шаҳзодага кекса шоҳ ота шундай дегандек бўлди:

— Ўглим! Ҳар қандай душман ўз юрти, халқини сенинг юртинг, элингдан устун деб билади. Беписанд қарайди. Лекин бошида шохи бўлган ҳатто бирон

жаҳонгир ҳам юрагида ўти бор, эркни таниган одамни енголмаган. Топтаёлмаган! Яна билгинки, ташқи душмандан ҳам кўра кўпроқ уларнинг аравасига мингандар ёмон. Улардан эҳтиёт бўл. Ҳар кимнинг олдида ўзингни йўқотма, ўғлим...

* * *

Бу ривоятларми-ҳикоятларни Ворис бобоси Исмоил Хўжадан эшитган эди. Бобосидан яна Иброҳим деган унинг акаси бир пайтлари йўқолганини ҳам эшитган.

Тўзон хас-хашакни йигиб-жамлаб, шар шаклига келтириб аллақаёқларга элтиб ташлаганини кўрганимисиз? Баъзан инсонни ҳам шамол-тўзон шундай учириб кетган, ўрнидан кўчиргандек бўлади. Гирдибодга тушиб, бир неча қадам босишнинг ўзи нақадар мушкул эканлигини сезасан.

Бироқ инсон чидамли, бардошли. У саҳрода иззиз йўқолиб кетмайди. Сарсон-саргардонлик, бутун мاشаққатлар, кулфатлар, озорларга қарамай, кўксини шамолга тутганича, илдам бораверади. Бораверади.

Саҳрода уч белги: ёлғиз дарвоза, кейин сардоба, кейин чор атрофдаги телпакка ўҳшаган тепаликлар, бу — босиб ўтилган йўл, тарих.

Бир кунлардаги шон-шукуҳини ҳамон йўқотмаган ёдгорликлар, харобалар. Синиқ сопол идишлар. Ҳайкал ва ҳайкалчалар. Тангалар. Бу ҳам — тарих.

Осмондан туриб ерга кўз ташласангиз, тарих ва бу кун туташ, иккиси ёнмаён яхлит бўлиб туюлади.

Биз кўприк устидамиз. Ўтиб-ўтмасимиздан, янги-янги авлодлар кўприкни эгаллади.

Улар яна шамолга кўксини тутиб, илдам бораверади. Бораверади...

Ворис ҳар гал бобосидан эшитганларини, айниқса Иброҳимни эслаганида шу гаплар хаёлидан кечар эди.

Бу гал ҳам уйдан кетаётиб унинг хаёлини, аслида ўзи кўрмаган-бilmagan — Иброҳим банд этганди.

Ворис ич-ичида Иброҳимни қандайдир яхши кўрарди.

7

Хусан кўчада бошини эгиб, ер чизиб бораётган эди.

Хаёл сури-иб!

Аниқ нимани ўйлаяпти? Ўзи ҳам билмасди. Киши йўлда кетаётиб узуқ-юлуқ ҳар нарса ёдингга тушади.

Қандай бўлмасин, бир мисра уйдан чиққанидан бўён қулоги остида янграётган эди:

Тўкулғонимиз бу даврда тўлғусидур...

Хусан ахийри фикрини жамлаб, бир замонлар Хожа Абулбарака мушоирада айтган мисранинг маъноси устида бош қотира бошлади... Фалсафа бўйича, одам идишга қиёсми? “Тўкиладиган” ва “тўладиган”? Гап “идиш” ичидаги сув — ҳаёт тўғрисида бораяптими ёки ҳаётдаги инсоний насиба — йўқотиш жабрию эришиш баҳти ҳақидами? Балки, умуман, гап комиллик устида боргандир? Биз аксар “доно”лик қилиб юрамиз-ку, эски китобдаги биргина мисрага баъзан “тишимиз” ўтмайди.

У манзилга етиб келганини сезмаган эди.

Бошини кўтариб тўғрига қараганича, анграйди.

Хусаннинг опалари — Мавлуда ва Мавжуда билим даргоҳи яқинидаги бир тош устида ўтиришарди.

У опаларини кўрган лаҳзада опаларнинг ҳам унга кўзи тушди. Ўринларидан туриб, этак қоқишиди.

Хусанга шу сонияда опалари қариб, бир оз афтода бўлиб қолгандек туюлди. Юраги алланечук ачишиди. Шунинг баробарида, икки опа унга онаси Бокира бонува отаси Исмоил Хўжани эслатишиди. У жигарларини олдин бу эшикда бирон пайт

учратмаганидан, сал саросималанган эди. Лекин ўнгланиб, дарҳол улар томон юрди. Опаларнинг ҳам чехраси ёриши. Ҳусанни онадек бағирларига босишиди.

- Бу ерда нима қилиб турибсизлар? — деб сўради Ҳусан ниҳоят.
- Сени кўргани келдик.
- Нега уйга боравермадинглар?
- Сизлар уйдами-йўқ, билмадик, — деди Мавжуда. Мавлуда қўшиб қўйди:
- Ҳозир поезддан тушдик.
- Шоира уйда. Сизлар боринглар. Мен, икки соатгина дарсим бор.

Опалар кўтариб келган тугунларини қўлларига олишди.

Ҳусан ойнаванд эшиқдан узун ўйлакка кириб бораракан, опаларини учратганидан номаълум бир ҳаяжон туймоқда эди. У негадир яна онаси Бокира бону, отаси Исмоил Ҳўжани эслади.

Ҳусан отаси олдида меҳрли ва итоатли фарзанд эди.

Урушда бўлган, кейин қамоқда ҳам ётиб чиққан (бобоси уруш қаҳрамони бўлса, нега қамашади? Жиноятчи бўлса, нега орден-медал беради? Ҳусан то ҳозир бу мантиқсизликка ҳеч тушунолмасди. Қисқаси), эгнида гимнастёрка, шинел, бошида салла, ярим мулла-художўй, ярим ишчи-дэҳқон Абураҳмон Ҳўжанинг ўғли эканлиги учунми ёки бутун оиласи қирилиб, акаси Иброҳим ҳам бадар кетгани учунми, Исмоил Ҳўжа содда, меҳнаткаш, хокисор, гуноҳ қилган боладан ҳам узр сўрайдиган беозор киши эди. Бир оз журъатсизми-эҳтиёткор ҳам эди, шунчаки эшик тақиллаганда чўчиб тушишга одатланганди. Эски-ара-бий китоблар ўқир, айтадиган гапи асосан, ота-боболардан келган тартиб-одоб бобида бўларди. Ҳусан ҳали ёш, муросасиз эди. У тун-кун отни қамчилагиси келар, унга отаси “ожиз” лигидан доим аравани орқага тортаётгандек бўлиб туяларди. Мана, энди ўйлаб кўрса, от чопгани билан араванинг ўзи орқада экан! Ҳусан отасининг феъл-атворидан вақтида норозилангани қўпинча ёдига тушиб, ўзи-ўзидан хижолат чекарди.

У волидаси олдида айниқса меҳрли, итоатли эди.

Бокира бону эрининг акси, дадил ва фаол. Бола ўстириш, уй юмушларидан ташқари, ательєда тикувчи эди. Оила ҳаётида бирон чигаллик чиқса, эрига қараб ўтирумай, ҳал қилиб кетаверарди. Афти-анторидан катта бир давраларда юриш, кўркам бир шароитда яшашга муносиб аёл, лекин мاشаққатли рўзгор гирдобига тушиб қолгандек эди. Мана, энди Ҳусан ҳар гал онаизорини эслаб юрак-бағри эзиларди.

Маъруза ўқийдиган хонага қараб кетаётib, табиий ҳолда Ҳусан оиланинг яна бир аъзоси — ўз биродари Ҳасанни ҳам эслади. Рангин бир манзара қўзи олдидан ўтгандек бўлди.

Ҳа, улар эгизак эди.

Ҳасан ва Ҳусан!

Аввалдан элда бор тартиб: болаликда уларнинг иккисини камситмай-ўкситмай қўғирчоқдек бир хилда ясантиришар, иккисига уйда teng меҳр кўргизишарди. Эгизаклар бир боғчага қатнаб, бир мактабга борган, ўн йил бир синфда, бир партада ўтириб ўқиган эди. Ўша болалик даврида бегоналар тугул синфи дошлардан муаллимларгача уларни адаштиришганидан, кўп кулгили ва завқли ҳолатлар юз берган. Бу эмас, ҳатто падари бузруквори Исмоил Ҳўжа Ҳасанни Ҳусан, Ҳусанни Ҳасан деб мурожаат қилган пайтлар ҳам учрайдики, ёқа ушлашга мажбурсан. Фақат мискин она Бокира бону бошини қўтариб тик қарамай уларни фарқлай олар эдики, қандай буни эплагани унинг ўзига ва Ёлғиз худога аён!

Болалик қунлари ўтиб, мактабни битирган Ҳасан ва Ҳусанга ота-она афтидан ҳамон бирдек либос кийдириб, уларни бир йўлга солишимоқчи эди-ку, иложи бўлмади. Бу дунёда вақти келиб жон-жигарларнинг ҳам турқи-таровати ўзгариб, ҳаёти ва қисмати турлича шаклланар экан! Ҳасан ота-онаси ёнида, оила кўчиб келган Бухорода қолиб, газчилар билим юртига ўқишига кирди. Ҳусан бир пайт

бобоси Абдураҳмон Ҳўжа, бувиси Шамсия бону яшаган, қабрлари ҳам қолган пойтахтда ўқиши орзу қилиб, дорилфунун эшигини қоқди.

Кўз юмиб очгунча улар улгайиб, ҳар бири ҳаётда ўз ўрнини эгаллади.

Ҳасан ҳозир Навоий вилоятида обрўли раҳбар. Таниқли киши.

Ҳусаннинг ҳам мавқеи ундан кам эмас. Эътибор топган олим. Китоб ёзади. Таниш-билиши сон минг.

Бу кун аввалгидек эгизакларни икки томчи сув деёлмайсиз. Яқин бирор ўхшатмаса, қолганлар хаёлига ҳам келтирмайди.

Ҳасан спортчилар каби йўғон, миқти. Кибор, баъзан кескин.

Ҳусанни ҳам мабодо спортчига қаёсласа, кураш тушадиган ёки муштлашадиган эмас, сакрайдиган ёки узоқ масофага югурадиган хилидан. Камтар, хокисор (йиллар ўтиб, суяги отасига тортгани биллинган бўлса керак).

Энди фақат опалар Бухорода яшайдилар. Улар, поччалар, жиянлар гоҳ-гоҳ Тошкентга келиб туришади. Бироқ Навоийга кўпроқ боришади. Навоий яқин. Қолаверса, Ҳасаннинг имконияти бошқача.

Албатта, эгизаклар ҳам кўришиб турадилар. Кўришмай қаёққа борасан!

* * *

Ҳусан эслаганларини “сандиққа солиб-қулфлаб” дарсхонага кирди.

У қарийб чорак аср талабаларни “имтиҳон қилиш” давомида ўзи ҳам гўёки мунтазам имтиҳон топширасди. Бир Ёзувчи айтган экан: “Ёшлар олдинда юрадилар. Ҳаётдан четланмаслик учун бирга бўлиш керак”.

Улар олдиндами — орқада эканлиги баҳсли масала. Таълим-тарбия бутун дунёда йилдан-йил қийинлашиб бораёттани аниқ гап!

Буниси майли.

Фалсафа — тафаккур демак.

Тафаккур эса — симоб.

Ана, юзлаб китоб. Биргина дин бобида муносабатнинг минг бора ўзгаргани. Гоҳо роҳибона, гоҳо даҳриёна.

Турфа мазҳаблар. Оқимлар. Яна риндлик.

“Ислом экстремизми” деган гап чиққан. Бу икки сўз бири-бирига зид.

Фалсафа (агар у чиндан қатордаги бир фан бўлса) ҳеч қачон тугал шаклланган эмас. Бу кун талабага бир фикрни тушунтириб, эртага тескарисини айтишиб субтсизлигидан хунукроқ ҳолат борми? Токи инсоният комил бўлмагунича фалсафа етук бўлолмайди! Кўлига китоб олишга иштиёқи йўқ талабани бу кети берккўча (лабиринт)га қандай бошлаб, қандай етаклаб чиқиб кетасан?

Дарс соати тугаб кўнгироқ чалинишига оз қолган эди, Ҳусанни дўсти Курбон домла йўлакка имлади:

— Эшиқда сизни кутишашпти. Жигарлар келган экан!

Оббо...

Ҳусаннинг жони худди товонига тушди.

Мавлуда ва Мавжуда қайтиб бу ёққа келишганмикан? Сабаб?

Шоира уйда бўламан деганди. Кўчага чиққан эканми? Худо сақласин, у...

Ўзи яхши аёл! Лекин туйқусдан меҳмон келишини ёқтирмайди.

Одатда, уйга “бостириб” келган меҳмонни нохуш, қош-қовоги бир қарич осилиб қаршилайди. Унга, таомил шу, меҳмон отангдай улуг, деган гапни тушунтиrolмайсан. “Нега ҳар ким отамдай улуг бўлар экан, бир оғиз айтиб келса, ўлмайди-ку!” деб туриб олади. Умуман, уйда истаган палла меҳмон кутадиган шароит ҳам топилавермайди. Домла (олим)нинг бир ойлик маоши баъзан бир ҳафтага етиб-етмайди. Ўзингни ҳар ёнга уриб сал тайёргарлик кўрмасанг, уялиб қоласан! Бу жаҳатдан, Шоира албатта, ҳақли.

Ҳусан шуларни ўйлаганича, эшиқдан чиқдию...

қаради.

Пастда, анча нарида сут билан чайгандек янги машина...

машина ёнида, дараҳтлар томон юзланган Ҳасан турар эди!

Биринчи навбатда Ҳусан қўзларига ишонмади. Опалар изидан бу кун Ҳасан ҳам келиши ақтга сигмасди. Нима, шунчаки тасодиф туфайли бундай бўлдими ёки қандайдир муносабат бору жигарлар атай шундай қилишдими?

Кейин, Ҳусан бу гал Ҳасан ҳам хабарлашмагани ва уйга бормай, тўғри бу эшикка келганини ўйлади.

Эгизаклар бири-бирини қучишиди.

Ҳусан машина ёнида куймалаётган ҳайдовчига ҳам қўл узатди.

Қачондан бу расмга кирди? Ҳусан сезмай қолган, у “сиз”сирап, Ҳасан уни “сен”сираб гаплашарди:

— Яхши юрибсанми? Тинчмисан?

— Раҳмат. Ўзингиз? — Ҳусан беихтиёр “гуллади” — Эрталаб опалар келишган эди.

Ҳасан бехабар экан, қўзларини йирди:

— Опалар? Уйдами?

Ҳусан қисиниб бош тебратди.

— Мен вақтим зик, ярим кунга келганман. Ҳозир қайтиб кетаман, — деди Ҳасан. — Опаларга индама. Ҳафа бўлишади. — У яқин кишилар гапига халал бермасликка фаҳми етмаган ҳайдовчига кўз қирини ташлаб қўйиб, Ҳусанни қўлтиқлаганча дараҳтзор томон бошлади. — Сенда ишим бор. Илтимос, — деди шундан сўнг. — Ворис мени қон қилиб юборди. Қаёқлардадир юрибди, — деди ўғли ҳақида. — Ўзини тутиши бетартиб! Ўйламай гапиради, алжийди! Шу ёқда экан, одамлар кўрибди. Сен уни топ. Домласан, олимсан, насиҳат қил. Менинг бошим қотган.

Ҳасанни идора ишларидан бўлак бу ташвиш пойтахтга олиб келганини ҳис этган Ҳусан фаромушланди.

У Ворисни кам кўрган, кам кузатганди. Яхши билмасди.

— Мен бир суриштирай-чи! — деди.

— Суриштириш кам. Узил-кесил! — деди Ҳасан. — Опаларга буни ҳам айтма. Аёллар оғзи бўш, гапни кўпайтиришади. Уч-тўрт кун ичida яна қўнгироқ қиларман.

Боягидан ҳам ўйчанроқ қўйда машинага қараб юрди.

Орқа ўриндиқдан қандайдир халтани олиб, қайтиб Ҳусанга яқинлашди:

— Совфа! Биласан, қуруқ қўл билан келолмайман, — бу гал тез одимлаб, машинага минди.

Ҳайдовчи энди ўз ўрнида ўтиради.

Машина дам ўтмай, зув этиб дараҳтлар панасида беркинди.

Бу кун опалари билан дийдорлашганида суюнган Ҳусан биродари Ҳасанни ўрганидан ҳам ҳаяжонланган эди.

Улар ҳеч муболагасиз, бир қориндан талашиб тушган. Фақат бу эмас, бор-йўғи уч дақиқа фарқ билан дунёга келганлар.

Эгизаклардан ким дастлаб, ким кейин кўз очганини билиб бўлмайди. Бунга вақтида аҳамият берилмаган. Исм тахминан қўйилган ва аслида, Ҳасан қолиб, Ҳусан уч дақиқага катта бўлиши ҳам мумкин! Дунёда шундай содда ҳақиқатлар учрайдики, ҳеч қачон ҳеч ким тагига етмаган ва етишга ортиқча уринмаган! Зероки, ҳар бир ҳақиқат оламшумул ҳодисага айланавермайди! Улар эгизаклар, холос. Буни тан олишга бурчли эдилар.

Сут билан чайгандек машина дараҳтлар ортида гойиб бўлгач, Ҳусан қизиқсизиб халтани очди. Олма-анор, ҳолва-новвот. Бир боғлам пул ҳам... Ҳасан шунақа, барча жигарларига меҳрибонлик, гамхўрлик қўрсатиб юради!

Лекин Ҳусан бир дам бурунги мамнуният аралаш қисиниб-эзилгандек ҳолатни сезди. Бирордан, айниқса ўз яқинларидан пул олишни оп деб билмайдиган киши кўп — балки, муҳтоҷлик, балки, очкўзликдан! Айримлар порани ҳам гуноҳ деб билмайди — олишга ўрганиб кетган. Айб устида қўлга тушириш қийин, кўпинча балиқдек қўлдан сиргалиб чиқиб кетади ҳам!

Ҳусан ақлини таниганидан буён тер тўкиб, бири икки бўлмаган, косаси оқармаган. У ота-онаси сингари қўли қисқа эканлигига қарамай, бу борада мағрур эди. Ҳасаннинг эътиборини қадрларди. Шу билан бирга, пул тўғрими-эгри йўл билан топилган? — ўйлашга ҳам мажбур эди. Ҳар қадамда ҳалол луқма, деган гап кўнглидан кечарди. Ҳозир ҳам кўча ўртасида серрайиб, шу ҳақда хаёлга чўмди.

Ниҳоят, йўлга тушгач, Ворис тўғрисида ўйлай бошлади.

Пойтахт шаҳарда, келган манзили, мақсади ноаниқ бирони учратишга уриниш сомон гарами ичида игнани ёки дейлик, дарёми-денгизга тушган узукни қидириш билан баробар! Ворис қаерда? Уйидан кетиб, нима қилиб юрибди? Кимдан, қандай суриштириш керак? Ҳасан вазифани унга юклади, тамом! Бажармаса, у айбдордек, ўпкаланади. Шунаقا нозикмизожлиги йўқ эмас!

Қиёс ўринли бўлмаса-да, болалиқдан эшитгани — бир кунлар амакиси Иброҳимни отаси Исмоил Ҳўжа узоқ қидириб тополмагани беихтиёр Ҳасаннинг ёдига тушган эди.

Уни негалигини ўзи ҳам билмаган бир фусса чулғади.

* * *

Уйга кириб келганида кайфияти ўзгарди.

Дастурхон ёнида опалари билан Шоира хушчақчақ сухбатлашиб ўтиришарди. Хотини одатича қош-қовоқ солмаганига Ҳусан хурсанд бўлди.

У халта кўтариб келганига Шоиранинг янада чехраси очилди. Эскидан аёл зоти шу, уйда тўкин-сочинликни кўрса, ўзини баҳтиёр ҳис этади.

Даврага қўшилган Ҳусан опаларини гапга солиб, Ҳасан билан Ворисдан оғиз очмаган ҳолда баъзи нарсаларни аниқлаб олишга умидланди. Гапни опаларнинг ўзи бошлади.

— Бухорога бормай қўйдингиз, — деб шикоятланди Мавлуда. — Тўй-маъракага айтганда ҳам, бормайсизлар.

— Борамиз. Бу йил албатта борамиз, ёзда, — деди Ҳусан шошиб. — Худо хоҳласа, Шоира, қизлар, ҳаммамиз...

— Бултур тўй қилганда кўп кутдик, — гапга аралашди Мавжуда. — Одамлар сўрайди, ким келди, ким кетди? Дунё ганимат. Биз ҳам қариб қолдик...

— Эй, сизлар ҳали ёш қиз! — ҳазиллашиб кулди Ҳусан. — Эркак киши ука бўлса ҳамки, aka ўрнига ўтади. Қариган ана, биз! Вақт бўлса, ҳафсала йўқ, ҳафсала бўлса, вақт...

— Элликка кириб-кирмай қарийдими? Сизлар ҳали йигит! Унақа деманг, уят бўлади...

— Ҳасан ҳам доим шамолдек келиб, шамолдек кетади. Қачон қарама, иш! Иш! — деди яна Мавжуда. — Лекин баъзан ҳар биримизга ярим мошин қовунтарвуз, мева-чева ташлаб кетади. Тўй-маърака пайти мол сўйиб юборади. Яна бир қоп гуруч, бир қоп ун...

Ҳа! Ҳусан ҳеч қачон Ҳасан бўлолмайди. Биронга бундай ҳиммат кўрсатолмайди. Улар оиласида барча меҳнаткаш, тиришқоқ (ҳаётда Ҳасанга нисбатан Ҳусан кам хизмат қилгани йўқ). Лекин худо омадни кимга бериб, кимга бермас экан! Камбагалда одамгарчилик нима қилсин, деган гап юради. Камбагал-ку, одамгарчиликни билади, чўнтақ қуп-қуруқ. Қўли қисқа кишининг тили ҳам қисқа! Кўтириб дунёнинг ҳикматига киши баъзан тушунолмайсан.

— Ҳасан Ворисни ўйлантироқчи, — деб Ҳасаннинг хаёlinи бўлди Мавлуда.
— Келин ҳам топиб қўйган. Яқинда хабар қилса керак.

— Менинг гуноҳим бўйнимда, Ворис қанақалигини яхши билмайман, — деди Ҳусан эҳтиётланиб. — Борсам, атрофимда беш-ўнта киши, доим чалғийман.

— Ворис отасининг боласи! — мавхум гап қилди Мавжуда.

Чойдан кейин опалар шошқин ўринларидан туриб, кийина бошлашди.

— Ў, баҳайр (қаёққа)?

— Хумсонда бир дугонам бор. Бу кеча ўшаларниги бориб ётамиз, — деди Мавлуда. — Эртага кечкурун келиб сизларникида қоламиз.

— Шоирахон ҳам юрсин. Қарши бўлмасангиз, — деди Мавжуда.

— Майли, боргинг бўлса, бор.

Аёллар кетишгач, Ҳусан яна Ворис тўгрисида ўйлашга туши.

* * *

Йигитнинг исми — Ёмонқул.

Дуппа-дуруст, насл-насабли оилада тугилган бола ўлавергач, ўлимни “алдамоқчи” бўлибми, унга шундай исм беришган.

Бу — Итолмас, Хунукбой деган исмларга ўхшаб қадим-қабилачилик даврларидан келган. Ўзимиз учун ҳам бунинг қадри йўқ, мазмунида камситса, бола яшаб кетишига содда ишонч билан кўйилган исм.

Ёмонқул уч-тўрт йил бурун Ҳусаннинг қўлида ўқиган. Ҳозир бир дўконда тамаки сотади.

Талабалик йиллари уйга бот-бот келиб турганидан, Ҳусан уни ўзига яқин тутади. Шогирдининг қайсиидир йўсинда Ворис билан оғайнини эканлигини эшитган, бу ҳам орадаги “яқин”ликка кўприк бўлган эди. Кейинги йилларда йигитлар узоқлашиб кетганми ёки ҳамон дўстми? Ҳусан бехабар. Аммо бир нарса аён: шахри азимда Ворисга тегишли гапни билса — Ёмонқул билади.

Шогирди дўконини Ҳусан эсламайди (дўкон бир неча бора ўзгарган ҳам). Уйига аксинча, отаси ўлгандами, уйланганидами икки-уч борган.

Вақтни бекор ўтказмай, уйда ёлғиз зерикиб ҳам ўтиромай тезроқ масалани ҳал этиш учун кечга томон у кўчага чиқди.

Куёш эндиғина ботган. Ерда сон-саноқсиз чироқлар ёқилиб, осмонда юлдузлар кўрина бошлаган.

У хаёл домида узун йўлкада кетаётган эди, бехосдан кўнгилсиз воқеага дуч келиб тўхтади.

Растадаги савдо мажмуи бошланишида оқ кўйлак, оқ шим кийган, фавқулодда гавдали, кучли бир киши ит мушукка ташлангандек, беш-олти ёшлардаги нимжонгина болани чангалида тутганича, ерга отиб юборар, урап, тепар, кўтарар ва яна отар эди.

Майдончада ҳовли-боғдан челякда ўрик-олча келтириб сотган аёлларни тўртта бўлиб қувиб юрадиган миршабларнинг қораси кўринмасди. Атрофда одам гужгуж. Бироқ рўй берәётган воқеани барча гангиб томоша қилмоқда.

Ҳусан ҳам оддий томошабинг айланди.

Шу аснода у воқеага дарҳол аралашиб чора кўришни истар эди-ку, оқ кийимли кишига бас келомаслигига ақли етаётганди. Қарши туришга Ҳусанда жисман куч йўқ. Руҳан ҳам (отаси Исмоил Хўжага хос журъатсизлик, эҳтиёткорлик унинг қони-жонида намоён бўлмоқда). Бир қадам босишга куч тополмаётганди. Фақат кўриб турган манзарадан довдираф, ўзини қулдек ночор-нотавон сезганидан эзилаётган эди.

Нихоят, бояги челяк кўтарган аёлларданни бирор бақирди:

— Ҳайвон! Ахир, у бола-ку. Ўлдириб қўясан!

Ҳусан шу дамда ҳис этди... Чиндан гавдали киши болани ана-мана ўлдириб қўиши ҳам мумкин.

Аёлнинг сўзи таъсир қилдими, ўзи болани “эзғилаб” тўйдими, шундан сўнг ҳарҳолда арвоҳни эслатган киши дўкон эшигидан четлашди. Бола ҳам ўрнидан туриб, чайқалганича, бир томонга судралиб кета бошлади.

Шундай яқун қаноатлантирандек, Ҳусан ҳам тарқалаётган халойиқ орасида бу ердан жилди. Сал нарига бориб нон, мева-чева харид қилгач, йўлида давом этди.

Бироқ унга даҳли бўлмаган, ўткинчи воқеа кўзи ўнгида, хаёлида қотиб қолган эди! Юрагига гулгула тушган, жисми ва руҳини аллақандай нотинчлик эгаллаганди. Кўчада у даҳшат туйиб борар эди.

Одамни одам уриши (уруш бунинг катта шакли!) инсоният тарихида ибтидоий даврдан келган шармандали ҳолат... Биз жилла бурун (ёшлар борасида) эслаган Ёзув-

чи айтган эди: “Тил ўз вазифасини бажаролмаганида, кўл ишга тушади”. Яъни, инсоний муносабат ўрнини ҳайвоний хатти-ҳаракат олади... Қадимдан мулкдорлар ўз қуллари, хўжайинлар қаролларини урганлар. Ҳамон баъзан кўли остидаги хизматчиларни урадиган бошлиқлар топилади. Баъзи эрлар кўли қичиб хотинини уради. Хотин эрини урган пайтлар ҳам оз бўлса-да, учрайди. Ҳудо кечирсинг, нобакор фарзанд отасими, онасини ургани гоҳо қулоққа чалинади. Айниқса, болалар. Дунёда болани уриш одамзодга гўёки аввалдан муҳрлаб берилган. Бир вақтлар мактабдор-мулла узун калтак (хода) билан болалар бошига туширас эди. Ҳозир ҳам муаллим ўқувчини жазолашга ўзини ҳақли деб билади, кўлида чўп ё хивич ўйнатиб, ҳеч бўлмаса, жилд қўлтиқлаган болани мактаб атрофида югуртиради. Ота-оналар болаларини дўппослайди. Болалардан катта ўшилиси кичикларини уради... Бу ёвойилик, жаҳолат, зўравонлик туйгуси ҳамон одамларда сақланиб қолганига ақл бовар қўлмайди!

Ёмонқулнинг шаҳар марказидаги уйи томон кетаётган Ҳусан ҳали ўзи-ўз ҳолатини тўла англамаган эди. У кўчадаги воқеадан саросималанган, ич-ичидан эзилганди. Бундан ташқари, оқ кийган киши унга дабдурустдан ташланадигандек, алла-нечук кўрқсан ҳам эди. Вазиятни ҳисобга олмаслик, бирорнинг важоҳатли-ваҳший, аччиқ устида эканлигига парво қилмаслик ёмон оқибатга олиб бориши мумкин, бу енгилтаклик, деб ўйлаган, бир томондан, ўзини умрида жаҳолатга қарши турган олижаноб зиёли турқида кўрганидан, дадил ўртага тушгиси келиб, иккинчи томондан, бирон пайт низога аралашибдан яхшилик чиқмаслиги ақида-сига кўра, кўпчилик қатори босиқ-бепарво туравериш унга афзал бўлиб туолган эди... Лекин ана, воқеа кечган жойдан, растандан узоқлашиб ўз йўлидан бораётганича, энди Ҳусан даҳшат туйиш баробарида, ожизгина болани ҳимоя қила олмагани, аралашмаганидан қандайдир уялаётган эди. Тарихда (фақат узоқ тарих эмас, фуқаролар уруши даврида, кейинги тўполонларда ҳам) ўзбек йигитлари (кўксидан ёли бўлганидан) бир киши ҳеч гап, бутун бошли тўплар-тўдаларга қарши туришга ботинганини эслаб, юракдаги олов қаҷон, нега сўнганига ҳайратланаётган эди. Челак кўтарган аёл кўзи олдида жонланиб, ҳозирги аёллар эркакларга нисбатан ўқтамроқ эканлигидан қисиниб, хижолат ҳам чекаётган эди.

Инсон табиатан озми-кўпми ўзини оқлашга мойил. Шундан, Ҳусан эҳтиросга берилмаяпманни, бекорга эзилмаяпманни, деб ҳам ўйлашга уринаётган эди. “Гавдали киши ўзи ким? Бола ким? Тўқнашув нима сабабдан рўй берди? Мен билмайман. Бирордан ҳатто бундай сўраёлмадим!” деган гап хаёлидан ўтиб, ҳис этган (ҳамон ҳис этаётган) даҳшатнинг “пилиги”ни пасайтиришга, бутун-бор воқеани унутиб юборишига ҳам ҳаракат қилаётган эди... Шу кайфиятда Ёмонқулнинг уйига кириб борди.

Ёмонқул томи қанот шаклида, икки қаватли чиройли, мўъжаз ҳовлида турар (шогирд кўп қаватли бинода эл қатори яшаган устозидан бадавлатрок) эди. У кутилмаганда устоз қадам ранжида қилганидан боши кўкка етиб, дарҳол дастурхон ёзишга тутинди. Ҳусан бир зумга бемаврид эшик қоққанини айтиб, узр сўраганига қарамай, қозон остирди. Хотини (келин) овқат қилиб келгач, девор-токчадан ароқ ҳам олди. Икки пиёлага тўлдириб қўйди:

- Олинг, устоз.
- Мен ичмаяпман, — деди Ҳусан.
- Олинг, ҳеч нарса қилмайди.

Ҳусан Ёмонқулнинг озгина кайфи борлигини энди пайқади. Шогирди кўнгли учун пиёлани уриштириб, бир қултум ичди.

— Охиригача оласиз, устоз, — деб қайсарланди Ёмонқул. — Сиз мендан илмдан кечиб дўконда ўтирганим учун хафа бўлманг. Тирикчилик! Оила боқиши керак. Умуман, одамга муносиб яшаш керак! Биламан, кечаги кун эмас, эски замонлардан олимлар, шоирлар ўзи шоҳми, гадоми камбагални улуғлаб, бойларни тутишган. “Бой бойга боқар”, “боёнларга туф”, шунга ўхшаган! Нотўри. Одамнинг яхши-ёмонлиги бойлик-камбагалликка қарамайди. Ёвуз бойлар бўлган. Лекин камбагаллар ҳам шундай ёвузликлар, жоҳилликлар қилганки... “**Камбагалнинг хирқасидан ор қилмоқ шунчалар**”. Буниси яхши айтилган. Ор қилиш керак

ҳам! Йиртиқ кийган бирон киши учрамагани дуруст! Бизда одамлар қадимдан асосан, деҳқончилик, ҳунармандлик, яна құча-бозор, савдога ўрганған. Савдогарлар ҳұмматли, олижаноб тоифа... Мендан ҳафа бўлманг, устоз.

— Ҳафа бўлмайман, — деди Ҳусан. Ўзича, Ворис ҳам шунақа қайсаарлик, гапдонлик қиласмикан, деб ўйлади. — Баъзи сўзларингиз баҳсли. Лекин мен бунинг учун келганим йўқ. Ворис тўгрисида сўрамоқчи эдим.

— Ворис?

— Жияним. Сизлар қачон, қаерда танишгансизлар?

— Бухорога бир борганимда танишганман. У Бухорода эди.

— Ҳозир Тошкентда экан.

— Жуда хокисорсиз-да, устоз. Бетайин жиянни қидириш бир, катта бошинизни кичик қилиб... У шу ерда. Ҳали кўришолмадик. Қўнгироқ қилган эди, овоз ҳеч эшитилмайди. Касалхонага ётмоқчиман, дегандек бўлди. Қайси касалхона? Нега ётади? Тушунмадим. Қайтиб қўнгироқ қилишини пойлаб ўтирипман.

— Шунисига ҳам раҳмат, — деди Ҳусан.

* * *

У кўчадаги кўнгилсиз воқеани батамом унутган эди.

Шогирди уйидан узоқлашиб катта қўчага чиққани заҳоти, оқ кийган гавдали киши ва муштдек бола яна хаёлида жонланди. Даҳшатли манзара кўзи олдига келди.

Ичган киши шерга айланади. Айниқса, ичмай юрган бўлса! Ҳусан мабодо энди бояги воқеа устидан чиқса, иккиланмай шартта ўртага тушадиган ҳолатда эди. Буни у ҳатто тасаввур қилаётганди.

Шунинг баробарида, унинг хаёли тубида бундай саволлар чўкиб ётарди:

Гавдали киши ўзи ким? Бола ким? Тўқнашув нега рўй берди?

Бу саволларга янги саволлар қўшила бошлади.

Биринчи галда:

Бола растадан судралиб қаёққа кетди? Уйигами?

Кейин:

Уйга бориб ётиб қолмадими? Бирон касалхонага олиб кетишдимикан? Уйга етиб-етмасдан ёки етгач, ўлган бўлса-чи?

Хўп. Яна:

Унинг ота-онаси борми? Улар қаерда? Боласини бирор ўласи урганидан хабардорми ёки бехабар?

Умуман:

Гавдали киши билан боланинг ўзаро муносабати? Булар танишми, бегонами?

Таниш (бира-бираига даҳлдор кишилар) бўлса, шундай аёвсизликка борила-дими? Бегона бўлса, нима қилиб орадан ўт чиқди?

Туйкусдан Ҳусаннинг хаёлига муҳим бир гап келди. У тахмин қилди:

Гавдали киши (Ёмонқул мақтаган савдогар) тижорат дўкони бошлиги (хўжайини)! Ўғрилик юз бераётганини пайқаган, пойлаб юриб болани қўлга туширган. Унга умрида эсдан чиқмайдиган сабоқ беришга чоғланған. Мол аччиғи — жон аччиғи. Ўзини тўхтатолмаган!

Воқеа шу тахлитда кечганлиги эҳтимолга яқин эди.

Вақт кеч бўлиб қолганидан, қўчада одам сийрак тортган. Йўл устидаги растага Ҳусан ана-мана юзланади. Шунинг учун у Дўкондор ва Ўгри тўгрисидаги ўзи топган тахминга либос кийдириб, гўёки “безай” бошлади:

Демак, бу якка ҳолда қўлланған жазо!

Жиноятга қарши!

(Бола — жиноятчи!)

Чиндан шундай бўлса, кимни — Дўкондорими, Боланими? — оқлашни ўйлаб қўришга тўғри келади.

Шарқда (балки, қайсиdir даврлар Farbda ҳам) қадимдан гоҳ у, гоҳ бу ерда ўғрилик (қўли эгрилик) қилғанларнинг қўлини кесганлар (чопганлар). Бошқа-

ларга ибрат тариқасида шу йўсин чора кўрилган... Баъзи жойларда бу тартиб ҳозиргача сақланиб келади! Лекин бундай жазо (ёки кўчада сазойи килиш)ни одатда, бир киши бажармаган! Бунга ҳақли эмас! Кўпчилик келишиб,adolat юзасидан хукм чиқарган (ўшандаги ҳам баъзан ноҳақлик рўй бериб турганини китоблардан ўқиганмиз. Ана, Колумбияда бир йигитни ҳаёсизликда айблаб, сазойи тарзида чавоқлаб ташлашади. Кейин, унинг гуноҳи йўқлиги ошкор бўлади). Бу — барibir, жаҳолат. Чунки, оломон — ёвуз, шафқатсиз. Оломон лаҳзалик телба ҳолатда баъзан йўлида учрагани селдек суриб кетиши мумкин.

Дунёниг бу кун бир, эртага бошқа аллабурчида Шиддатли Тараққиётта қоришиқ — Инсоният Ҳаётидаги таназзулдан туғилган ОЛОМОН ХУРУЖИ кўринади! Тескари мантиқ: ноҳақлик, жиноятга қарши бош кўтариб, янги ноҳақлик, жиноят амалга оширилади! Катта-кичик урушлар, исёнлар! Адолат ўрнатмоқчи бўлиб тўкилган қонлар! Йўлдаги гуноҳкорми-гуноҳсиз, барчага қирон келтириш...

Қанча-қанча умрлар хазондек тўкилган йўлларда!

Инсоният гўёки ўзи-ўз жонига қасд қилган (қилаётган)дек!

Хусан дентизларга сафарга чиққан сайёҳларнинг хотираларини эслади.

“Кеманома”да ёзилган эди:

“Кемани ясаганлар эмас, минганилар гарқ этадилар”.

Кемадагилар доим қутуришганидан ҳалокатга йўлиққанлар!

Минг йиллар давомида ҳалокатдан асраниш учун Шакл изланган.

Ҳакам. Суд.

Қонун.

(Биз кўча-кўйда бирорни оқлашимиз ёки қоралашимиз нисбий тушунча).

Қонун бўйича (ва оддий, одамий ахлоққа кўра) Ўгри Бола жиноятчи бўлса, уни аёвсиз-ёвувларча урган Дўкондор ҳам жиноятчидир.

(Бунга қиёс: пора олган киши жиноятчи бўлганидек, пора берган ҳам жиноятчи ҳисобланади).

Хусан катта йўл ёқалаб одимлаганича, растага кириб келди.

Савдо мажмуи олдидаги майдончага қадам кўйди.

Хаёлидан кетмаётган фикр: Дўкондор ва Ўгри ҳақидаги тахминнинг тўғри-нотўғрилигини кимдандир сўраб, тасдиқлатиб олмагунича кўнгли тинчиди бу ердан кетолмайдиганга ўхшарди.

Энди дўконлар ёпик.

Челак кўтарган аёллар ҳам кўринмайди.

Фақат бир четда икки-уч аёл тамаки, қурут, сақич сотиб ўтиришарди. Булар эрта-кеч шу ерда, ҳамма гапни билишади!

Саволга тутса-чи?

Йўқ.

Гап унмади.

— Яхши ўтирибсизларми, сингиллар? — дейиши билан, аёллар чувиллашди:

— Нима ишингиз бор? Бир нарса олмоқчи бўлсангиз, олинг. Бўлмаса, кетавермайсизми? Ўзи маст...

Хусан маст эди.

Кетаверди.

У ҳозир бу ерда уймалашишда маъно йўқлигига қаноат ҳосил қилган эди.

* * *

Уйга кириб келгач, обдан ювинди.

Хушёр тортди.

Оромкурсига чўкиб қалин дафтарни очди.

Касалхона дегани ҳам телеминора эмас, узоқдан кўриниб турадиган! Ворис қаердаги, қайси касалхонада? Излаш керак.

Бирма-бир турли касалхоналарга эринмай қўнгироқ қила бошлади. Навбатчи-

лар билан гап талашиб, бир ялиниб, бир дўқ уриб терлаб-пишганича, икки соат деганда ниҳоят, жияни дарагини топди. Ворис марказий касалхонада экан!

Вақт алламаҳалга борган. Жуда чарчаган эди.

Шоирани опалари ёнида Хумсонга жўннатганига пушаймонлик сезиб, ўзи-ўзига ўрин тўшади.

Чироқни ўчириб кўрпага ўранди.

Салқин баҳор туни. Шамол гувиллаб дараҳтларни силкитарди.

Осмонга булат чиққан экан, бир маҳал шитирлаб ёмғир ёға бошлади.

Тезда қотиб ухлаб қоламан, деб ўйлаган эди. Кўзи бир илингач, уйда ёлғиз эканлиги-ю, бу кунги таассуротлар юқидан уйкуси қочди. У ён-бу ён ағдарилиб, ётаверишми, ўрнидан туришини билмай, азоблана бошлади... Эркак киши хотини уйда борлигига бепарво қарайди. Уйда бўлмаса, пайтавасига курт тушади. Усиз яшаёлмаслигини сезади.

Хотини йўқлар ёки хотини ўлғанлар аҳволини худо кўрсатмасин! Ана, маҳаллада-ги Марат бобо деган сўққабош киши. У, кунни балки, ҳар хил юмуш билан “алдар”. Нақ юраккача зулмати “кириб келадиган” тунларни-чи? Қандай ўтказар экан?

Хусан ёлғизлик ҳақида ўйлаганида доим Марат бобони кўнгли ачиб эслар ва файласуф эканлигидан, Бу Одам ҳаёти фалсафасини тушунгиси келар эди. Ҳам-мадан ҳам, Марат бобонинг оила қурмаганми, ажралганми, ўзини Ёлғизликка бепарво қарагандек тутиши Ҳусанни ажаблантирарди.

Бу кеч уйкуси қочиб, у яна ёлғизлик, Шоира, муҳаббат, аёллар тўғрисида хаёлга чўмди.

Юз — юз, лаб — лаб, кўз — кўз, қош — қош...

Азалдан Одам шундай Яратилган. Ажабланиш ортиқча. Лекин қизлар, аёлларда буларнинг ҳар бири Алоҳида Аҳамиятга эга. Малоҳат касб этади! Асрлар давоми Шарқда шоирлар Аёл юзи ҳақида (бетидаги холигача), лаблари ҳақида (ҳатто оғзи шаклигача), кўзлари ҳақида (киприкларини унутмай), қошлари ҳақида (қандай ўрнашганини шарҳлаб, гоҳ ёйга ўхшатиб, гоҳ “қиличлардирки” деб) минг-минглаб байтуғазал ёзганлар. Улар албатта, маҳлиё бўлганлар ва бу маҳлиёлиқдан Аёлнинг Хаёлий Юксак бир тасвири шаклланган. Аёл деганда шу тасвир кўз олдига келади.

Бироқ дунёда Бу Тасвири умрида тасаввур қиломаган, шоирона фикрдан узоқ йигитлар-эркаклар ҳам топилади. Аёл феъл-атворини, кўнглини баъзан тушунмаслик, Аёлни камситиш, Аёлга оғир ишлар буюриб, қийналгани, хўрланганига четдан лоқайд қараб туриш — бу бемаъниликлар Ўша Тасвири кўрмаганлик ва инсоний туйгулар дагаллашиб кетганигина пайқамаганлик белгисидир. Эҳтимолки, қалбда муҳаббатнинг ўзи йўқлиги белгисидир.

Ҳусаннинг дўсти, икки марта уйланиб оиласда роҳат-фарогатга эришмаган Курбон домла бунга мисол. У кўпинча:

— Шоирлар ёзгани фақат рамздан иборат. Аёлни фариштага, парига ўхшатиши уйдирма, холос! — дейди.

(Аслида, Марат бобо ҳам шунақамикан?)

Ҳусан эса талабалик йилларидаёт Шоирани учратиб, Шоир бўлиб севган ва йиллар ўтиб, ўша ўт ёлқини ҳамон кўксида сақланган эди. Ёшлари улгайиб кексалик остонасига қадам қўйишган бўлса-да, у ошиқ йигитдек ҳозир ҳам хотинини кўркам, барно деб билар, рашик қиларди. Шу боисдан, опаларим борса борибдида, Шоирани тогдаги қайсирид қишлоқча, бегона кишилар уйига юбориб нима қилардим, деб ўзи-ўзидан норозиланаётган эди.

Ёмғир энди ерни қимчиламоқда.

Шамол кўчайиб нола чекмоқда.

Бир оз чалгимаса ухлаёлмаслигини ҳис этиб, ўрнидан турди.

Чой қўйди. Босим икки пиёла ичди.

Бу кун рўй берган воқеаларга аралаш ҳолда бутун ҳаётини эслашига тўғри келганидан, шу дамда у истаб-истамасин, яна хаёл капалаги болалик гулзорига бориб кўнди.

Болалик кунларини бахт деб билиш қанчалик ҳавои бўлмасин, бу тушунчада барibir жон бор. Бола алам ва зулмнинг алам ва зулм эканлигини англамагани учун ҳам, ўз йўлида югуриб бораверади. Унга ҳаётдаги яхши ва ёмон ҳодисалар табиий бўлиб кўринади. Дейлик, Ҳусан болаликда бирон пайт ўзини бахтсиз сезмаган. Ҳозир ҳам болалигим бахтсиз кечган, деб ўйламайди.

Амалда аҳвол қандай эди?

Ҳусан эслайди: ота Исмоил Ҳўжа маъмурий бир идорада хат саралайдиган кичик хизматчи, олган маоши ойдан-ойга етмас эди. Ойнинг охирида ўтадиган кун куруқ нон билан чойга қоларди. Бошқа пайт ҳам еганлари ёвғон, атала, пиёва. Она Бокира бону топган-тутганини болаларни кийинтиришга кеткизарди. Унинг қизиқ бир гапи бўларди: “Еган-ичганингни бирор билмайди. Эгнингга ҳамма қарайди!” Лекин оила аҳил. Уларнинг уйидан кўчага гап чиқмас эди. Битта майизни қирққа бўлиб ейишарди.

Опалардан бири еттинчи, иккинчиси тўртинчи синфдан ўқиши тўхтатган. Эгизакларни эса аввалдан мактаб “кучоқ очиб” қаршиламаганди.

Бошлангич синф муаллимаси уларга юзлашганидаёқ ранги ўзгариб (кейин билса, унинг ўзи ҳаётда бахтсиз, тирноқ қўрмаган экан), булардан биттаси бошқа мактабда, жила қурса бошқа синфда ўқисин, менга оғирлик қиласди, деб туриб олди. Ота-она норозиланиб, директор аралашгач, Ҳасан-Ҳусанга ўчакишиб қолди. У ўз қатъиятини кўрсатиси келиб, дарс бошланиши билан, эгизаклардан бирини (такдирнинг номардлиги, бу асосан, Ҳусан, деб тушунамиз!) синфдан ҳайдаб чиқарар, ёнидаги жилдни рўйи-рост деразадан кўчага улоқтиради. Бола бечора, қизчаси инжиқлигини кўтарган отадек, танаффус пайти индамай қайтиб синфга киради, янгидан “жанг” бошланарди.

Асабий, баджаҳл муаллима уларни қийнаётганини билган синфдошлар аксинча, Ҳасан-Ҳусанга шундай меҳрибонлик кўрсатишган эдики, Ҳусан ҳозиргача буни таъсиrlаниб, миннатдор бўлиб эсларди.

Мана, энди, узоқ йиллардан сўнг, муаллима кўрсинг! Соҳт-сумбати, юзкўзидаги ифода билан ҳам, юриш-туриш машқи билан ҳам Ҳасан Ҳусанга, Ҳусан Ҳасанга ўхшамайди. Жонкуяр тарбиячи уларни кўрса, ким билсин, ўзини муродига етган санаими?

Болаликда бир олманинг икки палласи бўлган Ҳасан ва Ҳусан бу кун бири-бирининг ҳолидан бутқул хабардор, дарди-дилини ўқиб боради деёлмайсиз. Қаранг! Ҳасан билан ўғли Вориснинг муносабати олдин қандай эди? Ҳозир қандай? Ҳусанга қоронғи! Отанинг мақсади нима-ю, боланинг мақсади нима? Буни билмай туриб, бир иш қилолмайсан. Ота ва ўғил, она ва қиз, эр ва хотин, опа ва сингил, ака ва ука (эгизакларни кўяверинг!) бора-бора, сезмай ётлашиб, узоқлашиб кетиши фожиа эмасми? Ёлғизлик азоби шундан бошланмайдими?

Ҳусан қайтиб ўринга чўзилиб, уйқу келишига умидланди.

Ўйга қадам босганидан бўён у, узук-юлуқ ҳар нарсани ўйлаб, чалғишига уринаётган эди. Бетартиб хаёллар ортида бўлак бир манзара — оқ кийган гавдали киши ва ҳимоясиз бола унинг кўз олдидан кетмаган эди. Ҳусан дам сайин янгидан даҳшат туйиб, юрагига гулгула тушмоқда эди.

Инсоният игна кўзидан тия ўтадиган тараққиёт даражасига, фанда, маданиятда камолоттга етгани ҳолда, минг йил бурунгидек жаҳолат, ёвузык ҳукм сурган Бу Дунёда, ақл юзасидан қараганда, катта киши кўчада мурғак болани тутиб ургани — оддий, кичик бир воқеа, холос. Лекин ақл — файласуф бўлса, туйғу — ҳақиқатпараст. Ақл чекинишга ундаса, туйғу ўзингни оқлашга монеълик кўрсатади! Ҳусанни кўксига уйғонган виждан қийноғи каби ҳолат ўртаётган эди.

Бир қараса, одам — мўрт нарса. Жон — кириб чиққан шунчаки нафас.

Яна бир қараса, одамнинг боши — тошдан, жисми — темирдан қаттиқ. Қирқ йил қирон келса, ажали етган ўлади.

Ҳусан тасаввур қилди:

Бола ётиб қолса-да, ўнгланади. Ўлмайди! Бир куни вояга етади. Ўшанда барча одамларни оқ қийган гавдали киши деб билади. Барчага нафрат-адоват билан қарайди. Дуч келган бировга ташланади. Кўлида тиф ёки тўппонча!

Ҳусан яна тасаввур қилди:

Гавдали киши масалан, аввалдан ўгрилик қилган болани жазоламади! Эгри йўлга кирган бола барибир, жиноятчи бўлиб ўсади. Аксинча, вақтида ҳеч ким йўлини тўсиб сабоқ бермагани унга гўёки қанот бағишлади.

Иккала ҳолатда ҳам бола жиноятчига айланар экан, нима қилиш керак?

Дунёда токи ҳамма ерда эзгу тарбия ва тўғри йўлдан боришга шароит яратилмагуничча, жиноятчи бўлса-да, ушоқ норасидани қоралашга тил бормайди!

Ёмгир, шамол тинган эди.

Булут тарқаб, уйга ой нури тушди.

* * *

— Ҳамма қироатхонада тўпланинглар!

Үйдаги эшикка урушдан кейинги йиллардаги сингари радио карнайи ўрнатилган.

Эълон радиодан олдин берилдию кейин қўшиқларга ўтилдими ёки қўшиқлар олдин янграб, кейин эълонга навбат етдими? Ҳусан англаёлмади.

Эшик құлфини тузатмоқчи, деразага ойна ўрнатмоқчи эди. Жўмракдан ҳам занглаган сув оқиб ётибди. Тузатиш керак.

Булар майли. Ҳар гал ёмғир ёғганида томдан чакка ўтади. Тўрт қаватли иморатнинг тўртинчи қавати ёмон экан!

Ҳусан эринганидан, дастлаб жўмракка яқинлашди. Секин бураган эди, жўмрак қолиб, радио “тил”га кирди.

Эълонни ўқиган — таниқли бирон сухандон эмас, маҳалла сухандони ҳам эмас... негадир бу Марат бобонинг овози эди!

Маҳалла деб аталса-да, уларнинг жойи эски шаҳардагидан фарқ қиласи. Гургурт қутисидек бир хилда кўп қаватли қатор бинолар курилган. Марат бобо тўйими-маросимми, гоҳ эшик тақиллатиб, гоҳ кўчада турганича деразага қарааб аҳли жамоани чақиради. Бу гал радио орқали хабар қилаётганга ўхшайди.

Ҳусан дарҳол кўчага йўл олди. Қўшиқлар-чи?

Унинг юракдан ёқтирган қўшиқлари беш-ўнта.

Карим Зокиру ўғли Ботир аканинг бир-икки қўшиғи. Ҳалима опанинг халқ йўлидаги сочмалари. Маъмуржон ака, Марьуф хўжа Баҳодир... Таваккал ижросида “**Фасли навбаҳор ўлди, ўтибон зимиstonлар**” деб бошланган қўшиқ Саттор Яраш...

Шу куни у Алишер Навоий газалига бояланган икки қўшиқни ижро этди. Ҳусан ўзини шундай баҳтиёр сездики! Ажиб ҳасрат ҳам туйди. Бошини оstonага қўйиб йиглаб, жон таслим этишга тайёр эди.

Қилмади ёдимни ҳарғиз

бир пари руҳсора ҳам...

Эълондан олдинми-кейин берилган қўшиқлардан Ҳусан қисқаси, ёқавайрон бўлиб кўчага чиқиб кетганини сезмай қолди.

Бу жой — шаҳар этаги.

Қироатхона — уйлардан ҳам четда.

Икки орада — ёлғизоёқ йўл.

Атроф бўм-бўш.

Ҳусан бош эгиг, ер чизиб борар эди.

Маҳалла-атрофдагилар мажлисми, бирон муносабат борми, баъзан қироатхонада тўпланишарди. Қироатхона — ташландик, хароб. Лекин биров бунга аҳамият бермасди. Йиғилиб гаплашса, бир иш ҳал бўладигандек, тўйга-маросимга чиқсан сингари ҳамма бирин-кетин бораверарди.

Бугун одамларни нега чақиришди? Номаълум! Ҳусанни бу қизиқтирмаётган ҳам эди. Марат бобо радиодан даъват қилмаса, балки уйдан чиқмасди.

Узоқдан қироатхонанинг қораси кўзга ташланганида, у Саттор Ярашнинг кўшигини ўзича минғирлаб борарди:

**Қилмади ёдимни ҳаргиз
бир пари руҳсора ҳам...**

Шу пайт муштдек бир бола унинг ёнидан шайтонваччадек зип этиб ўтиб кетди.

Хусан бола қачон йўлда пайдо бўлганини пайқамагани устига, боланинг афти-ангорини яхшироқ кўришга улгурмади. Бола қироатхонанинг очиқ эшигига йўналиб, кўздан гойиб бўлди. Хусаннинг хаёлидан негадир, хайрият, тирик экан, деган гап ўтди.

У қироатхона эшигига этиб келди.

Бинога кирди.

Бино нимқоронги. Рутубатли.

Баланд гумбаз остидаги қалин деворлар турли замонларда ўтган фиръавнлар-нинг расмлари билан безалган. Улар қироатхонага ҳашам бергандек.

Қатор терилган курсилардан раёсат эгаллайдиган ўрингача банд. Аммо таниш бирон катта киши қўринмайди. Ҳаммаси болалар.

Хусан қироатхона деразалари томон қаради.

Деразалардан бири ортида, кўчада руҳонийлардек узун ридо кийган Марат бобо. Қўлида тилла таёқ, суюниб турибди.

Унинг ёнида оқ кийган гавдали киши билан Ҳасан.

Бирор Ҳусанни қўлтиғидан тутди. Қараса, Ёмонқул.

— Бу ерда сизга нима бор, устоз! — Ёмонқулнинг эгнида жанда, бошида кулоҳ. Лекин қўйнидан шиша чиқарди. — Охиригача оласиз...

Хусан шогирди қўлидан юлқиниб чиқиб, шошганича қайтиб ўзини ёлғизоёқ йўлга урди. Айни сонияда қироатхона томонда кимdir Саттор Яраш қўшиқларини айтаётган эди:

**Қилмади ёдимни ҳаргиз
бир пари руҳсора ҳам...**

Ҳусаннинг кўнгли бузилди.

У кўкси чок бўлиб фарёд чекишга тушди ва ...
бирдан уйгонди.

8

Хусан билан билим даргоҳи эшигига учрашган Ҳасан — машина Навоийга қараб йўл олгач, кўзларини ҳоргин юмди.

У Тошкентга машинани олдинроқ юбориб, ўзи самолётда учиб келган эди. Бундай иш тутганию машинада қайтаётганига эса сабаб: йўл устида Гулистан, Жиззах, Самарқандда бирров тўхтаб ҳамкорлик бўйича баъзи бир шартномаларга имзо чекиши керак.

Уни телевидение сұхбатга таклиф қилганди. Агар, шунаقا истак билдирилган, дейилмаса ва Ворисдан ҳам ташвишланаётган бўлмаса, эҳтимолки, келмасди. Нари борганда, вилоятдаги ойнаи жаҳон орқали “тайёр сурат”ини юбориб қўяқоларди.

Сұхбат саёзроқ, юзакироқ ўтгандек бўлди. Саройдек ҳайбатли хонада қатор столлар. Даствурхон ёзилган, бирор бу ерга тамадди қилгани келмагани аён экан-лигига қарамай, турфа ноз-неъматлар “тўкиб ташланган”, тўплантанлар доира шаклида столлар атрофидан жой олишган эди. Булар ҳар бири корхона раҳбарими, машхур паҳтакорми, бошқарувчими — ном қозонган, обрўли киши. Аммо ростми-ёлғонми ҳисобчилар каби рақам келтириб, барча тутилиб-қийналиб, зерикарли бир гапларни айтиш ёки қофоздан ўқиб беришга уринар эди. Ҳасан ҳам... Худо бандага икки нарсадан бирини — ё сўз, ё меҳнатни берар экан! Ана, эгизаклардан Ҳусан — сўз кишиси, Ҳасан — фаолият. Албатта, иккисини ҳам эплаганлар топилади. Лекин бу мустасно.

У Тошкентта келиши билан Ворисни учратишга умидланганди. Назариди, ўғли нақ рўпарасидан чиқадигандек эди. Ҳусанга дардини ёриб вазифа юклашдан бўлак натижага эришолмади. Бундан ҳам энди кўнгли тўлмай борар эди.

Ҳасан пойтахт шаҳарни неча бора чангитган. Шундай бўлса-да, бу ердаги ҳаётга ўрганмаган. Кўниколмаган. Вилоят вакилига хос белгилар — аёвсиз меҳнат ва бунга қоришиқ бегам-бепарво ҳолатни йўқотолмаган.

Унинг шу кунгача умри асосан, чоп-чоп, югур-югур билан ўтди. Тенгдошлариға нисбатан кечроқ, мўйлаби сабза урганда эмас, ияги қорайганда уйланган. Яна, фарзанд кўришса-да, биринчи оиласда турмуши унмаган. Иккинчи хотинидан болалари анча ёш. Буни билиб, ўзини доим бардам тутишга ҳаракат қиласди. Аммо улгайиб, кундан-кун уйқуга тўймаётганми, шиддатланишга кучи етмаётганми — оғир юкли аравани тортган отдек, ланж бир ҳолатни сезар эди.

Бир оз мудрамоқчи эди. Оёғи оғриб, кўзларини очди.

Машина Тошкентни орқада қолдириб, Янгийўлга яқинлашмоқда.

Кун ёруғ. Атроф ям-яшил.

Бехосдан санчиб оғрий бошлаган оёқларини сийпаб, осмонга, чарақлаб турган қўёшга қаради.

Шу дам отаси Исмоил Хўжа ёдига тушди.

Исмоил Хўжанинг ҳам оёқ оғрифи бор эди.

У даҳлизда оёқларини тошновга узатиб, офтобга тутиб ўтиради.

Ҳасаннинг қўлига бальзан кичик бир шишада илонми-ари мойини берив, суркашини сўрарди.

Ҳасан оғринмай хизматни бажаарди.

Ота дуо қиласди.

Болаликда шўхлик, нотинчлик унга (балки, биродари Ҳусанга ҳам) ёт эмасди. Бироқ рўзгор — гор бўлган шароитда муттасил унга қанот ёзолмаётгандек туюлиб, ўзини юраги тарс ёрилаётгандек сезар эди. Ўзи ва оила учун фойдали бир иш қиласи келар эди.

Гоҳ-гоҳ эслайди...

“Бир қисм қуруқлик, қолган уч қисм сув”, деган гапни китобда ўқиган. Хали бирон пайт дарё ёки денгиз бўйига бормаган, буюк уммонларни кўрмаган. Ёввойи-харсанг тошларни оралаб бағридан пастга сув отилаётган юксак тогларни тасаввур ҳам қилмас, шарқираган оппоқ шалола нима, билмас эди.

Унинг сахро, тия расмига китобда кўзи тушган. Бепоён қумлик, хафталабойлаб сув ичмай томири тортиб, ташналиқдан тарс ёрилган тақир ерлар, лоладек гуллаган ва қуриб сап-саргайиб дагаллашган янтоқни, явшани, ковгарни ҳали кўз олдига келтиролмас эди. Лекин бир қаричлигидан у сувга талпинарди.

Кўпинча уйда, тогорада чўмилиб ўтиришни ёқтиради.

Опалари Мавлуда ва Мавжуда унга балиқмисан деб тиргалишар, биродари Ҳусан эса ҳиринглаб кулар эди.

Бир гал қишлоқдан келган аллақайси қариндошларга “ёпишиб” олди. Қишлоқда сув бўлишини билар эди.

Ажабки, йўлда ҳам, қишлоққа кириб боргандан сўнг ҳам на тўпланган сув, на оқар сувни кўрди.

На кўл. На ҳовуз.

Бухорода эскидан сув танқис, ҳар томчи бальзан тиллага тенг эканлигидан бехабар эди.

Ҳовлида зерикиб қолиб, негадир икки қўли орқада, ташвишланиб турган қарияга юзланди.

— Бобо! — деди. — Мен чўмиламан!

— Даҳлизга киринг. Бир оғиз гапингиз, болам, — деди таппи ёқаётган кампир чолнинг ўрнида. — Ҳозир сув иситиб бераман.

— Йўқ, мен бошқа... Далада! — деди Ҳасан.

Қария кўпни кўрган эди, унинг кўнглини фаҳмлади.

— Юринг-чи, ўғлим, — деди.

Далани оралаган, суви тизза бўйи келадиган ариқ ёнига бошлаб борди:

— Қани, ечиниб бир калла ташланг-чи!

Ҳасан ечиниб сувга тушди.

Мана, энди у дашт-саҳролар, денгиз-уммонлар, юксак тоғларни минг бора кўрган. Бироқ ўзини аксар ҳамон тогорада ўтирган ёки лойқа сувга “калла ташланг”дек сезади. Катта бир ишлар қилмоқчи бўлгану ҳаётда бунга эришолмагандек кайфият уни тарк этмайди.

Яна бир, аслида мұхим ҳам эмас, ўткинчи, арзимас воқеа аҳён-аҳён ярқ этиб кўзи ўнгида жонланади.

Курбонми-рамазон ҳайити куни саҳарлаб Ҳасан биродари Ҳусан билан қариндошлардан (отасининг холасими, аммаси) кекса бир аёлнинг уйига табриклагани боришиди. Аёл — уйи деворларида чўгдек гиламлар осилган, қатор токчаларда қирмизи лаганлар, чойнак-пиёлалар терилган, кумуш ва олтин қопламали сандиқлар тўрдан жой олган — илк қарашибаёт бой-бадавлат эди. Уруш, кейинги машаққатли йилларда у ҳарҳолда “синмаган” эди. Бухорода ўша пайтлар ҳайит, байрам кунлари сўроқлаб келган болаларга пулми, совгами бериш расмига риоя қилинарди. Аёлнинг ҳам афтидан, марҳамат кўрсатгиси келди, қўлига уч сўмлик пул олди-ю, бу пулга бирор от-тую бермаса-да, қизганиб-иккиланди. Бир сўмни ўзида қолдиришга қарор қилгандек эди. Ҳасан-Ҳусанни уч-тўрт қўшни эшикка бошлаб борди, аммо майда пул топилмади. Орқага қайтиб, аёл астойдил кийинди, кўчама-кўча юриб, учраган одамни тўхтатганча, пулни майдалашни сўрашга тушди. Ҳасан ва Ҳусан хижолат чекиб, кераги йўқ, дейишганига қарамай, қариндош уларни на қўйиб юборар, на уч сўмликдан воз кечарди. Ахийри, бозоргача этиб боришиди. Бозорда кампир пулни майдалаб, уларга бир сўмдан берди. Қолган бир сўмни авайлаб чўнтағига солганича, уйига қайтиб кетди.

Мана, энди Ҳасан “гариллаб юрган” анча-мунча кишидан бойроқ (қариндош аёлга ўҳшаганлардан юзтасини “сотиб олиш”га қурби етади). Унга болаликда, бояги аёлнинг иши сал кулгили, сал аянч бўлиб туолган эди. Ҳозир эса бу ишга бошқача қарайди. Бир сўмга бир сўм қўшилмаса, одам бой бўлолмайди! Қўлига кирган бойликни кўкка совурган қанча бойваччалар хор, забун ҳолга тушмаган! Тарихда мисол кўп!

У оғриётган оёқларини сийпаб, қуёш нурига чўмган далаларга тикилганича, хаёл суриб бораётган, телевизорда чиққаним арzon, Ворисни ҳам топиб-олиб кетмаяпман, демак бу сафаримда ортиқча харж-харажатдан бўлак ҳеч нарсага эришмадим, деб ўйлаётган эди.

* * *

Ҳасан машинада яқин орада бунча узоқ йўл босмаган эди.

Олдинлар тун-кун юрса-да, толиқмас, йўлнинг машаққат эканлигини сезмасди.

Уни, эндиgi аҳволини билиш, куч-гайратини синаш учун ҳаётнинг ўзи бу йўлга бошладимикан?

Аслида, йўл янги, равон. Оғринмай кетавериш керак.

Гулистонда узоқ тўхтамади. Бир пиёла чой ичди, холос.

Жиззахда ҳам тутилмоқчи эмасди. Лекин эрталабдан дастурхон ёзиб қутишаётган экан. Бундан ташқари, жони озгина ором тилаётган эди.

Ора-орада оёқ оғриғи босилиб, кейин яна авж оларди.

Машина Жиззахдан узоқлашиб Самарқандга яқин қолганида:

— Абумуслим! Сен бу ёққа ўт, — деб ҳайдовчини нари суриб, ўрнини эгаллади. Ўзини чалғитиб, оғриқни унутмоқчи эди.

Ҳайдовчидан ёлчиш — эр хотиндан, хотин эрдан ёлчигандек гап.

Ҳасанни роппа-роса йигирма йил Абдулла aka деган ҳайдовчи олиб юрган эди. Ақёлли, меҳнаткаш, тоза-озода бу одамга Ҳасан ўзига ишонгандек ишонарди.

Абумуслим ҳам бўйнидаги вазифани тўғри бажариб келаётган йигит. Аммо атрофга қизиқиб қарагани билан, сезгир эмас. Юз-кўзингдан дарҳол маъно уқмайди.

Ҳасан ўз ҳаёти тўғрисида сўзлаш, ўз аҳволини ҳар кимга баён этишни ёқтирмайди. Ўзлик — кўргон, деб тушунади. Ҳатто бу кун биродари Ҳусанга сир очгани — кам юз берадиган ҳол! Болалик, ёшлиқдан у елқасига тушган юк қанчалик оғир бўлмасин, букилмай туришга, ингранмай-огринмай иш тутишга ўрганганди.

Ана, ҳозир ҳам дард олдида ожиз келмаслик учун, от сурган чавандоздек, машинани бошқаришга тушди.

Мансаб, мулк-давлат эгаллаб тўкин-фаровон яшашга эришгунича, Ҳасан не-не тўсиқларни ёриб ўтган! Энг аввал, қўли қисқалик (камбагаллик)дан, катта бир ишлар қилишга имкон тополмаслик — ночорлик, ноиложлик тўсиғи! Сўнг, сени ўз гаридан кулбангда ҳам бир нарсани эркин ўйлаш, бир ишни мўлжаллаб эркин ҳаракат қилишга қўймаган — тўралар қурган тўсиғ! Яна, тер тўкиб қўлга киритган нақдинани тўрт томондан тортган-талаган, юлиб-юлқиган юҳо олғирлар... Нихоят, гайрлик-гараз!

Бироқ Ҳасан болалик, ёшлиқ йилларидаёқ албатта оёққа тураман, деб онт ичган...

Ва оёққа турган эди!

Унинг учун ҳаёт — ҳаракат.

У — ҳамон тўсиқларни енгаётган киши.

Фақат дастлаб оила қурганида дуч келган тўсиқни енголмаганидан ҳамон жони азоб искаңжасида. Нима қилишини билмай саросималанади.

Ҳасан Лабиҳовуздаги бир дўконда Курбоной билан танишган эди. Ниманинг-дир устида баҳслашиб хафалашишди. Лекин ўн-ўн беш кундан кейин, қўчада тасодифан юзлашиб қолиб, негадир Курбоной салом берди, Ҳасан алик олди. Илк учрашишдаги баҳсу мужодалани паққос унутгандек, иккови бири-бирига қадрдонлик билдириди. Кейин, Лабиҳовуда яна учрашишди... Ўшанда янги шаҳар энди қурила бошлаган, Намозгоҳдан нари ёғи дала эди. Эски Бухоронинг энсиз кўчаларида эса йигит-қизлар бот-бот юзма-юз келиши оддий ҳолат, айниқса Лабиҳовуз — сайлгоҳ, ёшлар бўш пайтларда кўпинча бу ерда айланиб юришарди.

Улар кўриша бошлашди.

Ҳасанни ота-она уйланишга қистаётган эди.

Ҳасан уйланди.

Курбоной овқат пиширишга уста, эрта-кеч кир ювиш, уйни ойнадек тутишда якто чиқди. Она-Бокира бонунинг пинжига кирди-кўйди. Билимли, китобхон, жаҳон маданиятидан воқиф эканлиги билан ҳам, қайноасини “бу қиз ёшлигим, ўзим” дейдиган кўйга солди. Чамаси, Исмоил Хўжа ҳам келиндан рози эди. Аммо кўп ўтмай, Ҳасан ўша, илқ учрашишдаги баҳсу мужодаладан керакли хulosага келмай адашганини сеза бошлади. У бир кунлар, ҳали болаликми-ўсмирлик пайти уйдаги беозор гап-сўзлардан волидаси (Бокира бону)-нинг вақтида кўнгли Исмоил Хўжада эмас, амаки Иброҳимда бўлгани-ю, қисмат бошқача шаклланганини билиб олган, ҳаётда шунаقا ишлар ҳам учраб туришига ажабланган эди. Исмоил Хўжа мўмин, табиатан шикаста эканлигидан, ўзини бундай гап-сўзларга аҳамият бермагандек тутар, уни акасининг йўқолгани қайгуси кўпроқ эзар эди. Ҳасан — Исмоил Хўжа эмас (гарчи унга фарзанд бўлса ҳамки)... Хуллас, Бокира бону уйда, оилада жиловни қўлга олиб қандай ҳукмфармолик қилаётган бўлса, Курбоной ҳам биринчи кундан шундай йўл тута бошлаган эди. Унга бирон эътиroz билдириш, қатъий бирон кўрсатма бериш мумкин эмасди. Ўз билими, ақлини намойиш қилишга тушарди. Бирор уни камситишидан қўрқандек, баҳслашаверарди. Бу дунёда эр-хотинликнинг минг йиллик ёзилмаган қонунлари борлигини тушунмас, тириклик гоҳ муросасизлик, гоҳ муросасозликдан иборат эканлигини билмас эди.

Уч йил деганда “икки томон”нинг ҳам сабр косаси тўлди,

Ҳасан Қурбойни яхши кўрмайди, деб бўлмасди.

Яхши кўярди.

Бироқ буни “унутди”.

Ота-онасининг ризолигига ҳам қарамади.

Кишанни узмаса бўлмаслигини ҳис этди.

Узди.

У ажралсам, тамом, деб ўйлаган эди.

Бу — бошланиши экан.

Аввало, орада гулдек фарзанд — Ворис бор эди.

Яна, ўзи “турмушда уқувсиз” деб билган ҳолда “ташлаб кетган” Қурбоной олдидা жавобгарлик бор эди.

Булардан бўлак, кўнгил шишаси бир карра синган, ҳаёт жоми зардобга тўлган эди.

Ўша маҳаллар Бухоро ва Самарқанд вилоятларидағи узоқ туманлар ажратилиб, Навоий вилояти барпо этилди. Кўпдан буён Газлига қатнаб ишлаётган Ҳасанни янги вилоятга таклиф қилишди. У эски Карминага туташ, кундан-кун марказ турқини олаётган Навоий шахрига кўчиб келди.

Ҳасан бу ерда обрў, мавқе топа бошлади. Маълум муддат ўтиб, Норгул деган қизга уйланди. Норгул унга бир қиз, бир ўғил туғиб берди. Лекин бу фарзандларга бўлган меҳр унинг Ворисга нисбатан оталик меҳрини сўндиргани ёки камайтиргани йўқ.

У олдинлар Газли ва Бухоро орасида қатнарди.

Энди Навоий ва Бухоро орасида андармон бўлди.

Умр шамол экан!

Бокира бону, унга эргашиб Исмоил Хўжа — азиз падар ва муnis волида дунёни тарк этишди.

Бухорода Ҳасаннинг опалари, Қурбоной ва Ворис қолган эди. Ҳасан ҳамон икки ўртада бўзчининг мокисидек қатнарди.

Қурбоной-чи? Қандай яшаётган эди?

У икки марта эр қилди. Барибир турмуши унмади.

Аҳвол аламли, гоҳида нафратли эди. Ҳасан эътибор бермай, она-бала билан кўришиб юрди.

Қурбонойнинг рухсати билан, ойда-йилда бўлса-да, Ворисни Навоийга олиб борди. Янги оиласи билан “таништириб, ошно қилиш”га уринди. Бола отасиз ўсаётгани жабрини имкон қадар “енгиллатиш”га жонини тикди.

Яна йиллар ўтди.

Ворис улгайди. Уйланадиган ёшга ҳам етди.

Тезроқ уйланса, бўйнига хуржун осилиб, ўзи-ўзидан тинчирмиди?

Кутилмаганда Қурбоной дунёга этак силкиди.

Ҳасан ана шунда, икки ўртадаги бутун зиддият, можароларга қарамай, бу Аёл ўзига қадрли эканлигини, бир умр уни яхши кўрганлигини сезди. Чиндан билимли, ақлли Қурбонойдан кўп нарса ўргангани, ундан кўнглида миннатдор эканлигини ҳам сезди.

Ё Парвардигор! Дунёning бебақолигидан аччиқ-аччиқ йиглади.

Ворис уйда ёлғиз қолди.

Кап-кatta йигит! Лекин Ҳасан бир ерда бўлайлик, деб ўглини уйни сотиб Навоийга келишга ундаdi.

Шу палладан ота-бала орасидаги муносабатда гоҳ-гоҳ фишт қолипдан кўча бошлади...

Ҳайдовчи ўрнида машинани ҳайдаб бораётган Ҳасан баёнсиз бир азоб туймоқда эди.

* * *

Кун қайтган. Осмонни булат қоплаган.

Машина Самарқандга кириб борди.

Ҳасан бу ерда ҳам Гулистон, Жиззахдаги каби ҳамкор оғайнилар билан суҳ-

батлашиб, шартномаларга имзо чекканида аллақачон қоронги тушган эди. Кўп ўтмай, шамол тўзон кўтариб, ёмғир бошланди. Ҳасан бир пиёла чой ичиб-ичмай, тез кўзголди.

— Бошқа гал. Шошаяпман, — деди.

— Ҳеч бўлмаса, ёмғир тинсин.

— Баҳор ёмғири! Кесакмидик, эрисак!

У машина ёнига келиб, Абумуслим орқа ўриндиқقا ташлаб қўйилган болишни пинжига олиб, донг ухлаб ётганини кўрди.

Ҳасаннинг ўрнида ҳар қандай бошлиқ ҳайдовчини уйготиб, тур, кетдик, дер, гап тамом, вассалом эди. Аммо Ҳасан уни кузатган мезбонлар олдида бир томондан ҳайдовчининг фаҳми камлигидан хижолат чекиб, иккинчи томондан қўполлик қилишга уялди. Яна ҳайдовчининг ўрнини эгаллаб, машинани сурди.

Самарқанддан катта йўлга чиққанда бемалол тўхтаб Абумуслимни “туртиб қўйиш” мумкин эди. Ҳатто ҳар қандай бошлиқقا ўхшаб энди маромида “тузлаш” ҳам мумкин эди. Айниқса, ҳозир нам ўтибми, оёқларида мажол қуриган, ортиқ “ҳайдовчилик” қилиши зулмга айлана бошлаган эди... Бироқ шунчаки қайрилиб қараб, шу дамда негадир ёнида ётган Абумуслим унинг кўзига Ворис бўлиб қўринди. Чарчагандир, ётсин!

Шамол гирдибод уриб, ёмғир чеълаклаб қуя бошлади.

Ҳасан олдиндан машина ҳайдаб юрган. Йўлдан чўчимайди. Бу ёғи яқин. Бир соатдан кўпроқ вақт ичида Навоийга кириб борилади... Шунга ҳам ота гўри қозиҳонами?

Йўлда машинани ҳайдаб кетаётib (ёнидаги Абумуслимми? Ворисми?) қайта-қайта, ўзи-ўзига раҳми келиб, ёшлар шафқатсиз, менинг ҳолимга Ворис озгиниа тушунсайди, деб ўйлади. Кейин, қайта-қайта, ўзи-ўзини бепарволикда айблаб, аксинча Ворисга раҳми кела бошлади. Болам қаерда, қандай юрган экан, деган хаёлга борди. Унга бу кун кўзгалган жонидаги оғриқ ўғли билан учрашолмагани натижаси бўлиб туюлди.

Ҳалигина Самарқандда машинадан тушиб ўқтам, тарс-турс юрган Ҳасан энди бора-бора оёқлари борми-йўқлигини сезмаётган эди.

Нима бўлгану нима бўлаётганини тушунмаётганидан, уни бадтар гусса чулгади.

Ёнидаги Ворисми ёки Абумуслимми, энди батамом ажратолмаётган эди.

Буниси майли. Ҳозир у гўёки машинада эмас, пиёда, тиззасигача қумга бошиб, сахро кечиб бораяпти. Бир тепалиқдан шувиллаб қум қўчаяпти. Ана-мана, уни кўмий ташлаши мумкин.

Яна, назарида, биродари Ҳусан (Тошкентда эмас!) офтоб ловуллаган саҳродами, зулматли-ёмғирли шу йўлдами, тўрт томон югуриб Ворисни ва нечундир... уни —

Ҳасанни қидираяпти.

Улар машина ичида эканини билмайдими?

Бир пайт ёмғир тиниб, кўкда ой ярқираганини пайқади.

Шу асно...

бу нима эди? —

“ло ҳавла ва ло қуввата...” —

нақ йўл устида тутун орасида хумдан чиққан девдек, қурумга қорилган қоп-қора, бадбашара маҳлуқ тиржайиб турибди.

Ҳасан ҳушини йигиб олишга улгурмади.

Махлуқ узун тирноқли панжаларини чўзиб, машинани йўлдан сирпантириб юборди.

Машина бориб катта бир дарахтга манглайнини урди.

шундан кўкси оғриётган эди.

Бу — кеча Ёмонқул билан “улфатлашиш”нинг оқибати, деб ўйлади.

Атрофга қараб, Шоира уйда эмаслигини эслади.

Хотинсиз нонушта қилгинг ҳам келмайди!

Роппа-роса қирқ беш кун бурун чекиши “ташлаган”ди. Ҳозир гоҳ-гоҳ бўлганидек, чекиш хумори тутди. Лекин туз тотмай тамаки тутатиб кўчага чиқиш кони зиён! Ўрнидан туриб, эринганича чой қўйди.

Энди бир пиёла чой ичмоқчи эди, эшик тақиллади.

Хумсондан Шоира билан опалар барвақт қайтиб келишибди, деб ўйлаб, суюнуб эшикни очди.

Остонада нотаниш уч киши.

На салом, на алик.

Ўртада новчароги Ҳусанга жиноятчини тутгандек тикилди:

— Абдураҳмоновмисиз?

— Нима эди?

— Электрга нега тўламайсиз?

— Тўланган бўлиши керак, — деб гудранди Ҳусан.

— Қоғозини кўрсатинг!

— Мен бу билан шугулланмайман. Оилам... Уйда у йўқ!

— Сиз шугулланмайсиз? Нима учун?

— Мен бир илм кишиси. Домла... — ўзини оқлаётгандек бўлди Ҳусан.

— Гапни кўпайтирманг, бобой. Менга аҳамияти йўқ!

— Эй... — Ҳусан хафа бўлиб ичкари кириб кетди. Уйда бир оз пул (кеча Ҳасан берган пулнинг бозордан ортгани) борлиги эсига тушган эди. Олиб чиқиб новчага узатди.

Новча қозоз ёзиб берди.

Ҳусан эшикни ёпди. Арзимаган иш бўйича юрган йигитларнинг безбетлиги, жоҳиллигидан озорланган эди. Шулар ҳам ўзбекми? Қани, ўзбекнинг каттага ҳурмат, кичикка иззати? Оддий одоби? У йигитлардан бир ранжиса, ўзининг терговчига юзлангандек қисиниб-ожизланиб турганидан, табиатан камтар, хокисор эканлигидан икки норозиланди.

Яна у ўйлади: “Камбагаллик айб эмас”? Айб! Кеча Ёмонқул бу ҳақда тўғри гапирган экан! Айниқса, олим, санъаткор — зиёли камбагал бўлганидан ҳар кимнинг олдида ўз ҳолидан уялиб, тортиниб туришга одатланиб қолмаслиги керак!

Унинг “ланж”лигига фақат кеча Ёмонқулнинг қистови билан ичгани сабаб эмас. Бу кун эрталабдан жисми-жонида кечаги рўй берган воқеалар асорати-ю, тунда кўрган туши губори сезилмоқда эди. “Ўлганинг устига тепган” бўлиб йўлакдаги “сұхбат” уни буткул эзиб юборганди.

Кийиниб эшикка йўналди.

Шу пайт телефон жиринглади.

Дастакни кўтарди:

— Эшитаман.

— Ҳусан! Яхшимисан? Бу Ибод.

У билан Ибод дорилфунунда бир пайтда ўқишиган, ётоқхонада бирга туришган. Лекин анчадан бўён кўришишмаганди.

— Яхши. Раҳмат. Ўзинг тинч юрибсанми? — деб сўрашди Ҳусан.

— Юрибмиз. Сени бугун бир кўрмоқчи эдим. Муҳим гап бор.

— Бугун иложим йўқ. Жияним касалхонада. Бухородан опаларим келган.

— Зарур. Ярим соатга. Бирга тушлик қиласиз. “Анҳор”да кутаман.

Дастакни ўрнига кўйгандан сўнггина, Ҳусан Ибоднинг “юрфак”да ўқигани, адлия соҳасида ишлаб, ҳозир бир ерда терговчими, адвокатми эканлигини эслади. Унинг нима муҳим гапи бор экан?

Ўттиз йилдан ошди... Улар ётоқхонада танишиб қолишиган. Уларни дўст ёки оғайни дейиш қийин. Қизиқ жойи, ўша йиллари ҳам, ўқишини битириб

кейинчалик ҳар хил давраларда юзлашганда ҳам, Ибод Ҳусанга нуқул мазах қилаётгандек ишшайиб, беписанд қараб, ҳазиллашгандек маза-бемаза гапиришга одатланган эди. Мен одамнинг даражаси билан ҳисоблашаман, сен — ким бўлма (олимми, домлами), гарип бир шахс, итнинг орқа оёғи! — сен билан бундан яхшироқ гаплашолмайман, мазмунида ўзини қандайдир юқори тутиб келар эди.

Аммо уч-тўрт йил бўлди, Ибод Навоийга борган экан, Ҳасан билан танишибди, ҳатто қадрдонлашибди, шу-шу Ҳусанга ҳам “мехри тушиб” қолди. Баъзан бўлса-да, энди қўнгироқ қилиб Ҳусанни йўқлар, ора-сира кўришиб бирга тушлик қилас, сұхбатлашарди. Гоҳида ўзининг баъзи бир ишлари бўйича унга гўёки маслаҳат ҳам соларди. Бундай пайтларда исмини атамай, луфт кўрсатиб “нимадейсиз, олим ака?” тарзida мурожаат қиласарди.

Ҳусан эшикни қулфлаб, зинадан пастга туша бошлади.

Орқадан уйда яна телефон жиринглагани эшитилди.

Бир изига қайтгиси келдию иккиланиб, кўл силтади. Буниси ҳозир ортиқча!

Унинг ёшлиқдан одати: вақт жуда зиқ бўлмаса, уловга минмасди. Яқинми-узоқми, пойи-пиёда кетаверарди. Ишга ҳам асосан, яёв қатнарди.

Йўлда кетаётib, Ибод тўғрисидаги ўй уни тарк этмади.

Энг аввал: “муҳим гап” нима экан?

Кейин: умуман, Ҳасанни таниб Ҳусанга нисбатан муносабат ўзгаргани ҳаётда доим учраб турадиган ҳолатми ёки бу ерда “коса тагида нимкоса”, у англаб етмаган қандайдир маъно яширинми?

Шу асно яшаган жойи (уий), турмушида бўлган шарт-шароит Ҳусаннинг кўзи олдига келди... Бу нима жин урган бошқарма эканки, камида ўнта раҳбар ой-йил ўтмай алмашинди. Лекин одамлар яшаб келаётган уй бирон пайт сонга киргани йўқ. Бошқарма (ташкилот) рақами бошланишида 3 эди, сўнг 5 бўлди, сўнг уларни кўпайтиргандек — 15. Уйнинг кўриниши, ҳолати эса ўша, гаридан-гарип! Уй қурилгандан бўён бинонинг ўзи майли, йўлаклар таъмирлаб, тозаланмаган. Томни аҳён-аҳён нонга ҳолва ёки сариёғ суркагандек ямашади. Бутун деворлар оқарган, саргайган. Тарнов йўқми, нима бало, юқори қаватдан пастгача сув оқиб ётади.

Ўй эгалари ўзи ҳаракат қилиши керак. Лекин оддий одамларда бунга имкон қаерда? Истиқомат қилаётгандар ярми нафақага қараб яшайди.

Ҳусанга Шоира учта қиз туғиб берди. Насиба экан, иккиси бошқа вилоятларга эрга тегиб кетди. Бири Тошкентда, ота-онанинг суюнчи. Бироқ у ҳам ўзидан ортмайди.

Ҳусан бу манзарани нега тасаввур қиласяпти?

Дарвоқе...

Ибод!

Ҳасандан Ибод нимадир манфаат кўради!

(Мушук бекордан офтобга чиқмайди!)

Ҳасан бошқа жигарлари қатори, Ҳусанга ҳам goҳ-goҳ қарашади. Шу билан бирга... Ҳусан ор қиласи! Сен, ахир, халқнинг кўзи олдидағи одамсан! Бирор танимаса, бирор танийди!

У шароит ҳақида ҳатто биродарига (ўзи кўриб турибди-ку!) очиқ оғиз очгани уялади.

Ибодга ўхшаганлар эса уялмайди.

Ҳасанга оппа-очиқ, бир масалада қийналаяпман, қуругидан чўзинг, хўжайин, дейди.

Ноҳуш бир кайфиятда билим даргоҳига етиб келиб, дарсхонага кирди.

* * *

Кафедрада Қурбон домла негадир телефон дастагини чакагига босиб, ўйлануб ўтиради.

— Ҳа, нима гап?

— Сизга! — деди Курбон домла дастакни узатиб.
— Лаббай?
— Уйингга кечкурун, эрталаб қўнгириқ қилдим. Бу ерга ҳам учинчи марта...
Сени ҳеч тополмаяпман!

Ҳусан машгулотдан эрталабкидан чандон эзилиб, толиқиб чиққан эди. Овоз эгасини таниб, бунинг ҳам иши қистов, “уйига ўт тушган”, бу Ибоддан ҳам кўра мугамбир, бўйинга яна бир ташвишни ортмасайди, деб ўйлади.

— Танимадингми? Ҳамроман. Дўстинг!
Эй! Худо дўстдан ҳам буюрмаган экан. Ҳеч талаб-даъвосиз фидойи Курбон домладан ташқари, албатта!

Ҳамро ҳам Ибод сингари дорилфунунда бир даврда ўқиганлардан. Турли идораларда ишлаган. Ҳозир аллақайси клубда раҳбар.

- Эшитаяпман, — деди Ҳусан.
- Бугун сени қўришим керак.
- Бугун қийин. Бош қашишга вақтим йўқ. Кечирасан, дўстим.
- Бўлмаса, эртага. Тушликда, — деди Ҳамро.
- Соат иккilarда. Унгача дарсим бор.
- Яхши. Ишхонага кел. Кутаман.

Ҳусан дастакни ўрнига қўйдию қайтиб кўтарди.
Шоира билан опалар Ҳумсондан келишдимикан?
Уйда телефон жавоб бермади.

* * *

Анҳор бўйидаги қаҳвахонада Ибод у билан қўришаётib:

- Сени ўйқлаганим... соғинганман! — деди.

Ҳусан бу “мехрибонлик”дан қисиниб, “эй! Мен қиз боламидимки, соғинса!” деб кўнглидан кечирди. Шу дамда пайқади. Бир пайтлар Ибод беписанд қараган бўлса, энди у “олифталиқ” қилаётгандек. Тескари ҳол содир бўлаётган экан!

Узоқ тутилишдан хавотирланаётган эди.

Кечанинг ўзидаёқ Ворисни сўроқлаб, дарагини топгани яхши бўлди. Аммо Ҳусан ҳали жияни аҳволини билмайди. Нега ота-бала бири-биридан хабарсиз? Орада нима гап ўтган? Бу ҳам номаълум! Қандай бўлмасин, Ворис унинг хаёлидан кетмаётган эди.

Бундан ташқари, уни “йўқлаган” Ибоднинг мақсадини тезроқ билгиси келарди. Органда ишлаган, айниқса қўлтиғида доим торози тутган бундай киши “муҳим гап” дедими, муҳим бир гапи борлигига Ҳусан шубҳаланмасди.

Ибод эса афтидан шошмаётган эди.

Улар тушлик қилишаётib, у хуш кайфиятда (ёки ўзини шундай тутиб) лим-лим оқаётган анҳорни, атрофдаги гўзалликни, “табиат эркаси” баҳорни астойдил мақташга тушди.

— Ҳозир тогларда офтоб остида қор ярқираб, ирмоқларда сув шарқираб ётибди. Қани, энди уч-тўрт кун бўш вақting бўлса-ю, шаҳардан чиқиб кетсанг! — деди. — Умр ўтади. Шоир айтган-ку “Дўстлар, ғаниматдур, саир этинг гулистонлар”!

Шундан кейин, Ибод Ҳусаннинг машгулотдан бўлак пайтда эркин эканлигига ҳавас қилиб, ўз қасбida “иш соати” деган гап йўқлиги, бирон жиной ишга “шўнгишса”, кундузми-тунми сезмай қолишидан шикоятланди.

— Умуман, ҳаёт тегирмон. Гап шундаки, бизнинг одамлар дам олиши билмайди, — деб ўкинди Ибод. — Ана, Ширмонбулоқ. Тоғ устида “Дам олиш уйи” жойлашган. Яқин қишлоқлардан уч-тўрт чол-кампирни болалари мажбур қилиб жўнатишибди. Ўзлари тоғда, икки кўзи пастда! Бемалол кексалик гаштини сурмайсизларми, мазмунида гап қилсан, ҳаммаси уйда ишим бор, дейди... Қисқаси, иккимиз вақт топиб, тоза ҳавони бир айланиб келишимиз керак.

Ҳусан диққат қилди.

Дунёда “кифтини келтириб” чиройли гапирадиган киши кўп. Гапнинг эса аксар ичи бўш! Ибоднинг ҳар бир сўзи маъноли-магизли... Бу қандай шахс ўзи, деб ўйлади Ҳусан. Сен ўзингни олимман, дейсан-у, ёшлиқдан то ҳамон унинг олдида иш эшолмайсан. Бу одамнинг юриш-туришида ожиз-кеккаймалик билан босиқ-мутафаккирлик бирлашиб кетгани ажабланарли.

Туйқусдан хаёли қочди.

У бир томондан, Ибод мақсадга кўчишини кутиб, иккинчи томондан, Вориснинг ёнига шошаётгани учунми, Ворис ўзи бирон жиноятга йўл қўймадимикин, деган фикр миясига чақмоқдек урилди. Баъзи “эркатой”лар жиноятдан сўнг касалхонага бориб ётиб олишини эшитган, китобларда ўқиган эди.

Ҳусан жияни тўғрисида тасаввури хира эканлигини ҳозир чуқур ҳис этди... Ҳасаннинг биринчи хотинидан! Гоҳ Бухоро, гоҳ Навоийда юрган. Абдураҳмон Хўжанинг барча фарзандлари-ю, неваралари каби Тошкентни ҳам “яrim ўз шахри” деб билади. Ёмонқул билан дўст... Ибод гапни аста-секин Ворисга “олиб” бормаётганмикан?

— Бугун машқинг паст, огайни. Соғлигинг ўзи яхшими? — Ҳусанга тикилиб сўради Ибод.

— Соғлик яхши, — деди Ҳусан ва аниқ нима дейишини билмаганидан, хаёлига келганини айта бошлади. — Кеча хунук бир воқеа рўй берди. Кўчада кетаётган эдим, гавдали бир киши нозиккина болани ураётган экан. Шундан бўён қандайдир ғаш бўлиб юрибман.

— Сен ҳам қизиқ экансан! Дунёда бунақа воқеа тўлиб ётиди. Ҳар куни қанча қонли, оғир жиноят рўй беришини биласанми? Ҳар нарсага куяверса... Ҳалиям бизда жиноятчилик нисбатан кам. Киссавурлик, ўғрилик йўқолиб бораяпти. Безорилик ҳар қадамда кўзга ташланмайди. Талаб қаттиқ... — Ибод бирдан мавзуни ўзгартириди. — Ҳасан ака кечада келган эканлар, эшитмай қолибман. Кўрмоқчи эдим... Навоийдан бизнинг соҳада ишлаган бир танишим бугун эрталаб келган эди, ўша билан гаплашаётсиб, сенга қўнгироқ қилдим... Бўлган-бўлмаган ҳар хил...

— Нима “бўлган-бўлмаган”?

— Ўзинг эшитмадингми? Сени шунинг учун чақирдим... унча яхши хабар эмас. Лекин босиқ бўл... Ҳасан ака Тошкентдан кетаётган эканлар, Самарқанддан ўтгандан кейин авария ... тирик қолган! Бунисига шукр. Қайси аҳволда, буниси ноаниқ... Эшитганимни сенга етказмасликни номардлик, деб ўйладим...

Ҳусан нақ жони сугуриб олингандек бўлди.

Икки киши икки қўлтигидан тутмаса, ўрнидан туролмайдигандек эди.

Унинг учун Ҳасан фақат жон-жигар эмас. Бир Вужуднинг ярми!

Улар Бир Бола ўрнида Кўш бўлиб туғилган!

Бири кетса, бошқаси ҳам...

Унга ҳарҳолда шундай бўлиб туюлади!

Лаҳза ичиди сўнгти воқеалар хаёлида чарх урди.

Негадир “аҳмоқ қун” деган гап хаёлига келди.

У кечаги кунми, бу кунни кўзда тутаётганини ўзи ҳам билмас эди.

* * *

Тириклик шу...

қандай фалокат рўй бериб, қанчалик гамга ботмагин, ўрнингдан туришга мажбурсан!

Ҳаётдан ҳатто чарчаб тинканг қуриганда ҳам, илдам юриш насибанг. Қочиб қутуолмайсан!

Барибир, ҳозир касалхонага бориб биринчи галда Ворисни кўриш, йўл-йўла-кай энди нима қилишни ўйлашга тўғри келади.

Қаноти бўлса, шу ондаёқ Навоий томон учар эди-ку, одам қанотсиз яратилган!

Айни дамда бир пайтлар отаси Исмоил Ҳўжа амакиси Иброҳим учун қай йўсин куйиб, адойтамом бўлганини Ҳусан одатдагидек фақат тасаввур қилмай,

гўёки ўз баданида туйди... Исмоил Хўжа изтиробга чўмгани кам, Файрат Нусратми, Нусрат Файратми деган арбоб кўрсатмасига биноан, гоҳ Кабир Ҳожи ва Шоди Турсун, гоҳ Бўтавой Нодир ва Акмал Рашид деган йигитлар, баъзида тўрталаси бирга маҳал-бемаҳал бот-бот уйга бостириб келишгани, қаердан бўлмасин, акангни топасан, деб уни қийноққа солишгани — улар хонадони тарихида шундай воқеалар ҳам ўтганини эслади. Эҳтимол, Исмоил Хўжа шу зулм-зугум натижасида боболари юрти Бухорога кўчган, журъатсизми-эҳтиёткор кишига айланган эди. Ҳусан, бечора отам, деб ўйлади.

Яна айни дамда маҳалладаги Марат бобо ёдига тушди.

Унинг бу гапларга дахли нима?

Бир қуни Ҳусан кўчадан уйга қайтаётган эди, чойхона олдидаги харракда ўтирган кекса бирровга кўзи тушди. Тикилди-ю, эси оғиб, саросималанди. Бу — бобоси Абдураҳмон Ҳўжами, отаси Исмоил Ҳўжами эди.

Бунга ишонгандек, лекин кўзларини катта очиб, яқинлаша бошлади.

Яқинлашгач, сергакланди:

Марат бобо...

Олдин эътибор бермаган экан.

Унинг афти-ангорида уларга бир оз ўҳшашлик бор экан.

* * *

Касалхонада карантин. Қўли-оёги узун кимдир сиргалиб ичкарига кирмаса, бу ерда шамолни ҳам ўтказишмайтган экан.

Ҳусанга ошқозон ва ичак касалликлари бўлимида ётган жиянини эшикка чақиририб беришди. Каттакон дарвозанинг тирқиши, девордаги тешик-туйнуклар олдида одамлар гуж бўлиб олган, ҳар ким ўз “бемор”и билан гаплашишга уринар эди.

Касал кўргани келиб кеч қоронгисида, бу шароитда бирорни кўришнинг ҳам, жиддий гаплашиш эмас, яхшироқ сўзлашишнинг ҳам имкони топиладиганга ўхшамасди.

Ҳусан жияни — озгин, дароз йигитчани аввалида танимади. Кейин, ҳалигина жияни ҳақида ёмон хаёлга борганини эслаб, бадтар хижолат чекди.

У албатта, Ворисга Ҳасан тўғрисида оғиз очмади.

Улар бири-бирини “кўздан қочирмаслик” ка тиришиб, узуқ-юлуқ сўзлашишди.

— Яхшимисан? Нима бўлди?

— Ётибман. Яхши. Тошкентта келишим билан шунаقا... Энди тузалиб қолдим.

— Карантин қачон тугайди?

— Эртага.

— Унда эртага яна келаман.

— Икки-уч кунда ўзим чиқаман.

— Бирон дори керакми? Нима керак?

— Ҳеч нарса, амаки. Раҳмат...

Ҳусан кўнгли тўлмай изига қайтди.

Аҳвол қандайлигидан қатъи назар, у эрта ё индин Навоийга йўл олишни мўлжаллай бошлаган эди. Лекин шароитга қараб иш тутиш учун олдин қўнгироқ қилиш керак.

Үйдан қўнгироқ қилишни истамаганидан, касалхонадан узоқлашиши билан, шу ўртадаги почтахонага кирди.

Одам оз экан.

Телефон тезда уланди.

— Алло.

— Алло, Норгул...

Норгул индамасди. Йиглаяптими?!

- Хабарим бор. Қон бўлиб турибман. Йигламанг! Гапиринг!
- Реанимацияда. Жуда оғир. Ҳали ўзига келгани йўқ. Нима бўлади, билмайман. Дори буоришишган эди, йўлда уйга кирдим.
- Мен ишонаман, ҳаммаси яхши бўлади. Эртага ёки индинга бораман.
- Аёл табиатига тушунмайсан! Норгул, ёнида икки фарзанди, эри учун қайгураётиб, дайди “боласи”ни эсдан чиқармаган экан:
- Ворис-чи?
- Бирга олиб борарман. Топдим. Юрибди. Тинч...
- Ҳусан гарчи Ибоддан Ҳасаннинг тирик эканлигини эшитган бўлса-да, Норгул билан гаплашгач, сал осоиишталанди.

* * *

У ҳарҳолда чалғиганди.

Ҳасан ва Ворис, Ворис ва Ҳасан! — булар иккиси бутун хаёлини банд этганди.

Касалхона томон бораётиб растадан ўтгани-ю, бу ерда бозор қилганида ҳам, гавдали киши ва бола тўғрисида ўйламаган эди.

Мана, энди катта йўл ёқалаб юриб, қайтиб растага кириб келди-ю, савдо мажмуи олдида тўхтади. Назарида, бир сийтаниб орқага — кечаги кунга қайтган-дек, мудҳиш воқеа гўёки ҳозир, шу паллада рўй берётгандек бўлди. Даҳшатли ҳаяжон чопари кўқсида эшик қоқа бошлади.

“Жиноятчилар олами”да айланниб юрган Ибоднинг кўзи қотган-да! Ҳусаннинг шўрлик бола ҳақидаги гапига пинагини бузмади... Аслида, бирор бирорвга кўл кўтаришишга ўзини ҳақли деб билиши дунёдаги бор жиноятларнинг муқаддимаси эмасми? Афсуски, ҳаётда учраган яхши-ёмон ҳолатни қандай ҳис этиш — ҳар кимда ҳар хил. Бирон хатти-ҳаракатни кузатиб жисми-жонидан ўтказиши, баҳо беришдан маҳрум, фафлатда юрган киши озми? Тарбия етишмайди.

Ҳусан шарт савдо мажмуи бошланишидаги дўконга кирди.

У ҳозир маст ҳолатда эмасди. Лекин мабодо оқ кийган, гавдали киши шу дамда дўконда бўлса, тақсир, кеча, қутурган пайтингиз сўзлашолмадим, хўп, ўзи нима гап, демоқчи эди. Айнан шу тахлит гаплашишга қарор қилганди.

Дўконда икки ёш йигит пештахталаарни тартибга солишарди.

Ҳусан дўконни айланди. Ичкари хона томон кўз ташлади.

— Хизмат, отахон?

У нима деярини билмай қолди.

Бу йигитлар билан гаплашиш, улардан гавдали киши тўғрисида сўраш телбалик, холос. Бир гапни билганда ҳам, айтишмайди. Ким сайраса, эртагаёқ паттаси қўлида, орқасига тепиб ҳайдашади.

— Бир оз ширин кулча. Қанд-курс, — деди Ҳусан.

Дўкондан чиқиб, кечаги майдончада яна серрайди.

Тун кирган. Атрофни қоронги қоплай бошлаган.

Шоира билан опалари аллақачон Ҳумсондан қайтиб, уйда уни пойлаб ўтиришгани кўзи олдига келиб, ниҳоят, уйга қараб юрди.

Растадан узоклашиб бормоқда, аммо хаёли ўша дўконда қолган эди.

Хў-ўш...

Бирдан унинг кеча “тиклаган иморат”и қулади.

Болани урган киши — дўкондор бўлмаса-чи?

Унда, бола ҳам — ўгри эмас.

Бу ҳолда, бола нима иш қилган эканки, газабга учрабди?

Фавқулодда қучли бир киши нимжон болани нега калтаклайди?

Ахир, бу (оқибатини Ҳусан билмаган) воқеа рўй берганига бирон-бир сабаб бўлиши керак-ку?

Хаёлига янги фикр келди:

Улар ота-бola эмасмикан?

Зурриётини йўлга сололмаган, гапини ўтказолмаган ота...

Жаҳл чиқса, ақл қочади...

Йўқ!

Ҳусан Дўкондор ва Ўгри ҳақидаги (ўзи ишона бошлаган) тахминга кўнглида энди иштибоҳ сезаётганидек, улар ота-бала эканлигига ҳам шубҳа билан қараётган эди. Орадаги муносабат ҳам, тўқнашув нега рўй бергани ҳам маълум эмас.

Бир нарса аён:

бу ишнинг тагига етмагунча унинг кўнгли жойига тушадиганга ўхшамайди.

У бундан сўнг ҳам растадан ўтади.

Ва албатта, майдончада тўхтайди.

Ва албатта, дўконга мўралайди.

Арвоҳ турқидаги киши ва ожизгина болани қидиради.

Лекин кейин-чи? Уларни топса, шу билан иш битадими?

* * *

Уйда Шоира ошга гуруч солмай, унга қараб ўтиради.

— Опалар қани? — деб сўради Ҳусан остона кечиб.

— Кўчага кетишди. Растада юрган бўлишса керак. Ҳозир келиб қолишади.

Ҳусан ўйлда, растада шунча юриб опаларини учратмаганига ажабланди. Уларгаки дуч келмабди, демак катта йўл ёқасида, растада бирорни излаб ҳам топиш қийин.

— Яхши бориб келдингларми ўзи?

— Зўр! — деди Шоира.

— Қозонни менга қолдир. Сен дастурхон тузса.

У гуруч тозалаётиб, хаёли ҳамон Ҳасан, Ворис ва кўчадаги болада эди.

Шоира дастурхон тузаб-тузамай, опалар кириб келишди.

Улар ўзлари учун нималардир харид қилишган.

Шоирага мақтаниб кўрсатишди.

Ҳусаннинг чарчоқ, гамгин ҳолатига зид, аёллар кайфияти кўтаринки. Улар мамнун эдилар.

Дастурхон атрофидан жой олишгач, ундан-бундан сўзлаша бошлашди.

— Сиз ҳам бирга борсангиз бўларкан, — деди Мавжуда.

— Қаёққа?

— Хумсонга-да! Хаёлимизга келмапти. Ёлғиз қодириб кетаверибмиз.

— Эй! Менинг бошқа ишим йўқми? — деди Ҳусан. Беихтиёр асабий, кескин гапирганини сезиб, гапнинг давомини юмшатди. — Бунинг устига, ҳамشاҳарларимиз избораси “айтган жойга бор, айтмаган жойда нима бор”. Мени улар танимаса, билмас...

— Билади. Телевизорда кўрган... Баъзан ошно билан бегонани ажратолмайсан! Бир ёз Ҳумсонда, санаторийда дам олганимда Заррина билан танишганмиз. Мехмонга чақирган. Кейин, эри-иккисини Бухорога таклиф қилдим. Келишди. Учтўрт кун юришди. Язнангиз ҳали бардам эдилар, меҳмонлар кетамиз деганда, биз сизларни кузатамиз, бирга Навоийга борамиз, у ердан Самарқандга, ўша ерда хайрлашамиз, дедилар. Шундай қизиқ сайр қилганмиз. Шу баҳона орада қариндошдек меҳр туғилган.

— Битиб кетган бой бўлса бошқа гап, оддий, меҳнаткаш кишилар, — деб гапга қўшилди. Мавруда. — Лекин боришимиз билан оёғимиз остида қўй сўйишишди. Осмондан фаришта тушгандай, бизни худди тавоб қилишди. Кўнгли очиқ, яхши одамлар экан...

Ҳусан дунёда яхши одамлар (чин инсонлар) қўплигини билмайдими! Шунга қарамай, йўлиққан ҳар кимга “доно”лик билан баҳо беришлару “ошно” бўлишлар унга ёқмасди. У, ОДАМ деган мавжудотнинг соат калгиридек яхши ва ёмон орасида “тебраниб” туришига умрида неча бора гувоҳ бўлган! Ҳусан гоҳо эслайдиган Ёзувчи “яхши одамнинг падарига лаънат” қабилидаги галати гапни айтган эди. У, опаларию Шоирани бу кун сийлаган Бердиқул исмли шахс эртага,

хотини Заррина бону ёнида, ўглими-неварасини етаклаб келиб, домла, сиз ўзимизники, бу бола эса сизники, демаслигига кафолат беролмасди. Бундайлар “ачиб” ётибди!

Опалар меҳмон...

Ҳусан мулозамат кўрсатиши керак.

Очиқ чехра билан сұхбат қуриши керак.

Лекин у нима дейишга ҳайрон эди.

Опаларга Ворис тўғрисида ҳикоя қилиш мумкин.

Ҳасан тўғрисида бўлган-бор воқеанин айтиб бериш мумкин.

Ўшандада улар касалхонага бориб (тирқишидан бўлса-да) Ворисни кўришлари, Навоийга бориб Ҳасаннинг ёнида туришлари ҳам мумкин.

Бунинг нимаси ёмон?

Бу — минг йиллик таомил. Яқин кишилар “ўз ҳаётини” бири-биридан “пин-ҳон” тутмаслик, яхши кунда ёки бир кор-ҳол рўй берганда бехабар қолмаслик шартига доим риоя қилиб келганлар!

Бироқ бундай иш тутиш Ҳасаннинг иродасига зид.

Айниқса, ҳозир унинг иродасига бўйсунмай бўлмайди.

Ҳасан ҳашаматли ҳовлисини қўргонга айлантирганидек, ўзини ихота девори билан ўраб олган.

У бир томондан, барча оғзига қарашини, иккинчи томондан, барча унинг ҳаётидан “четроқда туриши”ни истайди.

Бу яқин кишиларга ҳам тегишли. Аввалдан Ҳусанни бекордан “опаларга индама” деб огоҳлантиргани йўқ.

Опалар-чи?

Маврудува ва Мавжуда бирровга, айниқса ўз жигарларига ёмонлик тилашмайди. Лекин улар (балки, аёл эканликлари сабаб, қизиқиб) Ворисдан ҳар нарсани сўрашлари, гап ковлаштириб, қош қўяман деб кўз чиқаришлари ҳам мумкин.

Ҳасан ҳақида эшитган заҳоти кўзёш тўкиб, туни бўйи оҳ-воҳ чекишилари, шунинг баробарида Ҳасаннинг ҳаётию қисматини бир бошдан муҳокама қилишлари мумкин. Навоийга боргач, унинг оиласи тинчини бузиб, бош-қош бўлишга уринишлари, қолаверса, далда ўрнига элдан бурун мотам тутишга “киришиб” кетишлари ҳам мумкин.

Биз нега шундаймиз?

Билим бор. Ақл бор.

Юрақда эзгуликка интилиш бор.

Комиллик ҳақида гапирамиз.

Одамшавандада бўлгимиз келади.

Лекин ўзни муносиб тутолмаймиз.

Лойли қўчаларда адашиб-улоқиб юрганга ўҳшаймиз.

Ҳусан шу боисдан, опаларга, улар олдида хотинига ҳам сир бермаётган, дарди-ҳасратини ошкор қилмаётган эди.

Хўп. У шунчаки сұхбатга жон киритиш учун кўчадаги бола тўғрисида гапирысин!

Адлия соҳасида ишлаган Ибодки унинг қандай даҳшат туйганини ҳис этмади, опалари буни теран англайдими? Ана, шу паллада улар аллакимнинг меҳмондўстлиги, меҳрибонлигини мақтаб-таъкидлаб, бу билан Ҳусанга таъна қилган, унинг таморқасига тош отгандек бўлишаётганини сезишаётганмикан? Ўртада Шоиранинг безовталаниб, хонада асабий югурга бошлаши қолади.

Эри хомуш, паришон эканлигига аллақачон аҳамият берган Шоира, опалар билан ўзи ҳам меҳмонга борганидан қисинган кўйда:

— Кейинги келишларингда биз ҳам кўй сўямиз, худо хоҳласа! — деб очилган мавзуни ёпгандек бўлди.

Ҳусан пайқади: унинг ҳолатини озор чекишига йўйган хотини, опаларга тегиб кетадиган гап қилган эди.

— Ўз опажонларим! От билан түя сўйса ҳам арзийди, — деди гапни андавалаб.

Ош пишди деганда эшик қўнғироги жиринглаб, кенжা қиз ва куёв келиб қолишди. Опалар шу ерда эканлитини Шоира кеча уларга айтган, бугун вақт топиб кўргани келишган эди.

Умидага боғчада ишлайди.

Зафар “нефт ва газ” идорасида.

Ёшлар даврага қўшилгач, хукм сурган нохушлик унтилди.

Опалар ва Шоира яна олдинги қўтаринки кайфиятга қайтишди.

Ҳусан ҳам ўзини “эплаш”га урина бошлади.

— Дада, — деди гап орасида Умидага, — сизнинг Курбон домла деган оғайнингиз борми?

— Бир кафедрада ишлаймиз. Нима эди?

— Бугун келган эди. Неварасини боғчага жойлаштироқчи экан... Жуда содда, антиқа киши экан. Келиб, тўппа-тўгри, мен ҳеч қачон пора олган ҳам, пора берган ҳам эмасман, сизларни хурсанд қиломайман, дейди. Кейин, сиз кимнинг қизи, деб сўради. Испингизни айтсан, ўрнидан туриб кетди, Ҳусан мени ошначилик қилибди, номимни сотибди, деб ўйлади. Бошқа боғчага бораймикан...

Ҳамма қулиб юборди.

Ҳусан ҳам.

— Яхши олим. Ҳолол киши! — деди.

— Ҳусанжон, эшитганмисиз, бобомиз Абдураҳмон Ҳўжа банқда ҳам оз-моз ишлаган эканлар, — деди Мавлуда.

— Эски пайтларда ҳам банк бўлган эканми? — деб ажабланди Шоира.

— Бўлган. Айний “Судхўрнинг ўлими” китобида ҳам ёзган.

— Демак, бобомиз ҳисоб-китобни ҳам яхши билганлар, — хулоса чиқарди Мавжуда.

— Ҳасан бу жиҳатдан бобомизга тортган! — қулиб қўйди Мавлуда.

— Биз ҳар жиҳатдан отамиз, бобомизга тортганмиз. Ота-боболардан ўтиб қаёққа бораардик! — деди Ҳусан.

— Мен бу ҳақда гапирмоқчи эмасдим, дада, — унга юзланди Зафар. — Ҳасан амакимни... эшитган бўлсангиз керак?

Ҳусан буни кутмаганди. Шум хабарнинг олтига оёги бўлади, куёв ишлаган идорага дарров “ахборот” етиб келган. Бир соҳа бўлгач, балки бу табиий.

— Эшитдимми, йўқми бунақа нарсани гапирмаган дуруст, ўғлим, — куёвни кескин тўхтатди Ҳусан.

Опалар улар иккисига аланг-жаланг қарашибди:

— Ҳасан? Тинчликми?

— Тинчлик. Бу хизмат борасидаги гап! — деди Ҳусан қатъий.

— Банқда ишлаб ҳам ҳар ким бой бўлавермас экан! — деб хўрсинди Умидага.

— Худо, ол, қулим, деган олади, — тагдор гап қилди Мавжуда.

Шундан сўнг, Умидага билан Зафар ўринларидан туришга чоғланишибди.

— Аммажонлар! — деди Зафар. — Эртага бизникида меҳмон бўласизлар. Қўй сўймасак ҳам...

Эй! Яна “қўй”.

Йўқ. Бу гал “қўй”га ҳеч ким эътибор бермади.

— Сизлар ишли киши, — деди Мавлуда. — Бошқа келганда, доммод. Сафар қариби. Эртага кетамиз.

— Нега? Юрибсизлар-да! — “норозиланди” Шоира.

— Сизларни кўрдик, хурсанд бўлдик. Асалнинг ҳам ози яхши, — деб гапга арапашиди Мавжуда. — Ўзларинг албатта, келинглар. Эрталаб автобусга чиқсан, кеч кирмай Навоийга етиб боради. Ҳасанжонни ҳам бир кўриб, Бухорога ўтиб кетаверамиз.

— Мен бугун қўнғироқ қилган эдим, — деди ўйланиб Ҳусан. — Сизларни айтдим. Ҳасан беш-ён кундан кейин боришлиарингни сўради. Ҳозир жуда банд экан.

Опалар тарвузи қўлгигидан тушгандек бўлди.

Улар, эсига келган яқини уйига “бостириб” боравериш расми йўқолаётгани, кундан-кун бу “эскирган одат”га айланадиганини эҳтимолки, биринчи марта ҳис этишаётган эди.

Ҳусан шу палла “меҳмон боби”да Шоирага ўхшаб иш тутди.

У Ҳасаннинг хоҳишини бажарган эди.

— Унда кундузги поездга чиқамиз, — деди Мавлуда. — Навоийга кейин, қўнгироқ қилиб борармиз.

Инсон ҳамма нарсага кўнекиди.

Бири-бирига етказган озорларга ҳам...

* * *

Ҳусан ланж, фаромуш эди.

Икки опа — Мавлуда ва Мавжуданинг юзи вагон ойнасида сўнг бор лип этди. Поезд шиддатланиб, муюлишда беркинди.

Ўзи-ўзидан қандайдир норози эди. Ҳасанни ўйлаб, назарида, опаларига хиёнат қилганди. Умуман, хонадон аъзолари орасида меҳр-оқибатта ёнма-ён, худбинлик ва — ўзаро муносабатда, — озми-кўтми соҳталик борлиги аламли. Улар қачон, нега бир тан-бир жон бўлолмаганини айтиш қийин. Балки, бу ота Исломил Ҳўжа ва она Бокира бону бири-биридан “узроқроқ” кишилар бўлгани ҳолда қовушган кундан бошлангандир? Балки, Азалдан то Ҳамон инсон қонида яшаган қусурлару улар қаршисида қўрқув ва ишончсизлик (ўзига ишонган даражада бирровга ишон-маслик, қачондир жамоа шаклида кун кечирган инсониятнинг асрдан-асрга, йилдан-йилга якка-ёлғизлик томон бораётганлиги) натижасидир? Ўзларини кўркам бир хонадон фарзандлари, аҳил оила, деб билган кишилар “яқинлик” соясида “бегоналик”ни ҳам “сақлаб қолишгани” ҳар бир банда тугилгандан ўлгунигача ва балки, ундан кейин ҳам ХУДО ОЛДИДА жавобгар Ёлғиз шахс эканлиги БЕЛГИСИ бўлса керак? Бу — опалардан ҳам кўра қўпроқ бири-бирига “киндиги боғланган” Ҳасан билан Ҳусанга тегишли. Ҳасан билан Ворисга ҳам...

Темирйўл бекатидан узоқлашган Ҳусан шуларни ўйлаганича, машина ёллаб билим даргоҳига етиб келди.

У кафедрага кирганида ҳар кунгидек ундан эртароқ иш бошлаган Қурбон домла қўзойнак тақиб қалин бир китоб “ичига ўёнғиган” эди. Ҳусанни кўриб қисиниб-қизаргандек бўлди.

Ҳусан боғча ҳақидаги гапни беихтиёр эслаб, кулиб қўйганича, Қурбон домлани хижолатдан қутқарди:

— Кеча қизим Умида келган эди. Сизни мақтади. Яхши дўстингиз бор экан, деди.

Шундан сўнг, у то шу дам бирровга билдирамаган “дарди”ни Қурбон домлага ёрди. Ҳасаннинг ҳаёти қил устида эканлигию Ворис билан муносабатини ҳам маълум изга солиши кераклигини яширмай айтди. Ниҳоят, Навоийга бирров бор-маса бўлмаслигини тушунтириди.

— Сўрасангиз, жавоб беришмайди, — деди Қурбон домла. — Индамай кетаверинг. Мен бир иложини қиласман.

Ҳусан машгулотлардан кейин, яна ланж, фаромуш ҳолатда қўчага чиқди.

* * *

Мелоддан ҳам илгарироқ —

Спартакнинг ватандошлари Икор ва Дилол парвозидан тортиб:

Дам семурғ-куш,

дам учар гилам...

Ёки, яна достондаги:

Алпомишнинг Бойчибар оти,

Тўрт ярим газ эмиш қаноти...

Қандай бўлмасин,

Ер — фоний.

Осмон — боқий.

Бу кун: “Бирор — Ерда, бирор — Осмонда!” десангиз ҳеч ким ажабланмайди.

Биз тириклар ва ўликларни кўзда тутмаяпмиз, гап фақат тириклар ҳақида! Жисмнинг қайсиdir восита орқали Кўкка Кўтарилиши бу кун оддий ҳол. Ҳаво кемалари Осмонни “тўлдирган”. Руҳнинг Кўкка Юксалиши ҳам янгилик эмас. Эҳтимолки, Жисм юксалишига нисбатан қадимиyoроқdir. Осмонга чиқиб тушгандек ҳолатни ҳис этган ҳар хил кишилар бор. Ерга қараганда Осмоннинг умри узоқ (боқий) эканлиги учун Инсон бир умр Парвозга чоғланмаганмикан? Бир шоирнинг шеърида қизиқ мисра келади:

Галактика мозорида кўмилар таним...

Дунёда аввал-охир Ер ва Осмон, Жисм Парвозиу Руҳ Парвози тўғрисида ўйламаган бирон шоир, бирон олим йўқ.

Айниқса, файласуфлар! Кўпинча ўзини Ер билан Осмоннинг авра-астарини ағдариб кўргандек тутади.

Ҳусан “доно”лик қўлмаса-да, у ҳам бу борада мунтазам ўйлайди... Бунинг бари даҳрийлар (моддийончилар) неча йилки инкор этган тариқат, Одам Ато билан Момо Ҳавво “Ерга тушибигиз!” деган Фармони Олийни олган пайтдан бошланмаганми? Ўша, АЗАЛ СОАТдан икки ўртада

Муаллақ бир ҳолат

пайдо бўлмаганми?

Кўчада, Ҳамро ишлаган клуб томон кетаётib, Ҳусан ҳали мактаб остонасини тарк этмаган кунлар “Ўқувчи-ёшлар саройи”га қатнаганини эслади. Ўшандада у “Авиамоделчилар” тўгарагида қатнашган, чиройли кичик самолёт шакллари ясанган, учувчи бўлишни орзу қўлган эди. Аммо қисмат экан, кейинчалик Инсон тафаккури:

Сўздан, Тушунчадан, турли даврларда

турли “либос”га ўранган Дунёқараашдан

баҳра топиш унга баҳт бўлиб туюла бошлади.

Мана, энди ўйлаб кўрса, нотаниш шаҳарга келган сайёҳдек, замонлар давомида турли кўчаларга “кириб-чиққан” фалсафа — фанлар Онаси, — то ҳамон:

Биз ўзи ким? Яратилишдан маъно нима?

Бизга қандай муҳим вазифа юкландан? —

ва бошқа, бошқа оддий саволларга жавоб топмаган,

МУАЛЛАҚ БИР ҲОЛАТдан

бўлак нарсани аниқлай олмаган экан!

Ҳусанга ўхшаб Ҳамро ҳам файласуф.

Ихтисос бўйича.

Лекин амалда арбоб. Клубга раҳбар бўлгунича ҳам катта-кичик идораларни бошқарган.

Бир гал у тўғрида Ибод билан сўзлашгани Ҳусаннинг ёдига тушди.

— Томбосдини биласан! — деди негадир Ибод.

— Қанақа “томбосди”?

— Ўз оғайнимиз. Ҳамро! Лақабини эшиитмаганмидинг?

— Биринчи эшитишим.

— Сен ҳам Афанди экансан!

— Нега Томбосди? Тушунмаяпман.

— Ёшлигида, зилзила пайти уларни том босган. Ота-онаси ўлган. Ҳамро ўзи болор-вассалар орасида тирик қолган. Баъзан гапириб юради. Кўпроқ ичган бўлса, йиглайди. Кўксингга бошини қўйиб йигламаган экан, демак сизлар унча яқин эмас экансизлар.

— Хўш?

— Ҳар нарсани илтимос қилавериб, кишини чарчатиб юборади.

Ҳусаннинг Ҳамро билан муносабати чиндан “унча яқин эмас”. Улар орасида-ги муносабат ёшлиқ йилларига садоқатми, ўтган бегубор кунларни қўмсашибми? —

шундай бир туйгуга асосланган. Ҳусан қачондир Ҳамро тўғрисида корчалон, деган фикрга борган, унинг ҳаётидаги кулфатдан воқиф бўлганидан сўнг ҳам, фикри ўзгармай қолаверган эди.

Тақа шаклида қурилган икки қаватли эски ва анчайин хароб бино.

Ҳамронинг кабинети иккинчи қаватда.

Гаплашадиган гап жиддийми, ҳар қалай у дастурхон тузаб, эшикка қараб ўтиради. Ҳусан билан кўришаётিб:

— Кўчага чиқмаймиз. Шу ерда чой ичиб қўяқолайлик, — деди.

Ҳамро Ҳусаннинг боя ўйлаганларини олдиндан билгандек, улар стол ёнидан жой олишгани заҳоти, кутимаганда:

— Ер — фоний, Осмон — боқий, биروف — Ерда, биروف — Осмонда! — деди.
— Хў-ўш?

— Farбдан олдинроқ Шарқда қадимдан китобларда Иторид, Миррих, Муштариј, Зуҳал, Зуҳра деган сайёralар, юлдузлар номи учрайди. Улар сиртида ҳаво йўқ ҳисоби. Иссиқ, Масалан, Ерда Саҳрои Кабир ёниб ётгани ҳеч нарса эмас, Зуҳра сайёрасида ҳарорат 450-470 даражада. Бунинг устига, бир кеча-кундуз Ерда бўлган 417 кеча-кундузга teng...

— Сен ўқиганингни мен ҳам ўқиганман. Мен эмас, саводли мактаб боласи ҳам бу гапларни билади, — деди тоқатсизланиб Ҳусан.

— Тўхта! Гапни эшит... Сўнгги йилларда олимлар бир куни Ердан Осмонга “кўчиб чиқиши” устида ўйлашади. Зилзила, тошқинлардан Ер йўқолиб кетади, дейишади. Ҳозир кўп катта мамлакатларда аниқ “Осмонни ўзлаштириш” нияти билан юрганлар ҳам чиқаяпти. Осмонда шароит йўқлигига қарамай, улар ҳатто турли сайёralарни Ердагидай, хаёлан ўлчаб, биروفларга тақсимлаб беришяпти. Рўйхат тузиб, банкларга пул ўтказилаяпти. Бу фантазия эмас, ҳақиқат.

“Ерда ҳаётни минг йиллар давомида тартибга сололмаган одамзод Осмонни гуллатадими?” деб ўйлади ўзича Ҳусан.

— Жон оғайнни, мақсадга ўтавер, — деди.

— Мен шу ҳаракатга қўшилмоқчиман.

— Кўшилавер! — “руҳсат” берди Ҳусан.

— Менга ишонганинг учун раҳмат... Мен сендан бирон нарса илтимос қилмаганман. Чунки мендек сен ҳам ўз аравасини ўзи тортган кишисан. Ерда юрибсан. Биродаринг Ҳасан aka бошقا. У киши Осмонда, дейиш мумкин.

Ҳусаннинг хаёли қочди: “Нега Ҳасанни энди бу эслаяпти?”

Лекин эгизаклар бора-бора қарама-қарши қиёфа касб этаётгани рост!

Ҳусан — камтар, ўзини хокисор (тупроқча тенг) тутишга ҳаракат қиласди.

Ҳасан — ўзини баланд парвозд (ҳавода учиб юргандек) тутади. Кибор. Буни табиий ҳол, деб билади.

Уларнинг яшаш ҳолати ҳам шунга яраша!

Унинг хаёли бўлинди.

— Илтимос, мени Ҳасан aka билан таништир.

— Нега?

— Менга иш юритиш учун маблаг керак.

— Мен бунга аралашолмайман. Ўзинг таниш. Ўзинг гаплаш... Айниқса, ҳозир бу кўнгилга сифмайди. Ҳасан оғир ётиби, — “аварияга учраган” дейишга Ҳусаннинг тили бормади.

— Ётган бўлса, бориб қўришнинг айни мавриди эмасми?

— Эй... — Ҳусан хафа бўлиб кетди.

Ҳаётда ҳалол йўл билан пул топиш қийин шекилли!

* * *

Шам
лап-лап
ёнади.

Оппоқ капалак қанот қоққандек.
У эриб битгунича атрофни ёритади.
Одам ҳам шу! Умрида атрофни ёритиши керак.
Аммо биз доим бундай қилолмаймиз.
Ўзини шамдек ёқиб, озгина, ожизгина бўлса-да, нур таратишга аксар қурбимиз етмайди.

Бизнинг қонимизда зулмат зўй.
Арофни ёритиш қаёқда? Бизга бирон нафи тегадиган бўлса, йўлда кўринган ШАМлар (ЧИРОҚлар)ни аксинча, ўчириб юрамиз. Тап тортмай!
Қўлларингни қанотдек силкитиш, ўзингни Осмонда деб билиш мумкин. Лекин бу — Парвоз эмас.
Инсон — Жисми, Руҳи пок ҳолатга кириб, атрофни ёритмагунича Осмонга кўтариоломайди.
Инсоният ҳали Зулматдан қутулгани йўқ.
Биз

МУАЛЛАҚ БИР ҲОЛАТДАМИЗ.

Худойим! Кечиргин.

Худойим! Бу не ҳол? Сен

ОДАМНИ ТЕНГ, ОЛАМНИ ТЎКИС

ЯРАТДИНГ! Кўркам яша, аҳил яша, шукроня қил, ДЕДИНГ!

Бироқ

Одам Ато фарзандлари (яна ўша, Қобил ва Ҳобилдан бошлаб) кўпкарига тушгандек, ўртага ташланган “бузоқ”ни ҳар ёқقا тортдилар. Улар — Худбин ва Бадбин, — аҳил, кўркам яшаёлмадилар.

Инсоннинг бундай

НОТЕНГ, НОКОМИЛ

эканлиги, бундай

ТЕЛБА ҲАЁТида

ҲИКМАТ нима, худойим?

... Ҳусан ич-ичидан зил кетаётган эди.

Назарида, ўзини аёвсиз тутган, Ҳамрода озор берганди.

Ҳамро (ичмаганига қарамай) ана-мана йиглайдиган аҳволда қолаверган эди. Фарид осий бандади!

Уларнинг бутун сухбати икки кишининг алжирашига ўхшар эди.

* * *

Касалхона эшиги бу кун очиқ.

Ҳовлига кириб ингичка йўлқадан узун бино томон йўналган Ҳусан, дарахтзорда шунчаки вазмин одимлаётган кекса бир беморни кўриб қолди. Бемор ҳам бошини кўтариб унга қўз ташлади.

Марат бобонинг касал эканлиги чолни бу ерда учратишини у хаёлига келтирмаган эди. Бир гал кўчада чолнинг афт-ангорини бобоси Абдураҳмон Ҳўжа, отаси Исмоил Ҳўжага ўхшатгани ёдига тушди. Олдинги кеча тушида кўрганини ҳам эслади. Шошганича, пешвуз юрди. Ҳол сўрашди.

Шу аснода илм эгаллайман, ёшларни тарбиялайман, деб югуриб-елиб, маҳаллада баъзан маърака-маросимда қатнашишдан нарига ўтмагани, қўни-қўшни, улар орасида Марат бобога то ҳозир ҳеч қачон иши бўлмагани, Бу Одамнинг ҳаёти, қисмати, юракдаги дарди-ҳасрати нима, қизиқмагани...

мана, энди ўзи ҳам кексалик шаробини ютишдан унча узоқда турмаганини...
хис этди.

Ва шу асно

сўққабош, кимсасиз қарияга лутф кўрсатиб яхши бир сўзлар айтгиси келди.

Аммо сўз тополмади.

Қарияни багрига босгандек бўлди.
Бироқ бу ҳам аллақандай расмий тус олди.
Нихоят, жияни ҳам шу касалхонада ётганини айтди.
Марат бобо қўй очиб дуо қилди.
Хусан бинога кириб, ўзига керакли палатани топди.
— Ёмонқул ҳозир чиқиб кетди. Кўрмадингизми?
— Йўқ, — деди Ҳусан.
— Сизларни роса овора қилибман.
— Биз майли. Даданг...
— Дадам келган эдими? — деб қизиқсинди Ворис. — Кўрмадим.
— Дарагингни билса, учарди-да!
— Ёмонқулдан бошқа ҳеч ким билан хабарлашолмадим. Кўнглимга сифмади,
амаки. Узр!
Улар хонага туташ айвонга чиқиб ўтириши.
Ворис ҳамшира қизларга чой буюорди.
— Ўзи Навоийда юрибсанми?
— Навоийда! Лекин дадам билан бирга эмас. Сахро этагидан ҳовли олганман.
Кундалик қора меҳнат.
— Даданг ўз ёнида бўлишга қистамаяптими?
— Бу ҳам бор. Дадам мени ўзича яхши кўради. Мен ҳам... Лекин мен ақлимни
таниганимдан онамнинг қўлида, эркин ўсганман. Дадамнинг уйида туролмайман.
Зерикаман. Баъзан одамни “ёш бола”га айлантириб юборадилар.
— Ота-бала бундай юрганларинг яхши эмас. Муроса-мадора қилинглар.
— Буниси тўгри, — деди Ворис. Шунинг баробарида, чуқур хўрсиниб қўйди.
— Тўйнинг ошини қачон еймиз?
— Қанақа тўй?
— Ўзингни гўлликка солма. Менга айтавериш мумкин.
Ворис амакисидан барибир уялар экан, дув қизарди:
— Бу ишда ҳам дадам билан келишолмаяпмиз.
— Бу ердан қачон чиқмоқчисан?
— Индин. Тугилган куним! Шунга қараб чиқмоқчи эдим.
— Табриклийман! Бир кун олдинга суриш керак.
— Тугилган кунними?
— Йўқ, албатта. Мен эртага Навоийга бораяпман. Бирга бораильик, демоқчи эдим.
— Мен уч-тўрт кун юрсаммикан? Ёмонқул билан...
— Ҳозир бу қийин, — деди Ҳусан. — Менинг режам бузилади. Буниси майли.
Даданг оғир ётиби.
— Ҳалигина келди, дедингиз-ку?
— Кейин шунақа бўлиб қолди. Бориш шарт. Қолган гапларни йўлда гаплаша-
верамиз.
Ворис амакисининг сўзларига тушунмай гангиб қолган эди.
Ҳусан ўрнидан турди.
Ворис уни дарвозахонагача кузатди.

* * *

Унинг хаёли биродари ва жияни билан банд эди.
Растага етиб келганида бехос узоқдан оқ кийган гавдали кишини кўрди. Тур-
қидан арвоҳни эслатган киши йўл томон катта-катта одимлаб борарди.
Ҳусан саросималаниб қолди.
Майдончада рўй берган воқеани бу кун бирон марта эсламагани, тасодиф
мулоқотни кутмаганидан, шу дам оёқларидан мадор қочгандек бўлди.
Йўқ. Ўзини дарҳол ўнглади.
Қадамини тезлатди.
Важоҳатли киши йўл ёқасидаги машиналар ортига ўтиб кетди.

Ҳусан ҳам шу ёққа қараб юрди.

У ҳамон нима дейиши, қандай гаплашишини билмасди.

Аммо назариди, гаплашиш шарт эди.

Машиналар ортига ўтган эди, кўзи тушди:

нариги томондаги кўча бетида кўп эмас, ўн-ўн беш чогли кекса-ёш устига қизил баҳмал ёспилиб олача чопон ташланган кичик бир тобутни кўтариб боришарди.

“Бола!” деб ўйлади ўзича Ҳусан ва унга бу — ўша, растандаги бола бўлиб туюлди. “Биз кўплашиб уни асрәёлмадик!” деган гап хаёлидан кечди.

Гавдали кишини Ҳусан кўздан қочириб кўйган эди.

Мусулмончилик! Бир дам паришонлангач, ютуриб бориб тобутга елка тутди.

Айни сонияда тобутни унга ёнма-ён оқ кийган киши кўтаришиб бораётганини пайқади.

“Бу Инсон одамийлик қила олар экан, нега ҳайвонлик қилди? Ҳайвонлик қиласар экан, нега одамгарчилик қилаяпти?

Дунёнинг ишларига ҳеч қачон

ОХИРИГАЧА

тушуниб бўлмас экан!”

Ҳусан яна, беихтиёр:

“Воқеага ортиқ қизиқишида маъно йўқ!” деб ўйлади.

* * *

Ўйга қараб кетаётib, ўз болалик кунларини, отаси Исмоил Хўжа амакиси Иброҳим учун қайгуриб, ҳаётда дуч келадиган сарсон-саргардонликлар ҳақида гапирганини эслади.

Унинг кўз олдига қайтиб биродари Ҳасан, жияни Ворис келди.

“Ота-бала нимани талашади?

Улардан қай бири айбдор?

Бизга умр бўйи ҳақиқат битта дейишиди. Барчани бир йўлга солмоқчи бўлишиди. Инсонлар эса ҳар бири Ўз Ҳақиқати билан яшади... Бу нима, адашишми, жаҳолатми ёки азалдан келган “ҳаёт қонуни”ми? Инсониятнинг бошини бириктириб, уни Буюк Ҳақиқат (адолатли, аҳил, баҳтли яшаш)га бўйсундириш, ўргатиш мумкинми? Мумкин эмасми?”

Ҳусан хаёлида айланган саволларга жавоб топмаётган эди.

10

Амакисини дарвозахонагача кузатиб қайтган Ворис, палата эшиги олдида турган — эгнида касалхона кийими, аммо бошида дўппи, ихчам оппоқ соқолли кишини кўрди.

— Бирорни кутаяпсизми, отахон?

— Шахматни биласизми? — саволга жавоб ўрнида сўради дабдурустдан қария.

— Ётганимга уч кун бўлди. Ўйнайдиган ўртоқ тополмаяпман.

— Тахта қаерда?

— Хонада. Юринг.

— Сизлар нечи киши?

— Уч киши.

— Бўлмаса, бу ёққа олиб келинг. Мен бир ўзим.

У хонага кириши билан изидан чол шахмат таҳтасини кўтариб келди. Стол устига таҳтани қўйганича, доналарни тера бошлади. Хатти-ҳаракати эркин ва гаюр, шу билан бирга, афт-ангари осойишта эди.

Ворис илк қарашда бу одам ўзбекми, татар ёки озарми? — ажратса олмади. Ёшини ҳам таҳмин қилолмади.

— Олдин бир пиёла чой ичинг, — деди доналарни териб бўлган қарияга.

— Чой кейин, — деди у.

“Жанг” бошланди.

Ворис чуқур сукутга чўмиб секин ўйнар эди.

Рақиби ундан ҳам секинроқ ўйнар экан. Лекин ўйнаётуб аллабир қадим ни-доларни эштилар-эштилмас, паст товушда ўзи-ўзича хиргойи қилишга одат-ланган экан.

Ана, кўп ўтмай хиргойи қилишга тушди:

Дилда дардинг бўлмаса, дарди саримни ковлама...

Буни икки-уч қайтаргач, янги мисрага кўчди:

Маърифатдан бехабарсан. Гавҳаримни ковлама...

Сал туриб, бутун нидони “янги”лади:

Биҳишт айвонида бўлмоқ иложин орзу қилмай,

Сотарга дину дунёнинг ривожин орзу қилмай,

Яна Руму Хито божу хирожин орзу қилмай,

Шаҳи рўйи заминнинг таҳту тоҷин орзу қилмай —

Гадои фақр бўлдим. Сайр этарман баҳру бар танҳо...

Ворис, умрида ўзи ҳам эҳтимол фақирлик ва танҳоликда баҳру бар (денгиз ва қуруқлик)да кезган Бу Одамга нисбатан кўнглида қизиқиши—хурмат туйди.

Улар уч кўл ўйнашди.

Қария икки марта Ворисни енгди.

Ворис бир марта ютди. Аммо унга чол атай ён бергандек эди.

У ўрнидан туриб, бу гал ўзи чой дамлаб келди. Янги танишини дастурхон ёзиглиқ айвонга таклиф қилди.

— Узр. Нечига кирдингиз, отахон?

— Саксонга яқинлашдим... Исмингиз нима, йигит?

— Ворис.

— Ҳали келган Ҳусан Ҳўжанинг жиянимисиз?

— Амаким! Катта олим. У кишини танийсизми?

— Биз бир маҳалладан... Мени Марат бобо дейди.

— Кечирасиз, нега Марат бобо? — деб эҳтиётланиб сўради Ворис.

— Ким билсин, балки Муродирман? Бир кунлар Муроддан Марат авло кўринган бўлса керак, шунаقا ёзишган. Аслида, иккиси ҳам эмас... Мен балки, қароқчилар кемада кўксига тиг санчиб дентизга улоқтирган Дарвеш-қаландар-дирман? Балки, одамларни гафлатдан уйготган, вақти-вақти билан огоҳлантирган Чол-Нуҳдирман? Балки, Она Ери тортиб олинган, мосуво кўйга тушган Шаҳзода? Балки, саҳрода тентираган, зиндонда жандаси қолган яна бир Дарвеш? Ўзим ҳам билмайман. Умримда исмимдан тортиб ҳамма нарса қоришиб кетган... Фақат, эсимда. Бир пайт бизни қандайдир горга олиб боришган. Биз у ерда кўприк курганмиз. Нима мақсадда? Айтотмайман. Қатор бўлмалардан иборат гор. Ҳар қайси бўлма хонақоҳга ўҳшайди. Бир неча тубида сув, чуқур ҳовузми, кўлми? Улар орасида оролчани эслатган нам ер. Биз мана, шу дўнгликларни “бирлаштирадиган” осма кўприклар курганмиз.

— У гор қаерда?

— Биздан жойни пинҳон тутишган. Ўшандеёқ горнинг “огзи” ҳам ёпиб ташланган. Билмайман... Қўз олдимда кўркам музсарой. Оҳактошдан тикланган ҳайбатли устунлар. Қандиллардек сумалаклар. Биз қурган осма кўприклар юрганингда беланчакдай тебранади. Лопиллайди... горда чироқ ўрнатиб атроф бир оз ёришганида мени бир нарса айниқса, ажаблантирган. Абадий музлик ичиди, хонақоҳ гумбазидек тепада қушлар учиб юрибди. Кўршапалак бўлиши ҳам мумкин! Лекин мен қушлар деб ўйлаганман. Улар қачон, қаердан горга келиб ин қурганини билиб бўлмасди... Мен кўрган дунё шу эди!

— Саксон ёш узоқ умр, — деди Ворис. — Бундан бўлак бирон воқеа хотиран-гизда қолмаганми?

— Менинг бошимга кўп уришган, бу бошимда калтак синди, деган маънода эмас, аниқ! Фира-шира алланималарни эслайман... Суянган тўрт оғайним мени сотди. Ҳатто душманга айланиб йўқотишга ҳаракат қилишди. Кетдим... Кўп сарсон-

саргардонликлар кўрдим. Бирор сен босмачисан, сен қолоқсан, ваҳшийсан, сенинг тарихинг ҳам, дин-эътиқодинг ҳам бир чақа, деб кўксимдан итарди. Бирор мени қул қилиб ишлатди... Бир қизни ёқтирадим. Денгизда гарқ бўлди... Бир гал уйланиб, озми-кўпми яшадим ҳам. Лекин ўша, ўзим ёқтирган қизни унотолмадим. Кетдим... Мана, энди қайси макон, қайси замонда юрибман? Ёлғиз худо билади.

Ворис Марат бобонинг сўзларидан қаттиқ таъсирланган, ҳозир у ўзини Бу Олам чегарасидан ташқаридағи Бир Оламга назари тушгандек сезаётган эди.

— Менинг бобом Исмоил Хўжа деган киши эдилар, — деб ҳикоя қила бошлиди Ворис. — Тирик бўлсалар, у кишининг ҳам ёши саксонга яқин борарди. Болалик пайтим бобом баъзан Иброҳим деган акалари йўқолгани тўғрисида гапирап, кўпинча кўзларига ёш олар эдилар... Сиз менга уларни эслатдингиз! Мен эртага касалхонадан кетаяпман. Қачондир яна сиз билан кўришиш насиб этади ё йўқ. Шунинг учун, ижозат берсангиз, ҳеч кимга, ҳалигине амакимга ҳам очиқ-ошкор айтмаган баъзи бир гапларни сизга айтсан...

— Айтинг, — деди Марат бобо.

— Бола эдим, ота-онам ажralиб дунёning шафқатсизлигига тушунмай, то ҳамон юрагимда бунинг асорати қолди. Асосан, онам қўлида тарбияландим. Бобом Исмоил Хўжа, бувим Бокира бонугоҳ-гоҳ мендан хабар олиб туришарди. Дадам ҳам... онам Курбоной дунёдан ўтгунча ҳам, кейин ҳам менга доим меҳр кўрсатган! Лекин бора-бора дадам билан мен бири-биrimиздан узоқлаша бошладик. “Бегона”лаша бошладик. Дадам аравани бир ёққа, мен бошқа ёққа тортаяпмиз! Албатта, отанинг оталигини тушунаман, имкон етканича кескин муомаладан сақланиб юраман. Дадам бадавлат, кибор, одамлар ярим қизиқиши, ярим кўрқув билан қарайдиган ҳукмфармо киши! Барчадан кўра яхши еб-ичиш, чиройли кийиниш, дабдабали уйда яшаш, дабдабали юришни ҳаёт мазмуни деб билган, моддий манфаатни биринчи ўринга кўйиган ўзи-ўзига хон, ўзи-ўзича бек киши! Шу билан бирга, қизиқ жойи, ичида ожиз, журъатсиз қулни эслатади. Атрофдагилар ҳам унга ўхшаб қул бўлишини истайди! Менга муттасил, ундей дема, ундей қилма, тарзида талаб қўяди. Оғзига аграйиб қарашимни, у чизган чизиқдан юришимни — болалик кунларимдан, айниқса энди — бўйнимга юклагиси, мени худди кишан-занжирга соглиси келади. Мен ўзимни озгина эркин тутсам, бу унинг гашига тегади, норози бўлаёттани кўринади. Мен тушунмайман, биз қадимдан қурдатли, озод, магрур аждодлар насли эмасми? Қонимизда мутелик, қуллик қаердан келди? Ким, қачон бизни бунчалик қулга айлантириди? Дадамнинг олдида юрт ҳақида, миллат ҳақида, тил ҳақида гапириш мумкин эмас. Сен хато йўлга кирайпсан, алжирайпсан дейди. На узоқ тарих, на далиллар орқали фош бўлаёттан яқин тарихин эслаш ҳам мумкин эмас. Чидаёлмайди. Сен турли унсурлар, миллатчи-жадидларга эргашма, улар гуноҳи борлиги учун қамалган, отиб ташланган, тўғри қилинган дейди. Фитрат, Қодирий, Чўлпонларни ҳам шу сафга қўшади. Уларга хайриҳоҳликни адашиш деб билади. Умуман, юрт аҳволи, халқ борасида дадам билан сўзлашмаган дуруст! Инсонга зўравонлик ўтказиб бўлмаслигини тушунтиролмайсан...

— Сизга қийин экан, йигит, — деди Марат бобо сал паришонланиб. — Онадан, отадан шикоят қилиш, она ёки отанинг кўзига тик қарашнинг ўзи жоиз эмас. Мусулмончиликка кирмайди! Бизга шундай тарбия берилган... Яна айтсан, бирорни ортиқча муҳокама қилмаган маъқулроқ бўлиши керак. Бу дунё — у дунё ҳар ким ўзи учун ўзи жавоб беради... Бундан ташқари, мен йиллар бўйи ўйлаб, итоат яхшими, эркинлик яхшими? Қай бири афзал? Аниқ ҳукмга келолмадим. Ёшлигим қайтса, балки бошқача яшар эдим. Бу сизга ҳам, дадангизга ҳам тегишли... Умримда бир хулоса ясадим, бизни қусурлар, иллатлар эмас, одамга нафрат билан қарашга ўргатишган, оиласдан ташқи тарбиямизда бирорни маҳв қилишга мойил кайфиятга “тайёр” турққа “киритишган” экан. Кечирилмас ҳол! Шароит одамий бўлиши керак... Менинг гапларим бетартиб, йигит. Хафа бўлмайсиз.

— Ҳаммаси тўғри. Лекин дадам ҳам мени енгилтаклик қилаяпти, болалик қилаяпти, деб ўйлайди. Ҳолбуки, ёшим ўттизга бораяпти, дунёда минг йиллик қадрланган тушунчалар, муқаддаслик, эзгулик бор, уларга риоя қилмаса, яшаш-

да маънно қани? Мен бир қизни ёқтираман...

— Чиройлими? — деб бехос-дабдурустдан қизиқсинди Марат бобо.

— Чиройли. Ақли. Ҳаёли.

— Исли нима?

— Марварид!

Вориснинг назарида, Марат бобо елкаларини, бошини адл кўтартгандек, кўзлари ярқ этгандек бўлди:

— Марварид?

— Шунаقا... Яхши қиз. Биргина айби, қўли қисқа оиласдан. Бунинг устига, мендек у ҳам эркин фикр юритади, дадам мени у йўлдан оздираяпти, деб тушунади. Шунинг учун, тиш-тирноги билан қарши. Менга бошқа бир қиз қидираяпти.

— Ўйлаб кўринг, оқаётган бир ҳовуч сувнинг йўлини тўсса, у ён томонлардан йўл излайди, — деди негадир Марат бобо.

— Мен саҳро этагидаман. Бир гал отда бораётиб узоқдан най садосини эшитдим. Шундан буён ўша садо қулогимда. Осоийшталигим йўқолган. Баъзан тоқатсизланиб ҳар ёққа от чоптираман. Ўша садони яна, яна эшитгандек бўламан. Бу қаердан келаяпти, ким? Билмайман.

— Саҳро денгиз тубига, денгиз туби саҳрога ўхшайди, — деди Марат бобо ўйчан.

— Мени дуо қилинг, отахон. Шу қиздан ажралмай! Унга етишай!

Марат бобо қўй очиб дуо қилди.

* * *

Эртаси куни Ворис касалхонадан кетаётиб, Марат бобо билан хайрлашгиси келди. Чол ётган палата остонасига борди.

Тўхтади.

Эшик қия очиқ.

Хонада Марат бобо ёлғиз.

Олдида шахмат тахтаси.

Ўзи-ўзича дона сурмоқда, эшитилар-эшитилмас, паст товушда эски бир ни-дони хиргойи қилмоқда эди:

**Хўжа, саййид, беку хон — сардорлар бадкор эса,
Зулм тифин тез этурда — ҳар бири номдор эса,
Коса-лес, кассоб шайхлар — бу ватанда бор эса,
Мазлум эллар инграпубким, парча нонга зор эса —
Куфр элига Машрабидек раҳнамо пайдо бўлур...**

Лаҳза ичида Вориснинг кўзи олдида

бутин олам

гўёки чарх урди.

“Бу ватан...

мазлум эллар...

парча нонга зор...

куфр элига раҳнамо...”

Ажабо! Бизга сўнгти асрда расмга киргандек туюлган гаплар неча асрлар бу-рун (эҳтимол, минг йиллар бурун ҳам) ҳис этилган, айтилган экан.

Бу нима? Одамларни табақалар (синфлар)га бўлиш қадимдан борми?

Ҳаётдаги ҳақиқатми? Уйдирмами?

Табиий ҳолми? Тўқилганми?

Буни “синфий қураш” дегандек сўнгти асрларда ҳукм сурган нотўгри қарашиб, дессангиз минг йиллар давомида “Мазлум ва Золим” тарзида фикр юритилган.

Яна, Ҳалқ (“Кўзи вақти саҳар сайёра бўлган Ҳалқ”)!

Эл-улус. Фуқаро (“Фақир” сўзининг кўплик шакли эмасми?!)

Ўргада шахмат тахтаси.

Нега доналарнинг ҳақ-хукуқи бир хилда эмас?

Гап бирор бой, бирор камбағал оиласда тутғилганида эмас. Гарчи ўшандаёқ

ноҳақлик, адолатсизлик рўй берса-да, инсон интилувчан, ўзгарувчан мавжудот! Бироннинг қисмати бошқага ўхшамайди! Муҳими, бутун Ер юзида ҳамон Ноҳақлик, Адолатсизлик учраб турганида.

Ўртада шахмат тахтаси!

“Ҳусан амакидан бу борада сўраш керак.

У файласуф. Балки, билади”.

Куфрдан, куфр элига айланиш, яна раҳнамо бўлишдан Ўзинг асра, эй Худо! Барчамизга (ҳар бир бандага) Ўзинг инсоф бер! Диёнат бер!

Жаҳолатдан, турфа исёнлардан, йўлларда тўкилган қонлардан, юз туман фалокат ва ҳалокатлардан Ўзинг асра!

... Ворис Марат бобога халал бергиси келмади.

Орқага чекинди.

Эшиқдан секин узоқлашди.

Учинчи қисм

ИНСОН ВА ҲАЙВОН

11

У болалик пайтидан юрагида бир оғриқ сезса-да, баъзи эр-хотин ажралган оиласаларда бўлганидек, дадам онамни, мени ташлаб кетган, деб отасидан ҳеч қачон норозиланмаган, ҳатто ўпкаланмаган эди. Вақтида онаси Қурбоной ота-болани бири-бирига қарши қўймаган ҳам эди! Ворис отасига ортиқча бирон эътиroz билдиргани ҳам йўқ! Аксинча, ота томонидан унга эътиroz билдирилаётган эди. Ота ўз боласи билан кўпдан бўён ким кимни енгади, қабилида иш тутиб, унга кескин ҳукмини ўтказишга уринаётган эди.

Ана, амакиси билан у машина ёллаб, Навоийга жўнашди.

Йўлда Ҳусандан Ворис отаси автофалокатга ўйлиққанини эшилди. Шунчаки дадамнинг тоби қочгандир, деб ўйлаган эди, алланечук бўлиб кетди.

Уйдан хафалашиб чиққан эди. Дадам қидириб ҳам юрмасин, деган хаёlda биронга индамай Тошкентга қараб жўнаганди. Мана, энди отаси қайси аҳволдаю икков қандай юзлашишади, билмаганидан қайгуга ботган эди.

Ворис бир неча яқинларини тупроққа топширган. Ота томондан бобоси, бувиси, она томондан яна бобо ва буви, ниҳоят онаси Қурбоной. Ўлимдан унинг юраги зада эди. Шу боис кўрқаётганди. Инсон дунёда Омонат Вужуд!

Кеч йўлга чиқишиган эди, қоронги тонгда Навоийга етиб келишди.

Уйда барча барвақт туриб нонуштага тайёргарлик кўришаётган экан. Дарҳол дастурхон ёзишди.

Биринчи галда улар Ҳасаннинг аҳволи билан қизиқишиди.

Норгул:

— Бир оз енгил тортилар. Бугун реанимациядан палатага ўтказиши керак, — деди. Бу гапда таскин бўлса-да, Вориснинг ҳамон қўнгли нотинч эди.

Нонуштадан кейин, Норгул, ортидан болалари — Кудрат ва Маъсума, ломмим демай хонадан чиқиб кетишиди. Анча ҳаяллаб, бир маҳал ҳар хил тугунтугунчаклар кўтариб киришиди.

— Туғилган кунингиз билан, ака.

— Табриклиман, ўғлим.

Туғилган кун “эсдан чиққан”дек эди.

Ворис таъсирланиб кўзлари ёшланди.

Сенинг дунёда шулардан яқин кишинг йўқ, деган гап хаёлидан кечди. У дадаси олдида ўзини озми-кўпми айбдор сезди. Менинг касримга отам фалокатга йўлиқиб, оғир ҳолга тушмадимикан, деб ўйлаб изтироб чекди. Шунинг баробари-

да, Ворис ҳис этаётган эди: сут билан кирган жон билан чиқади! У ўз эътиқодидан (раҳматли онаси берган тарбиядан, қолаверса, аждодлардан келган тарбиядан, яна, дейлик, ҳатто Марвариддан) воз кечиб, отаси кўрсатган йўлдан юриши ёки унга ҳамма нарсани қурбон қилишдан сақланиб, яна... яна узоқлашиб бораверишига тўғри келади.

Дунёқарашиб масаласи нақадар мураккаб!

Бу — азобли, озорли, гоҳида қонли йўл!

Ворис шу палла “Сўна” деган китобни, Артурни эслади.

Ота билан бола бундай тўқнашиши шартмиди?

У эътибор берди. Янги “она”си — Норгул ўзича Ҳусандан кўра Ҳасан катта (алифбода ҳам “а” — “у”дан анча олдин келади, биринчи ҳарф!) деган фикрда бўлса керак, отаси тўғрисида амакисига “акангиз” деб гапирав экан. Ҳусанг мурожаат қилиб:

— Акангиз сизларни кўриб тезроқ туриб кетарминалар? — деди.

Амаки билан жиян касалхонага боришга шайланишган эди, Норгул яна:

— Шошманглар, — деди. — Ҳозир машина чақираман.

— Ўзимиз бораверамиз.

— Машина барибир, бекор ётибди. Хизмат қилсин!

* * *

Улар кўчага чиқиб, машинани кута бошлиши.

Хижил кайфият, тунд ҳолатда эканлигига қарамай, Вориснинг хаёлидан кечадан бўён Марат бобо кетмаётган эди. Ҳусанг:

— Марат бобо деган киши билан танишдим, амаки, — деди.

— Кўшнилардан. Маҳаллада фаол, — деди Ҳусан. — Бир хонали панел уйда туради.

Баъзилар ёлгиз экансиз, дейишса “Нега, ёлгиз? Худо бор!” дейди. Барча ёппасига даҳрийликка ўтган бир пайтда ҳам худони унугмаган шундай кишилар учрайди.

— Сиз-чи? — хуркибина сўради Ворис.

— Бизнинг бобомиз, отамиз художўй эдилар. Кейин, кундан-кун бутун эшиклар маҳкам ёпилди. Менинг хатолар, гуноҳларим йўқ эмас, лекин касбим мумтоз фалсафа эканлиги мени кутқарган, юрагимда мен ҳам худодан қайтмаганман. Доим фарзу суннат деб юрмайман-ку, баъзан яширинча илтижолар қиласман.

— Мени сўкманг, амаки, рости, дадамга тушунмайман, одамлардан узилган. Навоийда кексалар бундайларга “дунёсини сотган” ёки “сотилган” дегандек ноҳуш қарашади. Дадам ишонмайдими, қўрқмайдими...

— Унақа дема. У — сенинг отант, менинг биродарим! Ҳар қандай киши бошига кулфатми-мушибат тушса, худо дейди. Чунки икки дунё орасида Бир худо билан бир ўзи қолади! Даңанг сир бермаса керак. Марат бобога ўҳшаганларнинг йўриги бошқа.

— Фаройиб инсон экан! Кўпни кўрган, — деди Ворис.

— Мен уни яхши билмайман.

— У менга бобом Исмоил Ҳўжа билан акаси Иброҳимни эслатди.

— У бир гал менга ҳам бобомни, отами эслатган, — деди Ҳусан. — Одамга одам ўҳшайди. Умуман, дарвешифат киши. Баъзан аллақайси денгизлару кемалар ҳақида гапириб юради.

Дарвоза олдига машина келиб тўхтади.

Ворис ажабланди. Машина — ўша, олдинги машина, ҳайдовчи ҳам — ўша, таниш Абумуслим. Қизик, “катта хўжайин” бир ўзи автофалокатга йўлиқканми?

Йўлга тушишгач, ҳайдовчидан сўради:

— Аравангиз зиён кўрмапти шеккилли?

— Бу ҳам бир ёғи пачоқланган, касал эди. Икки кунда тузаттириб беришиди. Энди олиб чиқишим!

— Ёмон иш бўлиби, — гапни Ҳасанг буриб, луқма ташлади Ҳусан.

— Гапирманг. Ёмон, домла! Барибир, сўрайсизлар. Сўрамаганда ҳам, ичларингда

бу воқеа нега рўй берди, деб ўйлайсизлар... Хўжайин ўзим ҳайдайман, дедилар. Кўнмасам бўларкан! Бунинг устига, ёнларида қотиб ухлаб қолибман. Чарчаган эдим. Машина аксига, чап тарафдан дарахтга бориб урилган. Мен зиён кўрмаганим болишдан...

— Болиш?

— Лўла, деймизми, ёстиқми? Хўжайин баъзан орқада ёнбошлардилар, — деб сўзини давом эттири Абумуслим. — Шуни олиб, кўксимга босиб ухлаётган эдим. Зарбани қайтарган! Энг ёмони, менга ҳеч нарса қилмагани. Оз-моз лат еганман, холос. Касалхонага мени ётқизишмади ҳам! Абжагим чиқса, яхшироқ эди...

— Унақа деманг! — насиҳат қилди Ҳусан.

— Сиз билмайсиз-да, домла, Ворис акам биладилар.. Хўжайнинг кечирмай узоқ кек сақлаб юриш одатлари бор. Ҳайдаб юборсалар, майли, шукр дейман. Мени қийнаб, йўқ қилиб, бола-чақамни қон қақшатишлари мумкин. Ҳали кўрасизлар, у кишининг қўлидан келади. Янгамнинг оёқларига йиқилиб, ёлвориб юрибман.

— Биз ҳам айтамиз. Кечиради, — ваъда берди олийхиммат Ҳусан.

Бу “биз” фақат Ҳусанга тегишли. Ворис Бухородан Навоийга кўчганидан буён расмга кирган зулмдан ўзини қандай қутқаришини ўйлаши керак! Қани, энди ақалли қайтиб Бухорога қочишнинг иложи бўлса! Кўймайди. Кун ҳам бермайди!

У амакисининг ҳурмати, оғир аҳволга тушган отасининг юзи учун бу ёққа келишга келиб, муносабат яхшиланиши мушкул эканлигини сезиб турар эди.

* * *

Касалхонада, тикланиш (реанимация) бўлимидаги мўъжаз бир хонада Ҳасан баланд каравотда ётарди. Унинг боши, елкалари докага ўраб ташланган. Лекин икки бети қип-қизил, қўzlари чақнаган, бу — ўнгланиш аломатими ёки кучли дорилар таъсирими? — билиш қийин. Ўғли билан биродарини кўриб — кутаётган экан! — синиқ жилмайди.

— Бир ўлимдан қолдим, — деди ва шу дамдаёқ сўради: — Уйга кириб чиқдингларми?

— Кирдик.

Улар каравот ёнидаги курсиларни эгаллашди.

— Абумуслим қаёқда экан?

— Кўчада турибди.

— Нега кирмади? Муттаҳам!

— У сиздан кўрқади! Шунинг учун қочиб юргандир?

— Сен ҳам гапирансан! Мард бўлса, қочмасди.

— Сиз уни кечиринг! Ўзи тавбасига таянган, — деб берган ваъдасини бажарди Ҳусан.

— Кўрамиз! — деди Ҳасан бу гапга ортиқча эътибор бермай.

— Икковларингни ҳам худо асрабди! Айб унда эмас!

Ҳасан бу гапни қулоги остидан ўтказиб юборди.

У ногоҳ олдингидан бардамроқ товушда “бошидан ўтгани”ни ҳикоя қила бошлади:

— Баъзан оёғим оғриб турарди. Ўша куни ҳаво нам келганиданми, қаттиқ оғриди. Босилармикан, деб рулга ўтирган эдим. Шундай бир воқеа рўй бердики! Айтсам, бирор ишонмайди... Йўлда қоп-қора хунук бир маҳлуқ пайдо бўлиб, машинага қараб юрди, уни четга суриб ташлади...

— Буни ҳар кимга айтиб юрманг, — деди Ҳусан.

— Мен нима бўлганига тушунмаяпман.

— Илм тили билан айтганда, бу бошқа оламга тегишли ҳолат. Сиздан қандайдир норозилик...

— Катта олимсану бидъат нарсани гапирайпсан. Менинг нимамдан норозиланади?

— Мен шу кунлар ўзимча ўйладим. Сизнинг яхши ишингиз кўп. Лекин ёмон ишлар ҳам... “Ҳеч бир фалокат бекордан рўй бермайди” деган ақида бор.

Суҳбат икки биродар орасида бараётганди. Ҳасан энди Ворисни кўриб-кўрмаганга олаётган, уни гўёки “унутган” эди.

Ворис авваллари эгизаклар учраганида сезмаган экан, Ҳусан “сиз”сираб, Ҳасан “сен”сираши ярашмаган ҳол! Аксинча, ОЛИМГа ҳурмат билан қаралмайдими? Шу дамда унинг ақлли ва камтар амакисига нисбатан ҳурмати ошиди.

— Кечя Ибод келган эди, — деб мавзуни ўзгартирди Ҳасан. — Эшитиб, тўғри самолётда учиб келибди.

— У биздан чаққонроқ-да! — деди Ҳусан кулиб. — Бизнинг юкимиз оғирроқ, Ҳамро дегани ҳам келиб қолса, ажаб эмас.

— У ким? Танимайман.

— Ўзи танишиб олади... Майли, сизни чарчатиб қўймайлик. Мен ҳали шу ердаман. Дўйстларим, шогирдларим бор, баҳонада кўришарман.

— Сен нима қилмоқчисан? — деб туйқусдан жим ўтирган Ворисдан сўради Ҳасан.

— Шу ердаман. Уйимдан бир хабар олсан...

— Дарвоқе, сенинг уйинг бор! — деди Ҳасан кесатиб. — Сен, бола, оёғингни билиб бос...

— Менга қаранг, — дадил сўзлай бошлади яна Ҳусан. — Бу Навоий вилояти! Ҳазрат Навоий Ҳусайн Бойқаро билан ўғилларини яраштиришга умрларини тикканлар, эшитган бўлишингиз керак. Мен у Зотнинг қархисида бир гардман. Лекин сизни кўришдан ташқари, бу ерга сизларни яраштиргани келдим. Икковланинг ҳам ўйинни тутатинглар. Яхши эмас.

Ворис дадасининг сал чекиниб “сиз”лашга ўтганини пайқади. Лекин унинг дағдагаси пасайгани йўқ.

— Сиз билмайсиз-да, бунинг қилиб юрган ишини, — деди надомат билан. — Баъзи одамларни ночор, баъзи ҳайвонларни, дейлик кўчадаги ит-мушукни қаровсиз, деб ёш-болага ўхшаб, топган пулини сочиб юрибди. Ўзига дахли йўқ нарсаларга аралашиб, ҳар ёқда жанжал-тўполон қўтариб нима қиласди? Деворга ҳадеб мих қоқавермаслик керак! Хўп, бу майли. Мустамлака эдик, дейди, қарам эдик, дейди, бу йўлда кўп киши ўлган, дейди. Миллатпарастлик қиласди. Хўп. Менинг раъйимга қарамай, бир қизга уйланмоқчи. Тушунмайди, олдиндан келган тартиб, оиласда бирор бош бўлади, қолганлар унга бўйсунади, итоат қиласди. Бўлмаса, ҳар ким кўрпани ҳар ёққа тортиб, бош-оёқ очилиб қолади, бутун ҳаёт тизими бузилади... Яна гап кўп, ҳозир мавриди эмас, айттолмайман.

Ҳасан гапни асослаб айтган эди.

Ҳусан анча сукутга чўмди.

— Қандай бўлмасин, ота-бала бири-бирингни тушунишга ҳаракат қилинглар. Бири-бирига душман эмас, дўст бўлиб муомала тутса, ҳақиқат очилади, — деди ниҳоят. — Сен, жиян, тилингга эҳтиёт бўл, ҳамма бало тилдан келади. Китобдан олган билимдан ҳаёттий билим фарқ қиласди. Даданг ҳаётда тажрибали киши. Қадрла! Ўрган! Бундан ташқари, жони ачимаса, сен билан тортишиб юрмасди! — У Ҳасанга юзланди. — Сиз ҳам ҳар нарсага қизишманг. Бугун кечагидан фарқ қиласди. Дунё эркин фикрга қараб бораяпти. Ёшлар майдонга кириб келган сайн ҳаёт эски қолипга сигмай қолар экан! Атрофга қаранг, катта бир ўзгаришлар рўй берадиганга ўхшаяпти.

— Ҳеч нарса ўзгармайди! Мана, мен айтдим! Мен кийимимни алмаштирганим билан, ичида ўзимман! — деб тўнғиллаб қўйди Ҳасан.

— Шунга қарамай, йиллар давомида мен ўзгардим, сиз ўзгардингиз! Ҳаёт бир ерда турмайди. Ота-боболарга кўп қайишмасангиз ҳам, сизни бутун минг йиллик бой-камбағал, насл-насад деган тушунчалар қизиқтиради. Кўлим узун, истаганимни қиласман, деб ўйлайсиз. Мени кечиринг, албатта. Лекин “**Сайидсан, хожасан зинҳор мағрури насаб бўлма!**” деган эски гап келади. Мен муҳаббат маса-

ласини кўзда тутаяпман. Бу кўнгил иши. Қўйинг, аралашманг. Йигит ўз ҳаётига ўзи эгалик қиласин...

— Сен ҳам шу ёқقا тортаяпсан! — деди яна “сен”лашга ўтиб Ҳасан.

* * *

Улар кўчага чиқишигач, Ҳусан узоқдан гап бошлади.

— Акутагава деган ёзувчи бор. Япон. Бир ҳикояси менга ёқади, — деди. — Будда жаннат ҳовузи бўйида айланниб юрган экан. Оқ нилуфарлар билан қопланган ҳовуз тубида, дўзахда осий бандалар азобланётган экан. Будданинг Кандата деган қароқчига кўзи тушибди. Қароқчи умрида кўп кишиларга зулм ўтказган, одам ўлдиришдан ҳам тоймаган экан. Лекин у бир куни ўрмонда ўргимчак уясини топташ, ўзини оёғи остида эзиб ташлашдан сақданган экан. Шу хайрли иши учун Будда унга шафқат қилиб, уни жаҳаннам чангалидан кутқармоқчи бўлибди. Жаннат ўргимчагининг нилуфар япрогига илинган кумуш толасини сувга туширибди. Тола эшилиб-чўзилиб дўзахдаги денгиз тубига етиб борибди. Кандата толани тутиб, юқорига чиқа бошлади. Ана-мана чиқдим, деганида бошқа осийлар ҳам толага осилиб олишганини пайқабди. Баҳиллиги тутиб, сенлар ҳамманг эмас, бир мен азобдан қтулишим керак, деб барчага дагдага қила бошлади. Шу пайт у тутиб турган тола чирт узилибди... Бу ҳикояда қароқчининг яна бад феълига борганидан ҳам кўра кўпроқ, Будда озгина эзгуликни ҳисобга олиб, кечирмоқчи бўлгани муҳим... Бошқа диндан мисол кетирганим учун худойим мени қаҳрига олмасин. Астагфуруллоҳ... Барча динларда худоки, кечиримли, Раҳим ва Раҳмон экан, биз нега кин-кудурат билан яшаймиз? Сен, жигар, отангни кечиришга, кейин у ҳам сени кечиришига ҳаракат қил! Ҳаётда учраган муаммолардан қочишнинг иложи йўқ...

Улар кўча бошида хайрлашишди.

Ворис боши фувиллаб, қандайдир эсанкираган эди.

Ота билан бола тўқнашиши шартмиди?

“Сўна”. Артур! Артур...

Албатта, отага қарши боролмайсан.

Лекин жадидлар-чи, миллат қайгуси билан яшаганлар?

Ўша, аср бошида (бу Шарққа ёт қандай бедодликки!) ёшлар (жадид, янги авлод) кексалар (қадим, эски авлод) билан, болалар оталар билан қирпичоқ бўлмаганмиди? Оталар ҳаёт бора-бора ботқоқча айланганига бепарво қараган, қотиб қолган жоҳил бўлсалар, нима қилиш керак? Худойим, бандангни кечир.

Вориснинг юрагида ШУНДАЙ БИР ДАРД борки, отаси буни ҳис этмайди. Отага қарши эса боролмайсан!

Амакиси-чи? Кўп нарсани ҳис этади.

Билимли. Диёнатли.

Яхши киши!

Лекин қўли қисқа, машаққат билан умрини ўткаргани учундир, журъат, жасорати кам.

Ювош-ювош!

Яраш-яраш!

Шунга қарамай (шароит қўттармаганига ҳам қарамай), дадаси билан бугун анча қатъий гаплашди. Раҳмат!

Ажабки, амакисига нисбатан дадаси ҳар жиҳатдан кучли. Бунга ҳозиргина яна қаноат ҳосил қилди. Бу нима, баъзан эзгулиқдан кўра Ёвузлик кучлироқми?

Ота билан бола тўқнашиши шартмиди?

* * *

У ўз уйига йўл олган эди.

Отасидан ҳарҳолда кўнгли тинчили.

Тирик экан! Согая бошлаган экан!

Яшасин, Илоҳим!
Имкон топиб Марварид билан бирон хилват гўшада учрашиш керак. Қиз бола
— ота-онаси ортиқча эрк беришмайди!
Марваридни соғинган. Оҳу кўзларини! Ингичка бармоқларини!
Тезроқ кўрмаса, ўлиб қоладигандек...
Йўлда оғайниси Ёмонқул эсига тушди.
Хайрлаша олмаганига ўкинди.
Ёмонқул исмининг “Азиз инсонлар худонинг Яхши Кули, биз Ёмон Кули”
деган маъноси ҳам бормикан?
Уйга етиб келгач, отга миниб, саҳрога қараб кетди.
Узоқдан най садоси эштилаётган эди.
Ворисга бу садо қаердан чиқиб, узоқларга қандай таралаётганини аниқлама-
гунича қўнгли таскин топмайдигандек бўлиб туюлди.

12

Орадан ярим йилдан кўпроқ вақт ўтди.
Ҳасан тузалиб, рўй берган автофалокатни эсидан ҳам чиқара бошлаганди.
Фақат, олдиндан бўлганидек, баъзан оёғи оғрирди.
Ҳаёт бир маромда бораётгандек эди.

.....

Ов — унинг хаёлида йўқ эди.
Тўгри, сўнгти йиллар ўзига яқин беш-үн киши билан Ҳасан гоҳ-гоҳ саҳро
ичкарисига йўл олишар, тулкими, кўёнми отишар, аммо бу овдан кўра кўпроқ
қумга чиқиб дам олиш ниятида амалга оширилар эди.
Ҳозир у шахсан овга бормоқчи ҳам эмасди.
Даврада ўтирган эди, бирдан бу фикр миясига урилди.
Кун шанба эди.
Одатдагидан эртароқ кўчадан уйга қайтган Ҳасан тогорадаги илиқ сувда оёғини
юваётиб, ёнида обдаста тутиб турган Норгулга шикоят қилди:
— Ярим йилдан ошди, Ибод кўринмайди. Касалхонада бир хабар олганича,
қорасини кўрсатмай кетди. Менинг қўлимдан нон ер эди, қорни тўйган шекилли.
Ўз жигарим Ҳусан ҳам...
— Ҳусан aka кўп қўнгироқ қилдилар.
— Қачон?
— Вақт-вақти билан...
— Нега менга айтмадинг?
— Эсимдан чиқибди.
— Эс бўлса, чиқади-да! Ибод-чи?
— У кишидан хабар йўқ. Ҳусан aka олдинги куни ҳам қўнгироқ қилган
эдилар, бораман, дедилар. Опаларингиз ҳам келмоқчи...
— Опалар яқинда келиб-кетган эди-ку.
— Ким билсин, соғинганмиз, дейишиди.
Шу гап устида бирор дарвоза тутгасини босди.
— Хў-ўш? — деди ўтирган ўрнида Ҳасан. Сўнгти кунлар у дарвозага овоз
аппарати ўрнатган. Энди “ўзингни таништирмай” бу ҳовли остонасидан кечол-
майсан.
— Хўжайин! Ибодман.
Ҳасан алланечук ҳаяжонланди.
— Хизрни йўқласа бўларкан, — деди хотинига. Оёғини артиб, ўрнидан турди.
Норгул унинг қўлига сув қўйди. Кейин, шошганича, тогорадаги сувни тош-
новга олиб бориб тўкли.

Ичкаридан югуриб чиққан Қудрат дадасига бир қараб қўйиб, дарвозани бо-
риб очди.

Ибод, орқасидан бўйи пастроқ кишини эргаштириб, ҳовлига кирди.

— Бормисиз, хўжайин, — деди ҳали яқинлашмай туриб.

— Мен-ку, борман. Ўзлари... Офтоб қаёқдан чиқди?

— Офтоб доим сиз турган томондан чиқади, хўжайин, — хушомад қилди Ибод.
У Ҳасан билан кучоқлашиб кўришди.

Ёнидаги киши ҳам сал ўнгайсизланиб қучоқлашди.

Ҳасан меҳмонларни катта хонага бошлаб кирди.

Ҳовлида Норгул билан Маъсума югуриб қолишиди.

Қудрат дастурхон келтириб ёзди. Чой олиб кирди.

— Бир қошиқ қонимдан кечасиз, Ҳасан ака. Чет элда юрган эдим, — деди
ниҳоят, Ибод.

— У ёқларда телефон бўлмас эканми? — кесатди Ҳасан.

— Тараққиёт зўр. Лекин мен ёшлиқдан, телефонга ишонмаслик керак, телев-
фонда ҳар нарсани гапириб бўлмайди, деган тарбия олганман. Ортиқча эҳтиёткор-
миз-да, хўжайин! — Ибод мавзуни ўзгартириди. Ёнидаги кишига имо қилди. — Бу
Ҳамро. Биродарингиз Ҳусан, мен, бу бир пайтда дорилфунунда ўқиганмиз. Сизни
бир кўриш орзузи бор экан. Ҳусан, биласиз, бунақа ишлардан қочиб юради,
йиғлаб-сиқтагани учун ўзим олиб келавердим.

— Сиз ҳам адлиядамисиз? — деб Ҳамроға мурожаат қилди Ҳасан.

— Йўқ, мен бир клубда раҳбар. Сизнинг суҳбатингизга муштоқ эдим. Бизга
озгина меҳрибонлигингиз ҳам керак.

Ҳасан индамай ўрнидан турди. Девор шкафни очиб, бир боғлам пул олди.

— Клубга ёрдам бермайман. Ҳозир ўзимнинг ишим унча яхши эмас. Лекин
мана, бу сизга. Бола-чака билан уч-тўрт кун байрам қиласизлар. — У ўйланиб, яна
бир боғлам пул олди, кулимсираб Ибоднинг олдига ташлади. — Сиз яқинимни
қуруқ қолдирмай. Сиз ҳам оиласиз билан...

Шу пайт боягидек овоз аппаратига “жон” кирди.

— Хўй-ўш?

— Биз, укажон! Биз.

Мавлуда ва Мавжуда кириб келиб, бошқа хонада ҳам дастурхон ёзилгач,
гўёски олдиндан белгилангандек, Ҳусан остона ҳатлади.

Ҳасаннинг огайниларию шотирлари меҳмон “ҳид”ини тез олишади. Кўп ўтмай,
улар (айримлари хотинлари билан) ҳовлини тўлдиришиди. Ҳасан қўй сўйидирди.
Қозонлар қайнай бошлади.

— Ворисни айтмайсанми? — деди бир маҳал Норгулга Ҳасан.

— Айтдим. Уйда меҳмонлари бор экан.

— Тўйни бошлаб юбормагандир, ҳар қалай? Битта-яримта меҳмон бўлса,
етаклаб келавермайдими?

— Ҳозир яна айтаман.

Жилла туриб, Ворис ҳам Ёмонқул деган огайниси ва кекса бир киши билан
келиб қолди.

Шундай қилиб, кутилмаганды Ҳасаннинг хонадонида катта бир давра тўпланди.

* * *

Аввалида бири-бирини танимаганлар танишишиди.

Бири-бирини танигандар кўпроқ эди.

Масалан, Ҳасан бу кунгача аҳамият бермаганди: биродари Ҳусан ёшлиқдан
Ибод, Ҳамроларни билгани кам, Вориснинг “меҳмон”лари — Ёмонқулни ҳам,
манови кекса кишини ҳам кўриб юрган экан!

Дарвоқе, кекса киши (нотаниш ва афти-ангори қандайдир “таниш” меҳмон!)

Ҳусанга маҳалладош бўлган бу ёши улуг кишининг Ворис билан касалхонада қадр-
донлашиб қолганию ўзи-ўзича “дийдорлашгани” келгани Ҳасанни бир оз ажаблан-
тириди. Ҳазиллашган кўйда: “Бизнинг ўғлимиз учратган кишиси билан ҳатто дадаси
билан гаплашгандан яхшироқ гаплашиб, дарров иноқланиб кетади!” деди.

Айниқса, чолнинг исми унинг дикқатини жалб этди:

Марат бобо!

— Бир мамлакат бошқасини эгаллаганидек, исмлар ҳам баъзан бегона юргта
“бостириб” кирав экан, — деди Ҳасан. — Ёшлик йилларимиз бундай исмлар кенг
тарқалган эди. Мэлис, Фрунзе...

— Аслида, бу исм ҳам эмас, фамилия. Балки, лақабдир? Эсимда йўқ. Марат-
нинг исми Жан Пол бўлган, — деди олим Ҳусан. — Лекин қадимдан у ҳар жойда
учрайди. Бунга ажабланмаслик керак. Ана, бир қомусда ўн иккита Маркс деган
фамилияга кўзим тушди. Қисқаси, Марат бундан икки асрча бурун Фарангистонда,
қирол Людовик XVI ҳукмронлиги даврида майдонга чиқсан доҳийлардан эди! Яко-
бинчилар деган қўпорувчи гуруҳ пайдо бўлиб, клуб тузган. Улар қироллик салтана-
ти, монархияни ағдариб, республика барпо этиш учун курашган. Париж Коммуна-
си, деган гапни эшитганмиз. Бу тўнтаришни тарихда “Буюк Француз инқилоби”
ҳам дейишади. Муҳими, доҳийлар халқни кўчага чиқариб, осойишта Фарангистон-
ни ағдар-тўнтар қилишади. Улар “озодлик”, “демократия” деб ҳайқиришади. Лекин
ўзлари бу юксак тушунчаларни ниқоб қилиб, бирорларни “озодлик душмани”,
“демократия душмани”, “халқ душмани” деб қамаб, йўқотиб юборишни авж олди-
ришади. Марат зулмни, қўлини қонга бўяшни ёнидаги бошқа доҳийлардан ҳам
ўтказиб юборади. Бедодликдан, қиргиндан норозилантган одамлар орасидан Корде
деган аёл эллик ёшли Маратга маҳфий яқинлашиб, уни пичоқлаб ўлдиради... Тарих
кўпинча қайтаришlar экан! Бунга ўхшаш воқеалар кейин ҳам рўй берганини била-
миз... Ислам албатта, манглайга босилган муҳр эмас! Бир хил исм остида ҳар хил одам
ўтади. Исмдан обрў-эътибор қидиргандар билан бирга, тасодиф йўлиққанлар... Ма-
рат бобо ажойиб инсон! Мен қаттиқ хурмат қиласман.

— Сизларга сирни очайми? Хотиндан бўлак зот билмайди, мавриди келмаса,
унга айтмасдим... Бир пайт ёшликда менинг ҳам лақабим Марат эди. Кўча болала-
рига кўшилиб юриб, барчага ном беришган. У пайтлар Марат бизга чинакам қаҳра-
мон, ҳавас қиласиган инсон бўлиб туюларди-да! Шунақа деб ўргатишган! — Ҳасан
Марат бобога юзланди. — Сизу мен турли кишилар бўлсак ҳам, отдош эканмиз,
оқсоқол. Келинг, Марат учун ичайлик.

— Марат бобо ичмайдилар, — деди Ворис.

— Олдин ҳам ичмаганмисиз?

— Балки, ичгандирман. Нафс одамни алдайди.

— Энди оғизларига олмайдилар, бу отахоннинг ёшларига ҳам мос келмайди,
— изоҳ берди “Марат бобо бўйича билимдон” Ворис.

— Марат бобо учун ҳам олайлик, — гапни андавалади Ҳамро. — Биз ҳам
сизнинг ўшингизга етайлик!

— Мен тушунишимча, тарихда бирон инқилоби-тўнтариш бекордан юзага
кељмаган. Буни Ҳусан, олим акамиз, мендан яхши биладилар, — одатicha, сўзни
ғиштдек тера бошлади Ибод. — Кўпинча бирорлар қутуриб, бирорлар қашшоқ-
лашган. Жаҳолат кучайган. Қонунлар эскирган, ишламай қўйган, ҳаёт тарзи яроқ-
сиз бўлиб қолган. Бир ўзгариш ясашга эҳтиёж тугилган. Тўгри, кейин яна қамаш-
лар, хунрезликлар содир бўлгани ёмон. Лекин тарих шу! “Озодлик”, “демокра-
тия” дегани нисбий тушунча. Ҳақиқат, адолат ҳам шундай. Эртакдаги орзу! Ҳар
қандай жамият семонга ўхшаб тез қотади. Ўз шакли қолипини ҳимоя қила бош-
лайди. Аксар ҳолда, янги шакл эски мазмунга қайтади. Ҳамма бало шундаки,
инсон табиатининг ўзида эзгулик билан бирга ёвузлик, одамийлик билан бирга
ваҳшийлик бор.

Ҳусан бехос жўшиб кетди:

— Худонинг ҳикмати, зиддиятсиз мумкин эмас! Ҳазрат Навоийнинг байтла-ри машхур, биласизлар.

Одам борки, одамларнинг нақшидир,

Одам борки, ҳайвон ундан яхшидир.

Анча кескин айтилган! Лекин ҳаётда ҳар ким “икки оёқли маҳлук” қа айла-нишдан асранишни ўйлаши керак. Икки ўртада масофа бир қадам. “Фозил киши-лар шаҳри” дегандек тарихда олижаноб одамларнинг қўли баланд келган мамла-катлар, жамоалар ҳам учрайди.

— Отахон, яшашдан маъно нима? Сиз умрингиз давомида қандай хulosага келдингиз? — деб гапга аралашиб Ёмонкул.

— Аввалдан худо юрт озод, обод бўлсин, одамлар осойишта, яхшироқ, баҳтироқ яшасин, деган гапни кўнглимга солди. Дунёда юз фоиз олижаноб, юз фоиз қабиҳ кишилар ҳам бўлган. Лекин бундайлар кам! Ҳатосиз, гуноҳсиз яшаш қийин. Шунга қарамай, умримда “Ўзингни гуноҳдан асра!” деган гапга ўргандим. Мен учун ҳозир ҳам шундан бошқа хulosса йўқ! — Кейин, Марат бобо негадир аллабир денгиз, саҳро ҳақида гапирди. У яна, айрим кишилар нафс балосига йўлиқчани-дан нақ ҳайвонга айланганини аниқ қўрганлигини айтди. Унинг ҳикояси ҳаётдаги воқеадан кўра кўпроқ афсонага, ривоятга ўхшар эди.

Илк қарашда давра хуш кайфиятда эди.

Ҳасан ҳам.

У ҳар кимни ёқтиравермайди.

Марат бобо унга ёқди.

Шуурсиз бир ҳолатда бобоси Абдураҳмон Ҳўжа, отаси Исмоил Ҳўжани эслади.

Амакиси Иброҳим ҳақидаги гаплар ҳам ёдига тушди.

Шунинг баробарида, дам сайин давра Ворис уйга бошлаб келган бу таниш-нотаниш чол атрофида йигилгандек таассурот уйғонганидан Ҳасаннинг энсаси қотди. Ўзи суҳбатни қизиқиб Марат бобога “йўналтириб қўйган” бўлса-да, бирор-га ёки бирорнинг сўзига шайдолик Ҳасангэ ёт. У давраларда, айниқса уйида “дик-қат марказида туриш”га одатланган. Қолаверса, фақат чолнинг ҳикояси эмас, бутун суҳбатни ҳаётга даҳлсиз ортиқча “валдираш” деб қабул қилаётган эди.

Бундан ташқари, дунё кўрган, одам таниган, шубҳасиз ақсли, кучли киши-лар билан мулоқотда бўлишга ёшлик йилларидан унинг тоқати йўқ. Бу етмаган-дек, ўғли уни қўйиб қаёқдаги бир чолга қайишгани ҳозир юрагида рашк-адоват ўтини ёқаётган эди. Буларни бири-биридан қандай қилиб узоқлаштиrsa экан, деб ўйлаб безовталана бошлади. Умуман, сўнгти пайтлар Ҳасаннинг жисми-жонида Ворисга нисбатан норозилик камайиш ўрнига юз чандон кўпайган эди.

Шунда ов борасидаги фикр —

хаёлида чақмоқдек чақнади.

* * *

— Ворисбек! Ўглим! Азиз меҳмонларни эртага қумга олиб чиқиши керакми-кан? Ов баҳона, бир мириқиб дам олишса...

— Ов? Бизга шунчалик меҳрибонлик. Қиёмат одам экансиз! — деди меъёри-дан ортиқ ичиб, эркаланиб ўтирган Ҳамро.

Ибод тирсаги билан очиқ унинг биқинига туртди.

— Мен ўзим бош бўлиб борардим, лекин қўрқаман. Оёғим оғрияпти. Ҳали унча ўнгланмадим ҳам, — деб сўзни давом эттириди Ҳасан. — Сиз бошлаб борасиз, ўглим. Қумда юрадиган иккита машина, ҳамма нарсани саҳарлаб йигитлар, ана, Ҳалим билан Салим, тайёрлаб қўйишади. Абумуслим билан Қамбар деган йигит-ларимиз йўлни билишади, машиналарни ҳайдаб боришади... Марат бобо хоҳласа-лар, мен билан қолсинлар. Иккимиз уйда сизларни кутиб, суҳбатлашиб ўтирамиз.

— Ташаккүр. Лекин мен саҳрони соғинганман, — деди Марат бобо. — Бирга боришим керак.

Зиёфат-зарофат тугаган эди.

Мөхмөнлар тарқала бошлашди.

Хусан аёллар тўпланган хонага бориб опалари Мавлудаю Мавжуда билан дийдорлашиб чиқди. Саҳаргача “озгина мизгиш” учун уни Марат бобо, Ёмонқул билан бирга Ворис ўз уйига олиб кетди.

Ҳамрони уйқу босаётган эди, меҳмөнларга ажратилган хонага йўналди.

Ҳасан ҳовлида йигитларга кўрсатма бериб хонага қайтиб кирганида, биргина Ибод дераза ёнидаги оромкурсида хаёл суриб ўтиради.

— Чарчаб қолмадингизми, хўжайин?

— Аксинча. Яйрадим, — деди Ҳасан.

— Сиз билан гаплашмоқчи эдим.

— Нимани?

— Кайфиятингиз менга ёқмаяпти.

— Ҳаммаси жойида.

— Барибир, бугун машқингиз паст. Ҳатто касал пайтда яхшироқ эдингиз, — деди Ибод.

— Сиз, изқуварлардан гап яшириб бўлмайди. Киши қўлига пичноқ олдими, бир нарсани кесади. Сўнгти пайлар менинг пичоқим кесмаяпти. Атрофда душманим кўп. Давлатим, номим, даражам кўтарилиш ўрнига пастга қараб ога бошлади. Давр оғир. Бунинг устига, Ворис... Болалигига юз-кўзимга оз-моз қаради. Энди отнинг жиловидай қўлимдан чиқиб кетди. Қайиришга мажбурман, қайиролмаяпман. Бошқа болаларим аксинча, ундан ўйтит олаяпти. Болаларимга тарбия беролмадим, эртага дунёга келиб топганимни булардан биронтасига ишониб топширолмайман.

— Шунга шунчами, Ҳасан aka? Ҳаёт бу... Сиз мендан сўранг, шунаقا фоже-алар борки! Бир жуфт мисол келтирсам, эсингиз огиб, кечаси ухлолмай чиқасиз! Қадрдонимсиз, айтаман, ҳаёт изга тушиб кетади. Шукр қилинг.

Ҳасан индамади. Деразага қаради.

Йигитлар ҳовлида ҳамон қўймаланаётган эди.

— Абумуслим! Ўзи миљиқ отишни билмайди, лекин овни яхши кўради.

— Сиз-чи? Қизиқмайсизми?

— Менини тескариси. Ёқтирийман, лекин мўлжалга отаман.

— Сиз нега бормаяпсиз?

Ҳасан қулиб:

— Тергов бошланди-ку! Мен кейинги гал, — деди.

— Марат бобо қолса бўларди. Ўзим ёнингизда қолаверайми?

— Йўқ. Сиз борганингиз дуруст.

13

“... Жаброил (алайҳиссалом) уруг олиб келди ва Одам (алайҳиссалом) сочди ва ерни мола қилди. Қазога қаргалар келиб, эккан буғдоини ковлаб олиб, ея бошлади. Одам (а.с.) андоқ кўриб, муножот қилиб айдиким: — Илоҳи, менинг экконимни зоеъ қилмагил! Бас, худойи таоло Жаброил (а.с.) дин Одами Сафийга бир ёй ва неча ўқ ийборди. Чун Одамга ўқ отмоқни ўргатди (ўргатди). Андин сўнг буюрдиким, Одам, бу ўқни қаргалар сори отғил! Бас, Одам (а.с.) отди ва хато қилди (ўқ тегмади). Жаброил (а.с.) табассум қилиб айди: — Яна бир ўқ отғил! Бу кезикда отгани урди. Жаброил (а.с.) шодмон бўлди. Одам (а.с.) сўрдиким: — Эй Жаброил, аввал отқонимда нега табассум қилдинг ва сўнг отқонимда нега шодмон бўлдунг? Жаброил (а.с.) айди: — Ул табассум анинг учун қилдим (ким) ва сўнг шодмон бўлдумким, агар аввалги ўқинг қаргаларга тегса эрди, фарзандла-

ринг (авлодларинг) илкидин (дастидан) қиёматқача ҳеч нимарса халос бўлмагай (Ер юзида инсондан бўлак тирик жон қолмагай) эрди! Ва яна билгилким, ўқ отмоқ худойи таолонинг лутфи эрур... ўқ отмоқликнинг савоби бисёрдур!”

Дунёда ҳар бир касби-корнинг пири бор. Қадимдан шундай келган.

Овнинг пири — Одам Ато.

(Ҳарҳолда, биз оталаримиздан эшитганимиз шу!)

Вақтида инсон учун ов эҳтиёж бўлган.

Бир томондан, ов орқали инсон тўйинган. Кийинган.

Иккинчи томондан, ов орқали инсон ўзини ваҳший ҳайвонлардан (ва бошқа босқинлардан) ҳимоя қилган.

Шу боис, ўқ-ёйга қасидалар битилган.

Ов шараф саналган. Ботирлик, мардлик белгиси деб тушунилган.

Кейин ҳам...

асрлар давомида мерган — қаҳрамон даражасига кўтарилиган. Моҳир мерганларга ҳавас қилиб, ҳатто подшоҳлар гоҳ-гоҳ овга (шикорга) чиққанлар.

Инсон учун ҳозир ҳам ов эҳтиёж.

Олдинги ҳолатда бўлмаса-да, баъзан тўйиниш, кийинишга хизмат қиласди.

Ҳимоя ҳам керак.

Оддий мисол. Яқин-яқингача ёввойи қушлар инсонга кун бермай қўйгани ёки чигирткалар ёпирилиб “ерни ялаб” ўтгани сингари воқсалар учрагани маълум.

Қаерлардадир оч бўрилар (ёки шер, айик) қишлоқларга бостириб келиб, одамга ташланганини эшитамиз.

Шунга қарамай, ҳайвон инсонга эмас, бора-бора инсон ҳайвонга ҳамла қилиб, қирғин солиши расмга кирди.

“Табиатни асраш” деган гап юради. Кимдан? Инсондан, албатта.

“Темир девор” бўлиб олдинга суриниб бораётган инсондан!

Балки, ортиқча ҳашам — қайсиdir мушук пар ёстиқда ётган, қайсиdir итнинг туваги олтинга айлангандир? Лекин катта шаҳарларнинг пастқам кўчаларида қаровсиз юзлаб ит-мушук тўп-тўп бўлиб тентираганини кўрмайсизми?

Одамлар “ҳайвонлар ҳалокати инсон ҳалокатининг бошланиши” деган гапни ўйласалар экан!

Энг даҳшатлиси, қачондир “ҳайвон ови”га ўхшаб “одам ови” (одам ўлдириш, турли воситалар билан уни маҳв этиш)га йўл қўйилганидир... Фалончи ёки пистончи жаҳонгир бегона бир мамлакат ҳалқи билан ёнма-ён минглаб ўз фуқаролари устига ўқ ёғдирди. Кейин, бир куни эснаб ўтириб, шу ишни қилмасак ҳам бўлар экан, аммо ўшанда бошқа илож йўқ эди, дейди.

“Ўқ отмоқ худойи таолонинг лутфи” бўлмай қолди.

Бунинг “савоби (ҳам) бисёр” эмас.

Чинакам овчи энди бундай шароитга қайгуриб қарайди.

Браконьер пинагини бузмайди.

“Одам ови”га ўргангандар эса ҳайвонларга қўшиб овчини ҳам, браконьерни ҳам отиб кетаверади.

* * *

Машинада Вориснинг уйи томон бораётib, Ҳусан шу гапларни хаёлидан кечирди.

Биродари Ҳасаннинг ўзи бормайдиган овга барчани таклиф қилгани ҳам унга ажабланарли туюлди. Мабодо ота-бала муносабати изга тушган бўлса, эҳтимолки, бунга ажабланмасди. Даврада “улар ораси бузуқ” эканлиги сезилган эди.

Умуман, тасодифан тўплланган давра “жинлар базми” каби таассурот қолдирганди. Марат бобо ва Ворисдан бўлак ҳамма меъёrsиз ичган, сухбат қанчалик жиддий бўлмасин, айтилган бутун гап-сўзлар гўёки тамаки тутунидек бош устида “ҳалқа”ланган...

Ибод билан Ҳамрони аслида Ҳусаннинг қадрдонлари, дейиш мумкин. Ҳасан буларни меҳмон қилиб, туғишган биродарига нисбатан ҳам ўзига яқин тутгани унга, Ҳусанга, қандайdir малол келганди. Булар иккисини уйда сақлаб қолиб, Ҳусанни Вориснинг уйига жўнатгани шу дамда унга айниқса малол келаётган эди. Ёмонқулга қўшилиб, асосан Ҳасаннинг қўнгли учун сезиб-сезмай қўпроқ ичиб қўйгани сабаб, ҳозир инсон яшашга мажбур бўлган дунёning бемаънилигидан қаттиқ норозиланаётганди.

Тун қоронги, йўлга фақат машина чироқлари нури тушиб турар, машина ичи ҳам нимқоронги эди. “Овми? Дам олишми?” — эртага Ворис “бошлаб борадиган” саҳро сафари тўгрисида улардан ҳеч ким оғиз очмаётганди. Сирасини айтганда, Абумуслим билан Қамбар йўлни билишса, ҳамма нарсани Ҳалим билан Салим тайёрлаб қўйишадиган бўлса, Вориснинг “бошлаб бориши”да маъно нима? — афтидан, бошқалар эмас, унинг ўзи ҳам яхши тушунмаётган эди.

Шунчаки бир гал Ёмонқул Ҳусанга юзланиб:

— Ишонмайсиз устоз, — деди. — Мен Марат бобони билмасдим. Метродан чиқиб Навоийга машина ёлласам, отахон шерик бўлиб машинада ўтирган эканлар. Шунда танишиб қолдик... — Кейин, Вориснинг ёнида, олдинда ўтирган Марат бобога мурожаат қилди: — Овга кўп чиққанмисиз, отахон?

Марат бобо анча сукут сақлаб, ниҳоят:

— Денгизда кўп сузганман, саҳрода қезганман. Худо кечирсин, менинг гапим шаръий эмасдир, лекин бирон тирик жонни яшашдан маҳрум қилишга ботинмаганман, — деди. — Бир қизни яхши кўрардим. У ҳайвонларга ачинарди. Уларга қараб, кўзлари ёшланарди. Бундай кишиларни кам кўрганман! Ундан айрилгач, шу “дард” менга юқди. Овни ёқтирамайман. Оёғим ҳам тортмаяпти.

— Бўлмаса, нега Ҳасан аканинг ёнида қолмаяпсиз! — деб сўради Ёмонқул.

Марат бобо қизиқ гап қилди:

— Айрилганни айиқ ер, бўлинганни бўри ер. Мен сизнинг қавмингизданман.

Жила бурун даврада осойишта, суҳбатга мойил, ўзи ҳақидаги гапларга ҳам бепарво ўтирган Марат бобо энди негадир ўйчан ва маҳзун эди.

* * *

Кун ёришмасдан эшик олдига кўмда юрадиган иккита машина келди.

Барча “ов баҳона, дам олиш”га борадиганлар Вориснинг уйида тўпланишган эди. Машиналарга, жойлашишди.

Булар — хавдовчилар билан бирга, ўн киши эди:

Марат бобо

Ҳусан

Ибод

Ҳамро

Ёмонқул

Ворис

Ҳалим

Салим

Абумуслим

Қамбар

Машиналар йўлга тушди.

Тўрт соатдан зиёд йўл босишли.

Гоҳ кумли яланг дашт, гоҳ кум тепаликларини оралаган сўқмоқлардан ўтиб, тўхтамай боришарди.

Кўпчиликнинг кайфияти кўтаринки эди.

Ҳусаннинг ҳам. Кечаги юрагидаги ғаш тарқаганди.

У дунё кўрган, лекин шаҳарли зиёли эди. Умрида саҳрого, овга чиқмаганди. Аввалида осмон кўкарди. Ой бўзарди. Юлдузлар чироқлардек бирма-бир ўчди. Сўнг, ярқ этиб, бир қум тепалиги ортидан отилган тўпдек қуёш кўтарилиди.

Чор атрофда яшил ва заъфарон ранг қоришган эди.

Хусан билмасди, саҳро баъзан китобларда ёзишганидек “қум барханла-ри” ю қуёшда қовжираган ковгар, явшандан иборат эмас экан. Қизариб — сар-гайган янтоқ ёнида минг турфа ўсимлик, минг турфа гул. Яккам-дуккам пас-так саксовуллардан боғ бўлиб турган катта саксовулзорларгача саҳронинг ти-риклиги, кўрки. Унда-бунда аҳён юксак ялангликларда ёки қум тепаликлари ҳалқаси ичиди, чуқурлиқда икки-уч ўтов, баъзан бир қаватли узун оқ иморат-лар кўзга ташланади.

Куёш билан бирга ҳарорат кўтарилимоқда.

Лекин гир-гир шамол эсмоқда.

Ниҳоят, икки томон қуюқ саксовулзор майдончага келиб қўнишиди.

Кум устига палос тўшалди.

Олдин бу ерга келганлар ўрнаттан омонат ўчоқ бор. Ҳалим қозон илди, Қам-бар ўтин йигди, Абумуслим ўт ёқди, Салим овқатга унади. Кейин, қопқоқни ёпиб кўйиб, булар ҳам палос устидан жой олишиди.

Дастурхон ёзиглиқ. Ичкилик, ҳар хил газак муҳайё.

Ҳайдовчилар, Ворис билан Марат бободан бўлак барча ичди.

Хусан ҳам, ичмайман, ўзимни тўхтатолмаганим ёмон, деб кеча аҳд қилгани-га қарамай, бу кун “чиннидек тиниқ ҳаво”да яна “шариатни бузди”.

Марат бобо кечагидек, ўйчан ва маҳзун эди.

Тўғрироғи, унинг юз-кўзида номаълум бир совуқ шарпа кезаётган эди.

14

Ворис, ичмаса ҳамки, аъло кайфиятда.

Ёмонқул, айниқса Марат бобо кутилмаганда уни сўроқлаб келишганидаёқ терисига сифмай суюнган. Бу кунги саҳро сафари унга гўёки қанот бағишилаганди.

Ана, хайрият, узоқ мужодаладан кейин, отаси у билан ҳисоблаша бошлаган, ҳатто номига бўлса-да, уни ўз ўрнида овга юбориб, меҳрибонлик кўрсатган эди.

Йўл бўйи Ворис ўзи кўпинча от суриси саҳро этагидан орқага қайтгани, бу кун илк дафъя чинакам саҳрони кўраётганини ўйлаган, унга мана ниҳоят, най садоси қаердан чиқиб, олисларга қандай таралганини аниқладиган пайт етгандек бўлиб туюлган эди. Лекин улар келиб қўнган саҳро қаъри жимжит, гўёки бутун саҳро асрий сукутга чўмган.

— Оқсоқоллар! Овқат пишгунича ов қилайлик. Бир нарса отиш шарт эмас, бунинг гашти бор-да! — деди Абумуслим. — Хўжайин доим шунаقا қиласидилар.

Палос устида ўтирганлар ҳаммаси ўрнидан турди.

Машиналар орқасидан милтиқлар олинди.

Гуруҳларга бўлинишиди:

Ибод, Ҳамро, Ёмонқул — бир гуруҳ.

Ҳалим, Салим, Абумуслим, Қамбар — иккинчи гуруҳ.

Марат бобо, Ҳусан, Ворис — учинчи гуруҳ.

Ҳар ёққа қараб кетишиди.

Милтиқ Ҳусаннинг қўлида, Ворис билан Марат бобо шунчаки сайр қилишга чоғланишган. Атроф-жавонибни кўришдан катта баҳт йўқ.

Улар иккиси бир қум тепаликка кўтарила бошлашиди.

Кўп ўтмай, Ҳусан орқада қолди.

Шу асно Ворис най садосини баралла эшитди.

— Қизик. Ким, қаерда чалаётган экан?

— Нимани?

— Найни-да!

Улар тепаликка кўтарилишди.

Атрофда шамол қумни ўйнаётган, саҳро денгиздек тўлқинланаётган эди. Ворис негадир Марат бобо олдин айтган бир гапни эслади:

— Саҳро дengiz tubiga, denqiz tubi saҳrog'a ўxshaydi!

Энди най яқин жойда, аниқ-тиниқ янграётган эди.

Ворис Марат бобога шу ҳақда ажабланиб яна нималардир дегиси келаётган эди, бехосдан...

уни Марат бобо елкаси билан кескин туртиб юборди.

У тўрт-беш қадам нарига учиб кетди.

“Бу одамни жин урдими, нега туртади? Ҳали бақувват экан! Тавба...”

Ворис юз-кўзларига сачраган қумни сидириб, ўрнидан турди. Марат бобо томон қаради.

Марат бобо жилла нарида кўкси қонга беланиб ётар эди.

* * *

Ворис лаҳза ичидаги қандай воқеа рўй берганини пайқади.

У най садосига чалғиб саҳрова гумбуrlаган ўқ овозларини эшитмаган эди.

Ҳол-бехол Марат бобонинг ёнига бориб тиз чўқди. Биринчи марта:

— Бобожон! — деб мурожаат қилди. — Бу ўқ менга тегишли эди, бобожон!

Сиз бекорга...

Кўксини чангаллаган, бармоқлари орасидан қон сизаётган Марат бобо бошини чайқади. Тушунксиз бир тарзда:

— Кечиккан ўқ! Етиб келди, — деди.

Ворис Марат бобонинг узун оқ сурп кўйлагини йиртиб, ярани боғлашга урина бошлади. Лекин бундан натижага чиқмади, Марат бобо жон таслим қилаётган эди.

У азобланиб-алаҳлаб, алланарсаларни пицирларди.

Биринчи навбатда, негадир:

— Муҳаббат! — деб пицирлади.

Кейин, Файрат Нусрат ва бошқа аллақайси исмларни тилга олди.

Кейин, яна тушунксиз бир гапни айтди:

— **Искандар...**

Банда!

Қаландар...

Жанда!

Шундан сўнг, кўкси бир кўтарилиб-тушиб, жон берди.

Ворис атроф-жавонибга диққат қилди.

Саҳро қайтиб оғир сукутга чўмган.

Ҳалигина янграётган най садоси тинган эди.

15

Хусан ўқ овозларига ортиқча аҳамият бермаганди.

Йигитлар ов қилишайти! Табиий ҳол!

Ўзи милтиқни аскардек елкасига осган, ўқ узишни хаёлига ҳам келтирмай, шериклари ёнига шошмай бораётган эди.

Кум тепаликка кўтарилигач, Марат бобонинг жасади ва жасад ёнида ҳўнгир-хўргир йиглаб ўтирган Ворисни кўриб, нима бўлганига тушунмай анграйди.

Ворис кўзёшларини кўллари орқаси билан артиб, ўрнидан турди.

— Амакижон! — деди ҳамон йиги аралаш товушда. — Дадам ов баҳона менин ўқ қилмоқчи бўлган экан. Мен ҳозиргина бир ўлимдан қолдим! Марат бобо мен... мен учун жонини берди! Мен аввалдан сезганман, бу одам сизларнинг амакингиз эди! Дадам ўз амакисини ўлдирди.

Хусан тахтадек қотган эди.

У катта бир олим бўлатуриб, Вориснинг сўзлари мағзини чақолмаётган, нега фалокат рўй берганини тасаввур қилолмаётганди.

Ахийри, ўзини қўлга олди.

Елкасидаги милтиқни ерга қўйиб, жасад ёнига борди. Марат бобонинг қўзла-рини юмди. Кўйлак йиртиги билан иягини боғлади. Ворисга:

— Бўлган воқеани бошқаларга билдириш керак, — деди.

* * *

Милтиқни яна елкасига осди.

Ворисни маййит ёнида қолдириб, ўзи тепаликдан пастга энди.

Юраги хуфтон эди.

Бу одам амакими, бегонами? Аҳамияти йўқ. Бегуноҳ бир киши ўлдирилган эди.

Рўй берган воқеа тасодифми ёки Ворис айтмоқчи, бирорга атай қасд қилинганими? Қотил ким? Буларни аниқламасдан, бир нарса дейиш қийин.

Қандай бўлмасин, шу сонияда Ҳусан беихтиёр бундан бир неча ой бурун пойтахтда, растада рўй берган воқеани, оқ кийган Гавдали Киши ва Ожизгина Болани эслади. Унутдим, деб ўйлаганди. Унутмаган экан! Ўткинчи бу воқеада гўёки бир рамзий маъно бор эди.

* * *

Икки томон қуюқ саксовулзорда Ибод, Ҳамро, Ёмонқул ниманидир гаплашиб туришарди.

Ҳусан уларга яқинлашиб, рўй берган воқеани айтди.

Ибод дарҳол саргакланиб, осмонга уч марта ўқ узди.

Бир маҳал Салим билан Абумуслим қандайдир ориқ-озгин тулкини кўтариб келишди.

— Қолганлар қани? Кўрмадингларми? — деб сўради Ибод.

Салим секин гап тушунтира бошлади:

— Ҳалим билан Қамбар “акахонимизга телпакбоп совга бўлади” деб иккиси икки милтиқдан манови тулкини отди. Кейин, негадир тулкига ҳам қарамай, шошиб қаёққадир кетишиди.

— Қамбар машинасини ҳам қолдириб кетавердими?

— Шунақа.

— Қаёққа?

— Сал нарида парпарак учадиган майдонча бор, — деди Абумуслим.

— Тушунарли.

Ибод жамоа жиловини қўлга олди.

Чала йигиширилган дастурхон йигиширилди.

Абумуслим, Ҳамро, Ёмонқул палосни олиб Вориснинг ёнига кетишиди.

Салим ов ҳаром кетмасин, деб бир четда ўтириб пичоқ билан тулкининг тери-сини шилишга тутинди. У Ибоднинг бўйругига бўйсунмай шу ерда қолаверган эди.

Ибод Ҳусанни кўлтиқлаганича саксовулзор этагига бошлади. Марат бобо ҳақида нималарнидир сўраган бўлди. Кейин, Ҳусанни қолдириб, уч йигит изидан ўзи ҳам кум тепаликка қараб кетди.

Ҳусан бормоқчи эди, журъати етмади. У — “ҳаёт дағалликлари”га ўрганмаган зиёли (олим) киши, — умрида биринчи марта жасад ёнида ўтириб қўзларини юмган, иягини боғлаган эди. Бу ҳолатни ҳали кўп тушлар кўради, босинқираиди!

Вориснинг ёнига кетганлар у билан бирга ниҳоят, палосга ўралган маййитни кўтариб келишди.

Ворис энди кўзёшларини қуритган, юз-кўзида алам ва нафрат ифодаси муҳр-ланган эди.

Ҳусан ҳамон саксовулзор этагида нафас ютиб, қўлида чўп, ер чизиб ўтиради.

Ибод бошқалардан ажралиб, унинг ёнига яна келгач, ўрнидан турди.

— Вориснинг гапларига нима дейсиз, олим ака?

— Қанақа гаплар?

— Ўз отасини мени ўлдирмоқчи бўлди, деяпти.

— Ворис ҳозир эсини йўқотган, ўйламай гапираверади.

— Кейин, бу одам амакиларинг эдими?

— Бизнинг амакимиз йўқолганига тахминан эллик йилдан ошган. У ҳаётдаги мингга тўфонни кечиб ёнимизга келиши ақлга сифмайди. Келса, ошқор қиласарди ҳам! Ёки, бу ўз-ўзидан ошкор бўларди. Чол бегона эди, лекин барибир, яхши иш бўлмади.

— Майли, ҳаммасини аниқлаймиз. Бу ерда туришдан маъно йўқ, орқага қайта қолайлик.

Ибод барчага йўл тадоригини кўришни буюрди.

Бир инсон ва бир ҳайвон ўлган эди. Кўплашиб ўроғлиқ палосни машиналардан бири орқасига жойлаштиришиди. Салим ўзи шилган тулки терисини ҳам унинг ёнига тиқишитирди. Ибод Қамбарнинг машинасини ўзи ҳайдайдиган бўлди.

Қозонда овқат сабил қолган эди.

Бор нарсани йиғиштириб, йўлга тушишди.

* * *

Вориснинг ўйига етиб келишгач, Ибод қўнгироқ қилиб тиб ходимлари ва миршаб чақириди.

Йўл бўйи ҳеч ким бири-бири билан гаплашмаганди. Мана, энди Ибод, телефондан бўшагач, барчадан бир хонада тўпланишни сўради.

— Бу тасодиф ўлим, бир ўқ тулкига, бир ўқ чолга теккан, — деди у давра тўпллангач. — Лекин барибир, хунук иш бўлди. Ҳалим билан Қамбар айбордор...

— Бу уюштирилган иш! — қайсарланди ўз фикрида туриб олган Ворис.

— Сиз энди шошманг. Тергаш менинг вазифам... Чол сўққабош экан, демак даъвогар йўқ. Лекин бироннинг ўлимини, у денгиздами, саҳродами, яшиrolмайсан. Ҳалим билан Қамбарни топиб тутишга тўғри келади.

— Биз уларни топиб тутмаймиз-ку! Сиз бу гапларни нега гапирайпсиз, мен тушунмаяпман, — деди Салим.

— Энг аввал, сиз билан Абумуслим гувоҳсизлар. Миршаблар сизларни барibir тергайди. Бундан ташқари, ким бу ерда қолиб, ким мен билан Ҳасан аканинг олдига боради, у киши билан масалани ҳар томонлама аниқлаштиради? Маслаҳатлашиш керак...

Бироқ маслаҳатга ҳожат қолмади!

Ибод гапини тугатар-тугатмас, ҳовлига тиб ходимлари ва миршаблар кириб келишиди.

Улар Ибод билан икки оғиз гаплашиб, тиб ходимлари текшириш ўтказиш — экспертиза учун жасадни, миршаблар протокол тўлдириш учун Салим ва Абумуслимни олиб кетишиди.

То шу дам ўзини осойишта тутган Ибод энди бехос гангидек эди...

* * *

— Ҳамро билан Ёмонқул иккиси шу ерда, Вориснинг ёнида қолишади, — деди у Ҳусанга. — Сиз, олим ака, мен билан юринг...

У ҳеч кимдан жавоб кутмай, Абумуслимнинг машинасига, ҳайдовчи ўрнига ўтиради. Ҳусан ҳам индамай унга бўйсуниб, машинага минди. Йўлга тушишгач, шунчаки:

- Ҳасан билан нимани аниқламоқчисиз? — деб сўради.
- Ҳеч нарсани.
- Ўқ, сиз оиласдаги оддий ўйиндан ўт чиқди, саҳрода одам ўлдирилди, демоқчимисиз? Шуни аниқлаш керакми?
- Энди буни аниқлаб бўлмайди, — деди Ибод.
- Нега?
- Мен миршаблар билан гаплашдим, улар биз етиб келгунча воқеадан хабар топган экан. Вилоятдаги бошқарма бу ердагилардан олдин ишга киришиб, Ҳалим билан Қамбарни қидиришаётган экан...
- Бунча тезкорлиқ, ақл бовар қилмайди.
- Буниси майли. Одамлар орасида аҳиллик бўлмаса, улар худбинлик, манфаатпарастлик, қабиҳлик қилиб, яқинми, узоқ кишиларми, бири-бирига душманлик билан қараашдан қайтмаса, ҳаётда нохушлик устига нохушлик чиқаверади. Бардам бўласиз, олим ака, — Ибод негадир машинани йўл четига олиб тўхтатди.
- Ишлар пачава...
- Очиқроқ гапиравермайсизми?
- Ҳалим билан Қамбарнинг Ҳасан ака билан ўз ҳисоб-китоблари бўлган. Ҳасан акага хизмат қилиб, улар бошқа бирорларга ҳам хизмат қилишган. Катта доирадаги кишилар атрофида баъзан шунақа ишлар бўлиб туради! Қандай бўлмасин, иккиси Ҳасан аканинг ўйига келиб, бир қошиқ қонимиздан кечасиз, акахон, биз шунчаки кўрқитиш учун отган ўқ Ворисга тегди, Ворис ўлди, дейишган.
- Эй худойим-эй!
- Ҳасан ака қўксини чанглаб гурс этиб йиқилган. Юраги ёрилган, дейиша-япти. У ота, ўғлини барибир яхши кўрарди. Насиба экан, чидайсиз!
- Ҳусан ўтирган ўрнида адойтамом бўлиб қолган эди.
- Тақдир! Яна нима зарбаларинг бор?
- Ҳасан аввалдан овни нега ташкил қилди? Керакмиди? — деди у, ниҳоят.
- Энди буни билиш қийин. У ўзича ов хаёлига борган, кейин ҳалиги йигитлар уни илҳомлантирган бўлиши ҳам мумкин... Яна бир гап. Кўнглингизга олманг, Марат бобо тўғрисида. Дейлик, отаси ёки сиз, амакиси эмас, Ворисга шу одам қўксини қалқон қилиб, жонини берди. Мен буни аниқ текширдим, бу масалада иштибоҳ ўқ. Чолни билмасдим. Очиги, кўнглимда унга нисбатан ҳурмат, меҳр ўйғонди. Мабодо у менинг амаким деб тахмин қилинса, ҳатто оз-моз ўхшаса, сизлардек мен ўзимни ҳар ёққа ташламасдим... Сўққабош бўлса ҳамки, уни ўз манзилига олиб бориб кўмишга тўғри келади.
- Ҳасан нима бўлади?
- Ҳасан акани асрга улгурмасак, бомдод намозига чиқарамиз. Кейин, ё сиз, ё Ворис бу ерда қолиб, иккалангиздан бирингиз мен билан Тошкентта жўнайсиз.
- Менга қўшни бир одамнинг ўлигини олиб бориб, маҳалла-кўйнинг юзкўзига қараш...
- Маҳалла билан ўзим гаплашаман! Ёмонқул ҳам... маҳалланинг розилигини олиб, отахонни мен ўз уйимдан чиқараман, деяпти.
- Ҳалим билан Қамбарни топиб тутишади, албатта. Улар қамалиб кетадими?
- Марат бобо ишида ҳам, Ҳасан ака борасида ҳам уларга аниқ айб қўйиш қийин. Тасодиф деган гап бор. Улар фақат шартли қамоқ жазоси олиши мумкин. Бу яна, тергов қандай боришига боғлиқ... — Ибод қайтиб машинани ҳайдади.
- Ҳусан Ҳасаннинг ўйида, дарвозадан кирибок ҳовлида ўзини юлиб-юлқиб дод-фарёд солаётган Норгул билан Маъсума, Мавлуда билан Мавжудага рўпара келишини тасаввур қилди. У боя саҳрода Марат бобонинг кўзларини юмгани,

иягини боғлаганидан буён бошига тўқмоқ тушгандек, гаранг ва караҳт эди. Ҳозир бехос “тирилиб”, кўнгли бузилганича, кўзларидан юзига ёш оқа бошлади.

Бунга эш ҳолда...

Ҳусан сўнгти пайтлар Ибодга нисбатан ўзини кучлироқ сеза бошлаган ҳам эди, “олим ака” деган мурожаатга учган экан!

Ҳозир унга нисбатан
ўзини
ёшлик йилларидаги сингари
ожиз ва гариб сезди.

* * *

Икки йилдан кейин

Ворис Марваридга уйланди.

Тўй кечаси эди. Давра тўрида, куёвнинг ёнида жўралари, келиннинг ёнида дугоналари ўтиришарди. Базм қизигандан-қизиб бораради... Даврада, дастурхонлар атрофифа ўтирганларни ҳоргин ва ўйчан кузатаётган Вориснинг нигоҳи бехосдан бурчакдаги бир дастурхон ёнида ўтирган кекса кишига қадалиб қолди. Бу — бобоси Исмоил Хўжами, у кўрмаган-билмаган Иброҳимми ёки ўз қўллари билан тупроққа қўйган Марат бобоми? — шуларнинг нақ ўзи эди. Бу ким экан, деб ўйлади. Унинг тикилганини пайқагандек, қария кулимсираб қўйди. Кейин, секин қўл очиб дуо қилгандек бўлди... Ворис саросималаниб қолди. Қариядан базм охиригача кетмасликни ким орқали, қандай сўраса, тўй одоби бузилмайди? У дарҳол муайян фикрга келолмади. Қайтиб бурчакка қараганида, қария гойиб бўлган эди...

* * *

Мен шу тонг деразадан узоқлашиб, анча маҳал хонада нари-бери юрдим.

Ниҳоят, яна дераза олдига келдим.

Тўхтадим.

Тўрт қаватли бино томидан баландроққа бўй чўзган кўм-кўк дараҳтларга илашган нигоҳим уларга эргашиб осмонга кўчди.

Қарадим.

Осмонда парча-парча булут. Аммо уларни оралаб, —

кун

ёришаётган эди.





Суюнчилар сочинг кунларга

Энахон СИДДИКОВА

ЖАҲОН АЙВОНИДАН БЎЙЛАЙДИ ЎЗБЕК

Хурлик жаранглаган кунлар сувратин
Кўзимга босаман тўкилар гардлар.
Хурланган майсалар кўтарар қаддин –
Кувончларим – гулга кирган дараҳтлар.

Олмалар тўкилар дувиллаб, қувнаб,
Ўзбекнинг болажон қўчаларига.
Тутзорлар аллалар айтар гуркираб,
Халқнинг бешикдаги гунчаларига.

Хурлик жаранглаган кунлардир –
набий –
Фуур кўчиб кирап қароқларимга.
Юрак юлдуз бўлиб кўчар,
илоҳий –
Орзудан тикилган байроқларимга.

Хурлик жаранглаган кунлар
кўзимда,
Диллар покланишиб чиқар кўчага.
Озодлик!
Ватан!

Эрк!
Чақнар сўзимда,
Тушга ўхшар маҳкум кунлар кечаги.

Эрк каби баландлаб учади руҳим,
Ғуборларин тўкиб уйгонар кўнгил.
Нажоткор қалъадай
қўттарар туғин –
Ҳурлик лашкарига айланар ҳар дил.

Баргин ҳилпиратиб, чечаклар чопар,
Эркни суюнчилаб маҳзун тунларга.
Манглай шўрин ювган далалар кўпчиб,
Режалар тузади
буюк кунларга.

Ҳурлик жаранглаган кунлар
кўзимда,
Эрк учун яқдилдири бу жон ила тан.
Бахт жиловин тутар
дил узангидা
Буюк, хур сафарга чиққанда
Ватан!

Яшнайди она юрт,
мангу ва озод,
Яшайди абадий – илоҳий сўздек.
Абадият ичра буюк ва абад –
Жаҳон айвонидан бўйлайди ўзбек...

Буюк эл, ҳалқ бўлиб
топдик қадр, шон,
Кудрат, шавкатимиз жаҳонга татир.
Амир Темур ақл тузуги билан
Дунёни забт этган ўзбекмиз, ахир.

Ахир, руҳимизга муҳрлаган ҳақ –
танда жон кетса ҳам
кетмайди
эрклар.
Дунё ичра токи,
кўрсатиб турсин,
Буюклик нелигин
озод ўзбеклар!..

ОЗОДЛИК, БУ ҚАНДАЙ ЁРУФ СҮЗ...

Бугун хурлик айёми, эна,
Энажоним, беринг суюнчи.
Сандигингиз жарангларига
Бу қўнгиллар интигу энчи.

Шу эрк каби табаррук, нурли,
Оқ сочингиз толаларидан,
Бу кунларга етмай тўкилган
Бахтингизнинг лолаларидан.

Суюнчилар сочинг кунларга,
Озодликнинг тонгги бўлакча.
Пойингизга бошини қўйиб
Анбар гуллар тутар йўлакча.

Сочқиларни сочинг, энажон,
Юлдузчалар тушмоқда қўқдан.
Кўзимизга суртсак ойланур,
Дилга нурлар ёғдирган эркдан.

Эй шамоллар, суюнчи беринг,
Мовий, ҳарир ёлларингиздан.
Кулгингиздан бир пайса беринг,
Сўзлар, озод тилларингиздан.

Кўзларимдан отар ҳур тонглар,
Энажоним, беринг суюнчи.
Юрагимда кўпчий бошлади
Бедиллаҳзаларнинг согинчи.

Гуллаётган қўнглимга тангриим,
Булбулларинг қўниб олди-ё.
Озодлик, бу қандай ёруф сўз,
Бахтдай оқиб борар қонимда.

Энажоним, беринг суюнчи!..

БОЛАМ, БУ БАЙРОҚ...

Ўйлама, бу байроқ ипакдан, нурдан,
Келар ундан фақат жаннатий ифор.
Унда шу эрк учун жонини тиккан
Шаҳид боболарнинг пок руҳлари бор.

Ўйлама, бу байроқ заррин бир мато,
Фақат баҳт аксланар толаларида.

Ҳар қатими ҳақдин қилинган ато,
Эркпараст шу элнинг нолаларига.

Дастаси оддий бир дараҳт бутоги,
Үйлама, қуриған ёғочдан, зотан.
У илоҳий баҳт, у эркнинг япроги,
Унинг сиймосида ҳилпирап Ватан.

Юксакларга тиккил, юракларга тик,
Тик кўнгиллар суянган ганжина тоқقا.
Токи, ганимларнинг бўйи етмасин,
Кир қўли етмасин бу хур байроқقا.

Юксакларга тиккил, юракларга тик,
Айлантиргил озод кўнгил туғига.
Илдизлари токи, юракда бўлсин,
Ифорлари тўлсин миллат руҳига.

Фарғона





ҚУТЛОВ

Абдуғафур РАСУЛОВ,
филология фанлари доктори, профессор

ЖАСУР ҚАЛАМ СОҲИБИ

(Эркин Аъзам ижодига назар)

Ўтган асрнинг етмишинчи йилларида адабиётимизга янги авлод кириб келди. Истеъдодли ёзувчи Эркин Аъзам ана шу авлоднинг пешқадамларидан бири сифатида фаол ижод қилиб келмоқда.

Адид ижоди билан танишган китобхон кўнглидан камида икки савол-жумбоқ ўтади. Биринчиси: нега ёзувчи шу пайтгача роман ёзмаган?

Иккинчиси: ёзувчи қамровни кенг олиб, теранликни бой бермаганми?

Маълумки, ижодкор шахси, асарлари борасида фикр юритиш асносида, адабий портрет яратишнинг йўсинлари кўп. Биз Эркин Аъзам ижодини ёзган асарларига тақриз битиш йўлидан бориб ёритишни маъқул кўрдик.

I. 1977 йилда ёш ёзувчи Эркин Аъзамнинг тўрт ҳикоядан иборат “Чироқлар ўчмаган кечা” тўплами нашр этилди. Бошловчи ижодкор одатда маълум ҳаёт малакасига, ёзиш тажрибасига эга бўлгач, тўплам тайёрлашга киришади.

Биринчи тўплам – рағбат, ижод оламига йўлланма, ёш ёзувчи ҳаётининг унутилмас воқеаси. Эркин Аъзамнинг биринчи тўпламидаги ҳикояларида қишлоқ ва шаҳар ҳаёти, ёшлиқ жўшқинлиги ва изланишлари, янгича қарашлару миллий удумлар акс этган.

“Сой бўйи, чимзор...” ҳикоясининг қаҳрамони Жалил Норбоев – ёш мутахассис. У янги жамоага ишга келган. Иш бор жойда баҳс, тортишув, гоҳо асаббозлик бўлади. Норбоев ишидан, касбидан нолимайди, лекин, ажаб, қачон қисинса, дунё кўзига тор кўринса, қишлоғи, сой бўйи эсига тушаверади.

“Теракзор сой бурилган жойдаги жарликка келиб тугайди. Жарлик қиррасида илдизлари очилиб сойгача тушган бир туп тугдана сувга эгилиб турибди. Пастда булоқ, тубида патак илдиз босган майда чафир тош. Булоқ теграсини силлиқ кўкиш харсанглар куршаган.

Чашма суви доим муздай, харсанглар эса илиқ бўларди. У шошилмай ечиниб, булоқ сувига тикилганича харсанг устида узоқ ўтиради”.

Булоқ бўйи... Норбоев қаерда бўлмасин, қандай кайфиятда юрмасин, булоқ бўйи, майда чагир тошлар, кўкиш харсанглар ёдига тушади, уларни қўмсайди.

“Чироқлар ўчмаган кеча” ҳикоясида янги йилни кутиб олиш тасвирланади. Ижарада турган талаба ёшлар Вали ота хонадонида янги йилни кутадилар. Янги йил – барчанинг байрами: ҳамма хонадонга, ҳар бир инсон қалбига ташриф буюради. Ёшлар янги йилни ижара хонадонда кутиб олаётгандарини унугдилар: аъло кайфият, ўйин-кулги, ёшлик шижаоти уларни бутунлай ром этади. Хонадон эгаси Вали ота – ёлғиз. Унинг кампири вафот этган, болалари, неваралари негадир келишмади. Отанинг дард-дунёси қоронгу. Аммо, у ёшлар кайфиятини бузишни истамайди: ўзини мажбурлаб янги йилни ёшлар даврасида қаршилайди. Янги йилда ёққан қор ҳамманинг кайфиятини кўтаради. Ҳикоянинг “Чироқлар ўчмаган кеча” деб номланишида рамзий маъно бор.

Дастлабки ҳикояларида ёки Эркин Аъзам ҳаётни, кишиларни сиртдан эмас, ич-ичидан тасвирлаш, кўрсатишга интилади. Ёш ёзувчи асарларида матннинг курчлиги диққатни торгади.

II. “Отойининг тугилган йили” қиссаси Эркин Аъзамни кенг китобхонлар даврасига ўзига хос ёзувчи сифатида олиб кирди. Қисса лирик руҳи, изчили реализми, пишиқ-пухта характерлари билан гина эмас, ҳаётга, кишиларга, воқеа-ҳодисаларга танқидий нигоҳи билан диққатни жалб этди. Қисса қаҳрамони – Барно, Раъно, Назира, Вазира, Жовли, Раҳматилла, Муҳиддинларнинг курсдоши; Зиёхон Аҳмадхонов, Дилора Жўраева, Махсумов, Убайдуллаев сингари домлаларнинг талабаси; Бешоғочдаги безори болалар билан муштлашиб, юз-кўзи ёрилган бола. Хуллас, Асқар Шодибеков Тошкентга келдию ҳаммага отнинг қашқасидай танилди-қолди. У ўзига хос йигит: фирромлик, сохталик, мақтанчоқлик, тантиқлик билан чиқиша олмайди.

Асқар Шодибеков – ёнгоқ. Аммо шалдир-шулдур қиласверадиган пуч эмас, магзи тўқ, мазали ёнгоқ. Аҳмадхонов, масалан, талабаларга “Машрабнинг оти нега Машраб?” деган савонни беради. Гуля, Зуля, Диля, Жовлибой, Раҳматуллалар жавоб излайдилар. Асқар Шодибековгина савол бемаънилигини англайди. Аввало, Машраб – шоирнинг иссимас, тахаллуси. Иккинчидан, шоир Машраб бўлгани билан бирон нарса ўзгариб қоладими? Асқар Шодибеков масала сиртида сирғалмайди, илдизига боқади. Аҳмадхоновнинг бебурд саволи сабаб бўлиб, у ўзбек мумтоз адабиётини синчилаб ўрганади. Масалалар моҳиятига киради.

Асқар Шодибеков – муҳаббат ёшидаги йигит. Аммо унга Барно, Раъно, Вазира, Назиралар ёқмайди. Улар жиддий фикр юритишдан йироқ. Қизлар ялтири-юлтири кийимлари, антиқа талаффузлари билан гина диққатни жалб этадилар. Жовлийлар ҳам ўзига хос одамчалар. Улар зудлик билан кечаги қунларини унтишшга, асл моҳиятларини яширишга интиладилар.

Асқар Шодибеков Бешоғочнинг зўрлари моҳиятини ҳам бир муштлашувдан кейин билиб олади. У акаси, янгаси, Убайдуллаев домла, француз тили ўқитувчиси Дилора Жўраевагагина ихлос қиласди. Улар билан самимий гаплашади. Асқар Шодибеков тасодифан Раҳшона исмли қўшинисига меҳр қўяди. Сиртдан Раҳшона оддийгина, паришенхотиргина, чиройи ҳам ўртачагина қиз. Аммо унинг қалбига бир олам гўзаллик бор. Асқар Шодибеков қизни бир кўради – эътибор беради. Икки бор кўради – қизиқиши ортади. Учинчи бор кўради – севиб қолади. Шу қизга уйланмоқчилигини акасига ишонч, қатъият билан айтади.

Эркин Аъзам услубида кесатик, пичинг сезилади. Унинг кесатиклари ўзига хос. Адид бу услубни асардан-асарга қурчлатиб бормоқда.

III. “Жавоб” – Эркин Аъзамнинг 1986 йилда чоп этилган қиссалар ва ҳикоялардан ташкил топган тўплами. Тўпламга “Отойининг тугилган йили”, “Жавоб” қиссалари ҳамда “Шайтончалар қўчаси”, “Пиёда” ва “Манана” ҳикоялари киритилган.

“Жавоб” – ўзига хос қисса. Асар қаҳрамонлари – Элчиев ва Маствура кўп йиллар бурун “Отойининг тугилган йили” қиссасида хайрлашганимиз Асқар Шодибеков ва Раҳшона бўлиб туюлаверади менга. Элчиев Асқарга ўхшаган қишлоқлик. Тошкентда ўқиган, уйланган, бола-чақали бўлган. Элчиев “сингтан” қаҳрамон – жўшиб курашмайди, мартабага қизиқмайди, “фақир киши панада” деган нақлга амал қилиб яшайди. Лекин у ожиз, ногавон эмас. Асқардаги ўжарлик, қайсаарлик, айтганидан тоймаслик унинг ҳам табиатида бор. Аммо у ўзини ҳамиша жиловлаб яшайди.

Аяган кўзга чўп кирап, деган гап бор. Ҳеч нарсадан ҳеч нарса йўқ, арзимаган сабаб билан тўрт маст барзанги Элчиевни ўласи қилиб дўппослайди. Элчиевнинг хўрлиги келади: бошини қаерга уришни билмай қолади. Одамни эзib юборадигани шундаки, катта-катта одамлар анови бойвачча барзангиларни рўй-рост ҳимоя қила бошлади. Ўзбекчиликнинг нозик томонлари ишга солинади.

Элчиев умрини оиласига – хотини, қизи Жасура, ўғли Камолиддинга бағишлаган эди. Болалигига ўғли ва қизи ниҳоятда ширин, меҳрибон бўлишган. Айниқса, ўғли Камолиддин жуда ювош эди. У вояга етди. Олий ўқув юртига кира олмади. Армияда хизмат қилди. Сўнг ишлай бошлади. Камолиддин ҳам жисман, ҳам руҳан ўзгарди. Кўчадан бери келмай қолди. Ичадиган бўлди. Чатоги, опасидан ҳам ёши улуг, эр кўрган Динага айланишиб қолади. Унга уйланмоқчилигини айтади. Элчиев жонига қасд қолади. Тасодифан тирик қолади. Қиссадаги асосий воқеа – шу.

Шўро адабиётшунослигида сюжетнинг тугун, воқеалар ривожи, кульминацион нуқта, ечим сингари қисмлари бўларди. Шу нуқтаи назардан, Эркин Аъзамнинг “Жавоб”и, Асқад Мухтор мазкур китобга ёзган “Бош ташвиш” номли сўнгсўзида айтганидай: “Элчиевнинг қалбида энди кураш руҳи етилганда асар тугаб қолади, афсуски, унинг курашга киргани ва кураш жараёни кўрсатилмаган”. Аслида ҳам шундайми? Менимча, қиссага икки ёзувчи турлича эстетик принцип нуқтаи назаридан ёндашган. Асқад Мухтор социалистик реализмдаги кураш, зиддиятлар тўқнашувини мукаммал ўзлаштирган адиб. Эркин Аъзам ижодида эса коллизиялар тасвирида биз учун янгилик бўлган томонлар учрайди.

“Отойининг тугилган йилида” ёқ адиб воқеаларни ич-ичидан, моҳиятидан туриб тасвирлаш йўсинини тутгани кўринган эди. “Жавоб”да кураш Элчиев онгида, руҳида узлуксиз оқим тарзида давом этади. Қисса сюжети ретрога асосланган. Қаҳрамон ўйлади, хотирлайди, хаёлан минг кўчага кириб чиқади. Элчиев ўйларида руҳиятидаги ҳолатлар намоён бўлади.

Туқурроқ қаралса, Элчиев кўрқиб, чўчиб, ўта огоҳ бўлиб яшайди. У олға интилишдан қўра, эришганини асрар-авайлашга кўпроқ эътибор беради. Уни – билимдон мутахассисни юқори лавозимга кўтармоқчи бўлишади. Қаҳрамонимиз ўзини камтару камсукум тутиб, четда қолаверади. Ваҳоланки, ҳамқишлоқ дўсти Ҳайдар билимда ҳам, ақл бобида ҳам анча тўпори эди. Лекин елди, югурди, бирорни “ака”, бирорни “ука” деди, ўзини фан соҳасига урди, номзод, доктор, профессор бўлди. Кечаги тўпори Ҳайдар – бугун “Ҳайдар Самадович”, Элчиевни менсимайди.

Элчиев сира тавакқалчиликни ёқтирмайди, қисматга ишонмайди. У ўғли, қизини қоғозга ўралган қанддай асрайди. Лекин болаларни ҳаёт ўз домига тортди. Жасура ҳам, Камолиддин ҳам тамоман бошқача одам бўлиб етишди. Элчиев ҳамиша қисиниб-қимтиниб, гилофда яшаб ўтаётганини англади. Тарки одат амримаҳоллигини чуқурроқ ҳис эта бошлади. Ҳаётдан кетишни тўғри йўл деб билди. Ўз жонига қасд қилиш мусулмончиликка, умуман, инсонийликка тўғри келмаслигини у ўйлаб кўрмади. Шу жиҳатдан, Элчиев – коммунистик мафкура,

қўрқоқлик фалсафасининг қурбонига айланди. Мастура, Жасура, Камолиддин, ҳатто қалби тоза, хайрихоҳ Дина ҳам Элчиевга ачинади.

“Жавоб” қиссасини ўқиб, битга одамнинг юрагида шунча гап бор эканми, муаллиф уларни қаердан билди, қандай юзага чиқарди, дея ўйланиб қолади киши. “Жавоб”— Эркин Аъзам ижодидаги муҳим асарлардан бири.

“Пиёда” ҳикояси ҳам алоҳида дикқатга молик. Ҳикоя қаҳрамони Бердибой – Парда Қурбоннинг тўнгичи; Музаффар, Гулчехра, Гулсанам ва Самандарнинг оғаси. Бердибой – тажанг, ўжар. У қиз боланинг пойтахтга бориб ўқишини истамайди. Унинг дастидан онаси, хотини Ойрўзи, сингилларига кун йўқ: ўтиrsa ўпок, турса сўпок, дейди. Санам Тошкентга кетмоқчи, модельер-бичиқчиликка ўқимоқчи бўлдию Парда Қурбон хонадони тинчини йўқотди. Бердибой отасиникига келдими, албатта, жанжал чиқаради: ота-она асабийлашган, Санам йиглаган... Охири, она ўғлини қувиб солади. Бердибой бир-икки кундан кейин яна келаверади. У электр чироққа, телевизорга ҳам қарши эди. Бора-бора кўникуди. Укаси Музаффарнинг яшаш тарзини ёқтирумайди. Музаффар биринчи хотинидан ажralиб, яна уйланган. Янги келинни кўргач, Бердибойнинг жини кўзийди: кўйлаги – калта, пиёз пўстидан-да юпқа. Энди синглиси Санам шаҳарга кетиб, шу келин билан бир хонадонда яшамоқчи...

Ҳикоядаги Бердибой ўтмишнинг қолоқ кишиси қилиб тасвирланган. Муаллиф кейинроқ шу ҳикоя асосида киноқисса ёзди. Кино санъати деталларнинг аниқ, тиник бўлишини тақозо қиласди. Ҳикояда Бердибойнинг зооветеринар экани айтиб ўтилган эди. Киноқисса эмланаётган қорамоллардан бири баданига суқултган шприц билан қочиб бораётгани тасвиридан бошланади. Бердибойнинг фаросатсизлиги ўйламай-нетмай гапириб юбораверишида, рўзгор тутишида, хотинини қийнашида кўринади. Ойрўзи ақёлли-хушли, гап-сўзлари маънили аёл. Аммо у эрининг соясига айлануб қолган, ҳамиша унинг ортидан индамай кетаверади. Ҳолбуки, у қайнонаси, овсин, қайнисингиллари билан очилиб-сочилиб гаплашади. Бердибой ҳамма нарсадан камчилик топишга, ўз сўзини ўтказишга ҳаракат қиласди. Лекин, қизиги, у табиатан кесак, зерикарли одам эмас. Мана, куй янграйти. Бердибой завқ билан рақс тушяпти. Ҳамма унинг ўйинига қойил қоляпти. Рақс манзараси қаҳрамон ҳақидаги қарашларни остин-устун қилиб юборади. Лекин Бердибойнинг юрагида армон, ота-онасидан гина бор. Бир вақтлар Парда Қурбонни туман марказига ишга чақирганларида у онасини ёлғиз ташлаб кетолмай, Бердибой билан Музаффарни қишлоқда қолдириб кетган эди. Она болаларни ўзи билганича “тарбиялади”. Бердибой инс-жинсга, ажиналарга ишонадиган, янги удумларга душманлик билан қарайдиган бўлди. Бора-бора у қолоқ, ўжар, тажанг бир одамга айланди.

Киноқиссада ранглар гармонияси, товушлар симфонияси, деталларнинг тиник ва сероблиги, ҳаётдаги янги қирралар яққол кўзга ташланади. Одамлар руҳидаги ўзгаришлар аниқ сезилади. Янги замонга хос савдо-сотиқ, тадбиркорлик, ишбилармонлик, мақсад сари интилишни кўриш мумкин. Хусусан, асар қаҳрамонларидан бири – Ражаб боди Тошкентда туп қўйиб, палак ёза бошлаган Музаффар билан алоқани яхшилашга интилади.

Эркин Аъзам “Пиёда” ҳикоясини киноқиссага, “Пакананинг ошиқ кўнгли”ни ҳам “Пакана” киноасарига айлантириди. Бадий асарни киносанъатга айлантириши – ўзига хос, маҳсус жараён. Бунда ютуқлар қатори йўқотишлар ҳам бўлади. Бадий асар – арқоги пишиқ матн демак. Пьеса спектаклга, бадий асар киносенарийга айланганда, барibir, матнга путур етади. “Пакананинг ошиқ кўнгли” қиссаси билан “Пакана” киноқиссаси қиёсланганда, фарқ кўзга яққол ташланади. Киноқиссада Пакана Шамшодбек номини олган. Асарга яна бир пакана – Дадилбек киритилган. Бирининг бўйи 151, иккинчисининг “адл” гавдаси 149. Шамшодбек уч қиз, Дадилбек шунча ўғил отаси. Шамшод фикрчан санъаткор, юрагида дарди бор одам. Дадилбек – бир қоп ёнғоқ, у билмаган гап йўқ. Унингча, паканалик – гаройиб неъмат. Ҳамма кашифиёт, не-не муҳим ишларни паканалар амалга оширган. Дадилбек образи “Пакананинг ошиқ кўнгли” қиссасини кинокомедияга айлантириб

юбораёзган. Қисса инсон руҳини, санъаткор қарашларини ёритиб берган теран асар, унда юксак эстетик даража бор эди...

IV. Ёзувчи ижодида 1988 йилда нашр этилган “Байрамдан бошқа кунлар” номли қисса ва ҳикоялардан жамланган китоби алоҳида қимматга эга. Китоб ижодкорнинг аввалги асарларидан ҳажман катта, мазмунан теран.

Адабнинг “Байрамдан бошқа кунлар” асарида маълум маънода романга хос концепция сезилади. Муаллиф шаҳарликларни ижтимоий табақаларга ажратишга уста. Услубида фош қилиш, кесатиқ, пичинг етакчи бўлган адаб диққатини кўпроқ енгилтак қиз-жувонлар – капалаклар (учиб-қўниб, гулзорда нозланиб, ороланиб сайдир этувчилар) ҳаёти жалб қиласди. Қиссада, асосан, уч оила вакиллари ҳаёти тасвирланган. Барно, Баргода, Басира – Афрўза Камоловнанинг эмин-эркин ўсан қизлари. Уларнинг отаси – қариб қуюлмаган чол – Мимо.

Барно замонабоп Чиннибек Қосимовга тегиб олган. Баргода севмади, ўртамади, зиддиятларга киришмади, лекин Бакирга эга бўлди. Бу аёlda рашк, уйим-жойим деган туйғу, чин ҳузурни ҳис қилиш йўқ. Қандай хоҳласа, шундай яшайди. Ҳеч кимга айтмасдан онасиликни кетиб қолиши, ҳафталааб эрини кўрмаслиги, у ҳақда ўйламаслиги мумкин. Бакир кўнгироқ қилса, гина-кудуратсиз: “Қаёқларда қолиб кетдингиз? Нега келмайсиз? Бугун, албатта, келинг, тадбир бор”, дейиши мумкин. Эри тергагудек бўлса: “Нима бўпти?” деб қўя қолади. Унинг асаби йўқми, деб ҳам ўйлайсан киши. Опа-сингиллар йигилиб қолишиса, оғизлари гапдан бўшамайди. Улар ҳеч нарсани кўнгилларига қаттиқ олмайдилар. Лекин... лозим бўлиб қолса, ҳар қандай тубанликка, аёллик макрига эрк беришлари мумкин. Басира жазманига аччик қилибми, кўп миқдорда дори ичиб қўяди. Уни хушига келтириш учун она, опа-сингиллари ўлиб-тириладилар.

Мимо – собиқ хонанда, енгилтак одам, қизларнинг отаси. Аммо оилада унинг ота сифатида ўрни, мавқеи йўқ. Бакир Баргода билан яшар экан, бу хонадоннинг чириб, манқуртлашиб бораётганини аниқ кузатади. У қандай осонлик билан уйланган бўлса, шундай осонлик билан Баргидадан воз кечиб кетиши мумкин, аммо...

Қиссадаги асосий қаҳрамонлардан бири – Сафура. У Баргода, Барно, Чиннибек, Басиравларнинг дўсти. Асарда хатти-ҳаракатлар, зиддиятлар, мураккабликлар, зиёфатлар марказида Сафура туради.

Сафура – доимий навқиронлик рамзи: унинг ёши ҳечам йигирма олтидан ошмайди. Нима демасин, “браво”, “генацвали”, “о’кей”, “салют”, “мерси”, “чи гап”, “о’йбай”, “се ля ви”, “гудбай”, “чао”, “рафтем”, деган сўзларни қўшиб айтади. Сафура бирон жойда ёлчитиб ишламаган. Бир-икки кўрсатувда режиссёрга ёрдамчилик қилган. “Ижоди”нинг юлдузли они шу, холос. Аммо баҳил эмас. Икки хонали безатилган уйини Баргидага бериб қўйган. Миша тога (Муфтила), Жордес, яна аллакимлар Сафура туфайли Баргидалар тўдасига қўшилиб қолган. Маишатбоз, ўйин-кулгига ишқибоз, шаҳвоний ҳаётга муккасидан кетган одам борки, Сафура уюштирадиган базмларга шамга интилган парвонадек ёпишиб келаверади. Сафурада тўпори Муфтилладан, икки дунёси куйган Мимодан, лўттибоз Чиннибекдан, байрампараст Барною Баргидалардан, ҳатто бўш-баёв, енгилтаккина Бакирдан фарқ қиласроқ, ўртанадиган қалб бор, муқаддас олов бор. У ўйнайди, кулади, бирорвларга яхшилик қиласди, бироқ алданаётганини теран англайди. Муҳими, вақти-вақти билан муҳитига сифмай қолади, “байрам” тўла кунларини дил-дилидан лаънатлайди. Бакир билан суҳбатда Сафура “ёрилади”: “Бояги жойни кўрдингми? У ердагиларнинг бари Сафуранинг болалари, Сафуранинг гуноҳлари. Сафураларни ер ютсин! – У туйқусдан тагидаги тошни муштлаб ҳиқиллай бошлади. – Мен тошман, мана шу тошман! Қани, биратўла тошга айланиб қолсам!”.

Сафура капалаклар ҳаётини, байрамли кунларни, баргидаларни, ўзини фош этади. Мимо, Миша тога, Жордес, Анвар хўроздар кўнгилочар кечаларга, кайф-сафога ишқибоз. Сафура икрорича: “Бошида ҳаммаси яхши кўради, ҳаммасига ёқасан. Биламиз – нима учун! Кейин эса... Эй, ҳамманг бир гўрсан!”.

Баргидалар тўдасини Сафура тарк этиб кетади. Бакир Сафурани соғина бошлайди.

Қиссадаги Ўтай бува, Зиёвиддин сингари ҳаётнинг таянчи бўлган кишилар тимсоли китобхонни ром этади. Автобусчи Бакирнинг шаҳар бўйлаб кезиши, бекатлар номини бурро-бурро айтиши ҳам мароқли. Бекатлар Бакирнинг қадрдонлари, бамисоли тирик одамлар. Уларнинг тақдири, атвори, ёқимли-ёқимсиз томонлари бор. Бакир, бир қарасангиз, Марина, Баргидалар тоифасидаги одам, бир қарасангиз – беғубор, болатабиат йигит. Ҳар куни эрта билан касалхонага иссиқ овқат кўтариб борадиган қизча, “Тошкентнинг машхур тугуруқхона”сида тугилган, ҳали ўзини танимасдан етим бўлиб қолган гўдак тақдири Бакирни эзид юборади. Насимнинг отаси жасадни узоқ Дехқонободга олиб кетаркан, Бакир: “йўл бўйи мусибатдорларга қўшилиб баббаробар унсиз йиглаб, изтироб чекиб борган”. Бу йигит опаси, синглиси, Ўтай бувасига меҳрибон. Ўзбекча урф-одатларни ўрнига қўяди. Айни вақтда, у бирмунча енгилтак, байрамона ҳаётга ўч Маринаю Баргидалар шайдоси. Хуллас, Бакир – қиссадаги мураккаб характерлардан бири.

“Байрамдан бошқа кунлар” тўпламига саккиз ҳикоя киритилган. Уларнинг ҳаммаси жонли, тирик тимсолларга эга. Аммо “Анойининг жайдари олмаси” ҳикояси – Эркин Аъзам ижодининг нурли чўққиларидан бири. Рамазон – ҳикоячининг дўсти, кўнгли булоқ сувидай топ-тоза, беғубор йигит. Рамазон – одамохун, фидойи дўст, ҳаётсевар, гўл-ишонувчан, сергайрат, иззат-нафсли. У қаерда пайдо бўлса, ўша ерда хуш кайфият, ишонч руҳи кеза бошлайди. Бошқаларни қўятурайлик, муттаҳам олибсотар ҳам, Рамазонни суд қилаётган юрист аёлу Бешоғочни ётқизиб турғизадиган Тош безори ҳам уни ёқтириб қолади. Рамазон тимсоли – Эркин Аъзам ижодидаги порлоқ машъала, инсонийлик туғи. “Байрамдан бошқа кунлар” тўплами ҳақидаги мулоҳазаларни шу ерда тўхтатмоқчи эдим. Аммо “Богбололик Кўкалдош” ҳикояси, ундаги Кўкал, ёзувчи, тингловчи Нажмиддин, Майрам тогчи, мансабдор ўтган Дониёров тўгрисида сўзламоқ лозимдай туюлаверди. Кўклам – Кўкал – Кўкалдош гавдали, содда, меҳнаткаш, дунёга тасодифан келиб қолган бепадар... У меҳр кўрмаган. Майрам тогчи уни қарғагани-қарғаган: она ҳам боласини шунчалар титраб-қақшаб дуоибад қиласими? Кўкал – бепарво: отасизлиги, онасининг қаҳр-газаби, ўзидан анча кичик болалар билан синфдош бўлиб қолгани унга гўё аҳамиятсиз. У тинимсиз меҳнат қиласи, катталар изнидан чиқмайди, лекин гап эшитаверади, калтакланаверади. Кўкал – bogbololiklar жумбоги... Нажмиддин бот-бот ёзувчи оғасидан Кўкал ҳақида ёзишни илтимос қиласи. Ниҳоят, ёзувчи Кўкал ҳақида ҳикоя битади. Асар ўзига хос, жозибали, тез, завқ билан ўқиласи.

Эркин Аъзамнинг “Гули-гули” қиссасини ўқиган китобхон Мўмин – Маймунда Кўкални таниб қолади. Ҳа, Кўкал “Гули-гули”даги Маймун... Бироқ, “Богбололик Кўкалдош”да муаллиф итоаткор, меҳнаткаш, инсофли қаҳрамон тимсолини яратган. Маймун – довдиргина, бетсизгина, шаҳвоний ҳирсга ружу қилган ҳайвонсифат кимса. Қиссада унинг онаси ҳақида айтарли гап йўқ, отаси инсофсиз, жоҳил одам бўлгани айтилади, холос. Ҳикояда Кўкални муаллим бекордан-бекор уриб кетади. “Бепадар ҳароми!” дейди. Нега? Муаллим – Дониёровнинг укаси, оғасининг қилмишларини яхши билади. “...Мана шу Кўкалнинг онасини – сабил қолган етимча қизни тогдан Дониёров олиб келган, бирмунча муддат хонадонидан жой ҳам берган...” Дониёров вафот этганида дафнга ҳамма қатнашди, “ёлғиз Майрам тогчи келмади азага. Темирчи эрининг кўзи олдида, ундан орттирган беш боласининг кўзи ўнгидага соchlарини ёйганча ҳовли айланиб, танҳо ўзи садр тушганмиш у...”

Кўкал ҳам Ойтуманни “хилват ёнгоқзорга бошлаб кириб” ўзиники қилиб олган. Аммо бу бошқа ҳол, бошқа манзара.

“Гули-гули” қиссасида Маймуннинг маймунликлари, Олма келин, Мусаллам кокилдорнинг хиёнати ҳақида ёзилган. Шарм-ҳаё, инсоф-иймон кўтарилиган жойда файз-футур, кут-барака бўлмайди. Инсонларнинг қорнини тўйдириш, билимли

қилиш яхши, лекин маънавиятли, дин-диёнатли, ҳаромдан жирканадиган этиб тарбиялаш – энг асосий масала. Эркин Аъзам асарларида Ёзувчи (“Ёзувчи”), Болта Мардон (“Сув ёқалаб”), Элчиев (“Жавоб”), Баҳром (“Қарздор”), Жонибек (“Фаришта”), Рамазон (“Анойининг жайдари олмаси”) сингари нурли қаҳрамонлар кўп.

“Боғбололик Кўкалдош” ҳикояси ва “Гули-гули” қиссасининг қиёси ёзувчи лабораториясининг сир-синоатини англашда муҳим омилдир.

В. Эркин Аъзамнинг 2001 йилда чоп этилган уч қисса, уч ҳикоядан иборат “Пакананинг ошиқ кўнгли” тўплами – катта муаммолар, ёрқин характерлар китоби. “Пакананинг ошиқ кўнгли” қиссаси илк бор шу китобда босилган. Кейинчалик у бошқа тўпламларга киритилди, киноқисса қилинди. Бу – ўзига хос, ички зиддият, мураккаблик, қизиқарли тафсилотларга бой асар. Пакананинг сирти, ташқи кўриниши ҳазил-мутойибага торгади, ҳангомабоп. Бўйнинг калталиги ҳақидагина шунча кўп гапни ўзига хос услубда гапириб бериш мумкин экан-да. Пакананинг уйланиши, ота бўлиши – алоҳида ҳангома. Пакана ва рассомлик. Бу жабҳадаги интилишлар... Ниҳоят, Пакананинг ошиқ кўнгли тасвири: сержилолик, сертуйгулик... Пакананинг ширин орзулари... Хаёлдаги малаклару ҳётдаги жўн, ташвишбанд аёллар... Хуллас, ёзувчи Пакана ҳақида пишиқ-пухта асар яратган.

“Шоирнинг тўйи”, “Чапаклар ёки чалпаклар мамлакати” қиссаларида ҳам – Эркин Аъзам ижодининг ўзига хос қирралари намоён бўлган. Адид “Чапаклар ёки чалпаклар мамлакати” қиссасида памфлет руҳ – моҳиятидан унумли фойдаланган. Қиссада бамисоли вакуумдаги ҳаёт тасвирланган.

“Шоирнинг тўйи” қиссаси “Чапаклар ёки чалпаклар мамлакати” билан гўёки Ҳасан-Хусан, ялакатмагиз. “Шоирнинг тўйи” қиссасидаги воқеалар социализмнинг сўнгти йилларида рўй беради. Асар имо-ишора, рамз, умумлашмаларга бой. Қатагон қилиниб, кейинчалик оқланган Оташқалб шоирнинг таваллуд тўйи ҳарбий асирлар томонидан қурилган машхур кошонада ўтепти. Катта залда ҳамма жамулжам: Оташқалбни қаматишга “муносиб” ҳисса қўшган Оқсоқол шоир, Ажойиб домла, Маъшуқаҳоним; мавжуд мафкура тизгинини маҳкам тутиб турган Мафкураҳоним; Тепакал, Темирийўлчи, Жиянбека, Заҳматкаш олим, Жасур шоир, Дарбон, Таъқибкор, Оташқалб шоир (руҳи). Қиссадаги ҳар бир образ умумлашма хусусиятта эга. Муаллиф Оташқалбни йўқ қилган Оқсоқол шоир дегандек эса-да, аслида, Оташқалбни маҳв этганлар кўп бўлган. Эркин Аъзам Оқсоқол шоир образини чизар экан, Оташқалбнинг қамалишига ҳисса қўшганларнинг қилмишини ўрни-ўрни билан кўрсатиб боради. Ажойиб домла ҳам умумлашма тимсол. Ўтган асрнинг ўттиз-қирқинчи йилларидағи қатагонларга шоиру адиблар қатори ана шундай домлалар, амалдорлар, санъаткорлар ҳисса қўшгани маълум.

Қиссадаги ўзига хос образлардан бири Мафкураҳонимdir. Шўро даврида, айниқса, миллий республикаларда мафкуравий ишларга алоҳида эътибор берилган. Коммунистик мафкуруни мустаҳкамлаш учун миллий қадриятлар атайин оёқости қилинган. Мафкура масалалари билан енгилтак, миллий илдиздан узилиб қолган кишилар шугулланган. Мана, қатагон қилинган, халқ талаби билан номи, асарлари оқланган Оташқалб шоир тўйи ўтказиляпти. Ҳукумат номидан тўйбошчилик қилаётган Мафкураҳоним: “Қани, домланинг ўзлари келдиларми?”, деб қолса бўладими?! Ҳамма бир-бирига қараган, ҳамма хижолат”.

Шоирнинг тўйида ҳамма тўлиб-тошиб ўтирибди, айтилаётган ҳар бир гап қалбларда акс-садо беряпти. Биргина Мафкураҳоним бепарво, хаёли бошқа ёқда. У залда ўтирганлар орасида Тепакални – собиқ жазманини кўриб қолади. Хаёл қурғур уни бошқа ёқларга, шаҳвоний хотиралар бағрига олиб кетади. Жасур шоир, Темирийўлчи кўйиб-ёниб ҳақиқатни тикляяптилар; Оқсоқол шоир, Ажойиб домлалар зўр берип кечаги айбларини хаспўлашшага уринмоқдалар; Мафкураҳоним эса бутунлай бошқа нарсаларни ўйлаб ўтирибди.

Қиссада Жиянбека, Оташқалб шоирнинг ёшлиқдаги дўсти образлари бор. Жиянбека Оташқалбни кўрмаган, шеърларининг ашаддий муҳлиси ҳам эмас. Ҳозир

шундай вазият пайдо бўлдики, Жиянбека катта амалга миниб қолиши мумкин. У имкониятни бой бермайди. Оташқалбнинг сўнган юлдузи қайта порлай бошлагач, унинг дўстлари, жабр чекканлар сони ортиб қолади. Анжуманда ногирон, аборг Оташқалб шоир тимсоли пайдо бўлади. Аслида, йигилганларга Оташқалбнинг кераги йўқ. Улар Оташқалбга багишланган тадбирни ўтказиш учунгина келган, холос.

Тантанали тадбир чоги Жасур шоир ва Оқсоқол шоир авлодлари аро кураш кетади. Мана шу ҳодиса ҳаётда рўй берган. Улуг шоир номидаги театрда кечаги авлод билан бугунги ёшлар ўртасида рўй-рост кураш бўлиб ўтган. Анжуманни Мафкурахониму бошқа хонимчалар бошқарган. Ўша йиғилишда шакланаётган авлод ўз имкониятларини бус-бутун намоён этган эди.

“Пакананинг ошиқ кўнгли” тўпламига “Навоийни ўқиган болалар”, “Бизнинг тога”, “Таъзия” ҳикоялари ҳам киритилган. Уларнинг қаҳрамонлари ҳар хил тоифа, феъл-атвордаги кишилар. “Навоийни ўқиган болалар” ҳикоясида уч курсдош – икки ошиқ ва Малика образи яратилган. Қиши. Совуқ. Уч курсдош янги йилни кутиб олгач, кўчага чиқишиади. Маликани уйигача кузатишмоқчи. Йўловчи машиналар катта пул сўрайди. Икки дўстда эса пул йўқ ҳисоби. Хуллас, бир машина уларни олиб кетади. Бора-borgungча ёшлар Навоий шеърларини ўқишиади. Машина эгаси шинавандга одам экан, ўқилаётган газалларга маҳлиё бўлади. Манзилга етгач, пул олмайди. Икки дўст-курсдош Маликани севади. Қиз ҳикоячи – ровийни яхши кўради. Жаноб – Жанобиддин Сайфиддинов дўстлари йўлига гов бўлмайди. Умрини Навоий изходини ўрганишга багишлайди. Фан номзоди бўлади. Лекин Жаноб табиатига чин ошиқлар фазилати сингиб кетган. XXI аср бўсағасидаги жўшқин, тезкор ҳаёт Жанобни четга суриб чиқара бошлайди. Тасодифан у руҳий хасталиклар шифохонасига келтирилди, шу ерда вафот этади.

“Бизнинг тога” ҳикоясида кесатиқ, пичинг кучли. Ҳаётда Муҳаммад Фазанфарга ўхшаш “дигоним дигон” тоифасидаги кишилар кўп. Бу ҳикоядан “Санъаткор”, “Майиз емаган хотин” (Абдулла Қахҳор) сингари асарларнинг нафаси келиб туради.

Эркин Аъзамнинг асарларида ўзига тортувчи оҳанрабо бор. Муҳими шуки, ёзувчи асарлари орасида эскириб, замонга мос келмай қолганлари кам. Инсонни тасвирлаган, унинг қалбига йўл топган асар ҳеч қачон завол кўрмайди.

VI. Эркин Аъзамнинг 2002 йилда нашр қилинган “Кечикаётган одам” номли тўплами ҳажман катта ва салобатли. Унга адабнинг “Отойининг тугилган йили”, “Жавоб”, “Байрамдан бошқа қунлар”, “Шоирнинг тўйи” қиссалари, “Пиёда”, “Пакана” киноқиссалари жамланган. Бошқача айтсак, адаб шўро даврида ёзган асарларини мустақиллик йиллари ўзбек адабиёти рўйхатидан ўтказган. Эркин Аъзам ҳамиша инсон руҳини, тийнатини асос деб билгани боис, асарлари эскирмади, замон танловидан тушиб қолмади.

Ўтган асрнинг охири – жорий асрнинг аввалида бадиий асарни экран ё саҳнада кўрсатиш, эшиитириш имконияти кенгайди. Бу жиҳат Эркин Аъзамовга ҳам таалуқли. Адаб “Пиёда” ҳикоясини, “Пакананинг ошиқ кўнгли” қиссанини экран асарига айлантириди. Унинг “Сув ёқалаб”, “Забаржад”, “Қарздор”, “Фаришта” асарлари киноқисса шаклида пайдо бўлди: китоб ҳолида ўқилди, кино сифатида намойиш этилди.

Бадиий асарни саҳнада кўрсатишнинг хос сир-синоатлари бор. Эркин Аъзам “Жаннат ўзи қайдадир”, “Шажара” драмаларини ёзди. Бу асарлар ҳали танқидчилиқда ўз баҳосини олгани йўқ.

Хуллас, Эркин Аъзам – ҳозирги ўзбек адабиётида ҳикоянавис, қиссанавис, киносценарист, драматург сифатида ўз ўрни ва мавқеига эга ижодкор.





Понг шамоли...

Кўчқор НОРҚОБИЛ

КУЗ

Йиқилади боғларга оқшом,
Бошланади шамоллар ҳарби.
Куз – қўксига яширган одам
Портлаётган юракнинг зарбин.

Тўзгинади ҳавода япроқ,
Ким у –
узган умрим ипини?
Сукут ичра эсади титроқ –
Ҳаётимнинг ожиз эпкини.

Ҳар фаслда кўрсатар аллоҳ
Гуллашиму сўлиш онимни.
Куз, қўрқитдинг мени баногоҳ,
Айт, қæрга кўяй жонимни?

БОЛАЛИК

Гарчанд сўлгин, руҳим,
исёним,
Болалигим бироқ ўлмаган.
Бир бола бор... тоза ошёнли,
Хуржунлари ўтга тўлмаган.

Бир бола бор... чўлоқ эшакда
Чизган қишлоқ харитасини –
Узоқ эди ўтрик гўшақдан
Умр кечди олатасирли.

Кўлларидан тушмади ўроқ,
Сигир еди бармоқларини.
Магур эди болакай бироқ,
Умид ёқар қароқларини.

Бир бола бор толтуш... тушида
Ухлар эди оппоқ тўшакда.
Бир лаҳзада кетди хушидан
Йиқиларкан қайсар эшакдан.

Ор-номусу, орзу зиёда,
Шеърлар ёзди болакай тунлар.
Бахтсиз эди бола дунёда –
Хуржун ўтга тўлмаган кунлар.

Шеър ўқирди далаларда у,
Шеър ўқирди гумай, ўтларга.
Юрак тўлган паллаларда у
Исл қўйди қари тутларга.

Бир кун... бари тугади, тамом,
Дала, ўроқ ва хуржунлари.
Бола жўнар шаҳарлар томон
Кўз олдидан ўтиб кунлари.

Шаҳар катта...
Кечалар равшан.
Юлдузлардан кўпdir чироқлар.
Базму жамшид, кулгулар шўх-шаън,
Дилни ўртар сузик қароқлар.

Бунда ҳамма пўрим, озода,
Бир-бирини севар, жонимлар.
Гуноҳ эмас, гоҳо базмда
Эри билан отса хонимлар.

Тез тугайди ҳайрату хаёл,
Кўнгил қўмсар дашту далани.
Қай бир кунда сотарди аёл
Ойнавандда ўсган лолани.

Хира тортди...
Юлдузли осмон,
Ортда қолди боғлар, баҳорлар.
Туҳфа этиб ҳажру ишқ, достон.
Дилни ташлаб кетди гулзорлар.

Васли ҳижрон кетди қоришиб,
Ҳаёт оқди телба-тескари.
Шомда келар олам ёришиб,
Ёху, тонгда зулмат лашкари.

Огрир руҳим. Огрийди руҳим,
Тонг шамоли –
бир ҳазин нола.

Осмонларда изгийди оҳим,
Сени жуда соғиндим, бола.

Ойдан олгин ўроқларингни,
Юлдузларга тўлсин хуржуниг.
Кўқдан сўра гуноҳларимни
Чеки борми қисмат ҳажрининг?!

Дўстдан рақиб бисёр дунё бу,
Юрагимни таларлар гоҳо.
Ёлғиз қолдим – чорладим сени,
Болалигим – энг буюк даҳо.

Рухим ҳажр, юрагим ҳажр,
Куйга солдим ҳажрларимни.
Юрагимни бир оғриқ гажир,
Олиб кетгин ҳажрларингни.

Мен йигладим. Рухим – исёним,
Болалигим бироқ ўлмаган.
Бир бола бор – тоза ошёним,
Хуржуnlари ўтга тўлмаган.

ИНТИҚЛИК

Ҳаллослаган ҳафта бугун олар тин.
Якшанба. Режалар тузмадим турфа.
Яхшиси, дунёни унутиб бир кун
Ерни ёстиқ қилгум, осмонни кўрпа.

Бошимга тош бўлиб ботса ҳам очун,
Елкамни босса ҳам зил-замбил турмуш.
Ахир, ҳаққим бор-ку, ухлашга бир кун,
Жоним, кўзларингни кўрмоқ учун туш...

ТУФИЛГАН КУН

Столда сувратинг – севги тик қарап,
Кўнглим ёришмайди ёқсанг ҳам чироқ.
Балки, ҳаётимни издан чиқарар,
Балки, изга солар битта қўнғироқ.

Рақаминг теришга бормаяпти қўл –
Кўрқувми, нимадир ёқар ҳар сафар?!.
Мени қийнаяпти қирқ бир йиллик йўл –
Телефонгача бўлган олис масофа...



Сөгинч кафт ёзди япроқлағымда



Гавҳар ИБОДУЛЛАЕВА

* * *

Кучиб шудринг – шудринг кўзёшим,
Йиглаб ётар кўксимда бир bog.
Бир қараш эт олис қуёшим,
Бир назар қил, қўлим етмас моҳ.

Ҳажр ҳазони эзар муттассил,
Васлидамдан йўқ иштибоҳлар.
Келсанг, энар бошқача фасл,
Уна бошлар меҳригиёҳлар.

Қақраб ётар бағримда бағрим,
Бормоқдаман баттар бойланиб.
Чеҳранг кўриб эрийди гамим,
Армонларим оқар сойланиб.

Дийдорингдан бенасиб кунлар –
Вужудимни ямлар ёсуман.
Қадамларинг теккан заҳоти
Очилгайдир минг битта чаман.

Наргизланиб, нилуфарланиб,
Бодраб ётар кўксимда соғинч.
Оёқларинг кучиб йиқилгай
Неча фарёд, неча минг нолинч.

Райҳонланиб, атиргулланиб,
Тўлиб турар дилимнинг зори.
Кезар бўлсанг бу ошиённи,
Тутиб кетган баҳтнинг ифори.

Қай ерларга қўяман, билмам,
Ўқинчлардан фориг бу лошим.
Тоғдай ўсар оёғим таги –
Осмонларга етгайдир бошим.

Лолаланиб, қизгалдоқланиб,
Йўлингта қўз тутаман, эй ёр.
Қўлинг тегса – тўкилар жоним,
Сени шундай кутаман, эй ёр...

* * *

Сен ёқларга кетиб қолади қўнглим,
Қўнглимнинг изидан эргашаман жим.
Йўлларга сочилиб бўлмасдан умрим,
Сенинг ҳаётингга келар тўкилгим.

Нечук толедир бу, нечук синоат,
Мехристон унмоқда қароқларимда?!
Қўнглим ўсиб борар дараҳт мисоли,
Согинч кафт ёзади япроқларимда.

Қўнглим кўтарилар, қўнглим кўкланаар,
Фарқин туймай қўйдим тушим-ўнгимнинг.
Насибамда турган дийдорни ўйлаб,
Хаёли тўкилиб кетар қўнглимнинг.

Пойимда жон берар умидвор гамлар,
Ноумид қувончлар санчилар қўксимга.
Жонимда... сенга деб асрайётируман,
Ташриф қиласан севгимга?..

* * *

Оташ нафасларинг ила соғиндим,
Овозларинг ила қўмсадим ўзимни.
Валлоҳ, калимага келмаган тилим,
Нечук куйиб кетмас, айтиб бу сўзимни?

Олов бармоқларинг ила истадим
Минг йил силанмаган юзимни.
Ичимга бир уммон тўлқин гизладим,
Токай юмиб яшай қўзимни?

Ўтлуг нигоҳларинг ила илҳақман,
Зорман, гадосиман қутлуг дийдорнинг.
Ҳар туним бадарга асирман, нақдман,
Ҳар куни қайтаман илгидан дорнинг.

Юпатиб, багримга босгим келадир,
Эркалагим келар мушфиқ багримни.
Бир оний ларзани кутайвераман,
Хеч кимга ишонмай ишқим-сагирни.

Маҳзун ёдинг ила ёдим ямалган,
Сени эслай туриб, мен бутланаман.
Жонимда бир дунё согинч қамалган,
Сени қўмсай туриб, мен тикланаман.

Қаршимда ҳажрнинг қилқўприклари.
Кетаман, шу йўлдан кетаман.
Йиқилсан, ўзимга келмайман қайтиб,
Билмадим, ўзимга қачон етаман?..

* * *

Умидим дарахтига ишонч гулин сепдим, мен,
Ҳаловат эшикларин маҳкам-маҳкам ёдим, мен.
Хаёлингиз кўйида беором бўлдим, не баҳт,
Шул беоромлик ичра оромимни топдим, мен.

* * *

Кунлардан бир қуни... келасан,
Багримга тегади шамоллар.
Афсуслар узлатга чекинар,
Бош олиб кетади армонлар.

Бугунча вужудим кўз бўлиб,
Йўлларга тикаман ўзимни.
Юракка чаккиллаб кўзёшим,
Ичимга ютаман бўзимни.

Сенам-да, сув бўлса симириб,
Тош бўлса кемириб, еларсан.
Жудолик тоғларин емириб,
Кунлардан бир қуни келарсан...

Ўшал қун эртаклар тугайди,
Дунёни босади ғавғолар.
Бирдан очилар ишқ кўзлари –
Тирилар Тоҳирлар, Зухролар.

Қисматнинг пойига чўкар тиз
Устимиздан қулган ёлгонлар.
Бир ойдин ҳақиқат очар юз,
Чорлагай еттинчи осмонлар.

Ва, икков... дунёни унутиб,
Бир гўзал суҳбатлар қургумиз.
Ўшал қун... таваллуд топади севги,
Воқе бўла бошлар умримиз...
Кунлардан бир қуни...

Урганч



Ёқуб ҮМАР ўғли

ЎН ДОЛЛАР

Ҳикоя

Тез-тез хорижга чиқиб, юрт кўрган ҳар қандай киши каби, Қодир ҳам божхонада ишлаган одамларнинг феъли-хўйи ва хатти-ҳаракатларидан ўша мамлакат ҳақида ҳақиқатга яқин хулоса чиқара оларди. Божхона хизматчисининг қовоги солиқ, назари муздай совуқ, безовта бўлса, бу: “Оёғингни ўйлаб бос ва хушёр бўл! Бу мамлакатда шоширтириб қўядиган турли-туман қийинчилкларга дуч келишинг мумкин”, – дегани эди. Ходимлар очиқ юзли, хушфеъл ва хотиржам бўлса, бу: қонун-қоидаларга амал қилсанг, ҳеч муаммога дуч келмайсан, деган маънени билдиради. Шундай экан, Қодир ҳам бошқа тажрибали кишилар сингари, келган ютидаги вазиятга, янада тўғрироғи, бу ердаги божхона хизматчилари муомаласига кўра, иш кўришга ҳаракат қиласади. Бир мамлакатта киришда қоидаларга мувофиқ ҳурмат қўрсатган ҳолда, киборларча хушмуомала бўлар, бошқасида эса ишини тезроқ битириш пайида шошаётган, қўпол, бақироқ кишиларга ўхшаб кетарди. Мақсад – ҳужжатларни тезроқ расмийлаштириб, божхона эшигининг у томонига ўтиб олиш.

Тонг палласи.

Күёшнинг кўз қамаштирадиган порлоқ нурлари самолёт деразаларидан кириб, ичкиарини тўлдирди. Самолёт қўниш учун пастлай бошларкан, қуёш тоғлар ортида қолди. Самолёт қўнгач, кўп ўтмай тоғлар ортидан қуёш яна жамолини қўрсатди.

Қодир хорижга, бу мамлакатга биринчи бор келиши эмасди. Божхона қаерда эканини, бу ерда ишлайдиганлар, мамлакатни яхши биларди. Нима қилиш, ўзини қандай тутиш кераклигидан хабардор эди. Даставвал, аэропорт божхонасидан ўтиши, сўнг транзит виза билан бошқа-бошқа иккита таксига чиқиб, қўшни мамлакатга ўтиши керак эди. Шу холос. Жуда оддий. Аммо шундай бўлса-да, “Кўрайлик-чи, бу гал неларга дуч келар эканман?” – деб ўйларди.

Аэропорт киришида виза ишларини расмийлаштириш тез битди. Қўшни мамлакат визаси ва у ерда ишлаш рухсатномасини кўрган мазкур мавқеини писандада қилмоқчилик, паспорт варагига муҳрни қарсиллатиб урди ва қўпол бир ўйсинда узатди.

Қодир маъмурга билдирилган бир уҳ тортиб қўйди. “Шу божхона деганлари ёниб кетмасмикан!” – деди ичиди. Энди бир такси ёллаб, иккинчи божхонага бориши керак.

Қодир аввал аэропортдан қўшни мамлакат божхонасига яқин бекатга бориши, у ердан бошқа таксига ўтириб, йўлида давом этиши керак эди. Иккинчи таксида қўшни ўлканинг давлат рақами бўлиши лозим. Асфалт йўл орқали ўтиладиган барча божхоналар ёнида ҳар икки мамлакатга оид автоуловлар давоми бўлади. Мабодо, таксининг рақами бораётган мамлакатники бўлмаса, йўлда дуч келган йўл полициячиси тўхтатиб, назорат баҳонасида пора сўраши мумкин эди. Қодир учун гоят мушкул иш эди. Буни у ҳам ўзи, ҳам рўпарасидаги кишига нисбатан ҳақорат деб билар, қийналар ва хижолат бўлар эди.

Аэропорт эшигидан чиқмасиданоқ икки киши: “Такси керакми?” – деб эргашди. Қодир уларга ҳеч нарса демай тикилди, эрта тонгданоқ машинасига чиқадиган кишининг юз-кўзи, қиёфасидан қайси бирига ишониш мумкинлигини билиб олишга уринди. Икковига ҳам кўнгли чопмади, олга қадам босди. Талабгорлар бирдан кўпайди. Ораларидан хотиржам, ўрта ёшдан сал ўтган, тўладан келган бирига боши билан розилик маъносида ишора қилди.

Таксичи ўзига ишонган бир тарзда олдидағи иккита йигитни қўллари билан четлатиб, Қодирнинг юкларини олди.

– Машина анави ерда, қани марҳамат, – деди.

Бошқалар йўловчилар атрофида ўралашар экан, айни чогда кўз қири билан Қодирнинг таксичи билан савдолашишини қузатиб туришарди. Агар уларнинг савдоси пишмаса, дарҳол орқага қайтиб, йўловчини илиб кетишни кўзлашарди.

– Қаёққа борасиз, ака?

Бу савдони ўз фойдасига ҳал қилиш учун ишлатиладиган усул эди.

– Хончайирга, – деди Қодир.

– Юзга кетамиз.

– Қирқ бўлар.

– Аммо, ака, ҳали кеча-ку, кечки нарх шунча бўлади.

Қодир бир қулочча кўтарилиган офтобга қаради.

– Мабодо, сен учун яна бир күёш чиқмаса, аллақачон кундуз бўлди. Қирқ етади.

– Бўпти, ака, эллик, – деди таксичи.

Қодир майли деган маънода бош иргади. Машина Европадан хорижга қандай чиқаришгани номаълум эски “Мерседес” эди.

Хоргин мотор зўрга гулдиради.

– Қўшни томонгами, ака? – деди таксичи.

Хончайир икки мамлакат орасида йўловчи ташийдиган таксичилар тўхтайдиган бекат эди. Тажрибали таксичи йўлнинг давомини қийналмай топган эди.

– Ҳа, – деди Қодир.

– Ишончли оғайниларим бор, ака, уларнинг машинасига ўтқазиб юбораман.

– Бўлади, лекин машинанинг рақами уларники бўлсин.

Нон пулини бошқалардан илиб кетишга муваффақ бўлган бу одам Қодирга яхшилик қилмоқчими ёки қўшни таксичидан даллоллик пули олмоқчими? Қодир хаёлига келган бу саволга жавоб ахтариб ҳам ўтирамай, күёш нурига чўмган қирларни томоша қила бошлади.

Иккита йўл назорати постидан ўтдилар. Ҳар гал полиция машинасини кўрганида безовта бўлган таксичи ўз тилида “порахўрлар” дея сўкиниб қўярди.

– Фақат улар порахўрми? – деди Қодир қулимсираб.

– Қайдан билай, ака, бизни ўртаганлари учун шуларни биламиз.

Кейин таксичи болалари ҳақида сўзлай бошлади.

Хончайирда бошқа таксига ўтиши тез ҳал бўлди. Аэропортда топилган машина янгироқ, ҳайдовчиси ҳам ишончли одамга ўхшарди. Қисқагина савдолашувдан сўнг юклар бу машинага жойлаштирилди. Қодир ҳақини тўлаб, ўрта яшар шофёр билан хайрлашди.

Кўшни божхонага тез етиб боришиди. Божхона тинч эди. Шофёр:

— Мен машинанинг ўтиш хужжатларини расмийлаштираман, унгача сен ҳам ишингни битир. У томонда кўришамиз, — деб Қодирни туширди.

Қодир янги қурилган божхона биносига кирди. Паспорт назорати дарчасини излади. Хона бўм-бўш. Эрталаб энди иш бошлаган маъмурлар атрофга тетик боқи-шарди. Қодирнинг кўзлари дарча орқасида ўтирган ёш маъмурнинг кўзлари билан тўқнашди. Қодир паспортини узатди.

Маъмур паспортни тез-тез варақлаб, аввало, суратли варақни топди. Бир суратга, бир Қодир юзига тикилди. Паспорт назоратидан ўтишнинг энг бездирадиган они эди бу. Маъмур шубҳали бир тарзда яна суратга ва кейин Қодирнинг юзига диққат билан тикилди. У бу лаҳзани атайлаб узайтираётгандек туюлди. Сурат эгасиники эканига ишонч ҳосил қилгач, мамлакат визасини топиш учун яна саҳифаларни вараклай бошлади.

Қодир индамай кузатиб туарди.

Маъмур виза саҳифасини топди. Шошмай визани текшириди. Олдидаги компьютер тугмаларига қўл узатаркан:

— Ишлагани келяпсанми? — деб сўради.

— Ҳа, — деди Қодир. — Қурилиш ширкатининг бошлиғиман.

Қайси соҳада ва қандай вазифада ишлашини сўрамасиданоқ айтган эди. Баридир бир сўраган бўларди.

— Мудирмисан?

— Йўқ, мудир ўринbosариман.

Бу орада у Қодирнинг исми шарифини ёзаётган эди.

— Ундан бўлса юз доллар бер.

— Яхши, лекин барча хужжатим тўғри-ку, нега юз доллар беришим керак?

Қодирнинг гапларини эшитмагандай тугмаларни босиб, паспорт номерини ёзишда давом этди.

— Мамлакатимизда неча йилдан бери ишляпсан?

— Тўрт, — деди Қодир.

— Тилимизни яхши ўрганиб олибсан.

Қодирнинг ажнабий эканлигини билмаганлар тоза сўзлагани учун уни шуерлик деб ўйлардилар.

— Тил курсида ўқидингми?

— Ҳа, келган йилим олти ой тил дарси ўқидим.

Маъмур бош кўтармасдан:

— Ундан бўлса, эллик доллар бер, — деди.

Худди, Қодир ўз тилини яхши гапиришидан мамнун бўлиб, нархни арzonлаштираётгандек эди.

— Яхши, лекин, нима учун беришим керак, менга ёрдам қиласиган бирон иш йўқ-ку. Менинг барча хужжатим тўғри бўлса.

Яна у бепарволарча компьютер тугмаларини босиша давом этди.

— Ишлаш учун рухсатноманг борми?

— Бор.

— Ёнингдами?

— Ҳа.

Рухсатномани кўздан кечиргач, уни паспортнинг ёнига қўйиб, тортмадан муҳрни қидира бошлади. Яна бошини қўтармай:

— Майли, бўлмаса йигирма беш доллар бер, — деди.

Қодир қулишини ҳам, аччиқланишини ҳам билолмади.

— Нега беришим керак, айт шуни.

Маъмур муҳрни топиб, олдин бўёққа суркади, сўнг шиддат билан паспортга урди.

Иш рухсатномасини паспорт орасига жойлаштиаркан:

— Кел, бир чой ичайлик, — деди.

Таклифни рад этишга вақт ҳам қолдирмай, ўрнидан турган маъмур паспорт ушлаган қўли билан орқасидан эргашишини ишора қилди.

Даҳлиз орқасидаги хонада паспортни қайтарди. Суҳбатни Қодир ўз тилини қанчалик яхши билишидан бошлади, сўнг қурилиш соҳасидаги ишларга ўтди. Чой келди. Маъмур чойидан бир хўплам ютгач:

— Бўпти, ўн доллар бер, — деди.

Қодир эса ҳайрон бўлди. Ташвиши битган, паспорти чўнтағида. Энди бу ўн доллар дегани нимаси?

— Бўпти, бераман, лекин нима учун беришим кераклигини айт.

Маъмур Қодирнинг юзига тикилиб:

— Эй, Қодирбей, сен бермасант, бошқаси бермаса, унда мен ишга жойлашиш учун берган пулни кимдан олишим керак?


Қодир таҳтадай қотиб қолди. Эшик томонга тикилган қўйи, ҳамёнини чиқарди ва ўн доллар узатди. Чойини охиригача ичмаёқ, оёққа қалқди.

Маъмур эшикка қадар узатди. Эски танишлардай хайрлашдилар.

Ўзини кутаётган таксини топди, йўлга тушдилар.

Қодир назорат постларида тўхтатсалар, ўн долларни таксичига тўлаттириш йўлинин ўйлай бошлади.

Туркчадан Бобохон
Муҳаммад Шариф таржимаси





Ҳуффият ҳимматидин хуфлануғман

Махмуджон НУРМАТОВ

МУШТОҚДИР

Эй дилбар, ой юзингнинг қулгусига муштоқдир.
Кўк юлдози кўзингнинг ёғдусига муштоқдир,

Еру осмон кутармиш суханларинг соғиниб,
Улар гунча лабларинг инжусига муштоқдир.

Сунбулу сарвларки, юртим тоғида яшнар,
Жамолинг гулшанининг ҳиндусига муштоқдир.

Айланур сайёralар маним тоғларим узра,
Улар ўзбек тогининг охусига муштоқдир.

Раҳм билмас бешафқат, тошюрак сайёдлар,
Ул оху ошиқининг қайғусига муштоқдир.

Халқ тарихи очгайдир ҳар куни янги саҳфа,
Дунё халқим тарихин кўзгусига муштоқдир.

Оразингнинг жилваси Ватан жамолидандур,
Диллар мустақилликнинг эзгусига муштоқдир.

“Нигоро!” деб газаллар ёзиб масрур Замоний,
Истиқпол ўлкасининг келгусига муштоқдир.

ЗЕБО МУҲАББАТ ФАСЛИ БУ

Гуллаган озод Ватанда зебо муҳаббат фасли бу,
Ўн саккиз минг олам ичра танҳо муҳаббат фасли бу.

Хуррият боғида яйраб андалиблар сайрашур,
Чин атиргулларга доим шайдо муҳаббат фасли бу.

Сидқу, меҳру, иззат-икром мубталолар шундадир,
Тоҳири Зухрого ибрат аъло муҳаббат фасли бу.

Мен вафолар гулшанидан боғладим гулдастани,
Оби кавсардан кетургай сабҳо муҳаббат фасли бу.

Бевафолар ишқи аммо бериёзат бўлмагай,
Бошга солса дарди мушкул савдо муҳаббат фасли бу.

Эй Замоний, чин садоқат, чин саодат сайлидир,
Минг чинордан ҳам баландроқ якто муҳаббат фасли бу.

ОҚБУЛОҚ

Бир нафосат масканики, Оқбулоқ қирғоғида,
Эл аро машхури Чотқол наҳрининг ирмогида.

Оқбулоқ – юртим замини ичра бир сой-қон томир,
Устувордир кўхна Чотқол тогининг белбогида.

Субҳидамдир жонга роҳат, мисли жаннатдай сўлим,
Минг чирой, юз минг малоҳат қувлашур тонг чогида.

Ҳар қадам босганда, қалбим истиҳола айламиш,
Гавҳару, тилло, кумуш бор ҳар сиқим тупрогида.

Оқбулоқки, лаҳза-лаҳза сакрамиши оқ той каби,
Бир ажиб сиймин мунаvvар оқ қайин япрогида.

Бу гўзаллик гулшанида беюрак кезмиш вужуд,
Қолган экан дил шаҳарда – севгилим қармогида.

Чин муҳаббат чашмасини Оқбулоқда топмишам,
Топди ҳижрон дарди малҳам охунинг қаймогида.

Эй Замоний, она юртинг Сабазорин куйлагин,
Хуррият ёғдуси порлар хур Ватан байробида.

ГУЛ ҲАЁ

Гул ҳаё тутмиши қўлимга гулнавоз боғбонлар,
Гул ҳаё құрмиши дилимга дилнавоз ошёнлар.

Гул ҳаё бир гулнинг номи, боф ҳаёси шул эрур,
Гулшану гулзор сафоси машхури давронлар.

Гул ҳаё рафтори гулзор кўркию ҳусни эрур,
Шу ҳусн бирла гўзалдир гулшану бўстонлар.

Қадрини гулзор топурму гул ҳаёси бўлмаса,
Ҳам атиргул сайлидан шодланмаса осмонлар.

Ё само ҳусну жамолин гул ҳаёда кўргузур,
Согиниб сочгай зиёсин ҳар саҳар Чўлпонлар.

Ким ҳаёй ўлинни тутмас, тентирав мисли гадо,
Ким вафо урфини билмас, айлагай афгонлар.

Гул ҳаё боғида қезсанг, интизор кутгай сени,
Гул ҳаё бирла, Замоний, қалби пок инсонлар.

ЛАҲЗА-ЛАҲЗА

Жамолинг жазбасида ўрганурман лаҳза-лаҳза,
Висолинг матлабида тўлғонурман лаҳза-лаҳза.

Ҳажр дардида қалбим сезиб гоҳо ажиб таскин,
Ситам исканжасида қўзғолурман лаҳза-лаҳза.

Тўқиб туҳмат ганимлар нигоримни этур таъқиб,
Буюк рашик оташида қизғонурман лаҳза-лаҳза.

Ватан осмони узра қилар парвоз кабутарлар,
Ҳуррият ҳимматидин ҳурланурман лаҳза-лаҳза.

Ҳақиқат ҳикматидан олиб илҳом дафъа-дафъа,
Зафар завқига, дўстлар, чулғанурман лаҳза-лаҳза.

Руҳи жоним самода саболарга бўлиб маҳрам,
Қодир аллоҳ меҳридан нурланурман лаҳза-лаҳза.

Замону замин узра Замоний тарқ этиб уйқу,
Гўзаллик даъватидан уйғонурман лаҳза-лаҳза.

БОФУ ЧАМАН ИЧИНДА

Васлингни изладим ёр, bogу-чаман ичинда,
Ҳар ёзу ҳар қишинда эркин Ватан ичинда.

Айро этурга бизни иғво қилур ганимлар,
Ҳажрингда дил азобда мисли тикан ичинда.

Зебо замон завқидан ороланур чаманлар,
Ақлу ҳушим ўзингда ҳар анжуман ичинда.

Ишқи-ку Ширинининг Фарҳодин жонин олди,
Мен нетайин, дўстгинам, минг ёсуман ичинда.

Рашкингда ёнганимда илкимга тутган эрдинг,
Билмам, гулобми, оғу бир стакан ичинда.

Аҳдим дилимда маҳкам, таскиндадур Замоний,
Ҳам илму фан ичинда, ҳам чин сухан ичинда.



НОМАЛАРДАГИ НОЛАЛАР



КАРИМАБЕГИМ

Хикоя

Агарда туман ижодкорларининг ижодий танлови баҳона қўлимдаги машқларни бир бор кўриб чиқиш зарурати туғилмагандан, балки бир покиза аёл қалбидан тўкилган бу дурданалар мендек ўзини ижодкор санаб юрган бир инсоннинг айби билан кишилар нигоҳидан яна қанча вақт яшириниб ётар эди.

Мен кичик ҳикоячалар деб ўйлаганим аслида варакъларга тўкилган бир умр хаёли-иболи аёл сурати эканини қаердан билибман? Уларни ўқиганим сари юрагим тобора типирчилаб қинидан чиқар даражасига ета борди. Охирги варакни дувдув кўзёшлар билан ўқидим, дунёда ҳамон бегубор муҳаббат борлиги билан фахрланиб кетдим.

Бу қандай туйгу?

1-мактуб

Мен ёшлигимдан севги, муҳаббат деб аталган туйгуларга унча эътибор бермай катта бўлғанман. Оиласиз зиёлилар оиласи бўлғанлиги сабабли, гарчи бу борада тўсқинлик бўлмаса-да, битта темир қонун бор эди: “Келажак – фақат билим олишда”.

Мактабни акам ва опаларим сингари олтин медаль билан битирдим. Олий ўқув юртига сиртдан ўқишига кириб, туман марказидаги кутубхонада ишлай бошладим. Кўп вақтим дарсларга тайёргарлик, кутубхонага келган мижозлар билан суҳбатлашиш, турли тадбирлар ўтказишга сарф бўларди. Аммо ёшлик экан, кимнидир севиб қолишини, худди ҳинд кинофильмлари ёхуд эртаклардаги қизлардек ўша севгим, севганим учун жон фидо этишини, чинакам маъшуқа бўлишни орзу қўлардим.

Йиллар ўтиб, ёшим улгайиб борарди-ю, бу туйгу дилимга яқин келмасди. Тўгри, йигитлар мени севишар, йўлларимни тўсиб севги изҳор қилишар, уйимга совчилар юборишар эди. Менинг кўнглимга қараган ота-онам совчиларга ўзи била-

ди, деган жавобни бериб келишарди. Мен эса ҳеч кимга рўйхушлик бермасдим. Яширмайман, баъзан кимнидир ёқтириб қолгандек бўлардим. Уни ўйлашга, ишқида ёнишга ҳаракат қиласардим. Аммо кунлар ўтиб, у одамнинг сиймоси, ўзимни қанчалик зўрламай, хирадаша-хирадаша ўчар, дилим эса яна бўм-бўш бўлиб қолаверарди. Шундай пайтларда: “Мен севишга қодир эмасман, бу туйғу покиза қалбларгагина насиб этади. Демак, менинг дилим покиза эмас экан-да”, – дея афсусланардим.

Ниҳоят, мендан кейинги синглимга ҳам совчилар кела бошлагани сабабли ота-онам опаларим орқали мени қисташга киришдилар. Мен ноилож уларга маъқул тушган совчиларга қарашли йигит билан бир-икки бор қўришдим. Бир-бirimizni ёқтиргандек бўлдик. Орада тўй ҳам бўлиб ўтди. Бирордан яхши, бирордан ёмон яшаб, бир қиз, икки ўғилли бўлдик. Эр-хотин бир-бirimizni ёмон кўрмасак-да, севмасдик ҳам. У ҳам ота-оналари раъии билан уйланган, шу сабабли яхши эр, яхши оила бошлиги эди-ю, орамизни боғлаб турувчи ўткир туйғу йўқ эди.

Мен ҳам оила, рўзгор, эр, болалар ташвишларига ўралдим. Муҳаббат ҳақида эса ўйламай ҳам қўйдим. Ҳатто қиззик вақтимдаги орзуларим қулгили тувладиган ҳам бўлди. “Севги ҳақидаги гаплар тўқима экан. Уларни бирорта менга ўшаган хаёлпараст топган-у, одамлар ишонган-да”, – деб фикрлайдиган бўлдим.

Лекин... Ҳа, турмуш курганимизга ўн беш йиллар бўлиб қолган эди, чамаси. Мен институтни битириб, кутубхонадаги ишимни ҳамон давом эттирадим. Кўпдан буён бу ерда ишлаётганим боис, туманда кўзга кўриниб қолдим. Шу сабабли айrim катта тадбирларни бошқаришни менга ишониб топширадиган бўлиб қолишибди.

Ўша қуни ҳам... Ўша қуни ҳам Фарғонадан катта-катта шоирлар келишган, мен эса даврани бошқарар эдим. Навбатдаги ижодкорга сўз бериш учун микрофон ёнига келдим, томошабинларга бир нигоҳ ташладиму... кўзим икки қоп-қора қош остида алангадек ёниб турган бир жуфт оташга тушди. Ҳушим оғиб, қўлимдаги қофозлар ерга тушиб, сочилиб кетди. Аста эгилиб, титроқ қўлларим билан қофозларни бир амаллаб йигиштириб олдим-у, қаддимни ростламоқчи бўлдим. Аммо энди бошим микрофонга урилиб, уни ерга тушириб юбордим. Гумбурлаган овоз дунёни тутгандек бўлди. Бир амаллаб гапимни тугатиб, саҳнадан тушиб кетдим. Юрагим гурсиллаб урар, чанқаган одамдек томогим қақраб кетганди... Беихтиёр парда четидан ўша кўзлар эгаси ўтирган жойга астагина мўраладим. Назаримда гўё у ҳам бетоқат бўлаётгандек бўлиши керакдек эди. Лекин, афсуски, у ёнидаги одамга ниманидир бепарвогина гапириб ўтиради.

Кутилмаган қилигим, ўйлаган ўйимдан ўзим уялиб кетдим. Мен қанақа уятсиз хотинман ўзи? Эрим, болаларим бор. У одамнинг ҳам оиласи бордир.

Бошим тинимсиз гувилларди. Мазам қочаётганини баҳона қилиб уйга кетдим. Бу ердан жилсан ўзимга келарман деб умид қиласардим. Лекин кечаси билан тўлганиб чиқдим. Кунлар, ойлар ўтиб борар, кечалари уйқусизлик, кундузлари хаёли паришонлик, юрагим ёниши қолмас, аксинча, тобора кучайиб борарди.

Кўзларимни юмсан ҳам, очсан ҳам қоп-қора қошлар остидаги алангага тўла кўзлар жонимни оларди. У ким ўзи? Қанақа одам? Қаерлик?

Бу саволлар жавобсиз эди. Йўлларда ҳам уни излайман. Девонадек кўчаларни бемақсад кезаман. Билмадим, уни топсан нима дейман? Буни ҳатто ўйлаб ҳам кўрмайман. Фақатгина бир кўрсан деган илинж, ўша кўзларга бир бор термилиш истаги мени ўтдан олиб ўтга солади. Ҳайронман, жонимни куйдирган қошларми, кўзларми? Бу нима ўзи? Бу қандай туйғу бўлди? Севгими? Йўғ-ей, шу ёшда-я? Ўттиздан ошиб, қирқ ёшга яқинлашганда-я? Уят-ку! Бўлмаса бу нима? Нега у мени ёндиради? Нега тинч қўймайди?

Мен севиб қолдим.

2-мактуб

Ха, мен севиб қолдим. Энди бунга шубҳа қолмади. Бу – аниқ. Мана, бир йилдан ўтди ҳамки, мен на роҳат, на азоблигини аниқлаб бўлмайдиган галати, мен учун нотаниш бўлган бир ҳисни бошимдан ўтказяпман. Девонага ўхшайман. Ўзимни босишга қанча уринмай, юрак ўз қафасига сигмайди. Севги қўшиқлари жонимни ларзага солади. Муҳаббат ҳақидаги сатрларни энтикиб ўқийман. Шундай пайтларда кўз ўнгимда ўша куни кўрганим – қошу кўзлар пайдо бўлади. Бу севги бўлмай нима? Ха, бу – севги. Уяту номус билан йўғрилган севги! Ахир, ўзимники туриб, бирорвга тегишли баҳтга кўз тикдим. Йўқ, кўз тикканим йўқ, ўзим хоҳла-маган ҳолда севиб қолдим. Нима? Мен айборманми? Ахир мен шундай бўлишини истаганим йўқ-ку!

Энди йўлларда ҳам уни излайман. Йўқ, ҳеч қаерда кўринмайди. Тавба. У одам-миди ёки рӯё, эҳтимол, шайтондир? Мени йўлдан уриб гуноҳкор қилиш учун ақлимини олгандир. Нима бўлса бўлди, мен севиб қолдим.

Айбим нима?

3-мактуб

Мана, йилларни қувиб йиллар ўтиб кетяпти. Олти йил бўлди. Азобларга, афсусларга тўла олти йил... Бу орада фарзандлар улгайди. Ҳамиша бўйи бўйимга тенглашиб қолган қизим, овози дўриллаб қолган ўғлимга кўзим тушганда, турмуш ўртоғим билан сўзлашганда айбдорлик ҳиссини туйишдан эзилиб, чарчаб кетдим. Болаларим галатироқ қараб қолишиша юрагим шув этади. Турмуш ўртоғим сал товушини кўтарса, совуқ терга тушиб кетаман. Тавба, нега ахир? Мен нима гуноҳ қилдим?

Бу орада ёстиқдошим оғир бетобланиб, ётиб қолди. Оила юки ёлғиз елкамга тушди. Шифохонама-шифохона югуриш, фарзандлар каму кўстини бутлаш, ишхона ташвишлари анчайин қийнаб юборди. Узундан-узун зерикарли кечаларда бедору хуноб ҳолда йиглаб чиқаман.

Врачлар муолажаси, ютуриб-елишларим самарасиз кетди. Умр йўлдошим вафот этди. Лекин барча азобларим олдинда экан. Энди кечалари у менга термулиб тургандек, “Ҳаммасига сен айборсан!” – дея зорланаётгандек туюлар эди. Бир азобим ўн азобга айланди.

Эй, худо! Пешонам шунчалар шўрми? Мен гуноҳ қилмадим-ку! Хиёнат кўча-сига кириш нари турсин, ҳатто унга назар ҳам ташламадим-ку!

Дилимга ўзинг оташ солдинг, бунинг эвазига нечун энди бунча қийнайсан? Гуноҳим нима? Айбим нима?

Мен сизни яна кўрдим.

4-мактуб

Азизим, бугун сизни яна кўрдим. Энди кўришдан бутунлай умид узган, кўзимга кўринган шунчаки бир хаёл, деган қарорга келган бир пайтимда...

Орадан саккиз йилдан ортиқроқ вақт ўтганда... Оҳ!. Жонсизланган оёқларим мени тескари томон судраб борарди-ю, қалбим, вужудим сиз сари интилишини қўймасди.

Қанийди, андиша туйғуси руҳимни қафасга солмаган бўлса-ю, кўксими-ни ёриб чиқиши учун бетоқат талпинаётган юрагимни оёғингиз остига қизил лоладек пояндоз қилсам. Афсус, шу қадар баҳтсизманки, туйғумни бирорвларга билдириш у ёқда турсин, ҳатто ўзингизга изҳор қилишдан ҳам маҳрумман.

Сиз эса... Сиз эса бепарвогина юриб келдингиз, ҳа, мурда каби қотиб қолган танам олдидан ҳатто бир қиё боқмай ўтиб кетдингиз..

Эй, худо! Қачонгача чидайман? Қачонгача ҳижрон аталмиш бемехр жаллод совуқ пичогини томогимга тираб жонимни олади? Қачонгача ёнган юрагимни ноумидлик кўзёшларида чўмилтираман?

Бугун сизни яна учратдим. Унугаёзган, кўришдан умид узаётган бир пайтим йўлиқдингиз. Бу нима? Бахтми, баҳтсизлик? Нима бўлса бўлмайдими?! Муҳими, бугун дийдорингиз насиб қилди.

Сўнгти мактуб

О, Муҳаббат! Сен менинг ҳаётимга жуда кеч кириб келдинг. Шу қадар кечки, бу ҳақда ҳатто ўйлашнинг ўзи ҳам ноўрин туюлади. Чиндан дил саройим эшигидан бемаврид мўраладинг. Сарой эгасидан сўраб ҳам ўтирумадинг, бемалол кириб келавердинг. Фақат кириб келдингтина эмас, уни бутунлай эгаллаб, ягона хоқону султон бўлиб олдинг.

О, муҳаббат! Сени кимлар қандай таъриф қиласиган? Бевафо ҳам дейишиди, вафоли ҳам. Ёлғон ҳам дейишиди, шайтон ҳам. Сенга маъбуд каби сигинганлар, сен учун жондан кечганлар ҳам бўлди. Сен бевафо деганларнинг ўзлари ёлғон, шайтон деганларнинг ўзлари шайтон эканликларини исботлаб яшайвердинг. Сени деб жондан кечганларга жон баҳш этдинг. Маҳбуб деб билганларга меҳр бердинг. Фолиб ошигу маъшуққа дунё жамолини кўрсатдинг.

Сен, кимлар нима деб атамасин, дунёда ягонасан. Сен, ниҳоят, мени ҳам борлигинга ишонтирдинг.

Ягонам! Самимий туйгуларимни ошкора айлаб, муҳаббат қудрати ва сеҳри ҳақида фикр юритиш орқали сизга мурожаат қила бошлаганимга ҳайрон бўлманг. Чунки мен ўзимни меҳрингиздан айро тасаввур қила олмайман. Дилемни муҳаббат ишғол қилган куни асли сиз кирдингиз. Ёки, аксинча, ҳаётимдан сиз ўрин эгаллаган ондан бошлаб муҳаббат жонимга ҳамроҳ бўлдими? Билмадим, билмадим. Аниги шуки, энди фақатгина сизни деб нафас оламан. Сизни деб яшайман. Сизни деб куламан. Сизни деб йиглайман. Сиз эса бу дунёда ёдиниз билангина тириклик нафасини сезиб турган аёл борлигини билмайсиз. Бу – менга алам қилади, жудаям қайгули! Баъзан ёнингизга боргим, кўксингизга бош қўйиб дардларимни айтиб-айтиб йиглагим келади. Аммо бу фақат хаёл. Бундай оғир дақиқаларда худодан ўзимга ўлим тилайман.

Алвидо, сўнгсиз азоблар! Сизга ҳам алвидо, эй ушалмас орзулар, оғриқли армонлар!

Тамом, ҳаммаси тамом бўлди.

* * *

Азиз ўқувчим! Сиз билан шу ерда хайрлашсак ҳам бўлаверар эди. Лекин ҳикояга нуқта қўйдим-у, барибир, нимадандир кўнглим тўлмаётганини сездим. Анча кун бошим гангид юрдим. Охири ўша етишмаёттган нарса нима эканини топдим. Мактуб эгаси вафот этганини эшитган эдим. Шундай экан, ота-онасиз қолган фарзандларнинг кейинги ҳаётини билмагунимча кўнглим қандай тинчи-син. Муҳаббат опа (худо раҳматига олсин) ҳовлисини сўраб-сўраб топиб бордим. Остонада мени кутиб олган чиройликкина, келишган келинчак катта ўғилнинг хотини бўлиб чиқди. Опа ягона қизини ҳам турмушга берган экан. Кенжা ўғилни эса акаси уйлабди.

Ёшлар тинч-тотув яшаб юришгани кўнглимни ўстирди. Улар муҳаббат нуридан баҳраманд эканига ишониб, руҳим кўтарилиб қайтдим...





Юлдузлар юраги и тубида ёнар



Насиба ЮСУПОВА

* * *

Ой – осмон бағрига чекилган имзо,
Жоним жонинг узра жон топган чечак.
Турфа бўёқларнинг таваллудидан
Бўй чўзиб, қад ростлаб боради юрак.

Жоним пардасига ўралган руҳдай
Соғинч эшигини қоқади оғриқ.
Ҳеч озор етмагай заволларимдан,
Ҳеч нарса топмадим кўнглимдан ортиб.

Томирим дарёси лолазор янглиг,
Қалбинг китобидан очган саҳифа.
Кўзингдаги мунглар менинг иссиммим,
Сочингдаги қорлар менга дафина...

Юлдузлар юзларин кўз-кўз қилгайдир,
Юлдузлар юрагим тубида ёнар.
Ой – осмон бағрига чекилган имзо,
Соғинч – зумраднафас майсадай қамар.

Сенинг бу дунёдан не хабаринг бор,
Вужуд эхромлари қулаш пайида.
Ҳаёт тилсимлари мангу донишманд,
Исминг – умримдаги буюк қоида.

Ой – осмон бағрига чекилган имзо...

* * *

Ёмғирга ёлвориб топғанларим кўп,
Феруз томчиларга раҳматим бисёр.
Ҳатто шу изгирин олатасирада
Гулга кирай деган умидларим бор.

Вужудим ишқ деган оловда ёниб,
Шамоллар учиреб кетдилар кулим.
Кўнгил осмон эди... Ёмғир сўрасам,
Тоғлар тиз чўқдилар, бош эгиб турдим.

Менга даракларинг мангумуборак,
Сенинг йўқловингдан юрак осмонда.
Мен сенга умримни баҳшида этай,
Сен зарранг, томчингни раво кўрганда.

Фалак кўзёшларинг оловлар тўқди,
Елларинг учирди елдек умримни.
Мен қачон умримга қўшибман, айттил,
Ёмғирлариз ўтган битта кунимни?

Сенинг ташрифингдан топғанларим не,
Йўқотғанларим не, айтгин, ёмғиржон?!

* * *

Мен қўшиқ, куй бўлмоқ истадим,
Ўзимдан топмагач ўзимни.
Осмонлардан қидириб кўрдим,
Кўкларга туташган кўнглимни.

Камалаклар излаганим рост
Ошиқларнинг дил тўрларидан.
Лойиқ малҳам топилмади ҳеч
Муҳаббатнинг қалб қўрларидан.

Ёмғир бўлиб ёғилавердим,
Булут бўлиб оқардим гоҳи.
Юрагимга кўчиб ўтдилар
Чақинларнинг ўтли титроги.

Шитирладим, шовулладим, бас,
Руҳимдаги кўчкilar кўчди.
Юрагимга жойлашиб бўлгач,
Суронларнинг товуши ўчди.

Мен куй бўлдим, чалинавердим,
Яшаб қолдим шу сонияларда.
Кейин эса бўлинниб кетдим
Катта-кичик симфонияларга.

* * *

Тазарру пойида гуллаган каби
Йиртиб ташлаипман ниқобларимни.
Азизим, сен фақат тўғрисини айт,
Менинг кўзимдаги баҳт бизга камми?!

Умримни тўладим, жонимни бердим,
Руҳим қўчаётир булут сингари.
Худо юрагингга бир олов солсин,
Юзимдаги баҳтни кўрганинг каби.

Омонат сўзларинг борлиги учун,
Менинг юрагимдан жой олди тўзим.
Сен қайси имлода таълим олгансан,
Пешонамдан ўқи баҳт деган сўзим.

Биламан, бу йўллар сенга танишдир
Ва яшаб кўргансан бу титроқларни.
Кўзларимдан ёшлар сизиб бормоқда,
Маҳкам қучиб баҳтнинг оёқларини.

Кўзимдаги сўроқ, қалбда ғам билан
Баҳтсиз бир аёлга ўхшатма мени.
Мен сенинг пойингга сочилиб кетиб,
Энг гўзал баҳт бўлиб гуллагим келди.

* * *

Нур қадар дилингга туташа туриб,
Тўлдирдим юрагим бўшлиқларини.
Шу лаҳза ич-ичдан йиглагим келди,
Тинглаб майсаларнинг қўшиқларини.

Менга очилмаган у қайси эшик,
Мени йўлатмаган қайси бандаргоҳ?
Шу бутун майсалар қўлидан тутиб,
Ўзимнинг ҳолимдан бўляпман огоҳ.

Гоҳо тупроқ узра кетдим сочилиб,
Ўйладимки, ўсиб чиқаман осон.
Сенга шу қадар кўп азоб бердимки,
Раҳмат, мени ташлаб кетмадинг, осмон!

Тушун, бунда ҳамма нарса қоришиқ,
Тушун, бунда ҳамма нарса оловли.
Ишонмайсан, тирик қолишим учун,
Исминг юрагимнинг музларин ёрди.

Нур қадар дилингга туташа туриб...



... Өрзү тўйлағкан дилга

Носиржон ЖЎРАЕВ

ЭТЮД

Оқшом сув таралган маъсум далалар
Улкан чилтор каби ястаниб ётар.
Шу соз энг муаззам кўйларни чалар,
Шу соз хотирамни қайта уйготар.

Аммо сув бошини беркитди мираб,
Ҳали қўқ бағридан юлдузлар ўчмай...
Кейин хотирамни куйдирди офтоб,
Чилтор сингиб кетди жўяклар ичра...

ХИЖРОН КЕЧАСИ

Стулга ўтирди бир оғир соя,
Тамаки буюрди ва аччиқ қаҳва.
Унинг оёғига тиз чўқди роял,
Маҳзун қуй бошлади муҳаббат ҳақда:

“Армону ҳижронлар келса устма-уст,
Азобу изтироб турса ёнма-ён.
Ҳукм қил, бир бора бўлай юзма-юз,
Мени ўтмиш билан боғла, художон!”

Белларини маҳкам бօғлаб пардалар,
Моҳир раққосадай этдилар хиром.
Бир нуқтага боқиб қотди лампалар,
Кўрсатиб машшоққа чуқур эҳтиром.

Қейин ёришди тонг — тугади концерт,
Ноталар дафтарин отди бир четга.
Сўнгти умидлари узилди чирт-чирт,
Эҳтиёж қолмади бошқа концертга...

НАМАНГОН

Ҳар гал қайтганимда бу қора ерга,
Шаҳар оқ яктақда қошимга чиқар.
Чуқур синч солади менга билдирмай,
Бошимдан ўтганин кўзимдан уқар.

Мен эса, зил кетиб бораман, яъни,
Кўксимга қўрошин қўйилётгандай.
Софиндим деганим, келдим деганим,
Унга миннат бўлиб туюлаётгандай.

Намангон — онамга ўхшаган шаҳар,
Онамдек яшириб ўтдинг дардингни.
Ўглинг келяпти, деб эшитган маҳал
Рўмолинг учига ёшинг артдингми?!

Боқсам, юзингдаги қуюқ ажиндан
Бўлак-бўлак бўлиб илганар тарих.
Жантда арқон учун кесган сочингдай
Қорадарё бўлиб тўлгонар тарих.

Патқаламда қўйиб гажақдор имзо,
Фитналар тузганда Аҳмад Танбаллар,
Аҳси қирларидан Умаршайх Мирзо
Ҳар кун қулақ тушар юрак чангллаб.

Мулла Бозор Охун — кўхна пирхона,
Қанча авлиёга мударрис, устоз.
Шикоятхонамас, шоир, шеърхона
Бўлган кунларингда яйраганинг рост.

Қайси бир муazzам, қутлуг саҳарда
Худо ихлос билан қорган зувала.
Шунданми, ҳар куни Эски шаҳардан —
Бомдоддан қайтади Машраб бувалар?!

Бугун икки қадам биз билан Сибирь,
Бориб-қайтиш мумкин бир кун ичида.
Аммо, ҳануз Усмон йўл қарар дилгир,
Туйнуқдан термилиб оёқ учida.

Ҳаёт қайта-қайта яшарар экан,
Такрор-такрор орзу тўларкан дилга.
Бугун олийгоҳга қатнаган укам
Ибрат домла бўлиб кўринар менга.

Намангон – мен учун бир умрлик йўл,
Намангон, мен учун барҳаёт гулсан.
Онажон, мен энди улгайган ўғил,
Кўзёшинг яширма ёнингта келсам.

АФСУС

Толиқдим,
багримдан шамолинг ўтсин,
жисмим тўзгиб кетсин,
энди арзимас.
Менга деса, бари қолмайми ўқсиб,
яшаш – бу менинг қарзиммас.

Хаёл потраб кетар
чироқнур каби,
деворга урилиб синар нигоҳим.
АЗоблар – ўзимнинг кутган талабим,
ўзимга ёқади гуноҳим.

Афсусим –
огриган жойим жонимдир,
сен ҳақда ўйлашга ҳамон қодирман.
Кимга ташлаб кетсам экан ёдимни,
қандай кечсам экан хотирдан?!

ДЕНГИЗ

Эҳтимол тўфондир, тошқиндир балки –
Бехос денгиз босиб кирди хонамга.
Умиду соғинчлар сув узра қалқди,
Мен ҳам улгурмадим ташлашга лангар.

Лиммо-лим сув бўлди тўртта томоним,
Деворлар шўнғиди мавжлар тубига.
Мен эса, кўзимга кўринмай жоним,
Денгизга маҳлиё бўлгандим бу гал.

Нақ ўлим қошида турардим, баски,
Ҳаётимни босиб келарди хатар.
Аммо юрагимда бор эди таскин,
Ахир, хонам катта эмас у қадар.

Элас-элас кўрдим чехрангни шунда,
Шовқинлар остида нимадир дединг.
Бир баҳя қолганда гарқ бўлишимга,
Денгизни турмаклаб уйга жўнадинг.

МЕЬЁР

Тортаброқ бояласам одатдагидан,
Сиртмоққа айланиб қолар бўйинбог.
Ҳатто меъёр сақлаб чойнинг рангига
Ичмасам, тушармиш жигаримга доғ.

Қара, ҳар нарсада ўлчов бор шаксиз,
Ҳаддидан ошмайди ҳаёт дегани.
Аммо нега сенинг қийногинг чексиз,
Нега меъёр билмай севаман сени?!





Абдулла ШЕР

«МАЖНУНТОЛ ТАГИГА ЎТҚАЗИНГ МЕНИ...»

Үн беш ёшда эдим, саккизинчи синфда ўқирдим, шеър машқ қилишни бошлиганимга кўп вақт бўлган эмас. Уста кўрмаган шогирд ҳар мақомга йўргалар қабилида, қисқа вақт ичидан қалин дафтарлардан бирини тўлдириб ҳам ултурганиман. Уйимизда болалиқдан шеър тинглаб ўрганганим учун мумтоз шеъриятимизни анча-мунча дуруст биламан, лекин замонавий шоирларни кўп ўқиган эмасман. Энг севган китобларимдан бири Миртемирнинг бичими кичкина, бироқ қалин муқовали, ўзи ҳам қалингина, 1947 йилда нашр этилган “Танланган асарлар” тўплами эди.

Тагига беда сепилган богимиз бўларди, ўша богда гоҳ айланиб юриб, гоҳ қўм-қўк бедаларга бағримни бериб, мутолаа қиласадим. Айниқса, Миртемирнинг ўша китобидаги: “Бугун ўн беш яшар йигитдай шўхман...”, деб бошланган шеъри менга бошқача таъсир қиласади, қалбимга қувонч, орзулар тўла шукуҳ багишларди. Ўзим ҳам ўн беш яшар эдим-да, эҳтимол шунданми, ҳар ҳолда, шу шеърни қайта-қайта ўқирдим...

Орадан икки йил ўтгач, машқларим ҳам сал эпақага келиб, вазну қофияси жойига тушиб қолганга ўхшарди, у пайтда ўзим ўнинчи синфда ўқирдим. Кунлардан бирида, ўзимга ёққан уч-тўрт шеърим ва бир неча тўртликларимни ўқувчилар дафтарининг ўртасидан олинган икки варакқа орқа-олди қилиб кўчирдимда, таваккал қилиб, Чиноздан Тошкентга, Ёзувчилар уюшмасига йўл олдим. У пайтда Уюшма 1 Май кўчасида жойлашганди. Мен ҳаяжондан тиззаларим қалтираб, Уюшманинг адабий маслаҳатчилар ўтирадиган бўлимига бордим. Эшик очиқ эди, зўрга овозим чиқиб, рухсат сўраб, ичкарига кирдим, салом бердим. У ерда мен сувратлари орқали танийдиган хурматли адиллар ўтиришарди: бир ёнда Миртемир, бир ёнда Темур Фаттоҳ, бурчакроқда Шотурсун Фуломов. Нима дейишимни билмай, бир четда серрайиб туриб қолдим. Шу пайт, аёл пошналари “тақ-тақ” қилиб, қирқи чиққан чақалоқ билан Саида Зуннунова кириб қолди, чамаси, у ҳам шу ерда ишлар, ҳозир декрет таътилида эди. Ҳаммалари ўринларидан тури-

шиб, чақалоқни кўриб, фарзанд муборак қилишди. Миртемир чақалоқнинг бурнини сал чимчилаб, эркалади-да: “Худди Саид Аҳмаднинг ўзи-я, ё тавба, айниқса, бурни”, – деб ҳазиллашди. Ҳаммалари кулишди. Менга ҳам сал жон кирди, уларга бир оз ўргандим, шекилли, Саида Зунунова чиқиб кетгач, қўлимдаги варақни қалтирабгина Миртемирга бердим. У киши варақни олиб, шу заҳоти ўқиб чиқди, кейин қайтадан яна бир кўрди-да, “Оқшом” деган бир шеър ва икки тўртликни ёнига “плюс” белгиси қўйиб, менга қайтарди: “Мана шулар бўлади”, – деди. Сўнг кимлигимни, қаерданлигимни суриштириб, бир-икки маслаҳат ва далда берди. Мен ўзимда йўқ хурсанд эдим. Ахир, бир шеъриму икки тўртлигимни шундай катта шоир кўриб, маъкуллаб берганидан кейин, уларни асар дейиш мумкин эди-да, қолаверса, халқ орасида хурмат қозонган ижодкорларни ўз кўзим билан кўриб турадим. Ююшмадан чиқиб бекатга бордим ва у ерда бир муддат автобусни кутиб қолдим. Бир пайт, Шотурсун Фуломов ҳам келди. Иккаламиз адабиёт, шеърият ҳақида гаплашдик, мен билан ҳақиқий ёзувчи тенгма-тeng гаплашаётганидан бутун борлигимни фаҳрланиш ҳисси қамраб олган эди.

Йўл-йўлакай китоб дўконига кирдим, “Хазойин ул-маъоний”нинг биринчи жилди чиққан экан, биз томонларга кечроқ боради, дарҳол сотиб олдим. Қайтишда йўлкирага пулим етиб-етмаганидан, шаҳарлараро автобусдан манзилга бир бекат қолганда тушиб, у ёига пиёда кетдим. Қўлимда Навоийнинг китоби, бу дунёда мендан баҳтиёр одам йўқ. Миртемир билан биринчи учрашувим ана шундай содир бўлган эди.

Орадан сал ўтмай, Миртемирнинг “Танланган асарлар”и чиқди. Ундаги “Сурат” лирик қиссаси мени бутунлай ром қилиб олди. Бу достон шеъриятимиздаги биринчи қўклам нафаси эди. Мен, ҳозир, олтмишинчи йиллар бошидаги ўзбек шеъриятида бурилиш ясаган Эркин Воҳидовнинг дастлабки китоблари ана шу қўклам нафасидан руҳ олган деб ўйлайман. 1956-1957 йилларда ёзилган ушбу достонда инсон қалбига, авваллари эътиборсиз, майдаган интим ҳиссиятла-рига биринчи марта мурожаат қилинган ва бу ҳиссиятлар ички бир түғён билан тасвиранган эди. Инсон – олий қадрият, унинг муҳаббати ҳам, дардлари ҳам қадрлидир – мана достоннинг асосийояси. Шунинг учун ҳам у, гарчанд, композицион жиҳатдан эркин, қалб парчаларидан ташкил топган бўлса-да, ниҳоятда пухта бадиий яхлитлик сифатида кишини лол қолдиради. Ундаги тасвиirlар, тимсоллар ва ташбеҳлар жуда ўзига хос, бўртиб кўзга ташланарди, асарда доимо ижодкор учун эришилиши қийин бўлган бадиий соддалиқ ўзининг олий шаклини топган эди. Тошлон ва Ойсулув оқ мармардан ясалган, бироқ жонли, ҳаракатдаги қиёфалар сифатида хотирада ўчмас из қолдиради, уларнинг ҳар бир хатти-ҳаракати жуда ҳаётий ва, айни пайтда, шеърий-шоирона эди. Мен достонни бутунисича ёд олдим, ўн йиллар чамаси уни айтиб юрдим.

Бу орада шеърларим ва кейинчалик ёқиб юборган достонимни тўплам ҳолига келтириб, Ёзувчилар уюшмасига почта орқали юбордим, 1962 йилнинг баҳор пайтлари эди, мен туман газетасида адабий ходим бўлиб ишлардим. Август ойининг охирларида ҳарбий хизматга чақирилдим, Шарқий Олмонияга жўнатиладиган қисм сафида бўлганим учун аввал Термиз шаҳрида алоҳида тайёргарликдан ўтишим керак эди. Термиздалигимда уйдан олган хатларимдан бирида Ёзувчилар уюшмаси котиби Рамз Бобоҷон имзо чеккан телеграмма ҳам бўлиб, унда тўпламим Дўрмонда ўтадиган Республика Ёшлар семинарида муҳокамага лойиқ топилгани айтилиб, мен шу семинарга таклиф қилингандим. Бу телеграмма аввал уйга, кейин уйдан Термизга етиб келгунига қадар анча вақт ўтган ва семинар бошланиб кетган эди. Шу сабабли, ҳарбий бошлигим: “Уч кун ўтиб кетибди, яна бир-икки қун йўлга кетади, шундан шуёқса боргунингизча семинар ҳам охирлаб қолади, бормай кўя қолинг”, – деди мулойимлик билан. Шундай қилиб, мен семинарга боролмадим. Кейин билсан, тўпламимни Миртемир муҳокамага тавсия этган, мен семинарнинг энг кичик ёшдаги – 19 ёшли қатнашчиси эканман. Бу Миртемир билан менинг иккинчи, сиртдан учрашувим эди.

Ҳарбий хизматни тугатиб келгач, университетта кирдим, кейин ўқишни битирмасданоқ, “Гулистон” журналига ишга жойлашдим. Мен адабиёт ва санъат бўлимида ходим, Саъдулла Сиёев бўлим мудири эди. Саъдулла Сиёев билан, унинг менга ёзib берган бир китобидаги дастхатидагидек, “қаймоқлашиб” ишлардик. Саъдулла Сиёев ҳам туркистонлик эди, Миртемир билан гоҳ-гоҳ кўришиб турарди. Бир куни у мени Миртемир йўқлаганини, шу болани бир олиб келгин, кўрайин, деганини айтди. Ёшим ўттизга яқинлашиб қолган бўлса ҳам, мен анчагина тортинчоқ эдим, бундай катта шоир билан қандай гаплашаман, деган истиҳола туфайли унинг гапини қулогимнинг ёнидан ўтказиб юбордим. Орадан бир-икки ой ўтгач, Саъдулла Сиёев мени Миртемир тагин сўраганини айтди. Хўп дейишга хўп дедиму, лекин яна тортинчоқлигим панд бериб, тайсаллайвердим. Шунда Саъдулла Сиёев: “Шоир, бу ёфи энди камтарлик эмас, манманлик, кибр бўлиб кетади, шундай улуг одам сизни кўрмоқчи бўлади-ю...”, – деб танбеҳ берди. Мен тортинишмни айтдим. Саъдулла Сиёев Миртемирнинг ниҳоятда одамшаванда ва камтарин инсон эканини тушунтириб, менга далда берди. Хуллас, яқин кунларнинг бирида узун-қисқа бўлиб, Миртемирнинг уйига бордик. Устоз ош қилдириб, ҳовлидаги олга тагига дастурхон ёздирган экан. Учаламиз алламаҳалгача сухбатлашиб ўтирдик.

Миртемир мени қайта-қайта сўраганига сабаб – тўртинчи курсдалик пайтимда, “Шарқ юлдзузи” журналида (1969 йил, 7-сон) Сайёрнинг “Ўттиз ёшим” китобига эълон қилинган “Меъёр, тасодиф ва тил” деган тақризим экан. “Кейинги йилларда адабиётимизда достончилик катта ютуқларга эришди. Шоир Миртемир “Сурат”ни яратиш билан эллигинчи йиллар достончилигига бурилиш ясади”, деб бошланган бу тақризда мен Сайёрнинг китобидан жой олган беш достонини таҳлил қилиб, уларнинг тўрттасини умуман ярамайди, фақат биттасини – “Бошсиз ҳайкал”ни достон деса бўлади, лекин унда ҳам анча-мунча заиф ўринлар бор, деган фикрни билдирган эдим. Тақриз аёвсиз танқиддан иборат эди. Ўша пайтгача Озод Шарафиддинов, Лазиз Қаюмов, Умарали Норматов, умуман, танқидчиларнинг деярли ҳаммаси Сайёр ижодини алоҳида таҳлил қилмасалар-да, ўз мақолаларида унинг номини ижобий маънода, умидли ёшлар сифатида санаб ўтишарди. Ана шу манзара орасида Сайёрни достончи сифатида йўққа чиқарган бу тақриз ёзда ёқсан қордек катта шов-шувга сабаб бўлган ва кўпчилик, бу бола ким экан ўзи, деб мен билан қизиқиб қолган эди. Миртемир ҳам тақризимни синчиклаб ўқиб, бу бола тилимнинг учида турган кўп гапларни айтибди, деб Саъдулла Сиёевга ўз фикрларини билдирган экан. Тақризнинг шакли, таҳлил услуби, қиёсларим устозга маъқул тушиб, уни оддий тақриз эмас, ҳақиқий мақола бўлибди, дебди. Бугунги сухбатимизда ҳам Миртемир тақриз яхши ёзилганини, ундаги чуқур, холисона таҳлилни, дадилликни мақтади ва шу муносабат билан ёшлар орасидаги тақлидчилик тўғрисида сўзлади. Баъзи ёшлар тақлидчилик босқичида қолиб кетаётганини, натижада, улар учун ўзгаларнинг шоирона топилмаларини, ҳатто, услугубини ўзлаштириб олиш одат тусига кириб қолаётганини айтди, шу маънода менинг тақризим яхши нарса бўлганини яна бир бор таъкидлади.

Миртемирнинг бу гапларида асос бор эди. Сайёрнинг энг яхши ҳисобланган “Бошсиз ҳайкал” достони сўнгтида бир ўрин бўлиб, унда муаллиф “Дилкушо” достонидаги услубдан фойдалангану лекин муваффақиятта эришмаганди. Шу муносабат билан тақризда мен мана бундай деб ёзгандим:

“Муаллифнинг тил борасидаги энг катта камчилиги шуки, у сўзни ҳис қилмасдан ишлатади. Сўзларнинг мантиқий қучини, салмоғини, маъно ургусини ҳисобга олмайди. Оқибатда, ҳаяжон бирданига нурсизланиб кетади”. Мана, Сайёрнинг энг яхши достон ҳисобланган – “Бошсиз ҳайкал”идан бир парча:

*Аёл кетди,
Аммо ҳар дилда
Бир гулгула, бир тўфон қолди(!!)*

*Аёл кетди,
Аммо ҳар дилда
Бир орзиқиши, бир армон қолди(!)
Аёл кетди,
Кетди бевафо,
Шарпа каби изсиз йўқолди(...)*

Энди шоир Миртемирнинг 1937 йилда ёзган “Дилкушо” достонидаги худди шунга ўхшаш ҳолатга диққат қилинг:

*Фарибларнинг ўксик дилида
Бир ўч қолди, беомон қолди. (!)
Гадоларнинг бадбахт элида
Қўзғалажак бир бўрон қолди, (!!)
Саҳарларнинг мармар юзида
Битта коса тўла қон қолди. (!!!)
Боболарнинг ўлмас сўзида,
Тарихларда шу достон қолди. (!!!!)*

Шу икки мисолни таққослаб кўрайлик. Биринчи парчадаги “Бир ғулгула, бир тўфон” аввал “Бир орзиқиши, бир армон” даражасигача пасаяди, ундан ке-йинги “Шарпа каби изсиз йўқолди” мисрасига келиб, бутун жаҳон бирданига изсиз йўқолиб кетади. Иккинчи парчада эса, аксинча. Унда сўзнинг салмоги тобора ортиб боради, мисралар борган сари ҳаяжонни кучайтиради. Ниҳоят, ҳаяжон ўзининг энг юксак нуқтасига кўтарилигандагина, шоир якун ясайди: “Тарихларда шу достон қолди”.

Ўша кеча, ўша сухбат бугунгидек эсимда, доим кўз олдимда туради: олча барглари оралаб, тушиб турган чироқ нурида, оппоқ дастурхон атрофида гурунг боради, кўпроқ Миртемирни эшитамиз. Гоҳ-гоҳ сухбат орасида устоз бир зум хаёлга чўмиб, олдидаги қоғоз салфетакага кўрсаткич бармоги билан арабча нималарнидир ёзган бўлади, Сайдулла Сиёев менга имлаб, кулиб қўяди... Сухбатимиз ширин эди, анча чўзилди, лекин мен Миртемирга у киши бундан ўн йиллар муқаддам бир шеъру икки тўртлигимни мақуллаб берганини, ундан сал кейин, нашр юзини кўрмаган илк тўпламимни Республика Ёшлар семинари мухокамасига тавсия этганини айтмадим, истиҳола қилдим. Миртемир бизни кузатар экан, менга энди қадрдонлардек: “Абдуллажон, келиб туринг, йўқ бўлиб кетманг” — деб хўшлашди.

Шундан кейин гоҳ-гоҳ Миртемирни зиёрат қилиб турадиган бўлдим.

Миртемир сўнгги шеърларининг кўпчилигига ўзи туғилган, болалиги ўтган Туркистон томонларни, она қишлоғини қўмсарди, унинг гўзаллигини ҳам ўзи учун, ҳам китобхон учун яна бир бор қайтадан кашф этарди.

Миртемир жиддий, айни пайтда, хуш查қчақ, магрур, айни пайтда, камтарин инсон, ажойиб сухбатдош эди. Шоир сифатида ўз қадри, ўз ўрнини яхши билсада, бироқ, ҳеч қачон мен зўр шоирман деган эмас, доимо ўзидан, ёзганларидан кўнгли тўлмасди. Эсимда, мен қайсиидир бир байрам муносабати билан “Гулистан” журнали учун шеър ёзисб беришни илтимос қилдим. Миртемир рози бўлди. Муддат келиб, шеърни олиб келгани бордим. Устоз менга бир варақ газета қофозига, ҳар бир ҳарфи аниқ, катта, чиройли қилиб ёзилган шеърни тутқазди. Тутқаза туриб: “Шеър, назаримда, ҳали қиёмага етмади, Асқадга айтинг, ўзи яхшилаб жиддий таҳрир қилсин”, – деди. Мен келиб, Бош муҳарриримиз Асқад Мухторга Миртемирнинг гапларини айтдим. Асқад Мухтор мийигида кулиб қўйди-да, шеърнинг бирор ерига қалам урмай журналга тушириб юборди. Шеър чиққанида, Миртемир менга қўнгироқ қилиб, раҳмат айтди-да, сўнг: “Асқадга менинг гапимни етказганимидингиз? Нега Асқад қалам тегизмади, ҳали шеър у қадар пишиб-стил-

маган эди-ку!” – деди. Мен: “Гапингизни Асқад акага етказганман, лекин у киши шеър ўзи яхши экан, деб қалам урмади”, – дедим. Барибир, Миртемирнинг кўнгли тўлмади. Шеърни ҳар нарсадан улуг ва қутлуг санаб, уни ўзига қул деб эмас, ўзини унга қул деб ҳисоблаш, ижодни бир умр шеър ёзишни ўрганиш жараёни, бир умр мукаммалликка, гўзалликка интилиш деб билиш Миртемирнинг нафақат ҳаётий тамойили, балки яшаш тарзи эди, ундаги камтарликнинг моҳияти ана шу ақидага бориб тақаларди.

Миртемир ёшларга алоҳида эътибор билан қаради, уларни “кипприкларим” деб атарди. Уларни танқид қилганида танқиднинг тагидан меҳр, эзгу тилак уфуриб турарди. Ёдимда, Ёзувчилар уюшмасининг ёшлар семинарида Отаёрнинг ilk китоби муҳокама қилинадиган бўлди. Янглишмасам, 1974 йил эди. Семинарни Ёзувчилар уюшмасининг котиби Рамз Бобоҷон бошқарарди. Асосий маъruzachi қилиб мен тайинланган эдим. Нима бўлди-ю, таксида келсан ҳам, андак кечикдим. Шошиб келиб, тўғри ҳайъатга чиқдим. Маъruzadan сўнг муҳокама бошланди. Мундоқ қарасам, Миртемир залда ўтирибди. Мен Рамз Бобоҷонга: “Нега Миртемир ҳайъатда эмас?” – дедим шивирлаб. “Бир неча бор таклиф қилдим, ҳеч унамади”, – деб жавоб берди Рамз Бобоҷон.

Ўша йигинда Миртемир минбарга чиқмасдан, залда ўрнидан туриб, чорак соатлар чамаси Отаёрнинг шеърлари ҳақида жуда чиройли гапирди, мақтови ҳам, танқиди ҳам ўринли эди, ҳар бир жумласидан оталарча талабчанлик ва меҳрибонлик гупуриб турарди. Ёш шоирнинг шеърларини, аслида, дурустроқ ўқимасдан, у ер-бу еридан чўқилаб, китобни ерга уришга ҳаракат қилган баъзи “танқидчилар” Миртемирнинг сўзлари ва таклифидан кейин тинчиб қолишди. Китоб семинар йигилиши қарори билан нашрга тавсия этилди.

Миртемирнинг энг ёмон кўргани ўзгаларнинг шеърий топилмаларини ўзлаштириб олиш эди. Мақолаларида ва сухбатларида ўзу масалага тез-тез тўхталарди. Сухбатларидан бирида: “Катта ёзувчиларда ҳам такрор, қайтариқлар кўп. Бу китобхонни кўзга илмаслик, ўзига талабчан бўлмасликнинг оқибати. Таъсир, назира – булар биринчи қадамлардагина сал кечириш мумкин бўлган гап. Тажрибали



ёзувчиларда учраши бу гуноҳ”, – деган эди. Бу ўринда, у бунақа ҳолатни кисса-вурликка ўхшатади. Жўн ҳайқириқларни, олди-қочди, ўткинчи гапларни шеър деб тақдим этишини назмбозлик деб атарди. Ёшларни устоз ана шу иллатлардан қочишга ундарди.

Миртемир Ватанни, ўз халқини чин дилдан севарди. Ўзбекистон учун, ўзбек учун бутун умрини бағищлаган, шу юрт, шу халқ деб гоҳ қулиб, гоҳ йиғлаб ўтган улкан шоир эди.

Миртемир ҳамма нарсага, шу жумладан, ҳақиқий шахс бўлишга ҳам чеклов қўйилган, исон индивид сифатида ўзини эркин кашф этиш имконидан маҳрум этилган шўролар даврида яшаб, ижод этди. Сургун азобини ҳам, кўрсатмалар асосида шеър ёзиш азобини ҳам бошидан кечирди. Лекин букилмади. Мана бу сатрларни ўшанга ишора, тўғрироғи, ўзига хос исён деб аташ мумкин. Улардаги ички бир дард, ҳайқириққа айланган фарёд ҳар қандай лоқайд одамни ҳам сергаклантиради, кишини титратиб юборади:

*Мажнунтол тагига ўтқазинг мени,
Шу қунгача ўзни мен чеклаб бўлдим.
Мажнунтол тагига ўтқазинг мени,
Мен учун йиғласин, мен йиғлаб бўлдим.*

Мен ҳозир ҳам Миртемирнинг китобларини қўлимдан қўймайман. Илк шеърларимни қўриб, маъқул топиб, дастлаб менга далда берган, кейинчалик отамдек қадрдон бўлиб кетган бу улуг инсон ва улкан шоирни доимо соғиниб яшайман. Ушбу хотираларимни ўша соғинч овози билан – устоз вафот этганида, унга бағищлаб ёзган шеърим билан яқунламоқчиман:

*Ҳатто сўнг нафасин юртга баҳи этди –
Январ осмонига қуёшидек тутди;
Гарчанд олис эди қулғ урган баҳор,
Эриди музлаган қалбларда ҳам қор.
У кетди қаҳратон бағрини тилиб,
Баҳорни бизларга васият қилиб;
Кетди мажнунтолни қидириб ёлгиз,
Эргашдик ортидан унсиз, қайгули.
Қошида бир лаҳза тик туриб, сўнг биз
Мажнунтол тагига ўтқаздик уни!..
Ажаб гардун экан бу сирли фалак;
Дийдор рамзи экан оний камалак,
Киприклар яшаркан кўзни соғиниб,
Тил ҳам ҳаёт экан сўзни соғиниб,
Тўлқинни соғиниб яшаркан қирғоқ,
Соғинчдан иборат экан яшамоқ.
Ҳатто шеърият ҳам соғинч тутқуни –
Ўқини бой берган салқи ёй мисол...
Мажнунтол тагига ўтқаздик уни,
Мажнунга айланаб бир оҳ тортди тол...
Йиғласин энди тол аталган Мажнун,
Йиғламоқ ҳуқуқи ундинадир бугун...
Соғинчдан иборат экан яшамоқ...*



Олимжон ХОЛДОР

«НОВВОТНИНГ ДУРИ...»

... Миртемир домланинг эллик ёшлиги Ёзувчилар уюшмасининг Ҳамид Олимжон номидаги адабиётчилар уйида ўтказиладиган бўлди. Андижондан мен ҳам бордим. Домла билан юбилей йигилишига бир оз кечроқ келдик. Зал тўла одам. Ўша йиллари ҳамма мажлисларда тўрда ўтирувчилар яна тўрда. Юбилиянинг ўзлари эса ҳеч кимнинг эсига ҳам келмаётир. Шу вақт, мажлисга раислик қилувчи киши юбилей кечасини очиқ деб эълон қилди. Аммо, Миртемир домла тўрда йўқ эди.

— И-э юбилиянинг ўзи қаёқда?

Залнинг ҳеч кимга кўринмайдиган жойида, қисинибина ўтирган Миртемир домлага кўзи тушган мажлис раиси дарҳол уни юқорига таклиф қилди. Миртемир домла ўтирган жойларидан: “Бошлайверинглар, мен шу ердаман!” — дедилар. Ҳамма ортга, Миртемир домлага қаради, қарсаклар янгради.

* * *

Бир куни Миртемир домла кечки пайт “Тошкент” меҳмонхонасининг биринчи қаватидаги ресторанга мени таклиф қилиб қолдилар. Бормасликнинг иложи йўқ. Аммо, камхаржроқ бўлганим учун хижолат чека бошладим. Фақат поезд чиптасига етадиган пулим қолган эди. Начора! “Нима бўлса, бўлди!” — дедим-да, бордим. Ресторанга кирдик. Домла ўчакишгандек, хилма-хил овқатларни, ичимликларни буюрдилар. Мен овқатни едимми, овқат мени едими билмайман. Бу ҳам етмагандек, қўшни ўриндиқда ўтирган аллақандай нотаниш хўранданинг пули камлик қилдими, официантка унга ўдагайлай бошлади. “Бойвачча йигит, пулингиз етмаса нима қиласдингиз бу ерга кириб?” Домланинг қулоқлари анча оғир бўлса-да, бу масхараомуз гапларни, назаримда, мендан ҳам яхшироқ эшилдилар. Домла официанткани чақириб, хўрандага қўшимча овқатлар ва ичимликлар буюрдилар. У йигит ҳайрон. Мен эса ҳеч нарсани англамас эдим. Шунда, Миртемир домла менга зимдан қараб, мийиқларида кулиб қўйдилар-да: “Ҳайрон бўлманг, йигитликда бу хил воқеалар бўлиб туради. Мен бугун китобга катта пул олганман, ҳеч чатоги йўқ, хижолатчилик чекманг”, — дедилар.

Хуллас, ҳалиги нотаниш хўранданинг еган-ичганигача ҳаммасининг ҳисоб-китобини ҳам домла тўладилар. У йигит чиқиб кетаётib, биз ўтирган столга келиб, домланинг кимлиги, исми-шарифини сўради. Домла ҳеч нарса демадилар. Фақат:

“Бўтам, бундай ҳолат менда ҳам бўлиб туради. Ҳеч хижолат бўлманг!” – дедилар, холос. Шундай қилиб, устоз ўша оқшом мени поездгача кузатиб қўйдилар.

Орадан беш-олти ой ўтиб, яна Тошкентга йўлим туши. Устознинг ҳовлиларида ўтирибмиз. Бирдан ўша нотаниш хўранда эсимга тушиб, йигитдан гап очиб қолдим. Домла қотиб-қотиб кулдилар ва бўлиб ўтган воқеа тафсилотини бир бошдан айтиб бердилар:

– Бир куни, – деб гап бошладилар домла, – дарвоза тугмаси жиринглаб қолди. Очсан бир нотаниш йигит турибди. Уйга таклиф қилдим. Шоир ёки ёзувчи бўлса керак, деб ўйлабман. Ташқарида бир юқ машинаси ҳам турарди. Йигит: “Домла, сиз мени танимадингиз-а?” – деди. “Йўқ, бўтам! Шоирмисиз?” – десам, у қотиб-қотиб кулди-да: “Мен, ўша, бундан бир неча ой олдин ресторонда сизни хижолат қилган йигитман, ўзингиз исми-шарифингизни айтмасангиз ҳам одамлардан сўраб билдим. Сиз Миртемир домласиз, шундайми?” “Ҳа, шундай!” – дедим. «Йигит ўрнидан турди-да, ташқарига чиқиб машинадан қовун-тарвуз, убуларни тушириб, уйимизга таший бошлади. У менинг “тўхта-тўхта”мга ҳам қулоқ солмади. Ҳамма нарсани ташиб киргач, мендан дуо олиб, хайрлашди. Энди, мен, ўша йигитнинг қаерлик эканини исми-шарифини сўраб қолмаганинга ҳижолатдаман», – дедилар устоз.

* * *

Ҳеч қачон эсдан чиқмайдиган яна бир воқеа. Бир куни, домла уйга кечроқ қайтаётгандарнида уч барзанги йигит йўлларини тўсган:

– Қани, омон қолай десанг узат, пулдан чўз, – деган уларнинг каттаси дағдага қилиб.

– Пул йўқ! – Домла чўнтакларининг ичу ташини очиб қўрсатгандар.

– Чўз деяпман!

– Марҳамат, ўзларингиз қидириб кўринглар, топганларингиз ўзларингизни бўлсин!

Йўлтўсарлар домланинг ички ва ташқи чўнтакларини қайтадан титиб ташлашган. Ҳеч вақо топишолмаганлар. Шунда, улар: “Сен шоир ёки ўқитувчи бўлсанг керак!” – дейишган.

Домла деганлар:

– Болаларим, тополмадиларингиз, энди, мени уйга олиб бориб қўйинглар, уйдан олиб чиқиб бераман. Уйда пул бор. Ахир, сизларнинг ҳам бола-чақаларингиз бор, тириклик қилишларингиз керак-ку!

Йўлтўсарлар бир-бирларига қарашган. Чолнинг кўлидан ҳеч иш келмаслиги ни фахмлаган йигитлар уни қўлтиқлашиб, кўча бошигача бирга келишган.

– Агар алдасанг ёки милицияга телефон қиладиган бўлсанг...

– Мен ҳеч қачон ёлғон гапирган эмасман, ҳозир, шу ерда кутиб туринглар, – деганлар-да, домла уйга кириб кетганлар.

Анчадан кейин домла йигитлар томон кела бошлаганлар. Йигитлар ҳайратга тушганлар. Яқин келиб, бир тутам пулни уларнинг каттасига тутарканлар, шундай деганлар:

– Мана, болаларим! Сизларгаям қийин, бола-чақалик бўлсаларингиз керак?!

Йўлтўсарлар бошлиғи пулни олибоқ, “раҳмат”ни ҳам унудишиб, жуфтакни ростлаб қолганлар.

Марказдаги ресторанга бориб пулни совуришган ва йигитлардан бирининг кайфи ошиб қолганми йиглаб туриб деган:

– Биродарлар, бизлар ҳам одам бўлдикми, ўша чолнинг пулини олиб, едик-ичдик, ундан ҳеч нарса қолмади. Мен бугундан бошлаб бу “хунар”ни ташлаганим бўлсин. Йигитлик шаъни шу бўлдими?..

Орадан бир йил ўтгач, учала йўлтўсар домланинг уйларига келишган. Домла эса, бу вақтда ўша ҳангоманинг ҳаммасини унудишиб, ўз хаёллари билан банд бўлганлар.

— Хуш келибсизлар йигитлар, бизга қандай хизмат бор, шоир ёки ёзувчими-сизлар, қулогим сизларда, бўталарим!

— Отахон биз ўгрилармиз, йўлтўсарлармиз.

— Тавба, бундай гапларни биринчи марта эшитишим. Ҳеч қачон ўгри: “Мен ўгриман!” — демайди-ку. Қандоқ бўлди тушумаяпман, бўталарим?!

— Эҳ, отахон, биз бундан бир йил бурун кечаси йўлингизни тўсган ўгрилармиз. Ахир, уйингиздан пул олиб чиқиб бердингиз-ку? Нима деган одам бўлдик. Едик, ичдик, ўзимизга таъсир қўлди. Ўша, сизни тўсган куннинг эртасигаёқ, бу “хунар”ни ташлаб, учаламиз ҳам ишга жойлашдик. Ҳалолдан, меҳнатдан топиб, ўша сиздан олган пулни олиб келдик. Отахон сиз бизни тарбияладингиз, раҳмат, пулингизни олиб қўйсангиз!

— Кечираисизлар, мен ҳеч нарсани эслай олмайман. Бировнинг пулини олишга ҳазар қиласман, ҳеч кимга пул берган эмасман...

Шундай қилиб, устоз, учта йўлтўсарни тарбиялаб, одамлар сафига қўшганлар.

* * *

Андижон сафарларидан бирида Миртемир домла шоир Абдухалил Қорабоевга: “Бозордан новвотнинг дуридан олиб келишини” илтимос қилиб, пул бердилар. Абдухалил Қорабоев бир қоғоз яшиқда тўла новвот олиб келди. Домла жуда хурсанд бўлдилар. “Қани очиб кўрайликчи, дур ҳам икки хил бўлади, оқи ва сарифи, оқи яхшироқ бўлади”, — деб яшикни очдилар. Абдухалил Қорабоев домлани хурсанд қылганидан жуда мамнун эди. Новвотларни кўриб домланинг пешоналаридағи чизиқлар кўпайгандай бўлди. Домла новвотни учга ажратдилар. Икки кило-граммасини: “Бу менга. Дур дегани қозонга тегмай ипга терилиб пиширилади. Қолганлари сизга мендан сийлов”, — дедилар. Мен ҳам, Абдухалил Қорабоев ҳам шундан кейин новвотнинг фарқига борадиган бўлдик.

* * *

Телефон жиринглаб қолди.

— О-Олимжон, ассалому алайкум, бу мен — Миртемирман. Гап шундай, келаси ҳафта шанба куни тўй, қизни куёвга узатяпмиз.

— Жуда яхши, албатта, бораман. Бизга қандай хизмат бор?

— Андижонлик ҳофиз Фаттоҳонни Тошкентда довруги баланд. Иложи бўлса менинг номимдан тўйга таклиф қилсангиз.

— Хўп бўлади.

Устоз билан хайрлашиб гўшакни жойига қўйдим. Энди Фаттоҳонни топишм керак. У нима дер экан. Ҳофиз менинг энг яқин қадрдоним, “йўқ” демас. Тўгри ҳовлисига бордим. Ўғли И момжон: “Дадам Тошкентда, ҳаваскор моқомчиларни телевизорга олиб кетган, менимча, улар “Дўстлик” меҳмонхонасига тушган бўлсалар керак”, — деди.

Тўйдан икки қун аввал, Тошкентга учдим. Тўйхона эмас, меҳмонхонага йўл олдим. Фаттоҳонга учраб, бор гапни айтишим керак, ахир, ваъда бериб қўйганман.

Меҳмонхона остонасига энди қадам босган эдимки, Фаттоҳоннинг ўзлари ичкаридан чиқиб келдилар. Лотереясига ютуқ чиққан одамлардай суюниб кетдим, кучоқлашиб кўришдик.

— Сизни излаб келдим.

— Йўғ-э!

— Ҳа шундай, Миртемир домлани биласизми?

— У кишини ким билмайди.

— Шу одам сизни тўйга айтган, қизини куёвга узатяпти экан. Эртага тўй.

— Албатта, бораман.

— Мен ҳозир бориб домлани тинчтай, эртага саҳар келиб сизни олиб кетаман.

- Овора бўлманг, уйларини биламан, ўзим боравераман.
- Бирга борганимиз яхшимасми, ҳурматингиз.
- Унда, майлингиз — деди Фаттоҳхон.

Тошкент тўйлари бошқачароқ бўларкан. Таниқли санъаткорлар келишиб, битта иккитадан ашула айтишиб кетаверар эканлар. Эртаманги ошдан токи оқшомгача шундай давом этаверар экан. Айниқса, кечқурунги базм қизигандан-қизиркан. Навбат Фаттоҳхонга келганда, у овоз кучайтиргични бир ёнга суриб қўйиб, йигирмадан ортиқ қўшиқни бир-бирига улаб ташлади. Ана олқиши, ана қарсак. Базм тонггача давом этди, ҳеч ким ухламади, домланинг хурсандчиликлари ҳам бир олам эди.

Нонуштадан кейин, домла мени ёнларига чақириб: “Ҳофизни рози қилишим керак” — деб қолдилар. Домланинг хатти-ҳаракатларини фаҳмлаган Фаттоҳхон икки шойи чорсига уч-уч қилиб тутуб қўйилган, базмда тушган пулларни домланинг қўлларига тутқазмоқчи бўлиб:

- Миртемир ака, бу биздан тўйга қўшанч. Сиздан ҳеч нарса керак эмас, — деди.

Миртемир домла ҳайратда гоҳ менга, гоҳ Фаттоҳхонга қараб: “Ажаб, ажаб!” — деб турардилар.

* * *

Тўйнинг эртасига Тўра Сулаймон, Ҳусан Рўзиматов,Faффор Мўминов ва камина таниқли олим Наим Каримовнинг хонадонига бориб “хордиқ” чиқардик. Қанақа дам олиш? Наим ака бизни меҳмон қилди. Сўнгра карта ташладик. Менинг қўлим баланд келиб, мезбонни ҳам, меҳмонларни ҳам қоқлаб қўйдим. Тўра Сулаймонни ҳатто устибошларигача ютиб олдим.

— Тўражон, энди, бас қилинг, яна ўйнамоқчи бўлсангиз бир шарт бор. Конъяқдан бир пиёла ичасиз, ўн сўм бераман.

- Рос-а, ҳеч кимга айтиш йўғ-а?
- Гап битта бўлади, — деди Наим ака жиддий.

Тўра Сулаймон бир пиёла конъякни олди, ўн сўм бердим. У биринчи қўлдаёқ яна ютқазди. Иккинчи, учинчи пиёлага ҳам ўн сўмдан бердим. Аммо, барибир, иши юришмади...

Тонгга яқин қотиб ухлаб қолибмиз. Бир вақт кўзимни очсам, Тўра Сулаймон чўнтакларимни ковлаб: “Ҳеч бўлмаса йўлкира беринг!” — деб илжайди. Кула-кула пулларни эгаларига қайтариб бердим...

Эрталаб “Ҳорманг”га тўйхонага бордик. Миртемир домла одатларича бизларни илиқ кутиб олдилар. Нонушта тайёр эди. Бош оғриғи қилдик. Тўра Сулаймон эса аввалгидай ўзини “сўпи” кўрсатиб, сир бермай, “ичмайман” деб турарди. Шунда устоз: “Тўражон, бир пиёла олсангиз биз ҳам ўн сўм берамиз!” — дедилар.

Ўртада шавқли кулги кўтарилиди.

* * *

Миртемир домла тайинлаган дориларни олиб, Тошкентга етиб бордим. Таниқли кишилар даволанадиган шифохонадамиз. Касалхонанинг даволовчи шифокори дориларни кўздан кечирар экан: “Мўмиёй асил” деганлари шу, бунақаси аптекаларда бўлмайди, зап топибсиз, домлангизнинг дардига даво шу. Дарҳол қайнатилган сутга қоришириб ичиш керак”, — деди.

Шу хонанинг ўзида дори тайёрланди, домла “мўмиёй асил” аралашмасини ичдилар. “Мазза-ку!” — деб мақтаниб қўйдилар. Сўнгра, озгин қўлларини юзларига суртиб: “Умрингдан барака топ, кам бўлма бўтам!” — деб дуо қилдилар. “Бу йигит шогирдим Олимжон, андижонлик” — деб мени докторга таништиридилар. Оғриқ анча бўшащди, шекилли, домла озгина мизғиган бўлдилар. Анчадан кейин қўзларини очиб: “Ҳеч ухломаётган эдим, анча мизғидим, шекилли?” — деб яна дуога қўл очдилар. Устоз, бирдан нима учундир, ҳазрат Навоийни эслаб кетдилар.

— Ҳусайн Бойқаро дўсти — Алишер Навоий вафотидан бир ҳафта ўтгач, бомдод намозини ўқиб бўлиб, ташқарига қараса, лопиллатиб қор ёғаяпти, ҳаммаёқ оқ либосда. Кийиниб, дўсти қабрини зиёрат қилиш учун ҳозирлик кўра бошлади. Икки мулозими билан йўлга чиқди.

Ҳусайн Бойқаро даҳма ичиди, дўстининг қабри устида йиглаб турган бир қизга кўзи тушди. Бироқ, унга кўпам эътибор бермади. Қуръон тиловат қилди. Юзига фотиҳа тортгандан сўнг, қараса, ярим ўқинч, ярим адоват билан ёшли кўзларини унга тикиб турган бу қиз танишга ўхшарди. “Ажабо, бу ким бўлди, ким? Ахир, бу Гули-ку! Гули! У ўлганига кўп бўлган ёки арвоҳмикан?”

Ҳусайн Бойқаро сўз қотмай, ташқарига чиқди. Отини етаклаб ўйлар огушида анча пиёда юрди... “Айтишларича, бу аёл шоир дафн этилган кундан бошлаб, ҳар куни пайдо бўлар, қабр ёнида йиглаб ўтирас эмиш. Бу ким? Ҳа, бу севги маликаси, Алишерни шоир қилган ўша Гули эди.

Бундайлар ҳеч қаҷон ўлмайдилар. Алишер ўлмайди, Гули ҳам ўлмайди. Тириклигига ўз юртида ном таратган бундай зотлар, ўлганларидан кейин дунёга танилади, уларни жаҳон билади. Ҳа, шундай!..”

Устоз Миртемирнинг ушбу башоратли ривоятлари тафсилини кўп йиллар ўтиб, энди-энди англаётгандайман. Бу устоз билан охирги суҳбатимиз ва учрашувимиз эди.

Миртемир домла ўлмайдилар. Домла ҳамиша биз билан, ҳамиша барҳаёт. Бизни қўйинг, кейинги невара, чевара, эвара шогирдлари ҳам Миртемир домла мактабларидан ҳали кўп баҳраманд бўладилар...

* * *

Камина Миртемир домла билан бўлган баъзи учрашувлар, суҳбатлар, шунингдек, ўзим гувоҳи бўлган айrim воқеаларни эсладим, холос. Устоз ҳақида кўп ёзиш, сўзлаш, хотирлаш мумкин.

Ўзбекистон халқ шоири, камтар инсон, устоз Миртемир руҳига ҳамиша таъзим қиласман. У киши мен ва бошқа шогирдлари учун доимо ибратдир. Устознинг ўтнафас лирик шеърларидан баҳраманд бўлаётган мустақиллик даври ёшлари фахр билан Миртемир домлани ўзларига маънавий устоз деб билишларига ишончим комил.

*Билиб қўй, биз ёмон одам эмасмиз,
Бизга қўймасинлар майлига ҳайкал.
Биздан кейин мотам тутинг, демасмиз,
Етар эслаб, лаблар титраса сал-пал...*





Ҳаётимда дөрсан...



**Халилла
ДАВЛАТНАЗАРОВ**

БУРГУТ

Баланд-баланд тоғлар, мангу чўққилар,
Бунда ер садоси кўкни забт қилар,
Темирқанот қушлар, амал қилинглар –
Яшашни ўрганмоқ керак бургутдан.

Муҳаббат жуфт қилган ошиқлар каби,
То сўнгги дамгача бир ураг қалби,
Жилови-мардликдан, тўғрилик-ипи,
Vaфони ўрганмоқ керак бургутдан.

Ғанимлар кўксига панжа урмоқни,
Бир ёқли бўлгунча саваш қурмоқни,
Жасур, мард, ботирдай қайтмай турмоқни –
Бекликни ўрганмоқ керак бургутдан.

Бўғизланса – қўйдай маърай билмайди,
Кўзилардай чопиб, қарай билмайди –
Буни хорлик билар, обрў билмайди,
Номусни ўрганмоқ керак бургутдан.

Чақмоқ умри тахлит умридир қисқа,
Ноёб нарсаларда оз бўлар нусха,
Ҳавас қилманг пир-пир учган ҳар қушга,
Мардликни ўрганмоқ керак бургутдан.

Қайсарлик, назокат ака-сингилдай,
Бири-қийин, бири эса енгилдай,

Инсон манглайдаги шўрдан билингай,
Курашни ўрганмоқ керак бургутдан.

Бу қуш қанотида матонат оққан,
Юраги, кўзлари ясалган чўғдан,
Тезлик, телбалиги қолишмас ўқдан –
Учиши ўрганмоқ керак бургутдан.

Қадрига салгина дарз кетса – тамом,
Ўзин тоғдан ташлар, қолдирмас омон,
Етарми жон, бундай эрликка чама –
Ўлиши ўрганмоқ керак бургутдан.

ОШИҚ БЎБ ЯШАНГ

Дунё-шодлик ила мунгдан иборат,
Иқбол таомига қотилмишdir дард,
Ҳар қандай оғатдан асрар муҳаббат,
Агар мумкин бўлса, ошиқ бўб яшанг.

Бундай бехуш қилар шароб йўқ, балким,
Бунча сулув ойна-тароқ йўқ, балким,
Унинг азобидай азоб йўқ, балким,
Лекин, чидаб-тўзиб, ошиқ бўб яшанг.

Умр дарахтига мева боғлатар,
Орзу бўстонида булбул сайратар,
Илоҳий нур тараб, жонинг яйратар,
Ҳақ бўлгингиз келса, ошиқ бўб яшанг.

Билиб туриб бошин савдога солган,
Ким гўдайган, кимдир favgoga қолган,
Барибир, севидан бошқаси ёлғон,
Мард бўлгингиз келса, ошиқ бўб яшанг.

Ишқни касб этмаса одамнинг кўнгли,
Гуноҳга ботарсан, бўлмасанг ўнгли,
Тўнгич муҳаббатми ё балки сўнгги –
Барибирдир, севинг, ошиқ бўб яшанг.

Ишқ йўлинда гулмас, қалбни тўшангиз,
Меҳрга лиммо-лим тўлсин косангиз,
Дунё ҳур, бегубор бўлсин десангиз,
Дўст бўлгингиз келса, ошиқ бўб яшанг.

Ҳайҳот, хоҳиш ила бўлмайдир бул иш,
Севмаслик – қалбда бошланган чириш,
Муҳаббат – муқаддас, илоҳий ташвиш,
Қўлингиздан келса, ошиқ бўб яшанг.

ДАРДИНГДАН

Құшиқ

Күп вақт бўлди, кўнгил кўзгум синганди,
Қалбимда мавжли оқим тинганди,
Дийдор эшиклари тамба қўйганди,
Умидим хазонлар тўқди дардингдан.

Кўзинг – муҳаббатнинг кескир яроғи,
Бўсаларинг – сирли севги шароби,
Согинчлар – юракнинг титроқ зардobi,
Умрим шу зардобга чўқди дардингдан.

Хижрон кўкрагимга солди сўқмоғин,
Қалбимни эзғилаб урди тўқмоғин,
Мунг-ташвишнинг янчиб гиёҳ-кўкноғин,
Кўксимга идишдай қўйдим дардингдан.

Куршовида қолдим қирқ минг хаёлнинг,
Ҳам раҳатдан, ҳам азобдан пай олдим,
Жонимни бир рўмолчага туёлдинг,
Энди очилмоғим қийин дардингдан.

Шундай, юрак дард – пичоқقا қин бўлди,
Қалбимдаги ямоқ магар минг бўлди,
Менинг жоним – қуши қочган ин бўлди,
Пешам – баландга кўз сотиш, дардингдан.

Ҳаётимда борсан, ўзимда йўқсан,
Кўксимда кўмилиб қийналган ўқсан,
Мисли кул остида қўр босган чўғсан,
Эллар қуйиб, юртлар пишди дардингдан.

ЗИЁРАТ

Ҳаёт ташвишлари ҳеч адo бўлmas,
Онажон, ўглингизда дардларнинг бари.
Биламан, дунёнинг кемтиги тўлmas,
Сизни кўрмоқнинг ҳеч келмайди гали.

Йўл бошласа экан яхшиликлар зап,
Ҳар кун бориб турсам асил маъвога.
Уч юз олтмиш авлиёни оралаб,
Сизни олиб кетсам дейман Каъбага.

Юрагим товланар, ҳапқирап жоним,
Фариб кўнглингизни қилгали обод.
Ўзга юрга сира тортмас товоним,
Оlamда бор экан сиз ва Халқобод¹.

¹ Халқобод – шоир тугилган макон.

Иқболни қўп қутдим қўзим оқариб,
Ўзингиз – эзгулик, меҳрим, паноҳим.
Пир излаб, қўл бериб, ҳажга ҳам бориб,
Минг ювиб-чайгудай борми гуноҳим?

Сизни кўра қўйсам қўнгил bogимга
Энг азиз туйгулар экилмасмиди?
Фаришталар қулоқ қўйиб оҳимга,
Ҳеч гуноҳим қолмай – тўкилмасмиди?

Йўллар бизни шундан айласа йироқ,
Қалбимда “Ватан” деб қоқилар довул.
Сизни кўрсам эди, балки ҳозироқ
Барча зиёратлар бўларди қабул!..

**Қорақалпоқ тилидан
Музаффар АҲМАД таржимаси**





ҚАЙТИШ

Хикоя



Салим АБДУРАХМОН

Оқ тулпор булутлар узра парвоз қиласмиш. Исмат фермер ёлларидан маҳкам тутиб, “чу, жонивор, чу!” деб бақиравмиш. Икки ёнидан қанот ўсиб чиққан тулпор яна ва яна юқорига кўтариларамиши. Лекин шу пайт қанотлари йўқолиб, қўйига шўнғиган эмиш.

“Чу, жонивор, чу” деганча уйгониб кетди. Тепасида хотини турарди.

— Тушингизда ҳам от чоптириб юрибсизми? — жилмайди у.

Ҳамон гарангсиб турган Исмат фермер ўзини от устида учиб юргандек ҳис қилас, тушидаги ҳолати юзида яққол акс этиб турарди.

Фермер ҳовлига чиқди. Тонг ёришиб келарди. Уй олдидаги ўрик гарқ пишган, ерга тўкилиб ётарди. Майин шабада эсар, дараҳтлар шохида чумчуклар чириллар, юз қадамча наридан оқиб ўтувчи сойнинг шовуллаши эшитилар, қурбақалар вақилларди. Оғил ёнидаги катакда хўроз қичқирди. Хўтиқдай келадиган ит бошини кўтариб қаради-да, яна аввалгидаётаверди...

Фермер супада турган обдастадан юз-қўлини ювиб, ўрик шохига илинган сочиққа артинди. Оғилга тушиб, мол-ҳолдан хабар олди. Сигирлар кавш қайтариб ётар, сим тўрдан қилинган қўрада бузоқчалар мўлтираб қараб турарди. Отхонада саман қашқа беда чайнарди. Қашов билан яхшилаб қашлаб чиқди. Отга бу хуш ёқиб, кулоқларини динг қилганча кишнади. Кейин қозиққа илиглиқ турган жабдуқни олиб эгарлади. Қизилқош эгар қашқага ярашиб тушди.

Исмат фермер отига бошқача кўз билан қарайди. Саман биясининг боласи. Ёшлигидан тарбия қилган. Ҳеч кимга ишонмайди. Ўтган йилдан бошлаб кўпкарига ҳам қўшди. Қишлоқдаги моҳир чавандоз — Ботир полвон чопиб, зўр-зўр совринларни оладиган бўлди.

Ортига қайтди. Хотини ўрик остидаги чорпояга кўрпача солиб, ўртадаги хонтахтани тузаб қўйибди.

Енгил нонушта қилиб, достурхонга фотиҳа ўқиди. Энди ўрнидан турмоқчи эди, кўча эшиқдан кириб келаётган Фулом оқсоқолга кўзи тушди. “Бир балони бошлаган. Бекорга келмайди бу чол”, дея ичиди тўнгиллади. Кайфияти бадтар

бузилди. Чорпоядан тушиб, күл бериб кўришди. Бир пиёладан чой ичишгач, оқсоқол муддаога ўтди.

— Шу, ука, сен билан маслаҳатлашгани келдим.

“Яна қандай маслаҳат? — ўйлади фермер. — Ўтган йили қишлоқ аҳли ҳашар қилиб шифохонани таъмирлаган, камина шиферини янгилаб бергандим. Яна гарданимга нима юкламоқчи бу?!”.

Фулом оқсоқол ҳар йили маҳаллага бош бўлиб, бирор савоб ишни бошлар, якунига етмагунча қўймасди. Ҳамма оқсоқол ишидан мамнун, оғиз очишини пойлаб турар, айтганини жон деб бажаради. Биронтаси маъррака қилса, албатта олдидан ўтарди. Бу биргина Ислам фермерга ёқмас: “Ҳемиринг йўғ-у, осмондан келишининг ўлайми?” — деб ичидан гижинарди. “Қўлим узатган жойга етади, оқсоқоллик менга ярашади”, — хиёл қиласарди у. Буни сиртига чиқармас, оқсоқол олдида мулоийим кулиб турарди.

Ислам фермер авваллари юк машина ҳайдар, ем-хашак ташиб кун кўрарди. Хизмат қилиш савоб деб ҳар ким берган пулни олиб кетаверарди. Фермер бўлди-ю, давлати кўпайиб, уч-тўрт йилдан бери батамом ўзгарди. Орқаворотдан “кўрмаган-нинг кўргани қурсин” деган гаплар бўлди...

— Хўш, бизга қандай хизмат бор экан, Фулом ака?

— Мачитни таъмирлаётганимизни биласан. Устини гумбаз қилиб, дарвозасини янгилашга ёрдам берсанг. Қолганлар ҳам қўлдан келгунича ҳаракат қиласапти.

Фулом оқсоқол икки ойдан бери эски мачитни созлашга киришганди. Олдини айвон қилдирди. Кимдир таҳтаси, кимдир шиферига қарашди. Бирори дарвозасига тош тўқтириб берди. Кўчадан ким ўтса, оқсоқол икки-уч замбил шагални ичкарига ташитиб қолар, савоб бўлади дерди. Ислам фермер илк маслаҳатта борган, кейин ўз ташвиши билан бўлиб, кўриниш бермай қўйганди.

— Фулом ака, шу десангиз, машинага навбатга ёзилиб қўювдим. — тўсатдан шу гап оғзидан чиқиб, юзи дув қизарди. — Э-э, бу унча шартмас. Бу йил ният қилгандим. Ҳаж сафарига... гумбазга ҳазилакам пул...

Оқсоқол ортиқ ҳеч нарса демай, ўрнидан турди.

Фермер ерга тикилганча жим қолди. Ичидан зил кетди. Саман қашқани мишиб даласига жўнаркан, хато гапириб қўйганидан юраги хижил тортарди.

— Э, — деди охири, — нима, мендан бошқа гумбаз қилдириб берадиган қуриб кетибдими? Кафиллигини олганманми? Нима бўлса Ислам фермер деб келишади.

Даласига етиб келгач, кўзлари бир оз қувонди. Буғдој гарқ пишган, белдан келади. Азобли хаёллардан қутулгандай бўлди. Беш-ён қадам юргач, бирдан тутақди. От излари. Кечаси отлар оралаб, истаганча еб, кўп жойни пайҳон қилиб кетибди. Экинни яна бир сидра кўздан кечириб, жаҳл билан ортига қайтди.

У ҳар куни туш вақти ўрик сояси тушиб турдиган чорпояда ухлайди. Уйда ётай деса, чивин талаб, тинч қўймайди.

Фермер ўзини тўшакка ташлади. Бир оздан кейин кўзи илинди. Туш қўрибди. Тушида яна ўша оқ от булутлар узра парвоз қиласмиш, лекин қанотлари қайрилган эмиш. У эса ҳайқиравмиш.

— Отаси, тўғри ётинг, босинқирайпсиз.

— О, жонивор! — сакраб туриб кетди фермер.

Хотини бош чайқаганча нари жилди. Фермер ётган жойида қалима қайтарди. Ухлашга ҳаракат қилди-ю, бўлмади. Кўзини юмди дегунча кўз олдида ўша қаноти қайрилган оқ от пайдо бўлиб, оромини ўғирларди.

Кўшниси Абдибой жанозасидан бери айниқса тинч ухлолмайди. Абдибой маҳалланинг энг бадавлат одами эди. Ажал бунга қараб ўтирумади. Мол-дунёсининг ҳам фойдаси тегмади. Оққон экан... У ҳам қабристонга борди. Дўппайиб турган қабрга тикиларкан, сесканиб кетди. “Эртага бир кун мен ҳам...”. Уйига келди. Ўтиrolмади. Худди деразадан азоил мўралаётгандай юраги така-пука эди. Янги қазилаётган қудуқ ёнида ўғли Шавкат ва мардикор йигит турарди. Борди.

- Сув чиқиб кетди, — деди йигит. — Иложи бўлмаяпти.
- Челакда тортиб ташлаб қазинглар.
- Фойдаси йўқ.
- Ўзим тушаман.

Шавкат ҳайрон бўлди. “Отамга нима бўляяпти?”, деб ўйлади. Лекин феълини билгани учун индамади. Белига арқон bogлаб туширди. Челакни тўлдиргач, тепадан тортишди. Аста-секин баландлаб бораётган челакка тикиларкан, ўтакаси ёрилди. Арқон узилиб тушиб кетса-чи? Пешонасини совуқ тер қоплади. Иккинчи гал фермерни тортиб олишди...

Коронги тушганда овқат пишди, хотини еб кетинг деганига ҳам қарамай, қўшотарини елкасига илиб, даласига жўнади. Саман қашқа қозигини экинга етмайдиган жойга қоқди-да, ўзи анча нари бориб, хашаклар устига чўзилди. Қайсар феъли бор эди. Қандайдир иш бошласа, охирига етказмагунча қўймасди. Бугун ҳам экинни пайҳон қилган отларни бир ёқли қилмагунча кўнгли жойига тушмайди.

Зим-зиё тун. Саноқсиз юлдузлар жилва қилар, ҳар-ҳар замонда бирор юлдуз кучли нур сочарди-ю, бирдан сўниб, кўринмай қоларди. Яқинида чегиртка чириллайди. Сал нарида бошқаси жўр бўлади. Шабада эсиб, танга ҳузур багишлайди. Нақадар гўзал. Бундай кечада юлдузларга тикилганча дунёни унуттинг келади. Лекин кўзига бу гўзаллик кўринмайди. Кўнглига қил сифмайди. Фигони кўкка чиқиб, отларни кутади. Кўзи илиниб кетай дейди. Ўрнидан туриб ўтиради. Қовоқларини уқалаб, ухламасликка ҳаракат қилади. Бир оздан сўнг боши оғади-ю, чўчиб тушади, сал ўтмай яна шу аҳвол. Идишдаги муздек сувда юзини чайди. Кўрқинчли хаёллар яна искаңжага олди. Ўлим шарпаси таъкиб этаётгандай ҳадиксираб мильтигини бағрига босди. Кўз олдига яна Абдибойнинг мағрур нигоҳи келди. Шундай одам ўтиб кетди-я. Одамлар ҳам унуга бошлади. Маҳаллага бирор иш қилиб қўйган бўлсанки... Қирқи ўтмай катта ўғли ичиб юрганини ҳам эшитди. “Эрта бир кун мен ҳам... Абдибойнинг куни бошимга тушса-я. Нима қилиб қўйдимики, одамлар эсласа. Фулом оқсоқол ҳалқнинг қалбida абадий яшайди. Шунча ўзгариб кетдимми?” Ўтган йили уйига қовун туширгани ёдига келди. Одамларнинг ишини қилиб кун кўриб юрадиган ёлғиз қария — Бектош аканикига бир-иккита чиқариб беринглар демабди ҳам. Қудугини дастлаб шу киши қазиб берганди. Бу одамга қанча қарашса ҳам ярашарди. Натижада нима бўлди? Бозорда сотаётганда бир одам билан тортишиб қолиб, қовуннинг бор пулини бериб қутилди...

Йўқ, энди ундан бўлмайди. Эртаданоқ айбини ювади. Аввало садақа қилиб юборади. Мачит гумбазини тикилашга киришади...

Ёнида нимадир шитирлади. Илон бўлса-я. Сакраб туриб кетди. Қовжираб қолган қўзикулоқ танаси шабадада қимирлаб турарди. Худога шукур. Тепа тутмалари ечилган қўйлагининг ёқасидан тутиб, кўксига туфлади: “Бунча талвасага тушмасам. Ажал тепамда тургандай безовтаман”.

Ногоҳ экинзорда қандайдир шарпа пайдо бўлди. Бирдан сергакланди. Ўзи сезмаган ҳолда қўшотарини тўғрилади. Шарпа бемалол экинни оралаб, курт-курт овоз чиқариб, у томон бостириб келарди.

Тун суқунатини гумбурлаган овоз бузди...

Ўғли Шавкат билан қўшниси Иброҳим етиб борганда хушидан кетган, экин ичида саман қашқа ўлиб ётарди. От арқондан ечилиб, экинни оралаган экан. Ўқ пешонасини тешиб ўтган, фермер мўлжални аниқ олганди...

Исмат фермер аҳволи оғир эди. Шавкат қишлоқ врачи Қосим акани айтиб келди. У керакли муолажани қилгач, тонг отгунча ўнгланмаса, шифохонага олиб кетамиз деб тепасида ўтиреди.

Ярим кечадан ошганда қимирлади. Кўзлари пирпираб, нималардир деб пи-чиради.

- Аллаҳляяпти, — деди доктор. — Худо хоҳласа кўрмагандай бўлиб кетади.
- От, оқ от, — деб бақириб юборди Исмат фермер. — У қайтаяпти. Осмондан тушиб келаяпти.

Доктор тинчлантиришга ҳаракат қилди:

— Ҳа, отингиз шу ерда. Отхонада.

— Йўқ, ана у, мени олиб кетса керак!

Тинчлантирувчи уколдан кейин жим бўлиб қолди. Тонгта яқин кўзларини оҳиста очди.

Тепасида хотини, ўғли ва Қосим докторни кўриб ажабланди. Шавкат бошини хиёл кўтариб пиёлада сув тутди. Қулт этган овоз эшитилди-ю, бир неча томчи лаблари орасидан сизиб чиқиб, ёстиқни ҳўл қилди.

— Бир-икки сўм топдим деб, энг катта бойлигим — иймонимни йўқотган эканман, ўғлим. Минг осмонда бўлсанг ҳам бир кун ерга тушаркансан. Энг ёмони, бошингга ажал соя солганда... Гапларимни ёдингда тут. Халқ билан бўл. Мачитни гумбаз қилдириб, дарвоза ўрнатиб бер. Ҳеч қачон элдан чиқма. Шундагина мен сендан рози...

Исмат фермер ортиқ гапира олмади. Боши шилқ этиб ёстиқقا тушди.

— Нима деяпсиз, ота? Сиз ҳали кўп яшайсиз.

Шавкат хўнграб йиглаб юборди...





*Дүнёни уйготим
көлдепти*



БАРНОГУЛ,
Андижон Давлат университети
учинчи босқич толибаси

МАКТУБ

Мактубларинг устида йиглаб,
Ухлаб қолсам, жийдагул каби.
Тушларимда келасан шу кеч:
“Менинг гулим, гулгинам қани?”

Тушларингни айтган сувларга,
Ўзимни ташлайман, қараб тур.
“Севаман!” қўшиғин айтмайман,
Энди хатлар ёзмас Барногул.

Ёнаётган мактубдай йиглаб,
Ухлаб қолсанг, уйготар анҳор.
Чақиради жийда дарахти,
Кўзларингда жовдираб зор-зор...

Хаёлларга айланамиз, кел,
Варракларга бойланамиз, кел!
Қачонгача бир-биримизга
Жийдагулдек сарғаямиз, кел?!

НИДО

Тасодифлар мунча ёқади,
Мени севиб қолмадингизми?
Не ойларнинг сочи оқарди,
Йўлларимни пойладингизми?

Кўзларимдан тўкилса соғинч,
Мен уша деб ўйладингизми?
Рашкларингиз бамисли қилич,
Жон бермадим, кўрмадингизми?

Осмон билар, қўзёшлар билар,
Қуёшга лаб босганингизни.
“Барногулим, оймомам!” деманг,
Оловларга ёқмадингизми?

Дун тогини бўлиб ташладим,
Синайвериб тоқатингизни.
Айтаверинг, ростини айтинг,
Мендек қизни топмадингизми?

Кўксингизга қўксим санчилди,
Гуллар боссин ўмганингизни.
Яхши қўрдим, мени соғиниб,
Фунчаларни ўпганингизни.

МУҲАББАТ

Рашкингиз қўксимга ўқ отса,
Севгимиз қўксини тутди-я.
Улгайди биз эккан мажнунтол,
Муҳаббат умидвор кетди-я.

Биз юрган йўлаклар суқутда,
Ҳали ҳам сўзлашни билмайди.
Изимиз шамолнинг чангига,
Соғинса, акс-садо бермайди.

Эй вафо самода чақмоқ бўл,
Булутлар чинқириб йиғласин.
Кўзёши селларин оқизиб,
Мажнунтол соchlари қўкласин.

Ишқимиз ҳам рози-мажнунтол,
Севишган қалбларга қулоқ сол.
Изимиз ўчирсин излари,
Уларнинг севгисин асраб қол.

«ТРАГЕДИЯ»

Саҳна. Биринчи парда,
Қизни ташлаб кетади, ҳозир.
Буни кузатётган одамлар
Йўлларини тўсишга қодир.

Юрак-йиртилган парда,
Ёнаётган ишқий мактублар.
Лабларида сўнгги сигара,
Бирлашмайди энди қутблар.

Тун. Ўн бешинчиди парда ортида,
Қирқ ёшли йигитга қараб,
Борлигини йўқотган қизча,
Йиглар, олтин соchlарин тараб.

Сўнгги парда ортида кулиб,
Заҳар ичиб олади бола.
Қарсак чалинг, энди, одамлар...
Томоша тамом... нола ...

ЧИНОР

Ўрик шохи, хоҳла, қучоғингдаман,
Товонимни қўйиб юборма, тикон,
Бағрингни бошимга босмагин, осмон,
Кутманг мени, кутмангиз тоғлар,
Севиб қолдим кекса чинорни.
Кўнглим-тикон,
Кўнглим ўсяпти,
Барногул, дейдилар, мени,
Нур бер, нур бергин само,
Чинорни гуллатгим келяпти,
Дунёни уйғотгим келяпти...

Андижон





СИРТЛОН

Ҳикоя

Шомирза ТУРДИМОВ

У кун қизиган пайт, тиқилинч автобусда уйига қайтди.

Бир томони рўзачилик, иссиқда йўл юриш оғир келдими, юзлари қизарип кетди.

Эшик очган қизи уни кўриб ажабланди:

– Ичдингизми?

Савол унга эриш туюлди. Кесатиб жавоб берди.

– Пиво!

– Вой, рўзангиз-чи?

– Ухлади.

– Ичганга ўхшаяпсиз.

– Ўзинг ўхшайсан.

У жаҳл билан ички уй томон юрар экан, ҳовли бурчагида ўзига хушёр тикилиб турган ити – Сиртлонга кўзи тушди. Сиртлон эгасини кўриб ўрнидан турди, сўнг керишиб уйчасига қайтиб кирди...

* * *

Кўлида қизил елим билан ариқ лабида турибди. Ариқнинг икки қирғоги бетонланган. Сув тиниқ, бир қаричча пастида сокин кўринади, оқаётгани сезилмайди. Ариқ кичкина кўприкка тақалган, гўё сув шу кўприкдан чиқаётгандек. Кўприкнинг баландроқда жойлашгани шундай таассурот уйготади. Кўприкдан машиналар бемалол ўтса бўлади, лекин икки четида белдовлари йўқ.

Аёlinи кўприкнинг сув чиқсан жойида кўрди. Аёл эрига хавотирли қарайди.

Кўприкдан юрса қулай эди, нимагадир ариқдан ҳатламоқчи бўлди. Ариқни чамалади. Кенглик бир одим. Ўтишга тараддул кўрар экан, кўзи қарама-қарши томонда ўтирган икки бегона хотинга тушди. “Бозорчилар”, лип этиб хаёлидан

ўтди. Ҳатлашга чоғланди, бирдан ўзини нохуш сезди. Оёги, кўллари ўзига бўйсунмай сархуш бир кайфият түйди.

Аёли сергак тортди:

— Ҳой, бу нетади?!

Аёл бошқа сўз айтишга улгурмади.

Қадам олинган, оёқ ердан узилган эди. Гавда эгасига бўйсунмасди. Ҳуши ҳали ўзида, бор кучини йигиб ариққа юзтубан йиқилмасликка интилди. Кўтарилиган оёқ ариқнинг у қирғогига яrim улашиб тушди, қадди эгилди. Қизил елим челак тутган кўл сувга ботди.

Узилган барг сокин, солланиб-солланиб ерга учиб тушгандек, аёлининг кўз ўнгидаги у ҳам оҳиста ариқ устига энгасиб букчайган ҳолатда тўхтади.

“Итнинг овқати сувга кетди!” Қизил елим челакнинг сувга ботаётганини имконсиз кузатар экан, тортиб олишга мадори келмай хаёлидан шу фикрни ўткарди.

Кўллар унга бўйсунмасди. Гавдасини тўхтатиб қолишга куч топди, холос.

Челакли кўл билагигача сувга кирди, сув юзига ёғ ҳалқаланиб ёйилди, тўртбеш макарон ва ушоқлар қалқиб чиқди. “Суяклар оғир, тубда қолар”. Ҳеч бўлмагандаги итига суюк борса ҳам майли, шунисига ҳам шукр қиласди.

Аёл нимагадир: “Туринг!”, деган сўз айтди. Кутимаган ҳолат таъсир қиласди, жойидан жилмади, ёрдам беришга шошмади.

У бу пайт кўпприк устида қотиб турган аёлинни, нарида текин томошабин бозорчи хотинларни бутунлай унуганди.

Итнинг овқати оқиб кетса, нима қиласди, “Итим оч, итим оч”, деган ўй асири эди, тамом...

Ичида қандайдир куч уйгонди. Сархушлик тарқалди. Танасига бўйсунмай осилиб турган кўллари, эгилиб, букилаётган оёқларига қайта жон кирди. Шошилинч қизил челакни сувдан шалоплатиб кўтарди. Челакни сувдан айириш баробарида қаддини ростлаб, нариги қирғоққа ўтди. Челакка қаради. Итнинг насибаси омон қолибди. Челакка кирган сувни тўқди, суягу сарқитларни чамалаб кўрди: “Лайчага етади”. Таскин топди.

— Дадаси, ана улар итга овқат олганларни қамаяпти. Ташланг буни.

Аёлининг овозида кўхна хавотир бор эди.

Узоқдан шошилинч келаётган икки кишини кўриб аёлининг рост гапирганига ишонди. Кишилар тўғри эру хотинни мўлжаллаб юришди.

“Челагимни олиб қўяди”. Кўнглида шубҳа уйгонди. “Бу айтдими?” Аёлига синчил тикилди, “итимни азал-абад ёмон кўрган, шу айтган”. Аёлининг юзу кўзидан шубҳасига тасдиқ ахтарди. Кўнглини юпатгувчи ҳеч нарса топмади.

Аёл эрининг қўлидан челакни олиб бекитмоқчи бўлди.

Эр челакни кишиларга беради, деган хаёлда, аёли қўлини итарди. Шубҳасига истаган тасдигини олгандай бўлди. “Айб ундан ўтди, мен ҳақман, ҳақман, ҳақман...” деб такрорлаганича чопқиллаб, ўзи билмаган ҳолда бозорчи хотинлар томон ўтди. Бир қараашда улар кимлигини билиб бўлмасди. Хомуш тортиб ўйлади: “Бозорчининг бари бир гўр. Савдочи чорбозорчиларнинг на ирқи, на миллати, на жинси бўлади. Фойда тушса бўлди”. Хотинлар олдида итларнинг овқати уйиб қўйилганини кўриб, нажот топгандай бўлди. “Булар итга овқат сотади-ку”, қабилидаги ўй, челакни шуларга берсам, айбсиз қоламан, деган фикрни тутдирди. Челакни шошилинч бозорчи хотиннинг олдига қўйиб, йўлнинг у томонида қолдирган аёлига “уддаладимми” дегандай қаради. Имконсизлик одамни топқир этади. У бозорчи аёлни бир сўз демай ўзига эл қилиб, ҳамкорига айлантирганига ўзи қойил қолди. Аёлига ҳам буни кўрсатмоқчи эди. Аёлининг ариққа юз буриб турганидан, унинг санъатини сезмаганлигини англади. Аёлининг ёнига қайтди.

Текширувчилар тўғри уларнинг ёнига келишди. Буларда кийимдан бўлак нарса топмай изига қайтиб кетишли.

Негадир текширувчилар бозорчи хотинлар томон бормади, гёё улар бу ҳудудда йўқдай беэътибор ўтиб кетишиди. Ҳайрон қолган жойики, текширувчи дегани кимдир итга деб бир нарса олиб келганини кўриб қолса, ур қалтак, сур қалтак қиласи-ю, бутун бошли бозор очиб ўтирган хотинларни кўрмайди. Замонанинг зўрини кўринг. Булар очиқча ит еми сотади, униси бехабар.

Аёлига шу гапни айтмоқчи эди, ёнига бурилиб топмади. Аёли қачон кетган, хаёл олиб қочганда сезмай қолиди.

Нимагадир хавотир олмади. Ўй-хаёлини яна ити эгаллади.

Текширувчилар кўздан ўитди. У бозорчи хотинлар ёнига бориб челягини олмоқчи бўлди. Челягини бўм-бўш кўриб кайфи учди. Бозорчи хотинларнинг хайри-хоҳлиги уни тунаш экан-ку, деган ҳукмга келди.

У энди гапга оғиз жуфтлаётган эди, хотинлардан бири челякка ҳар хил эту суюклардан солиб қўлига тутди. Унинг гапи оғзида қолди.

Ўз-ўзидан кўнглида: “Ит эту суюк билан тирик, одамнинг этига, итидан яқин йўқ”, деган фикр уйғонди.

* * *

У итим ёлғиз очликдан силласи қуриб ўтиргандир, деб борди-ю, лол қолди.

Дунёда шунча оч ит борлигини кўриб ваҳимага тушди. У ер юзида одам кўп, деб ўйларди, кўрдики, оч ит кўп экан. Ҳар бир итлар борки, томдай-томдай. Занжирларини шарақлатиб, кўринганга ўзини ташлайди.

Сарҳадсиз ҳудудни эгаллаган бу итларни боқишининг ўзи бўладими?.. У четдан сер солиб, лайчасини ахтарди. Лайча кўрингмади. Кузатганлари хаёлини олди. Бир четда икки катта ит кучукчани ўртага олиб кетказгани қўймайди. Кучукча, қочсам, деб йўл ахтаради. Ўзини четга олса, катта итлар оёқлари билан босиб, кучукчани ерга қофоздек ёпишириб қўйишади. Ит оёғини олади, кучукча дам кирган коптоқдек қад ростлаб кетмоқчи бўлади, бошқа ит бошидан босиб, ерга қапиширади. Катталарга эрмак, кучукчага қисмат. Унинг кўзи катта бир қанжиқقا тушди. Қанжиқ безовта, жонсарак ҳаллослаб чопқиллайди, орқасидан боласи туғилиб ерга тушмоқчи, типирчилайди. Изидан семиз, ирkit бир чўчқа искаланиб эргашади. Кучукча тугилиб, тўғри чўчқанинг оғзига тушди. Чўчқа кучукчани тишлаганича, ўзини четга уриб, кўздан ўитди.

У, лайчамни топмасам керак, деб хомуш тортди. Қайтмоқчи бўлди. Охирги бор итлар ҳудудига тикилди. Шунда узоқда мунгайиб ўтирган Олапари кўрингандек бўлди.

Олапар унга қарамас, кутмаган бўлса керак, бошини қуийи солганича тек турарди.

У Олапарнинг олдига ўтмоқчи бўлди. Бир-бирини, дуч келганини еб ётган кутурган итлар тўла бу ҳудудга қандай ўтишни билмади.

Бошқалар қандай ўтди экан, наҳотки шунча итнинг эгаларидан бирортаси келмаса, деб атрофга тикилди.

Ўзи билан оч итлар ҳудудини ажратиб турган саробдек ҳарир пардага яқин бориб, ниманидир аниқларман, деб ўйлади. Адашмаган экан. Пардага яқин ёндош йўлакка бир машина келиб тўхтади. Машинадан чиққан эркак ва аёлнинг икки кўнжи озиқча тўла эди. Улар авваллари ҳам кўп бор келиб-кетишиган шекилли, пардага етиб, ҳеч иккиланмай қўл ушлашиб оч итлар ҳудудига “қийқириб” сакрашди... Парда ортига сингишиди...

У исмсиз ваҳима ичиди қолди. Титрай бошлади. Бутун бадани қизиб, юзлари лов-лов ёнди. Ҳароратидан қизил елим челяк аввал бурушди, сўнг бужиб, эриб ерга оқиб тушди...

* * *

Телефон жириングлади. У аввал рақамга қаради. Бир паст тикилиб, яшил тугмачани босди.

- Қандай бордингиз?
 - Қил кўприкдан ўтгандай...
 - Кетиб қолдингиз, бирдан, тинчликми?
 - Қўрқдим.
 - Қўрқоқ...
 - Айбим бўйнимда...
 - Кутулдим дейсиз-да.
 - Итимга тутилмадим...
 - Қанақа ит яна?
 - Бўшаб-бўшалмаган ит.
- Аёлининг гапи ташқаридан келиб, сухбат узилди.
- Ким билан гаплашяпти, ана ити яна бўшалиб кетди, бойласа-чи.

* * *

У ҳовлига чиқди. Ити уясини олдида боғлангандай турарди.

— Жойида-ку?

Аёл дарвозанинг кираверишини супуар экан, жавоб қилди:

— Ҳозир мени кўриб уясига қайтди-да.

У итининг ёнига борди. Ит эгасининг оёқларига эркаланиб бошини қўйди.

Итнинг бўйинбоги занжирдан чиққан экан. У занжирни бўйинбоққа илмоқчи бўлиб тўхтади. Қаршисида аллақачон ўлиб кетган Олапар ётганини кўрди. У ҳайрат билан аёли томон ўтирилди. Айб устида қўлга тушган боладай довдиради. Аёли қўқимларни олар экан, қайрилмай гапирди:

— Богласа бояласин-да, ўтирадими?..

У бу гапдан хушёр тортди. Ит томон бурилди. Не кўз билан кўрсинки, Олапар йўқ, малла Сиртлон кўзлари йилтираганча унинг оёқларига тумшуқ тираб тикилади.

У Сиртлоннинг бўйнига занжирни илди.

Сиртлон занжирни шилдиратиб нари кетди.

* * *

Ошхонадан қизининг овози эшитилди:

— Дада, оғиз очиш вақти келди...





Умр елдек ўтиш дормонда

Мирза ҚАЙНАРОВ

БОБУР ФАЗАЛИГА МУХАММАС

Кел, эй дилбар, макон айла менинг кўнглим сенга маъман,
Ва, лек, мен Мажнуни кавдан, сен эрсанг маҳлиқо, якфан,
Энгинг ол, кирпигинг ўқ, тишларинг дур, соchlаринг тавсан,
Қаду хаттинг била кўзу юзунг, эй сарви сиймитан,
Бири сарву бири райҳон, бири наргис, бири гулшан.

Жаҳон аҳли ҳавас қилган камолингдин эрур ҳар дам,
Ки, янги икки ой икки ҳилолингдин эрур ҳар дам,
Гаҳи ширин, гаҳи нозик саволингдин эрур ҳар дам,
Ҳадису, лаълу, рафтору жамолингдин эрур ҳар дам,
Тилим гўё, сўзим рангин, кўнгил хуррам, кўзум равшан.

Тузалмас ишқ дарди, дейдилар, ҳеч бир даво бирла,
Висолни рад этибдур ёр менингдек мубтало бирла,
Не тонгким, ҳамнишин ўлмас ғаний аҳли гадо бирла,
Мени мадҳуши мискин, найтай, ул шўхи бало бирла,
Мен асру, бедилу беҳуд, ул асру, пурдилу пурфанд.

Гўзал ёрнинг ибосидин, ул ағёр муддаосидин,
Риё аҳли жазосидин, ганимларнинг сафосидин,
Дарду ишқ ибтиносидин, даҳри дун можаросидин,
Фалак жавру жафосидин, ул ой дарду балосидин,
Чекармен нолау афгон, қилурмен гиряу шеван.

Ҳажр саҳросида кездим малолатда, маломатда,
Висол уммида озор чекармен фасли фурқатда,
Не бағри тошки қолдурди мени мундог мусибатда,
Балои ишқу ёлғузликдағи ҳижрону фурбатда,
Отим Мажнун, кишим меҳнат, ишим зори, ерим гулхан.

Ул ой ром айлади қўнглумни, Мирза, мисли соҳирдек,
Этиб занжирбанд сўнгра ситам кўргуди жобирдек,
Чидармен барчасига тоқатим етгунча собирдек,
Ўқунг бирла хаёлинг, дардингу меҳрингға Бобурдек,
Таним манзил, кўзум маскан, кўкус маъво, қўнгил маҳзан.

МАШРАБ ФАЗАЛИГА МУХАММАС

Аё, дўстлар, мен ошиқман, менга тор бу жаҳон эмди,
Агар ким ошиқ ўлса, билки, барбод хонумон эмди,
Кириб ишқ йўлига, э воҳ, бағир садпора, қон эмди,
Кел, эй дилбар, юзинг очғил, тасаддуқдур бу жон эмди,
Фироқинг ўтига куйдум, куяр бу устухон эмди.

Бу ишқ водийсида ёр васлин излаб кезгамен сарсон,
Жамолига етишмакка умидворман, умид дармон,
Висол борму бу йўлда ё азалдан тоабад ҳижрон,
Нечук, айлай, аё, дўстлар, бўлибман зору саргардон,
Давосиз дардга учрабман, ўларман бегумон эмди.

Мудом ишқ аҳли фоний даҳр аро хоки туроб бўлгон,
Висолга етмаган кўплар умидлари сароб бўлгон,
Ечиб бўлмас муаммолар калити майи ноб бўлгон,
Жаҳонда гар киши кўбтур жудолигдин хароб бўлгон,
Етибдур ҳалкума жоним, менга йўқ меҳрибон эмди.

Сенинг яктолигинг, фардинг кима айтай, кима йиглай,
Ифорин ясмину вардинг кима айтай, кима йиглай,
Тўтиё айлабон гардинг кима айтай, кима йиглай,
Тушубдур кўнглима дардинг кима айтай, кима йиглай,
Лаҳад ичра кетар бўлдум, юроким тўла қон эмди.

Аё, Мирза, дебон бир ёрни охирда туроб ўлдунг,
Етишдингму муродингга ва ё аҳли итоб ўлдунг,
Билиб бўлмас ёмон ўлдунгму ёки обу тоб ўлдунг,
Кел, эй Машраб, жудолигдин нега мунча хароб ўлдунг,
Тегибдур сенга бу меҳнат, кетар яхши-ёмон эмди.

Сирдарё

Марям АҲМЕДОВА

* * *

Оқшом шабадаси, тебранар дараҳт,
Атиргуллар баргларин тўккан.
Чигирткалар овози янграб,
Оқшом борлигини унугтан.

Лойқаранг анҳорнинг шовқинларини
Бақрайма бақалар юборган чайнаб.

Кур-қурлардан озади кўнгил,
Сув оқади депсиниб, ўйнаб.

Шабададан қўнгил яйрайди,
Нени эслаб, нени қўмсагинг келар?
Нимқоронги бостириб кираар қўзларга,
Нигоҳларим шомнинг рангига инар.

Жовдираб боқаман, атрофим мисранг,
Чимчилай бошлайман узилар майса.
Оқшомдан ўзликни, ўзни қидирсан,
У мендан-да баҳил, мендан-да қайсар.

Шопириб-шопириб ўйнайман сувни,
Шалоплаб ўзини отар қурбақа.
Тинглайман сув чалган шивир, гулувни,
Хисларим гўёки тўлқин, пўртана.

Оқшом, сув бўйида қезаман ёлғиз,
Қоронгилик ина бошлар кўзимга...

* * *

Ёмғир бўлиб тўкил қалбимга,
Майли, кўнгил жиққа нам бўлсин.
Тупроқ ҳиди инганд сабримга
Сувратингни тарзи жам бўлсин.

Ёмғир бўлиб ёққин юзимга,
Шаффоф каби чайилсин юзим.
Осмон ранги кўчсин сўзимга,
Юлдузлардай порласин кўзим.

Ёмғир бўлиб юв, гидирларим,
Қалбда губор қолмасин сира.
Тарқ этсинлар мени сирларим,
Дунём бўлсин сенга асира.

Ёмғир бўлиб томчи-томчилар,
Юрагимда ишқ бўлиб оқсин.
Дилга озор берган санчиқлар
Ишқ азоби каби ўт ёқсин.

Ёмғир бўлиб тўкил қалбимга...
Ёмғир бўлиб тўкил...
Ёмғир бўлиб...
Ёмғир...

Китоб

Маъмур АБДУЛЛА

САФАРДА

Умр елдек ўтиб бормоқда,
Бугун сизни соғиндим яна.
Кўзларимдан ёш томчилади,
Мен дийдаси қаттиқнинг она.

Эрта тонгда уйғониб кетсам,
Кўзим экан йиглаб ўтирган.
Хаёлларим сизни эслатиб,
Юрагимга соғинч тўлдириган.

Бўлди етар, сабрим тугади,
Тўлиб бўлди паймонам менинг.
Ҳайҳот, нечун олисда бугун
Бош урарга кошонам менинг?

Бу ерларда қолмайман ортиқ,
Бу ерларда ортар гуноҳим.
Фақат танҳо тилагим шудир –
Онам омон бўлсин, илоҳим!

Кўкси қуёшдан-да илигим,
Кўрмоқликка интизор кўзим.
Мен боряпман йигламанг она
Бағрингизга отгали ўзим.

МЕН СЕНГА ЕТАМАН

Изладим, бўзладим, қистадим,
Барибир, шу йўлдан ўтаман.
Сўзладим, кўзладим, истадим –
Мен сенга етаман!

Дунё кенг, дунё тор, дунё... йўқ,
Айт, менга , дунёни нетаман?
Ҳаммаси ўткинчи... кўнглим тўқ –
Мен сенга етаман!

Юзинг бур, майли тур, майли қоч,
Мен сени умрбод кутаман.
Имон бут. Висолнинг васли оч –
Мен сенга етаман!

Сен оҳу, сен жайрон, сенсан гул,
Мен-чи, мен – оддий бир бутаман.
Армонни унутиб мен буткул –
Кутаман, кутаман, кутаман...
Мен сенга етаман!..

Кўқон

Болтабой БЕКМАТОВ

КҮЗЛАРИНГ

Бир лаҳза сухбатинг баҳтга баробар...

Күзларинг денгиздир. Шўнғисам,
Ишқ ғелан жавоҳир топаман.
Шу боисдан олганда бўса,
Аввал кўзларингдан ўпаман.

Кўзларингда йўл бордир сирли,
Юракка, осмон ва худога.
Бу йўлдан юрмоқ бир ҳузурли,
Менингдек ишқингда фидога.

Бу йўл ҳикмат экан, аслида,
Маънан давлатланиб қайтаман.
Умрнинг хазонрез фаслида
Маънодор қўшиқлар айтаман.

Биламан, бу йўл поёнида –
Қўл етмас, бир ўжар малика.
Турибсан, ошиқлар ёнингда,
Шу боис, кўнглимда таҳлика.

Ўтингим, кўзларинг опқочма,
Ўнгинг ё сўлингга ўгрилиб.
Майли, муҳаббатдан сўз очма,
Яшай кўзларингга термулиб.

БАХТ

Қандай баҳт – аёлга қеракли бўлмоқ,
Аёл учун яшаш – қандай саодат?!
Қандай баҳт – уни деб йигламоқ, кулмоқ,
Уни соғинмоқни қилмоқ касб, одат.

Қандай баҳт – кўзларинг юмган лаҳзада,
Фақат у кўринса. Уни йўймасанг.
Минг йил қучиб туриб, бўлмасанг зада,
Минг йил қучиб туриб, сира тўймасанг.

Қандай баҳт – билсанг-да, қўлинг етмасин,
Барибир, қалбингда олов сўнмаса.
“Унутинг!...” деб қанча нола этмасин,
Умидинг дўнмаса, юрак кўнмаса.

Қандай баҳт – учиблар юрсанг самода,
Муҳаббат – қанотинг бўлса қайрилмас.
Сени сармаст этса ишқ ғелан бода,
Ҳар икки дунёда бўлсанг айрилмас.

Қандай бахт – висоли дардингга даво,
Усиз олам эса кўринса турма.
Ўзингки, бу бахтни кўрибсан раво,
Ўзингки, бу бахтдан мени айрма.

О, МУҲАББАТ

Тошдан меҳр кутиб яшайман,
Кулдан ҳовур кутиб яшайман.
Тошга бошгинамни ураман,
Кулни кўзларимга сурман.
Урган сайин бошим муҳтарам,
Сурган сайин кўзларимда нам.
Тошдан меҳр кутиб яшайман,
Кулдан ҳовур кутиб яшайман.
Кунларим кечмакда шу зайл,
Тунларим кечмакда шу зайл.
Ҳамма ёнда унинг сиймоси,
Юрак, жонда унинг сиймоси.
Согинаман, азобланаман,
Севинаман, газабланаман.
Кунларим кечмакда шу зайл,
Тунларим кечмакда шу зайл.
О, муҳаббат! Қандайин сирсан?
О, ишқ йўли! Шонсан, таҳқирсан!
Сенга дучор бўлдим – зор бўлдим,
Сенга дучор бўлдим – бор бўлдим.
Висолинга етиб бўларми
Ёхуд инкор этиб бўларми?
О, муҳаббат! Қандайин сирсан?
О, ишқ йўли! Шонсан, таҳқирсан!

Урганч

Манзар АБДУЛХАЙРОВ

* * *

Асрий тоғлар қошимда,
Сулув сойлар эланар,
Хумо тожи бошимда,
Руҳим нурга беланар.

Сочим сийпалар еллар
Алқаб аргимчогида,
Мангут яшагим келар
Қирларнинг кучогида.

Қирларнинг завқли васли
Сирли тушга ўхшайди,
Чексиз қирларни, асли,
Руҳим қўмсаб яшайди.

* * *

Ой нурлари қилганда ханда,
Сени кутдим, сўнгсиз узун тун.
Соҳил, дарё мавжига замда,
Хаёлимда сен бўлдинг, Жайхун.

Тун либоси мўъжаз ва шоён,
Мезон, мезбон чорлаган чархда.
Сукунатга маҳқум муҳибсан,
Май сун! Тўлқин авж урган тарзда.

Мехрин сочди ёниқ туйгулар,
Ғаним дўстлар қилганда зарда.
Мавжли дарё руҳим эркалар,
Мубҳам тунда шарпалар қайдада?

Жунжиктирди руҳим, совуқ тун,
Бетакаллуф уйғондим шу дам
Ва, ортмоқлаб ташвишини тун,
Тўшагига айлади ҳамдам.

Тошкент

Сулаймон ШОДИЕВ

ҚАТРАЛАР

Чашмалар бу менинг икки кўзимдир,
Бу нола, бу түғён юрак бўғзимдир.
На йўқдан борману на бордан йўқман,
Ўзим сўзим эрса, сўзим ўзимдир.

* * *

Сурат ва маҳраждир гарчи бу ҳаёт,
Фақат мангу эмас, бунда ҳам бор ҳад:
Тун ва кун сингари ўрин алмашиб –
Туриши шарт эрур маҳраж ва сурат.

* * *

Чин севги қолмагай гул каби сўлиб,
Йўқолиб кетмас у ё кетмас ўлиб.
Бир умр ичингдан оҳ бўлиб чиқар
Ёки томиб тураг кўзёшинг бўлиб.

* * *

Дунё ишларига боқмагин ҳайрон:
“Нега бир сўз дону бошқаси сомон?”
Дон бўлгай ҳамиша доннинг нисбаси,
Сомоннинг нисбаси бўлгайдир сомон.

* * *

Ачитиб айтгандан ранжима, кўнгил,
Айтди яхшиликни согингандан ул.
Беҳуда эмасдир дўстнинг озори,
Тикани бўлса ҳам ёқимлидир гул.

* * *

Умринг – денгиздаги елкансиш кема,
Абадий сузишнинг ҳавасин қилма.
Тақдиринг митти бир тўлқин ҳал этар,
Денгизга сен киму ҳавасинг нима?

Бухоро

Бозор ЭРҚОРОВ

ХАЛҚОНА

Мен таниган бир боғбон
Етмишлардан ошди-ёв,
Боғим обод бўлсин деб,
Кўп югуриб, шошди-ёв.

Бугун унинг вақти чоғ,
Боғмисан боғ яратди,
Гулзорини гуллатиб,
Эътиборни қаратди.

Кеча эккан гулига
Мехр билан боқади,
Не сабаб, унга, билмам,
Шу гул қўпроқ ёқади.

“Гулпари” деб гулига
Қўйган эмиш гўзал ном,
Япроқларин силармиш
“Гулпари”син ҳар оқшом:

“Гулпарим-ей, гулпарим,
Жонга дармон гулпарим,
Сени бир кун кўрмасам
Менга армон гулпарим...”

СИЗНИ КЎНГЛИМ ҚЎМСАР ТУРНАЛАР

Осмонларда парвоз этурсиз,
Бирор сизга учманг, демайди.
Ё ерда юр, ёки сувда суз,
Ўрмонларни қучинг, демайди.

Истасангиз олам бир қадам,
“Қурей-кур”лаб учаверасиз.
Шимол қолиб иссиқ Жанубни
Софинч ила қучаверасиз.

Сиз баҳорни жондан севасиз,
Яйлов, қирлар сиз билан гүзал.
Сизлар кўниб ўтган манзиллар
Чиройланиб, яшнайди ял-ял.

Ривоят бор: Турнадан бири
Шиқастланса ғамли тун эмиш.
Осмон бағри кенг бўлган билан
Турна учун “қора кун” эмиш.

То “бемор”и тузалмагунча
Учмас экан бошқа турналар,
На осмон, на дашт, на тоғларни
Қучмас экан бошқа турналар.

Сизни кўнглим қўмсар турналар
Сизда меҳр булоги бормиш.
Шу сабабдан кечаю кундуз
Бахту иқбол сизларга ёрмиш.

Истар эдим турналар меҳри
Дилларга илдиз отсайди.
Одамлар ҳам дунёда тифоқ
Турналардай яшаб ўтсайди.

Карши





Ўткир ИСЛОМОВ,
Алишер Навоий номидаги
Тил ва адабиёт институти илмий ходими

«БИЛ, ҲАМ АВВАЛ СҮЗУ ҲАМ ОХИР СҮЗ»

Ҳар бир ҳалқнинг тарихида инсониятни баркамолликка етакловчи етук алломалари бўлади. Қанча вақт ўтмасин, барибир, бундай зотларга ҳамиша эҳтиром билан қарапади. Сўз мулкининг сultonи Алишер Навоий ҳам ана шундай эҳтиромга мунособ буюк зотлардандир. Президентимиз Ислом Каримовнинг “Юксак маънавият – енгилмас куч” асарида улуг бобомиз Алишер Навоий тўгрисида шундай эътироф келтирилган: “Ўзбек ҳалқи маънавий дунёсининг шакланишига гоят кучли ва самарали таъсир кўрсатган улуг зотлардан бири – бу Алишер Навоий бобомиздир. Инсон қалбининг қувончу қайгушини, эзгулик ва ҳаёт мазмунини Навоийдек теран ифода этган шоир жаҳон адабиёти тарихида камдан-кам топилади. Она тилига муҳаббат, унинг бекёёс бойлиги ва буюклигини англаш туйғуси ҳам бизнинг онгу шууримиз, юрагимизга, аввало, Навоий асарлари билан кириб келади”. Дарҳақиқат, Навоий асарлари – маъноси чуқур, мазмуни улуг фикрлардан ташкил топган бўлиб, уни уқиб ўқиган ҳар қандай инсон қалбида кўркам фазилатларни ундиради.

Масалан, Алишер Навоийнинг нутқ маданияти ва одоби ҳақидаги фикрлари ни тўғри тушуниш ва талқин қилиш учун унинг, умуман, тил, нутқ, тилга муносабат ҳақидаги қарашларини теран англамоқ лозим бўлади. Чунки инсоннинг маънавий камолотга эришуvida, жамиятнинг маданий-маърифий ривожида она тилининг ўрни фавқулодда муҳимдир. Тил миллий маънавият, маърифат ва маданиятнинг энг холис ва хира тортмас кўзгусидир. Демакки, миллатнинг борлиги ва бирлигининг бош белгиси тилдир.

Алишер Навоийнинг лингвистик қарашлари доираси ниҳоятда кенг бўлиб, улар орасида тил, тилнинг пайдо бўлиши, тил бирликлари, нутқ бирликлари, нутқнинг лисоний сифатлари, айниқса, бадиий тилнинг аҳамияти хусусидаги мuloҳазалари муҳимдир.

Алишер Навоий асарларининг баъзи ўринларида тилнинг ижтимоий аҳамияти ҳақида фикр юритиб, тилнинг пайдо бўлиши борасида мuloҳазалар билдиради. Ижодкор “Лайли ва Мажнун” достонида ёзишича, инсон пайдо бўлган даврларда, у ҳамма нарсани кўрар эди-ю, аммо гапира олмасди, чунки: “Англар сўз эди-ю, мунда йўқ сўз” – дейди. Шу сабабли, аллоҳ, энг аввало, ибтидода “сўз”ни, яъни, тилни яратди ҳамда инсонга уни неъмат тарзида тақдим қилди:

*Бас, аввалги садо сўз ўлғай,
Ҳар савтқа ибтидо сўз ўлғай.*

Алишер Навоий тилнинг пайдо бўлишини ўз даврида кенг тарқалган диний нуқтаи назар, яъни, “оламнинг, ҳамма нарсанинг бошланиши (аввали) ҳамда охири сўз, яъни, тилдир”, дейилган эътиқодга таянади. Ҳазрат “Сабъаи сайёр” достонида ёзди:

*Сўзга, бас, васф будурур мужмал,
Ким, некум аввал, ул анга аввал.
Сўз келиб аввал жаҳон сўнгра,
Не жаҳон, **кавн** ила макон сўнгра.
Ҳар киши даҳр аро ҳаёт топиб,
Сўнгги дам сўз била нажот топиб.
Аввалу охирингга солғил кўз
Бил, ҳам аввал сўзу ҳам охир сўз.*

Кўринадики, Алишер Навоий ҳамма нарсанинг ибтидоси, бошланишига сабаб ҳам сўз (тил) ва барча нарсанинг охири ҳам сўз, деб билади. Демак, сўз жаҳондан, макондан олдин яратилган ва сўз орқали инсон ҳаёт ва нажот топган, дунёнинг охири ҳам сўз билан тугайди. Айтилганлар орасида инсоннинг сўз туфайли ҳаёт ва нажот топгани характеридир, чунки сўз (тил) пайдо бўлгач, кишилар гаплашадиган, фикр алмашадиган бўлди, жаҳон сирларини, бир-бирини тушунадиган бўлди, чунки атрофидаги нарсалар, обьектлар, ҳодисаларга, ҳистойгуларига ном бериш имконияти туғилди, ном эса турли, бир типли нарсаларни фарқлаш, идрок қилиш имкониятини юзага келтирди. Ҳазрат Навоийнинг тилни сўз деб атаётганида ҳам маълум ҳикмат бор. Чунки инсонлар дастлаб қўлланган лисоний бирлик сўздир, номдир. Мана шу сўзлардан фойдаланиб, сўз бирималари, гап тузиш, гап орқали эса нутқ яратиш (сўзлаш) имконияти юзага келган. Шу сабабли, Алишер Навоий киши жисми ва руҳининг ажралмас қисми, ҳосиласи сўз, деб билади.

Тилшуносликда Алишер Навоийнинг тил (сўз)нинг пайдо бўлиши ҳақидаги диний, фалсафий фикрларини турли нуқтаи назарда талқин қилишлар учрайди. Шу маънода, Алишер Навоийнинг тил ва сўзнинг ибтидоси ҳақидаги қарашлари доимо навоийшунос олимларнинг қизгин баҳсларига сабаб бўлиб келмоқда.

ЁШ ТИЛШУНОС ВА АДАБИЁТШУНОСЛАР АНЖУМАНИ

Ўзбекистон Республикаси Фанлар академияси Алишер Навоий номидаги Тил ва адабиёт институтида ёш тадқиқотчиларнинг ўзбек тилшунослиги ва адабиётшунослигини ўрганиши масалаларига бағишиланган анъанавий илмий анжумани бўлиб ўтди. Йигилишини Алишер Навоий номидаги Тил ва адабиёт институти директори, филология фанлари доктори, профессор Низомиддин Маҳмудов кириш сўзи билан очиб, бугунги кунгача тилшунослик ва адабиётшуносликда эришилган ютуқлар, амалга оширилган муҳим ишлар ҳақида сўзлади. Шунингдек, бу борада, келгуси йилларда ўтказилиши режсалаштирилаётган анжуманларга тайёргарликлар, келгуси режсалар нималардан иборат эканлиги тўғрисида фикр юритиб, мазкур вазифани бажарии жараённида ёшлиарнинг доимий ва фаол иштирок этиши зарур эканлигига эътиборни қаратди.

Сўнгра анжуман учта шўъба, яъни, тилшунослик, фользоршунослик ва мумтоз адабиёт тарихи, адабиёт назарияси ва ҳозирги замон ўзбек адабиёти мисолида ўз ишини давом эттиради.

Шўйбаларга академик Бахтиёр Назаров, филология фанлари докторлари, профессорлар Эрнест Бегматов, Тўра Мирзаевлар ўз йўналишлари бўйича раислик қилиб,

Адабиётшунос Ҳасан Кудратуллаев ўзининг “Навоийнинг адабий эстетик олами” номли китобида Алишер Навоийнинг сўз ҳақидаги фикрини таҳлил қиласар экан, шундай ёзади: “Навоий “сўз”ни, бу ўринда тилни, жуда юқори баҳолар экан, аввало сўз (тил) пайдо бўлди, у одамни ҳайвондан фарқлашга боис бўлди, ке-йинчалик кишилик жамияти юзага келди, деб ҳисоблади:

*“Сўз келиб аввалу жаҳон сўнгра,
Не жаҳон, кавн ила макон сўнгра”.*

Ҳасан Кудратуллаев ушбу мисралар моҳиятини изоҳлаб, давом этади: “Бундан ташқари, Навоий фақатгина одамлар орасида умумий муносабат – сўзлашувнинг пайдо бўлишини таъкидламоқчи эмас, балки инсонни инсон даражасига етказган, одамдек улуғвор вужудга айлантирган “сўз”га, тилга эҳтиром, уни ишлатишга эҳтиёткорлик, шу тил туфайли яратилган бадиий асарни қадрлаш каби foялар ҳам мавжудки, бу шак-шубҳасиз давр кишиларини тарбиялаш, уларда адабий – эстетик завқни оширишда маълум рол ўйнаганлиги аниқ”.

Алишер Навоийнинг сўз ва тилнинг пайдо бўлиши ҳақидаги мулоҳазаларига адабиётшунос Муслиҳиддин Муҳиддинов ўзининг “Сўз гуҳарига эрур онча шарап” номли мақоласида тўхталиб, турли олимлар Алишер Навоий билдириган мулоҳазаларни турлича талқин қилишларини айтади.

Алишер Навоийнинг фикрича: “Сўз гавҳарининг шарафи” баландлиги сабаби унинг бутун олам қурдати тарафидан тухфа этилганидадир. У “тўрт садаф гавҳарининг дуржи”, яъни, тўрт унсур бўлган инсон зотининг бош хусусиятини белгилайди. Инсон нутқи билан инсон, нутқуни барча нарсадан афзал этади”. Ушбу мулоҳазалардан маълум бўладики, Алишер Навоий олам пайдо бўлмасдан аввал сўз пайдо бўлган, деган эътиқодга ишонади. Аммо ҳазрат сўз деганда, кўп ўринларда инсонлар орасидаги мулоқот қуроли бўлган тилни – товуш тилини тушунади. Шунинг учун ҳам, унинг “тил” сўзи замиридаги тушунчалар юзасидан айтган фикрларини таҳлил қилиш жуда ҳам муҳимдир.

Шуни таъкидлаш лозимки, Алишер Навоий “тил” сўзи билан баравар арабча лисон, калима, лафз, алфоз, калом; форсча сухан, забонбаст, форсигўй, туркигўй сўзларини ҳам кўплаб ишлатган. Аммо булар орасида энг кўп

изланувчан ёш олимларнинг илмий мулоҳазаларини муҳокама йўсенида бошқариб бордилар. Анжуманнинг якуний йигилишида институтнинг илмий ишлар бўйича директор ўринbosари, филология фанлари номзоди А.Мадвалиев анжуман шитирокчиларини изланиши самаралари билан қутлади. Тилшунослик шўбасидан Ўтқир Исломовнинг “Бил, ҳам аввал сўзу ҳам охир сўз”; фольклоршунослик ва мумтоз адабиёт тарихи шўбасидан Наима Алиқулованинг “Мажзуб Наманганий “Соқийнома”си-нинг ўзига хос хусусиятлари”; адабиёт назарияси ва ҳозирги замон ўзбек адабиёти шўбасидан Зулхумор Мирзаеванинг “Хориж олимлари изланишиларида ижтимоий-бадиий синкремтик таҳлил принциплари” мавзусидаги маъruzаларни “Энг яхши илмий маъруза” деб эълон қилиб, уларни мос равишда биринчи, иккинчи, учинчи ўринлар билан тақдирлади. Шунингдек, ушбу маъruzаларни республикамиздаги нуфузли журналларда чот этишига тавсия этди.

Айнан, ўша маъruzалардан иккитасининг “Шарқ ўлдузи” журналида нашр этилаётгани, ёшларнинг илмий изланишиларига бўлган эътирофнинг белгисидир.

*Сирдарёҳон ЎТАНОВА,
Ёш олимлар кенгашини раиси, филология фанлари номзоди*

қўллангани сўз ва тил лексемалариидир. Шоир “тил” сўзини етти хил маънода қўллайди:

1. Инсонлар ўзаро фикр олишадиган, мулоқот қиласидаган қурол, восита маъносида.

2. Оғзаки айтилган ёки ёзилган нутқ, матн маъносида.

3. Ёзилган асар, асосан, бадиий асар, кўпроқ назм, шеърият маъносида.

4. Ҳайвонлар тили (масалан, қуш тили) маъносида.

5. Нутқий жараён, конкрет жонли тил маъносида.

6. Бирор элат, қабила, халқнинг алоқа қуроли маъносида (туркий тил, форсий тил, араб лисони, улус тили каби).

7. Навоий “тил” сўзини бир ўринда талаффуз, гапириш имконини берувчи инсон вужуди маъносида ҳам ишлатган.

Алишер Навоий инсон тилининг ижтимоий вазифасини тўғри талқин қиласар ва у бу вазифа ҳар элат, халқ ҳаётида турли шаклда, ўзига хос лисоний хусусиятларга амал қиласидаги ҳолда бажаришини таъкидлайди.

Алишер Навоий “тил” ва “сўз”нинг ижтимоий вазифасини тўғри тушунган, яъни, “сўз” халқларнинг ўзаро алоқа воситаси эканлиги хусусида тўхтатиб, ўзининг “Муҳокамат ул-лугатайн” асарида қўйидаги фикрни келтиради: “Ва бу сўзнинг танавви таакулдин нари ва тасаввурдин ташқаридур. Агар муболагасиз ижмол юзидин қалам сурулса ва ихтисор жонибидин рақам урулса, етмиш икки навъ била тақсим топарида худ ҳеч сўз йўқтурки, етмиш икки фирмә каломига далолат қиласигай, аммо улча тафсилайдур. Улдурким, рубъи маскуннинг етти иқлимидин ҳар иқлимда неча кишвар бор ва ҳар кишварида шаҳар ва қасаба ва кент ва ҳар даштда неча хайл-хайл саҳронишин улус ва ҳар тогнинг қўлларида ва ҳар баҳрнинг жазойирида ва савоҳилида не тавоийиф бор. Ҳар жамоат алфози ўзгаларидин ва ҳар гуруҳ иборати ёналаридин мутагайирип ва бир неча хусусият била мутамайиздурки, ўзгаларда йўқтур”.

Асардаги Алишер Навоий келтирган қайдларга назар солинса, айниқса, улар охиридаги мана бу ифода, биз учун ўта характерли эканлиги аён бўлади: “Ҳар жамоат алфози ўзгаларидин ва ҳар гуруҳ иборати ёналаридин мутагайирип ва бир неча хусусият била мутамайиздурки, ўзгаларда йўқтур”.

Ҳайвонларнинг ҳам муайян тиллашув “тили” мавжуд. Алишер Навоий “туюр” тили, сибоз (қуш ва ҳайвонлар тили) ҳақида ҳам ёзди. Аммо уларнинг ҳеч бири инсон тили билан тенглаша олмайди. Чунки инсон тили фикрлаш, тафаккур билан боғлиқдир. Буни Алишер Навоийнинг “Ҳайрат ул-аббор” асарида келтирилган ушбу байтлардан ҳам англаш мумкин:

1. Тилни одам ҳосил қиласди, юзага келтиради:

*Маъданни инсон гуҳари сўз дурур,
Гулшани одам самари сўз дурур.*

2. Тилнинг юзага чиқиши, унинг мазмуни шунчаки, оддий жараён эмас, уни инсон тафаккури, фикрлаши, эҳтиёжи пайдо этади. Тил тафаккур, тушунча эҳтиёжини қондиради:

3. Тил ифода воситаси, унинг ёрдамида тушунчалар ифодаланиб, грамматик қоидалар асосида нутқ тузилади, рўёбга чиқади:

*Буким дебтур, кариҳ онинг жамолин,
Не тил бирла деб эркин бу мақолин?*

Бошқача айтганда, тил тавсифлайди ва таърифлайди:

*Бизингдек юз туман васф этса юз ийл,
Деёлмас васфининг мингдин бирин тил.*

Навоийшунос Иброҳим Ҳаққулов “Занжирбанд шер қошида” китобида ёзишича, Алишер Навоий тилни кўнгул, яъни, тафаккур хазинаси, деб юритади. Мана шу хазинани рўёбга чиқарувчи восита (калит) эса сўздири. “Кўнгул хазинасининг қулфи тил ва у хазина калитини сўз бил”.

Алишер Навоий “кўнгулнинг жавҳари” деб билган сўз, яъни, тил инсон руҳини покиза қиласи ёки, аксинча, уни ҳароб қиласи:

*Сўздин ўлукнинг танида руҳи пок,
Руҳ доди тан аро сўздин ҳалок.*

Алишер Навоий асарларида “тил” сўзи турли иборалар, бирликлар таркибида келиб, хилма-хил маъноларни ифодалайди. Чунончи: тил ранжи, тил оғриги, туркий тил, туркигўй, туркча, турк лафзи, тил ҳифзи, тил забти, турктоз этмоқ, турк назми, улус тили, эл тили, турк бедоди, ўз тили (Фирдавсий тили, яъни, форс тили ҳақида). Алишер Навоий турк, туркча, туркона деганда ҳам тилни, туркий тил (ўзбек тили)ни таъриф қиласи.

Юқоридаги мулоҳазалардан кўринадики, Алишер Навоий тилнинг моҳияти, вазифаси мулоқот қуроли эканини жуда тўғри ва теран англаган. Шунинг учун ҳам аллома аждодларимиз тилни ана шу мўътабар тушунчаларни инсон шуурига муҳрламоқнинг энг таъсирчан воситаси деб билганлар. Бу воситадан унумли ва ўринли фойдаланмоқ учун, аввало, инсонда тил туйгуси тарбияси тугал бўлиши, яъни, она тилининг моҳиятини фақат ақл билангина эмас, балки ички ҳиссий сезги билан ҳам идрок этиш устуворланиши лозим.

Хуллас, Алишер Навоийга хос олмос янглиғ серқирра ижодий услуг унинг тилга ва сўзга берган таърифу тавсифларида яна ҳам ойдинроқ намоён бўлади. Ана шу жиҳати билан навоиёна ифодали услуг ҳали кўп асрлар дунё маърифатпарварлик айвонида биз учун беназир неъмат сифатида чўнг мерос янглиғ бор бўйини кўрсатиб тураверади.



Наима АЛИҚУЛОВА,

Алишер Навоий номидаги

Тил ва адабиёт институти тадқиқотчиси

МАЖЗУБ НАМАНГОНИЙ «СОҚИЙНОМА» СИНИНГ ЎЗИГА ХОС ХУСУСИЯТЛАРИ

Соқийнома Шарқ мумтоз шеъриятининг лирик жанрларидан бири бўлиб, у фалсафий, ахлоқий ва ижтимоий мавзуларни ёритувчи, шоирнинг маънавий-руҳоний олами, эстетик қарапашларини ифодаловчи ҳажман йирик шеър сифатида таърифланади. Соқий ва май мазкур жанрнинг анъанавий тимсоллари бўлиб, соқийга мурожаат орқали шоир ҳаёт ва инсон умри моҳияти, илоҳий ишқ завқи, абадият ва фонийлик изтиробла-ри, ижтимоий адолатсизликлар, ўз ҳаётининг аччиқ сабоқларидан сўз очади. Ўзбек мумтоз шеъриятида Хоразмий, Алишер Навоий, Аваз Ўтар, Очилдимурод Мирий каби шоирлар соқийноманинг гўзал намуналарини яратишган.

XIX аср адабий муҳитининг таниқли вакилларидан бири, шоир Мажзуб Намангоний ижодида ҳам соқийноманинг маърифий-ирфоний мавзудаги алоҳида намунаси учрайди. Мажзуб Намангонийнинг “Соқийнома”-си ўзбек мумтоз шеъриятидаги бошқа намуналардан тили, услуби ва оҳангни билан ажralиб туради. Асарнинг энг характерли хусусиятларидан бири мажзубийлар аталмиш ирфоний давраларда маҳсус оҳанг билан кўйланганлигидир. Намангонлик мажзубхонлар етакчиси Абдулбоқи Муҳаммад Сиддиқ ўглининг айтишича, шоир “Соқийнома”си ҳозир ҳам мажзубхонлар даврасида зикрнинг чорзарб мақомида кўйланади. Маснавийхон ва мажзубхон домла Ҳафизхон Муҳаммадиевнинг таъкидлашича, нафақат Намангон, балки Кўқон ва Андижонда ҳам шоир “Соқийнома”си маҳсус оҳангларда кўйланиб, талқин қилинади. Мажзуб Намангоний нақшбандия шайхи бўлса-да, ишқия, қодирия ва яссавия каби тариқатларни ҳам юргизишига маънавий ҳақдор бўлган. Шу боис, у жаҳрий зикр халқасини ташкил қилганда йигилганлар Жалолиддин Румий, Аҳмад Яссавий, Сўфи Оллоёр, Машраб каби шоирларнинг байт ва ҳикматларини маҳсус мақомларда кўйлаб маънавий файз олишган. Кейинчалик, мажзубхонлар зикр талқинларидан шоирнинг шеърлари ҳам жой олган ва муридларни завқлантиришга хизмат қилган.

Мажзуб Намангоний “Соқийнома”си шакл ва ҳажм жиҳатдан 19 банд, 334 мисрадан иборат тугал бир асардир. Таржильбанд шаклида қофияланган мазкур “Соқийнома” арузнинг мутақориби мусаммани мақсур (фаулун фаулун фаулун фаул) вазнида ёзилган. Бандлар турли мақдордаги мисра-

лардан ташкил топган: 15 банди 9 байтдан, 3 банди 8 байтдан, 1 банди эса 6 байтдан иборат. Адабиёт назариясига оид китобларда соқийномадаги ҳар бир банд охирида дастлабки банд охирида маснавий усулида қофияланган икки мисра нақоратдек қайтарилади деб ёзилган. Аммо Мажзуб Намангоний “Соқийнома”сида нақорат сифатида келадиган байтлар икки хил. Биринчи банддан ўнинчи бандгача:

*Қаботи итингеда ичай мунди қуй,
Ўшал шаҳд чайқоқидин юнди қуй, —*

байти такрорланса, 11- банддан 19 - бандгача:

*Ўшал шарбат учун гадолик қилай,
Муғ эшигиде бенаволиқ қилай, —*

байти нақорат сифатида келади. Демак, Мажзуб Намангоний асарга мазмунан ўзига хосликдан ташқари шаклий жиҳатдан ҳам ўзгаришлар киритишга муваффақ бўлган.

Мажзуб Намангоний “Соқийнома”си ҳажман салмоқли бўлиб, унда Алишер Навоий соқийномаларининг таъсири сезилиб туради. Хусусан, арабий-форсий сўзларнинг кўплиги, тасаввуфий истилоҳларга бойлиги бу асарни улуғ шоир соқийномаларига яқинлаштиради. Аммо ифода тарзи, гоявий йўналиш ва оҳангда сезиларли фарқлар кўзга яққол ташланади. Алишер Навоийнинг ”Фавойид ул-кибар“ девонидаги 32 банд, 918 мисрадан иборат соқийномаси маснавий усулида қофияланган бўлиб, унда май қудрати тавсифи ва майга ташналик оҳангларидан ташқари тарихий-автобиографик хусусият ва шоирнинг лирик чекинишлари етакчилик қиласи. Шоир соқийга мурожаат қиласи экан, давр бедодлиги, одамлар вафосизлигидан шикоят қиласи, шоҳ Бойқарони мадҳ этиб, уни адолатли иш юритишга чақиради ҳамда дўст ва устозлари бўлган Сайид Ҳасан Ардашер, Паҳлавон Мұхаммад, Абдураҳмон Жомийларни ҳамроҳ ва ҳаммаслак сифатида эсга олади.

Мажзуб Намангоний “Соқийнома”сида эса, Алишер Навоийдан фарқли ўлароқ, ижтимоий оҳанглар мутлақо сезилмайди: асар соғифирфоний рух, илоҳий ишқ оҳанглари билан суғорилган. Унда маломатийлик гоялари ва дидактикага кўп эътибор қаратилган.

“Соқийнома”да соқий ва май қудрати, фонийлик ва боқийлик, ақл ва кўнгил, илоҳий ишққа ташналик оҳанглари бўлса-да, баъзи бандлар борники, унда шоир ўзини ўткинчи ҳою ҳаваслар қудуғида қолганман дея маломат қиласи, нафсига қул эканлигидан ёзғиради, ўзини “мардон”лар оёғи остидаги тупроққа тенг кўради:

*Димиқдим қудуқи ҳавас тубида,
Қунун дайр боғидин эссун насим.*

Яна бир байтида соқийга мурожаат қиласи экан, кўнгил илоҳдан ўзга нарсалар меҳри билан бандлигидан шикоят қиласи, май берки, дилимиз дардини даволайлик, токи қалбимизда илоҳ ишқидан бўлак туйгуларга жой қолмасин, дейди:

*Кўнгил гайр меҳри била дардлик,
У соғар юқидин даво айлалук.*

Агар туркий адабиётда маломатия оҳангларининг пайдо бўлишини яссавия тариқати билан боғлиқ эканини инобатга олсак, Мажзуб Намангонийнинг Аҳмад Яссавийга нафақат тариқат жиҳатидан, балки бадиий ва тасаввуфий маънода ҳам издошлиқ қилганини англаймиз.

Умуман, “Соқийнома”га, одатда, инсон ва дунёning ўткинчилиги, май тимсолидаги илоҳий ишқининг икки дунё саодатига кафил эканлиги билан боғлиқ фалсафий, ишқий мавзуларни қамраб оладиган жанр деб қаралади. Ҳофиз Шерозий, Хоразмий, Алишер Навоий ва Аваз Ўтар каби шоирлар соқийномаларида айни хусусиятлар мавжуд. Аммо Мажзуб Намангоний “Соқийнома”сида юқорида таъкидланган фалсафий, ишқий мавзулардан ташқари, дидактик оҳанг етакчилик қиласди. Айниқса, асарнинг 8- ва 9-бандлари асосан муридларга айтиладиган панд-насиҳатлардан иборат. Футувват ўёлидан чекиниб, кўнгли “ғайр меҳри” билан банд бўлган толибларига насиҳат қиласди:

*Тазаррулар айлаб ани ёд этиб,
Тила васлини ниятингни туза.
На иши айласанг эт ризоси учун,
Тилаб ғайрни кетмағайсан ўза.*

Байтлардаги “туза”, “ўза” сўзларининг тўлиқ шакли “тузатмоқ”, “ўзмоқ” бўлиб, қофия талаби нуқтаи назаридан шу қисқа шаклга кирганилиги кузатилади. “Туза” сўзи мисрада икки маънода қўлланган: ҳам “тузатмоқ”, ҳам “тўғри ният қилиш” маъносида. Айни фикрни “ўза” сўзига нисбатан ҳам қўллаш мумкин, яъни, “ўзингдан кетма” ва “аллоҳ ризосидан бошқани тилаб ўзиб кетмайсан”, деган маънони ҳам тушуниш мумкин. Бундан шоирнинг байтларда ийҳом санъатини моҳирона юзага келтирганлиги маълум бўлади.

Ёки яна бир мисол:

*Мурувват элини ўйлин тозла,
Футувват русумини андозла.
Кўнгил мурғини қўйма усфурсифат,
Қилиб тарбият они шаҳбозла.*

Мурувват ва футувват тушунчалари ҳам кўплаб ислом тариқатларидағи асосий ахлоқий тамойиллардан ҳисобланади. Улар тасаввуф одобларидан саналиб, “хосу ом”га баравар хизмат қилиш, ўзи емай бошқага едириш, шу орқали ўзидағи “мен”ни – нафс ва кибрни ўлдириш, саҳоват ва хизматни миннат этмаслик, илоҳдан бошқа ҳеч зотдан эҳтиёж тиламаслик каби маъноларни ўз ичига олади. Зоро, мурувват элининг ўйлини тутиб, футувват расмларини ҳаётига андоза қилган соҳиби ҳолгагина қурбият насиб этади.

Соқийнома ўзига хос поэтик қонуниятга эга жанрdir. Хусусан, унда соқий, май, дайр пири, қадаҳ каби тасаввуфий анъанавий образлар силсиласи мавжуд. Бу рамзлар ўз навбатида катта бадиий юқ ташийди. Жумладан, Мажзуб Намангоний “Соқийнома”сида ҳам муг (мугбача), хароботий, мутриб, согар, савмаа, қаландар, шаҳд, порсо, ит, зоҳид, базмгоҳ, вафо аҳли каби рамзлар муаллифнинг бадиий-эстетик қарашларини ифодалашга хизмат қиласди.

Яна бир жиҳат. Мажуб Намангоний “Соқийнома”сида талмех санъатидан ҳам унумли фойдаланади. Шарқ тасаввуфий илмининг буюк намо-

яндалари, илми ҳол соҳиблари — пирлар, шайх ва шоирлар, илоҳ ошиқлари, афсонавий ва тарихий подшоҳлар, машҳур севги қиссалари қаҳрамонлари, пайғамбарлар номлари талмех санъатини юзага чиқаришда во-сита вазифасини ўтаган. Шоир “Соқийнома”сининг 13-банди бошдан-охиригача талмех санъати асосига қурилганлигини таъкидлаш жоиз. Унда Мұхаммад(сав), Фаридиддин Аттор, Шиблий, Фарҳод, Мажнун, Вомик, Нўъмон, Имом Ханбал, Шофий, Маҳдий каби адабий, илоҳий ва тарихий қаҳрамонлар номи тилга олинади. Мажзуб Наманганий ушбу санъат орқали бошқа шоирлар каби ўз қарашларини таъсирчан ва лўнда ифода-лашга муваффақ бўлган.

Талмехдан ташқари тамсил, тазод, ташбеҳ, истиора, ийҳом, мубоблаға, такрир каби санъатлар ҳам асар бадиий салмоғини оширишга хизмат қилган. Мисол учун:

*Вафо тухмин ундор уиги суйидин,
Чу дехқон кўкартур сувдин харбузга, –*

байтида шоир тамсил санъатининг гўзал намунасини яратган. У то-либларга дехқон сувдан ризқ-рўзи бўлган қовун (харбуз) ундирганидек, сен ҳам муҳаббат ва тавба кўзёшларидан қалбингдаги вафо (бу ерда аллоҳга нисбатан вафо назарда тутиляпти — Н.А.) уругини ўстиргин, дейди. Хавфу ражо орасида турган инсоннинг кўзёши томчилари оқибатда, илоҳий файзга қоришган ҳосил беришига ишора қилингани.

Ёки:

*Тараб айла, эй мутриби хушнаво,
Ки жон нақдини назр айлай санго.
Тараб айла, йиглаб чекай оҳлар,
Кўнгил гулшани тобсун оби ҳаво, –*

мисраларида такрир ва ҳусни таълил санъатлари бирлиги ажойиб оҳангдорлик ва бадиий жозибани юзага келтирган. Бунда “тараб айла” жумласи тақори ва “мутрибнинг хуш навосидан кўнгил гулшанининг оби ҳаво топиши” тушунчаси мазкур санъатларни юзага келтирган.

Мажзуб Наманганий “Соқийнома”сига ҳос ҳусусиятлардан яна бири шуки, унда муаллиф руҳиятидаги жазба ҳолати юқори даражада акс этиб туради. Жазба тасаввуфшунослик манбаларида: “Ҳақнинг қулини ўзи томонга тортиши, илоҳий тажаллиларга сайри сулуксиз етишишдир”, деб изоҳланади. Яна таъкидланишича, жазба соҳиблари мажзуб деб аталиб, бу неъмат аллоҳ томонидан танланганларгагина берилади. Ошиқнинг дунёвий майлар қуршовидаги мудроқ қалби илоҳий шароб туфайли уйғонади, гафлат зинданидан қутулади, тинимсиз зикр ва ибодатда риёзат чекади, илоҳдан бошқа барча воқеликни унутиб, самандар каби ўзи ёқсан ишқ оловида қовурилишни афзал қўради, энди унга дунёлар чегараси аҳамиятсиз, ўзини ҳақ билан руҳан бирга деб ҳис қиласи. Мажзуб Наманганий ўзининг:

*Насиб ўлса юҳийлизом шарбати,
Ичиб чўмулойин ки батвор ўлай.
Туташай самандар каби ўртагин,
Қачонгача ташқорида хор ўлай.*

Ёки:

*Сўргимни сўрманг хирад мулкидин,
Ки дил водисининг саробидуман, —*

каби сатрларида қудратли ишқ талабгори, танланганлар сафида бўлиш иштиёқида ёнаётган солик сифатида майдонга чиқади. Байтларда ошиқлик ва гофиллик, хирад (ақл) ва жазба каби тушунчалар бир-бирига қарама-қарши қўйилиб, мажзуб ошиқнинг руҳий ҳолати қуюқ рангларда берилади.

Мажзуб Намангоний ўз “Соқийнома”сида баъзан, фақат маънога эътибор қаратиб, оч қофиялар кўллайди, баъзи ўринларда сакталикларга ва такрорларга йўл қўяди. Бироқ, бу нуқсонлар ифодаланган теран маънолар ва бетакрор бадиий манзаралар соясида қолиб кетгандек туолади.

Шундай қилиб, юқоридаги мулоҳазаларни умумлаштирган ҳолда, Мажзуб Намангоний “Соқийнома”сида хос қўйидаги хусусиятларни сана什 мумкин: биринчидан, мазкур асарда бошқа шоирлар соқийномаларидан фарқли равища дидактик оҳанг етакчилик қиласди. Бу муаллифнинг тасаввуфий маслаги билан бевосита боғлиқ. Иккинчи хусусияти, асарнинг маҳсус мақом асосида, ирфоний давраларда ҳозиргача қўйланиб келинётганидир. Бу ҳолат ўзбек мумтоз шеъриятидаги бошқа соқийномаларда кузатилмайди. Учинчидан, шоир “Соқийнома”сида сермушоҳада ёки йиглоқи ошиқдан кўра “бир “хув” билан жондан кечгудек” жазба соҳибининг овози кучлироқ эштилади. Тўртингчидан, Мажзуб Намангоний асарида Ҳофиз Шерозий, Алишер Навоий, Аваз Ўтар соқийномаларидағи каби ҳасби ҳол, ижтимоий ҳаётдан ва бевафо инсонлардан норозилик оҳанглари бўртиб кўринмайди. Асар соф маърифий-ирфоний характерга эгалиги билан ажralиб туради. Унинг аҳамиятта моликлиги ҳам шунда.





Рашид ЗОҲИДОВ,
филология фанлари номзоди

ТАРБИЯ ВА ГЎЗАЛЛИК ИЛМИ

Фундаментал тадқиқот ўз характерига кўра муайян соҳа доирасида чегарала-
нади. Масалан, адабий манба тадқиқоти адабиёт тизимидағи қонуниятлар асосида
илмий таҳтидан ўтказилади. Тарихдан маълумки, филологияга бевосита алоқаси
бўлмаган манбаларда ҳам баъзан адабий воситалардан, хусусан, шеър жанридан
кенг фойдаланилган. Алжабр, табобат, ақида, фикр илмига оид айrim манба
матнларининг назмий шаклда мавжудлиги фикримизга далиллар. Шу ўринда,
бундай манбалар фундаментал ўрганилар экан, қайси соҳа замирида текширили-
ши керак, деган савол туғилади. Мисол учун, Сўфи Оллоёрнинг ақоид илми
мавзуидаги “Саботу-л-ожизин” манзумасини адабий манба дейиш керакми ёки
акида китобими?

Бу хил манбаларнинг қайси соҳага тегишлилигидаги доминантни, аввало,
тадқиқотчининг назари, қолаверса, тадқиқот натижаси белгилайди. Дейлик, “Са-
боту-л-ожизин” асари ақоид илмидаги мўътабар манбаларга қиёсан ўрганилса ва
ўзаро мувофиқлик даражаси аниқланса, мазкур манбанинг нечогли ақида китоби
экани аён бўлади. Агар тадқиқотчи бу ўринда ақида масалаларига эмас, балки
мавзу назмда ифодалангани учун ўз назарини шоирнинг адабий маҳоратига қаратса
ва шу йўл билан асарнинг бадиий савиясини ёритиб берса, манбанинг адабиётга
қай даражада дахлдорлиги билинади. Бундан келиб чиқадики, “Саботу-л-ожизин”-
га ўшаган асарларни ҳам адабий, ҳам илмий манба сифатида ўрганиш мумкин ва
бундай манбаларни қатъий ё у, ё бу соҳа доирасидагина тадқиқот обьекти сифа-
тида чегаралаб қўйиш тўғри эмас. Бу фикрни Навоийнинг “Сирожу-л-муслимин”
ва Бобурнинг “Мубаййин” асарларига, Вафоийнинг “Равнақу-л-ислом” достони-
га, Мир Ҳайдархон ибн Суннатуллоҳнинг “Ақидай назмий” ва Абдураҳмон Ни-
зорийнинг “Даҳру-н-нажот” манзумаларига нисбатан ҳам айтиш мумкин.

Бундай асарларга адабий манба сифатида кўп ҳам эътибор берилмаслигининг
яна бир сабаби, *адабиёт* сўзи англатган маъноларни турлича тушуниш билан
боғлиқ.

“Адабиёт” атамаси соҳага оид лугат ва манбаларда *адаб* сўзидан олингани
айтилади. Журжонийнинг “Ат-таърифот” китобида қайд этилишича, адаб – нутқ-
ни хоҳ оғзаки, хоҳ ёзма ифодалаш жараёнида турли хатолардан сақланишни ўрга-
тадиган илм. Саолибийнинг “Фикҳу-л-лугат” асарида адабни руҳнинг озиги де-
йилса, бошқа манбаларда бу сўз ҳар бир ишда меъёрни сақлаш, тарбияни зарофат
ва нозиклик билан олиб бориш, гўзал муомалада бўлиш каби маънолар билан

изоҳланади. Мазкур маъноларни умумлаштириб, тарбия адабиётнинг мазмунига, гўзалик шаклига хос хусусият дейилса, истилоҳ сифатида “адабиёт” сўзи янада аниқлашиб, бир қадар уйгунлашади, шакл ва мазмун бир-бирини тақозо қиливчи ажралмас бутунилик, деган қоида амалда қарор топади. Шундай экан, *адабиёт* деганда фақатина гўзалик маъносини тушуниш ҳам, адабиётни, қатъян, тарбиядан бошқа нарса эмас деб билиш ҳам этни суяқдан ажратиш билан баробар.

Адабиётшунос Баҳодир Саримсоқов “Бадиийлик асослари ва мезонлари” номли китобида: “Ҳаётий мазмунни ким айтгани, қандай айтгани муҳим эмас, балки ана шу мазмуннинг қандайлиги, моҳияти муҳим. Бу – бадиий шаклни шунчаки аҳамиятсиз ёки иккинчи даражали нарса сифатида баҳолаш дегани эмас. Бу – адабий таҳлилда гапни мазмундан бошлаб, мазмуннинг қандай шаклда ифодалангани ёки тасвирланганига қаратиш лозим деганидир”, – дейди. Фитратнинг “Адабиёт қоидалари” асарида адабиётта шундай таъриф берилган: “...адабиёт – фикр, туйгуларимиздаги тўлқунларни сўзлар, гаплар ёрдами билан тасвир қилиб, бошқаларда ҳам худди шу тўлқунларни яратмоқдир”.

Демак, бу таърифлардан келиб чиқиб айтиш мумкинки, мазмунсиз асар, яъни, бадиий мантиқ ҳаётий мантиқ мезонлари доирасидан чиқсан, сабаб-оқибат муносабати бузилган матн қанчалик чиройли, гўзал санъатлар воситасида ифодаланган бўлмасин, таъсирчанлигини йўқотади. Ўқувчидан таъсир уйғотолмаган матн эса, шунчаки сўзлар йигиндиси, адабиётга дахлсиз қуруқ гаплардир.

Асар мазмунан чуқур, аммо ифода юпунроқ бўлса-чи? Бундай матн намуналарининг адабиётта дахлдорлиги қандай? Фитрат юқорида зикр этилган асарида бу ҳодисага қўйидагича муносабат билдиради: “Бизда эски мадрасадан қолган янглиш фикр бор. Вазн, қофияси бўлган ҳар бир сўз тўдасига “шеър” деймиз. Чунки бурунги форс-араб адабиётчилари шеърни “қофияси, вазни бўлган гапдир”, деб таъриф қиласар эдилар. Вазн ва қофияси бўлган ҳар бир сўзни шеър деганимизда Сўфи Оллоёрнинг:

*Ёзилди форсий тил бирла мактуб,
Ақидоту фурубы қурби маҳбуб.*

*Ониким кўрдилар туркий ёронлар,
Дедилар гар дуо қилса эранлар.*

Битилса туркий тил бирла ақида,
Кўнгуллар бўлса ондин орамида. – деб ёзгон тизмаларига ҳам “шеър” дейиш керак бўладир, ҳолбуки, бу шеър эмас, бир назм парчасидир...

Адабиётшунос Узоқ Жўракулов Фитратнинг бу қарашига шундай аниқлик киритади: “Умуман, Фитратнинг бундай фикрлари, яъни, ахлоқий-дидактик асарларни, ҳикматларни шеър деб қарамаслиги бошқа тадқиқотларда ҳам учрайди. Бундай қарашларда асос бор. Шарқда аниқ фанлар билан машғул бўлган олимлар ҳам ўз назарияларини шеърга солиб баён қилганларини биламиз. Шу нуқтаи назардан Фитратнинг юқоридаги қарашлари ўринли деяпмиз. Бугунги кунда Аҳмад Яссавий, Сулеймон Боқирғоний, Сўфи Оллоёр, Азимхожа ҳикматларини, Навоий арбаинларини ва замонавий шоирларимиз ижодида учраётган диний мавзудаги асарларни санъат асари деб қабул қилиш керакми ёки бошқачароқ йўлдан борган маъқулроқми?”

Савол жуда ўринли, ҳақиқатан ҳам масала жиддий ўрганишни талаб қиласади. Модомики, шеър ҳақида гап кетаётган экан, аввало, бу гўзал санъат турининг қадими манбалардаги таърифини бир назардан ўтказсак.

IX аср охири – X асрнинг биринчи ярмида яшаган, Бағдоднинг фасоҳат ва балогат илми билимдонларидан Қудома ибн Жаъфар ўзининг “Нақду-ш-шеър” асарида келтиришича, шеърнинг энг балиғ ва мўъжаз таърифи шундай: “Шеър – вазнга солинган, қофияланган, маънога далолат қиласадиган қавл”. Манбада изоҳ-

ланишича, таърифдаги қавл сўзи шеър тушунчасини англатувчи гапга ишора. *Вазнга солинган дейилиши билан вазнга солинмаган сўзлар ҳам борлиги англашилди. Қоғияланган, маънога далолат қиласиган дейилиши билан эса, ўз-ўзидан қоғиясиз, маъносиз гаплар орадан кўтарилади, яъни, “шеър” ва “шеър эмас” деган тушунчалар ўртасига қаттий чегара қўйилади.* Сўнгра изоҳ шундай давом этади: “Шеър санъатdir. Ҳар қандай санъатда ижод маҳсулиниңг моҳирлик ва комиллик билан адо этилиши мақсад қилинади. Аммо бунга ҳамма ҳам эришолмайди. Сабаби, доимо ижронинг икки тарафи – юксак чегараси ва паст чегараси мавжуд”.

Шунингдек, Ибн Муқаффаънинг “Адабу-л-кабир ва адабу-с-сағир”, Абдул-қодир Багдодийнинг “Хизанату-л-адаб”, Ибн Синон Ҳафожийнинг “Сирру-л-фасоҳат”, Усома ибн Мунқизнинг “Ал-бадиъ фи нақди-ш-шеър” каби асарларида ҳам шу ва шунга ўхшаш таърифлар берилган (Фитрат “Шеър ва шоирлиқ” мақоласида бу классик таърифга принципиал ўзгартириш киритиб, қоғия ва вазннинг шеър ҳақиқатига ҳал қилувчи таъсири йўқлигини, шеър юракда ҳосил бўлган туйғуларни санъаткорона сўзлар билан бошқаларнинг юрагига ўткаришдир, дейди ва шу таърифга биноан шеърни мансум ва мансур турларга ажратади).

Демак, мазкур таърифларга кўра, қоғия, вазн, маъно мувофиқ тизимда жамланса, шеър тугилади. Савия бу ўринда шарт қилинмаган. Шундай экан, бади-иятидан қатти назар, ҳар қандай “назм парчаси” шеърдир. Гарчи, қоғиябозлиқ, оҳангбозлиқ, сохталик каби иллатлардан холи бўлмаса-да, зикр этилган талабларга жавоб берадиган ҳар қандай шеър тадқиқот учун обьект бўла олади. Шунинг учун ҳам ҳеч ким “бу шеърнинг бадиий савияси паст, уни ўрганиш тақиқланади”, демайди. Акс ҳолда, адабий танқидга эҳтиёж йўқолган бўлар эди. Қолаверса, бадиий-эстетик дид, потенцијал тайёргарлик ҳар кимда ҳар хил экан, шеърни қабул қилиш даражасида фарқ бўлиши, табиий.

Демак, инсоний ижод маҳсулига нисбатан мутлақ яхши ёки мутлақ ёмон, деган мезонда ёндашиб бўлмайди. Шунинг учун ҳам мутахассислар муайян адабий ҳодисани баҳолар экан, ўз фикрларининг зиддига ўрин қолдирадилар. Мисол учун Узоқ Жўрақуловнинг юқорида келтирилган фикрида шундай ҳолни кузатиш мумкин. Адабиётшунос бежизга ўз таклифини савол орқали изҳор қилмаган. Бу таклифда таъкиддан кўра, масалани очиқ қолдириш ва шу йўл билан уни жиддий ўрганишга ундаш руҳи устувор. Имкониятдан фойдаланиб, мазкур масала хусусида баъзи маълумотлар билан фикрлашсак.

Фитратнинг ахлоқий-дидактик асарларни, ҳикматларни шеър деб ҳисобла-маслигининг субъектив ва обьектив сабаблари бор. Замонавий адабиётни мумтоз адабий анъаналарга қарши қўйиш тенденцияси ўтган асрнинг талатўп замонларида шаклланди. Фитрат замонасининг *илғор* фарзанди сифатида давр руҳини сезди ва ихтиёрини маълум даражада ҳукмрон мағкурага топширди. Янада тўғрироги, бу таназзулнинг аввали сал илгарироқдан, дунёқараш бузилган, эътиқоднинг кенг ва равон йўллари қолиб, тор ва боши берк “миллийчилик” кўчаларига кириб кетилган онлардан бошланган эди.

Шу ўринда, яна бир жиҳатга назар қаратсак.

Пайгамбарлар тарихи ва валий, улуг зотларнинг ибратли ҳаётидан ҳикоя қилувчи **номалар**: “Мақталнома”, “Меърожнома”, “Жуҳуднома”, “Етимнома”, “Фариднома”, “Искандарнома” “Ахтамнома”; **қиссалар**: “Қиссан Юсуф”, “Қиссан Исмоил”, “Қиссан Марям”, “Қиссан Иброҳим Адҳам”, “Қиссан Ёсин”, “Қиссан Увайс Қараний”, “Қиссан Муҳаммад Ҳанафий”; **ҳикоятлар**: “Иброҳим Зуфунун ҳикояти”, “Биби Фотима ҳикояти”, “Ғавсу-л-аъзам ҳикояти”, **достонлар** “Мавлуду-н-набий”, “Ҳидояту-н-набий” “Роҳати дил”, “Юсуф ва Зулайҳо” композицион жиҳатдан содда, тасвир тимсолларидан холи ва бир қатламли, тили гарип ва баён услугига қурилганлиги ҳам Фитратни бундай асарлар хусусида кескинроқ фикр айтишга ундаган бўлиши мумкин.

Маълумки, даҳрий тузумнинг илк паллалариданоқ, ақида сифатида шаклланган қараш, яъни, адабиётни бир-бирига тескари икки кутбга – дунёвий ва

диний адабиётта ажратиш гояси ҳукмрон эди. Аслида, ўтмиш адабий меросимизда, у – тарихий достон сирасидаги нома, қисса, ҳикоятлар бўладими ёки Хоразмий, Атоий, Саккокий, Лутфий, Навоий, Фузулийларнинг газал, рубоий, маснавий, қитъя каби жанрларда битилган асарлари бўладими, ҳар иккаласида ҳам асос – гоявий пойдевор битта – соглом эътиқод тарғиби. Адабиётимиз тарихида номлари маълум ва номаълум ижодкорларнинг барчаси иқтидоридан қатъи назар шу мақсад йўлида қалам тебраттган ва улардан бадиий юксак савиядаги асарлар билан бирга, гоҳ ўртамиёна, баъзан эса ундан ҳам қуий даражадаги адабий мерос қолган. Шу ўринда, Кудома ибн Жаъфарнинг шеър таърифида айтган фикрининг давомини келтирсан: “*Юксак ва паст чегара ўртасидаги худуд ўртамиёнаник дейилади.* Ҳар бир ижодкор ўзининг ижодий маҳсули юксак чегарада бўлишини мақсад қиласи. Агар шеър санъатида ўша даражага етиш қуввати унда бўлса, бундай ижодкор ўз ишининг ҳақиқий устаси деб аталади. Агар санъатини намойиш қилиш иқтидори ўша чегарага етмаса, бундай ижодкор юксак даражага қанчалик яқин ёки узоқлигига кўра баҳоланади. Гарчи, у назмда ҳозиқлигини намоён қила олмаган бўлса ҳам, унинг ижоди шеър саналади. Чунки, у юксак даражага интилиб, шеър табиати талаб қиласидан санъатларни қўллаган. Бундан ҳам паст чегарадагилар санъати заиф шоирлардир”.

Бундоқ қараганда, Яссавий ҳикматлари, Боқирғон китоби, Вафоийнинг “Равнақу-л-ислом” достони, Навоийнинг “Сирожу-л-муслимин” ва Бобурнинг “Мубайин” асарлари, Сўфи Оллоёрнинг манзумалари, Мир Ҳайдархон ибн Суннатуллоҳнинг “Ақидайи назмий” асари, Абдураҳмон Низорийнинг “Даҳру-н-нажот” каби асарлари одатга кўра, назмда эмас, балки илмий услуб(наср)да ёзилиши керак эди. Лекин, бу муаллифлар нега айнан назмни танлашди? Гап фақат уларнинг олимликдан кўра шоирликка мойилликларида ёки бошқа сабаблар ҳам борми?

Навоий: “*Бўлмаса иъжоз мақомида назм, Бўлмас эди Тенгри каломида назм*”, деб бежиз айтмаган. Тафаккур эгалари барча замонларда ўзини ва атрофини ўраб турган борлиқни англашга интилган. Илоҳий калом бундай фаол, маънавий соғлом инсонлар учун доимо илҳом манбаи бўлган. Маънавий меросимизга назар солиш асносида, назмий ифода йўли нафакат адабиёт, шунингдек, фалакиёт, кимё, алжабр, фиқҳ, усули фиқҳ, фаройиз, ақоид каби илм эгаларидан айримларининг ҳам ўз соҳалари доирасида билганларини билдириш, тажрибаларини оммалаштириш шаклларидан бири сифатида хизмат қилганини кўрамиз. Негаки, уларнинг фикрлаш тарзи Куръоннинг бетакрор фасоҳати ва балогати завқида шакланган. Аниқ фанлар бўйича қилинадиган изланишларда кечадиган жиддий ва машаққатли илм заҳматларига қарамай, бутун фаолият давомида бу завқ, бу соғинчнинг йўқолмагани, билъакс, таъсиrlаниш бор бўйи билан юзага чиқиб, қаламнинг назмга бурилиб кетиш сабаби, балки шу хусусият билан изоҳланар.

Табиийки, шеър ҳақиқий санъат асарига айланиши учун табиъи назмнинг ўзи кифоя эмас. Бу мураккаб жараёнда адабий таълимнинг аҳамияти катта. Тўғрироғи, асарнинг бадиий савиясини айни таълим белгилайди, дейилса, муболага бўлмайди. Ҳатто баъзи шоирлар адаб илмини икки олам саодатига эришишнинг сабаби сифатида таъриф этганлар:

*Адаб сарриштасин тутқил, адабдин яхши роз ўлмаз,
Адабсиз икки оламда, билингким, сарафroz ўлмаз .*

Шарқда адабиётни ихтисос сифатида ихтиёр этган ҳар бир ижодкордан адаб илмларидан хабардор бўлиш тақозо қилинган. Абдулқодир Бағдодийнинг “Хизанату-л-адаб” китобида келтирилишича, Андалусий адаб илмларини олтига ажратган: лугат илми, сарф илми, нахъ илми, маоний илми, баён илми, бадиъ илми. Қалқашандий “Сабху-л-аъшо” асарида адаб илмларининг ўнтасини санаган: илмул-лугат, илму-т-тасорруф, илму-н-нахъ, илму-л-маоний, илму-л-баён, илму-л-

бадиъ, илму-л-аруз, илму-л-қавофий, илму-л-қавонини-л-хат, қавонини-л-қироат. “Мўъжаму-л-васит” лугатида адаб илмларининг ўн икки тури қайд этилган: лугат, сарф, иштиқоқ, наҳв, маоний, баён, бадиъ, аruz, қофия, хат, иншо, муҳозара. Адаб илмларини бутунги тушунчалар билан қуидагича изоҳлаш мумкин:

Лугат – тилнинг лугавий бирликлари(лексема) ҳақидаги илм;
сарф – сўзниң ўзгариши ҳақидаги илм (морфология);
наҳв – сўзларнинг гапдаги таркиб қоидалари ҳақидаги илм (синтаксис);
иштиқоқ – сўз ясалиши ҳақидаги илм (деривация);
маоний – калом (гап)нинг ҳол талабига мослиги ҳақидаги илм;
баён – ифода йўллари ҳақидаги илм;
аруз – шеър вазнлари ҳақидаги илм;
қофия – мисраларни ҳамоҳанг тугатиш ҳақидаги илм;
иншо – мактуб, рисола ва ҳужжатлар ёзиш қоидалари;
шеър фарзи (ёки шеър нақди) – шеърга баҳо бериш илми;
муҳозара – тарихий воқеа ва ривоятларни, салафларнинг ҳикматли сўз ва асарларидан ўз ўрнида фойдалана билиш илми;

расму-л-хат – ёзув санъети, ҳарф шакллари ва имло қоидалари ҳақидаги илм.

Мазкур илмларни ҳам назарий, ҳам амалий эгаллаган олимлар “адиб” номини олган. Айни маънодаги адиллар ижодида хослик хусусияти етакчи бўлиб, улар фоявий-эстетик идеалини инкишоф этиш асносида, бутунни қисмларга ажратиши ва ҳар бир қисмни бутун сифатида талқин этиш йўлидан борганлар. Шунинг учун ҳам бундай ижод намуналарининг бадиияти юксак, ҳатто иъжоз мақомига кўтарилиган. Илҳом эҳтиёжидан эмас, кўпроқ бурч мажбурияти остида битилган “Сирожу-л-муслимин”, “Мубайин”, “Қасидай аъмолий” каби асарларда эса мақсадни яхлит, бир бутун тизимда бериш йўли тутилган ва, гарчи, бадиийликдан бир қадар бой берилса-да, асарларнинг оммавийлиги таъминланган. Шу ўлчовга кўра, бу икки хил эҳтиёж тифайли тугилган асарларни солиширилса, аввалгиси кейингисидан адабийроқ. Айни қиёс орқали турли даврда яшаб, турли ижтимоий муҳитда шаклланган адилларнинг ёхуд битта ижодкорнинг турли асарларига нисбатан адиллик салоҳиятида нозик даражаланиш мавжудлиги ва бу даражаланишнинг мезони шаклан ва мазмунан бутун бўлган ижод маҳсулига нисбатан олингандагина ҳаққоний ҳамда адолатли бўлиши англашилади. Кенгроқ қаралса, *адабиёт* тушунчаси ҳар икки ижод маҳсулига баробар, бамисоли, қўл тушунчаси панҷанинг ҳар бармоғига баробар бўлганидек. Негаки, бармоқлар шаклда хилмачил бўлгани билан ҳаммаси битта мақсадда бирлашади, ягона мақсадга хизмат қиласиди.

Кузатувимиз аввалида, шакл ва мазмуннинг ажралмас бутунлик эканлигини таъкидлаган ҳолда, тарбия – адабиётнинг мазмунига, гўзалик – шаклига хос хусусият, деган мулоҳаза келтирилган эди. Мана шу икки жиҳатни ўзида уйғулаштира олган асар чинакам адабий манбага айланади. Инсон табиатан гўзаликни суювчи, айни пайтда, тарбияга муҳтоҷ хилқат. Шунинг учун ҳам адабиёт кишилик жамиятининг ҳамма даврларида замонавий, ҳамма даврларда бирламчи эътибордаги ҳодисадир.





Нурбой АБДУЛҲАКИМ,
филология фанлари доктори

«ФИРДАВСУ-Л-ИҚБОЛ»НИНГ АДАБИЙ-ЭСТЕТИК ҚИЙМАТИ

Қарийб бир ярим асрдирки, Мунис томонидан бошланиб, Огаҳий ниҳоясига етказган “Фирдавсу-л-иқбол” асари адабиётшунос, матншунос ва тарихшунослар эътиборини тортиб келади.

“Фирдавсу-л-иқбол”нинг тўққизта қўлёзма нусхаси мавжуд бўлиб, улардан иккитаси, Россия Фанлар академияси Санкт-Петербург Шарқ қўлёзмалари интигутида (инв. С 571 (590 оа), Е-6-1 (590 ов), олтитаси Ўзбекистон ФА Абу Райхон Беруний номидаги Шарқшунослик институти хазинасида (инв. 821/1, 5364/1, 9979/1, 5071, 7422, X. Сулаймонов номидаги фонд. 275/1), яна бир нусхаси эса Хельсинкида сақланмоқда.

“Фирдавсу-л-иқбол” бадиий-тарихий насрда Огаҳий учун катта тажриба мактаби бўлгани, шубҳасиз. Бу асарни ёзиш жараённида орттирилган тажриба кейинчалик шу турдаги бошқа асарларини ёзишда унга қўл келгани аниқ.

Муниснинг ёзишича, Хива хони Элтузархон уни ўз саройига чақириб, бундай амр қиласди: “...керакким, бизнинг насаби ҳумоюнимизни сўз девонида курсинишин ва аждоди амжодимиз асомийсин тарих хотамида нақши нигин қиласанг ва ўз ҳолотимиз ва баззи футухотимиз билаким, зийнати афсона ва носихи “Шаҳнома”дур, назм ришиласига дурри макнун терсанг ва наср бисотига гуногун зийнат берсанг, то бўлгайким, даврон саҳоифи фано тундбоди била паришон бўлуб, олам кошонаси адам сели била вайрон бўлгунча авсофи ҳамидамиз замон авроқида боқий қолғай ва зикри писандидамиз жаҳон мажолисида салотин базмига шўриш солғай”. (Munis Shir Muhammad Mirab and Agahi Muhammad Riza Mirab. Firdaws al-iqbal: History of Khorezm. Ed. by Yu. Bregel. Leiden: Brill, 1988, P.18. – Мақола Юрий Брегель тайёрлаган ана шу илмий-танқидий матн асосида ёзилди – Н.А.).

“Фирдавсу-л-иқбол” дебоча ва муқаддимадан ташқари беш бобдан таркиб топган. Бу ҳақда Мунис қўйидагича маълумот беради: “...бу муҳтасар шурубыига хомаи ибтидо сурулди, чун баҳори иқболи соҳибқироний била фирдавсдек зийнат топиб эрди, биноан алайҳ “Фирдавсу-л-иқбол”га мавсум бўлди. Бир

муқаддима, беш боб, бир хотимага тақсум топти. Ҳазрат Изиди комбахишин умид улким, унвони ифтихарин татаммаи ихтитомга мавсул ва муқаддимаи оғозин хотимаи анжомга машмул қўлгай.... Муқаддима баъзи маҳсусоти алоҳоқоний зикридақим, осори иқболи соҳибқироний эрди. Аввалги боб ҳазрат Одам алайҳиссалом ижодидин (яратилишидан – Н.А.) Нуҳ алайҳиссалом авлодигача мазкур бўлур. Иккинчи боб Ёғас алайҳиссаломдин қўнгирот шўйбасигача мўгул подшоҳларининг зикрида. Учунчи боб Курлос авлодидин подшоҳлик маротибига етганлар зикридақим, сўнги Абулгозихон ибн Ёдгорхондур. Тўртунчи боб ҳазрат подшоҳи соҳибқироннинг аждоди киром ва абои зу-л-эҳтиромининг зикрида. Бешинчи боб ҳазрат подшоҳи соҳибқироннинг валодати ҳумоюнидин бу рисолаи саодатмақола имомигача ҳар вақоевким осори соҳибқиронийдин вуқуҷ топмиши ва вуқуҷ топгусидур – зикр қилилур. Хотима авлиёйи изом ва уламои киром ва умарои зу-л-эҳтиром ва соҳибдавлат беклар ва закийтабъ шоирлар ва донишманд фозиллар ва фалотунфитрат ҳунармандлар ва баъзи умури гарібаким, ҳазрат подшоҳнинг айёми майманатанжомида вуқуҷ топибдур, алар ҳикоётига маҳсусдур”.

Мунис асарнинг композицион тузилишини ана шундай режалаштирган. Бироқ бир қанча сабабларга кўра, муаллифга асарни ушбу режа асосида ниҳоялаш насиб этмаган. Биринчидан, адаб асарнинг энг қизғин воқеалари тасвирини ёзётган кезда Мұхаммад Раҳимхон унга Мирхонднинг машҳур “Равзату-с-сафо”сини ўзбек тилига таржима қилиш вазифасини топширади.

Иккинчидан, 1929 йили Муниснинг вафот этиши, бу режанинг амалга ошишига монелик қиласиди.

Ана шу сабабларга кўра асарни Оғаҳий давом эттириди ва ниҳоясига етказди. Бироқ, адаб бу ишга орадан ўн бир йил ўтгач киришган. Сабаби, Мунис вафотидан кейин Оғаҳийга “Равзату-с-сафо” таржимасини давом эттириш вазифаси юклатилади. Шундан кейингина Элтузархоннинг ўрнига Хива таҳтига чиққан Оллоҳқулихон даврида, унинг фармонига кўра Оғаҳий “Фирдавсу-л-иқбол”ни давом эттириб, ниҳоясига етказади.

“Фирдавсу-л-иқбол”нинг тарихий илмий асар эмас, бадиий-тарихий наср намунаси экани нималарда кўринади? **Биринчидан**, ҳар қандай асарнинг хусусияти унинг тилида, ифода усулида намоён бўлади. “Фирдавсу-л-иқбол” сажъли насрда, бадиий услубда ёзилган. Ахир, унда тарихий воқеалар баён қилинганку, тарихий асар деб номланиб келгани сабаби шуку, деган эътиrozга жавобан айтиш керакки, гап қандай материал қаламга олинганида эмас, унинг қай тарзда ифодаланганидадир. Ушбу фикр исботи учун асардан биргина парча келтириб, таҳтил қилишга ҳаракат қиласиз: “...жашон фозиларининг афзали ва замон комилларининг акмали, фазлу дониш тенгизининг тимсоҳи, ақлу биниш сафинасининг маллоҳи, илм қуёшининг матлаъи ва камол аҳлигининг маржаси, ҳаллоли мушкулоти дақойик, кашшофи гатоёйи ҳақойик, фазоилмаоб, камолотинтисоб, яъни Мунис мироб...”

Оғаҳийнинг устози Мунисга бўлган эҳтироми ифодаси бўлган ушбу иқтибосда ўн бир сажъланувчи қисм мавжуд: жаҳон – замон, фозилларининг – комилларининг, афзали – акмали, фазлу – ақлу, дониш – биниш, тимсоҳи – маллоҳи, матлаъи – маржаши, ҳаллоли – кашшофи, мушкулоти – гатоёйи, дақойик – ҳақойик, фазоилмаоб – камолотинтисоб – Мунис мироб.

Улардан биринчи, учинчи, бешинчи, олтинчи, еттинчи ва ўнинчи сажъланувчилар мутавозий (ҳам вазн, ҳам қофияда мослашувчи); ўн биринчиси мутарраф (вазнда мослашмаган), иккинчи, тўртинчи, саккизинчи ва тўққизинчиси эса мутавозиндир (вазнда мос, қофияда мослашмаган).

Маълумки, сажъ ҳосил қилувчи сўзлар «фосила» деб аталади. Ҳар бир фосила ўзидан олдинги сўзлар бирикмаси билан сажънинг бир бўлагини ташкил қиласи ва «қарина» деб юритилади» (шеъриятдаги, аруздаги *фосиланинг* бунга алоқаси йўқ). Огаҳий насрода сажънинг юқорида баён этилган барча шаклий сифатларини кўриш билан бирга, сажъланувчиларнинг жойлашишида ҳам ўзига хослик қузатилади. Юқоридаги жумлада *тимсоҳи* ва унга сажъланувчи *маросими* фосилаларининг ҳар биридан олдин биттадан сўз қўлланган. Баъзан фосиладан олдин бир ва унга сажъланувчидан аввал бир неча сўз қўлланиши ёки аксинча бўлиши ҳам мумкин. Юқоридаги иқтибосда аксар сажъланувчилар орасида қарина мавжуд эмас.

Асарнинг бадиий-тарихий наср намунаси эканига **иккинчи далил**, юқорида таъкидланганидек, Муниснинг уни ёзишга амр этилганида хон тилидан битилган: “*назм риштасига дурри макнун терсанг ва наср бисотига гуногун зийнат берсанг*”, сўзларидир.

Учинчидан, бадиий-тарихий наср намунаси худди халқ оғзаки ижодига мансуб достонлар каби, Мунис ва унинг буюк салафлари Рабгузий, Мирхонд, Хондамир ва Абулғозининг шу сирадаги асарлари анъанасига кўра назм билан зийнатланиши шарт эди. Асар худди шу усулда ёзилган. Ундаги назм намуналари сажъли насрда битилган фикрларни тасдиқлаш, тўлдириш, уларга изоҳ бериш ва, ниҳоят, асарнинг бадииятини, поэтик жозибасини ошириш мақсадларига хизмат қиласи.

“Фирдавсу-л-иқбол” матнига қасида, газал, маснавий, қитъа, рубоий, фард, таркибанд, таърих сингари жанрларга оид қарийб олти минг мисра шеър киритилган. Шундан беш минг мисрага яқини асарнинг Мунис ёзган қисмидан, 1022 мисраси эса Огаҳий ёзган қисмидан ўрин олган.

С.Рўзимбоев ва А.Аҳмедовларнинг “Фирдавсу-л-иқбол”даги адабий жанрлар ҳақида” (“Ўзбек тили ва адабиёти” журнали, 2009, 6-сон, 19–24-бетлар) мақоласида асарга кирган шеърларнинг жанр хусусиятларига оид анча керакли маълумотлар берилиши баробарида, бир қатор нуқсонларга ҳам йўл қўйилганини қайд этиш керак.

Биринчидан, мақолада жанр истилоҳи ноўрин қўлланади, муаллифларнинг шеърий жанрлар ҳақидаги тасаввuri чала кўринади. Масалан, улар бундай ёзишади: “Мунис томонидан **асарда истифода этилган поэтик жанрлар орасида** (?) назм, шеър, мисра, абёт, манзума, матлаъ, мақталь каби атамалар учрайдики, бу номланишларга муайян изоҳлар беришга тўғри келади”. Таъкидлаш керакки, назм, шеър, мисра, абёт, манзума, матлаъ, мақталь каби истилоҳларнинг “Мунис томонидан асарда истифода этилган поэтик жанрлар”, дейилиши мутлақо тўғри эмас.

“**Назм** номи остида берган шеърлари шаклининг маснавийдан фарқи йўқдек кўринади”, дея, гўёки, муаммога ойдинлик киритишмоқчи бўлишади муаллифлар. Бу ҳам ҳолва. “Бироқ айрим ҳолларда назмнинг қофияланиш тизими ўзгаради ва газал шаклига ўтади” ёки бошқа ўринда, “Тарихнависнинг “шеър” номи остида берган намуналари ҳам кўп ҳолларда маснавий шаклида битилган, айримлари газал шаклида қофияланган”, дейишар экан, улар, гўёки, янги-янги “илмий қашфиёт”ларни очишади. Мунис бу сарлавҳалар остида баъзан маснавийни, айрим ҳолларда газал ва исталган бошқа жанр намунасини бериб кетаверган. Бир вақтлар келиб, “мутахассис”лар “Фирдавсу-л-иқбол”да “назм”, “шеър” сарлавҳаларида тақдим этилган асарларнинг қайси жанрга мансуб эканини ажратса олмаслигини адаб қаердан ҳам билсин, ахир!?

“Мунис **назм** ва **шеър** номи остида берилган намуналарни умуман шеърият сифатида қараган ва воқеалар характерига қараб, уларни турли шакл-

лар воситасида ўқувчиларга ҳавола қилган”, деган хулоса эса янада ажабланарли. Савол туғилади: Мунис **назм** ва **шეър** номи остида берилган намуналарни **умуман шеърият сифатида (?)** (*таъкид бизники – Н.А.*) қараган бўлса, бошқа ном остида берилган намуналарни нима деб қараган экан?!

Мумтоз шеъриятда фард деган жанр бор. “Фард” атамаси “якка, ёлғиз, ажралган” маъноларини англатиши, мумтоз шеъриятда ягона байтдан иборат тугал маънони англатган жанр экани ҳеч кимга сир эмас. Юқорида қайд этилган мақола муаллифлари ҳаммага аён ана шу ҳақиқатга “ислоҳ” киритадилар. Улар: “Асар таркибидаги фардлар асосан икки мисралик бўлиб, бир-икки жойда унинг тўрт қаторлик шакли (?) ҳам учрайди”, дея қўйидаги шеърни мисол қилиб келтирадилар:

*Олиб қаҳр ила ул жаҳон кишварин,
Қилиб қатл аҳли замон аксарин.
Жаҳон ичра балким киши қўймади,
Улус қонидин ўлгунча тўймади.*

Тўгри, “Фирдавсу-л-иқбол” матнида ушбу шеър “Фард” сарлавҳаси билан берилган. Бироқ, мумтоз асар устида тадқиқот олиб бораётган мутахассис бу котибнинг хатоси бўлиши мумкинлигини, мазкур шеърий парча жанр хусусиятларига кўра фард эмас, маснавий (!) эканини ажратади билиши керак эмасми?! Синчков тадқиқотчи зарур ўринларда котибнинг хатосини ҳам тузатиши лозимку, ахир!

“Асарнинг Мунис қаламига мансуб қисмида насрый жанрларга ҳам ўрин берилган. У асарни анъянага мувофиқ **наът** билан бошлайди ва уни насрый тарзда Куръон оятлари воситасида баён этади”, дейилади яна мақолада. Аввало, наътни насрый жанр сифатида таърифлаш илмий ҳақиқатга ҳам, оддий мантиққа ҳам зид. Наът – жанр эмас. У – мазмун, у – моҳият. Наът – пайғамбаримиз сифатларининг таъриф-тавсифи. У нафақат насрда, назмда ҳам ёзилиши мумкин. Фазал, маснавий, қитъа сингари шеърий жанрларда ёзилган маснавийлар учрайди мумтоз адабиётимизда. Илмий мавзуда мақола ёзаётган мутахассис ҳар бир сўзини тарозига солиб, ўйлаб, фикрлаб, кейин қоғозга тушириши зарур. Акс ҳолдаги, юқоридаги тахлит ноўрин мулоҳазалар, саёз хулосалар келиб чиқади.

Мазкур кўчирмада яна бир хатолик бор. Муаллифлар фикрича: “У (яъни, Мунис) асарни анъянага мувофиқ **наът** билан бошлайди”. Аслида, “Фирдавсу-л-иқбол” наът билан эмас: “*Олиймакон сultonларнинг дабдабаи ҳашамати ва гардунтавон хоқонларнинг кавкабаи давлати ул подиоҳи алалитлоқнинг қуллуғи билан интизом топарким...*”, дея бошланган **ҳамд** (*таъкид бизники – Н.А.*) билан очилади.

“Фирдавсу-л-иқбол”га кирган турли жанрларга оид шеърий матнлар ҳар бири композицион тугаллиги билан алоҳида асар сифатида баҳоланиши мумкин. Шеърий матнлар воқеликнинг насрый талқинини бирор-бир жиҳатдан такрорламайди, аксинча, улар матн яхлитлигини таъминлаши, асарнинг асосий тоғасини ёрқин бадиий бўёқларда, поэтик жозибадорликда ифодалаш ва изоҳлашга хизмат қилиши жиҳатидан юксак адабий-эстетик қийматга эга.

“Фирдавсу-л-иқбол”нинг Огаҳий ёзган қисмидаги шеърий матнлар мавзуига кўра қўйидагичадир: 1) асарнинг ёзилиш сабаби таърифи; 2) хон ва унинг аъёнлари васфи; 3) бунёдкорлик ишлари тавсифи; 4) ҳарбий можаролар тасвири; 5) шикор – ов тавсифи; 6) тўй, спорт ва халқ ўйинлари талқини.

1. Асарнинг ёзилиш сабаби таърифи. Огаҳий “Фирдавсу-л-иқбол”ни давом эттириш вазифаси ўзига юкландгани ҳақида, аввал, насрда мана бундай изоҳ беради: “...ҳазрат соҳибқироннинг жулуси саодат маънусининг ўн бешлончи ийликим, сана минг икки юз эллик бешда (1840 милодий йил – Н.А.) эрди, бу банди бебизоат ва қалилу-л-иститоат ва бу гӯшанишини вайрони алам ва малолат, аҳқари ибоди малики-л-ваҳҳоб, заифи најиғи Муҳаммад-ризо мироб ал-мутахаллис би-л-Огаҳий ибн Эрниёзбек биродарзода ва дастпарвардаи Мунис мироб гафароллоҳу зунубаҳум ва сатара уйубаҳумким, ул ҳазратнинг хизматкори қадимий ва жонсипори самимиий эрдим, ногоҳ жабҳаи аҳволимга дийдаи марҳамати ва носияи авқотимга айни иноятидин назари кимёасарин солиб, бу паришон авроқким, таркибидин кўнгул мутаҳаййир, балки ақли кулл мутааzzирдур, жамъ қилиб, иттомға еткурмакни буюруб, бу дилхастани мазаллат туфроғидин кўтарди ва ифтихорим бошин фалаки давордин ўткарди”.

Дарҳақиқат, муаллиф олдида масъулиятли вазифа турарди.

Асарни давом эттиришга киришар экан, Огаҳий маснавий йўли билан муножот ёзади. Муножотда шоир жуда қийин, туганмас ишга қўл урганини таъкидлаб, уни поёнига етказишида аллоҳ таолодан мадад сўрайди:

*Илоҳо, ман ожизу бенаво,
Туганмас иш этгум дурур ибтидо.
Ҳазин хотиримни етур комига –
Ки, яъни, ишим етур анжомига.*

2. Хон ва унинг аъёнлари васфи. “Фирдавсу-л-иқбол” бадиий услубда ёзилгани учун унда муаллифнинг адабий-эстетик идеали талқини масаласини ўрганиш зарурати юзага келади. Таъкидлаш керакки, асарда худди шундай идеал хон тимсолида тасвиrlанган. Бу туркум шеърларда васф этилишича, хоннинг адолати шу даражадаки, адлидан жаҳон мулки обод, у шунчалик сахийки, хайру эҳсонидан улус хотири шод. Биргина мисол:

*Ҳотами Тойики карамдур иши,
Ҳалқга бермак бўлубон варзиши.
Ул даги баҳра олиб эҳсонидин,
Зиласитондур карами хонидин.*

Муаллифнинг бу туркум шеърларда муболагали тарзда таърифу тавсиф этилишича, агар султони соҳибқирон қаҳр қилса, зулм уйи вайрон, лутф этса, даҳр эли шодон бўлади. Хоразм хонларининг, жумладан, Муҳаммад Раҳимхоннинг салтанат ишларида адолатга интилган маърифатли ҳукмдор эканига шубҳа билдиrmаган ҳолда, таъкидлаш керакки, Огаҳий хон ва унинг аъёнлари тасвирида реал воқеликдан кўра кўпроқ ўзининг идеалини васф этган. Ўз-ўзидан кўриниб турибдики, юксак назмий маҳорат билан ёзилган бу туркум шеърлар шоирнинг ижтимоий-эстетик идеалини белгилаш ва ўрганишда принципиал аҳамиятга эга.

3. Бунёдкорлик ишлари тавсифи. Муҳаммад Раҳимхон табиатан бунёдкорликка мойил бўлган. У кўплаб масжидлар, мадрасалар, ёфлар (каналлар), кўпприк ва работлар барпо этган. Маълумки, адабий анъанага кўра, бундай иншоотлар қурилиши муносабати билан таърихлар битилган. “Фирдавсу-л-иқбол”да бу мавзу, асосан, маснавийда қаламга олинган. Жумладан, муаллифнинг ёзишича, “Ул овони саодатнишонда Сайёд ҳовлиниг иморатиким, ул ҳазратнинг меъмори давлатидин тоза бино топиб, матонат

ва истеҳкоми “кааннахұм бунйанун марсус” (“бамисоли туташи бинолардек”—*Күръони карим, Саф сураси, 4-оятдан*) ояты била мансус әрди ва боди ишратфоси “ва ман дахалаху кона оминан” (“бу ерга кирған омонлик топади”—*Күръони карим, Оли имрон сураси, 97-оятдан*) ишоратига маҳсус”. Асарда ана шу маълумотдан сўнг қўйидаги маснавий матни келтирилган:

*Рашки беҳишит әрди анга ҳар қусур,
Ошиқи онинг эди гилмону ҳур.
Бош чекибон кўнгери Кайвонгача,
Зирваси ҳам гунбази гардунгача.
Манзари айвони бўлуб дилкуши,
Саҳни ҳавоси эди ишратфизо.
Боди назоҳатда жинон гайрати,
Ҳар шажари сарви равон гайрати.
Беҳад эди меваи алвон анга,
Тенг бўла олмай мазаи жон анга.*

Ҳар қандай мавзуда, ҳатто бунёдкорлик ишларининг назмий тавсифи-да ҳам Огаҳий сўзининг фасоҳати ва балогати яққол намоён бўлиб туради.

4. Ҳарбий можаролар тасвири. Маълумки, XIX аср миллатимиз тарихига таназзул асри сифатида кирған. Хонликлар ўртасидаги зиддиятлар, ички низолар охир-оқибат юртни ижтимоий-сиёсий бўхронга олиб келди, Русия мустамлакаси гирдобига туширди. “Фирдавсу-л-иқбол”да ана шу ички низолар, зиддиятлар, маънавий инқиroz етилиб келаётган тарихий вазият қаламга олинган. Асардан ўрин олган бир қанча шеърларда Муҳаммад Раҳимхон қўшинининг Хуросон ва Дашиби Қўпчокдаги, шунингдек, Хоразм атрофидаги кўчманчи қабилалар билан олиб борган ҳарбий ҳаракатлари, хон билан Бухоро ҳукмдори Амир Ҳайдар сипоҳи ўртасидаги жангу жадаллар, бехуда қон тўқилиши воқеалари тасвиранланган. Бу мавзудаги шеърларда зоҳиран Хива аскарларининг жасорати васф этилгандек кўринса ҳам, назмий матнлар замирида Огаҳийнинг бундай ҳарбий можароларни маъқулламаслиги сезилиб туради. Ҳатто, шу туркум шеърларнинг айримларида унинг панд-насиҳат руҳидаги қараашлари ифодаланади. Мана бу қитъя мазмуни фикримизнинг ёрқин далилидир:

*Кўнгулни боғлама номард ваъдасиға даме –
Ки, ваъдасида анинг бўлмагай вафо ҳаргиз.
Мулойим ўлма даме душмани қадиминга,
Мулойимат била ул бўлмас ошно ҳаргиз.
Тоши ўлоннинг агар ҳар нечаки базм дурур,
Ва, лек, бўлмас ичи заҳардин жудо ҳаргиз.*

5. Шикор – ов тавсифи. Асарда муаллиф “ҳазрат соҳибқирони фирдавс-макон”, яъни, Муҳаммад Раҳимхон аксар вақтларда “шикор иродаси била ҳаракат кўргузуб, бу баҳона бирла атрофдағи фуқаро ва ажсаза бошларига сояйи марҳамат солиб, арзин эшитиб, додига етмак”ни одатта айлантиргани ҳақида ёзди. Бир туркум шеърий матнлар ана шу шикор – ов тавсифига бағишлиланган.

6. Тўй, спорт ва халқ ўйинлари талқини. “Фирдавсу-л-иқбол”да Огаҳий Муҳаммад Раҳимхоннинг иккинчи ўғли шаҳзода Раҳмонқули тўрага “хатна суннатин жорий қилдиуррга сури мавғуру-с-сурур ва жашни азим тартиб бергани” тавсифига анча батафсил тўхталади. Шоир:

*Йигналибон ул сифат асбоби сур –
Ким, бўлубон васфида ожиз шуур.
Сафҳае таърифиға сурмак қалам*

Чархи барин авжига урмоқ қадам, – дея тўй муносабати билан “адолат лаолийси уммони, саҳоват явоқитининг кони” бўлган хоннинг қўллари бамисоли денгиздек гавҳарлар сочгани, халойиққа сийму дирам улашиб, фуқаро ва раёни хайру эҳсонидан комрон қилгани ҳақида ёзади. Бу туркум шеърларда хоннинг фазилатлари муболагали тарзда, патфос билан талқин этилади. Бундай талқин усули, биринчидан, муайян ҳаётий асосга эга бўлса, иккинчидан, уларда Огаҳийнинг адолатли, раиятпарвар ҳукмдор ҳақидаги идеали ҳам ўз ифодасини топганини таъкидлаш керак.

Асарда, шунингдек, бир қанча спорт ва ҳалқ ўйинлари, жумладан, кураш, отчопар сингари томошаларнинг назмий талқини ҳам алоҳида ўрин тутади. Жумладан, юқорида зикр этилган тўйда отчопар томошаси уошлирилади, муаллиф сажъда ифодалашича, унда “саманди фалакҳайъату барқсуръат ва рахии девводи сарсарниҳод” отлар иштирок этади.

“Фирдавсу-л-иқбол”нинг Огаҳий ёзган қисмидаги шеърий матнларни жанр хусусиятларига кўра қўйидагича тасниф этиш мумкин: 1) маснавийлар; 2) рубоий 3) қитъалар; 4) фардлар; 5) таърихлар.

Маснавийлар. Асар таркибига кирган шеърлар орасида сон жиҳатдан ҳам, салмоқ жиҳатдан энг кўп учрайдигани маснавийлардир. Улар 64 та бўлиб, 960 мисрани ташкил этади.

Ҳазрат Навоий маснавий жанрини “майдони востиъ” деб атагани маълум. Шайх Аҳмад Тарозийнинг қайд этишича, «...маснавийнинг шароитидин бириси улдурким, агар ҳикоятни назм қилур бўлса, керакким, дебочасин ҳўб иборат ва яхши тариқа бирла таъриф қиласа ва сабъе кўргузсанким, фотиҳа бирла хотимаси писандида келгай. Ва бир шарт улдурким, муҳтасар алфоз бирла шарҳга келтургай. Ва бир шарт улдурким, ҳар ердаким, разм ва базм бирла таъриф қилгай». (Шайх Аҳмад ибн Худойдод Тарозий. Фунуну-л-балога. Тошкент, “Хазина” нашриёти, 1996).

«Фирдавсу-л-иқбол»даги маснавийлар туркий шеърият назариётчиси таъкидлаган талабларга тўлиқ жавоб берга олади. Асарда “назм” сарлавҳаси билан берилган 74 байтли энг катта ҳажмли маснавийнинг «фотиҳаси бирла хотимаси писандида келган»и бунинг далили. Мана, ўша маснавийнинг “фотиҳа”си:

*Чарх золиким басе маккор эрур,
Золиму беражму кажрафтор эрур.
Доимо макру ҳиялдур пешаси,
Халқга бермак фириб андешаси.
Ҳайъатидин ошкоро шумлиқ,
Ҳам хиромидин аён мейшумлиқ.
Кимниким кўрса азизу комрон,
Қасди – хор этмак дурур ҳам нотавон.
Ким эса мақсад ҳусули бирла шод,
Фикри они айламакдур номурод...*

Мумтоз шеърият тарихида чарх золининг золим, беражм, кажрафтор экани ҳақида кўп ёзилган. Бироқ, ушбу маснавий “фотиҳа”си макру ҳийла пешаси бўлган, халқга фириб бермакни аъмолига айлантирган, кимники азизу комрон кўрса, хору нотавон қилмоққа қасд айлайдиган, мақсади

ҳосил эканидан шод юрган одамни номурод айламак фикридаги чарх золи образи метафора, тансиқу-с-сифот, таносиб, тазод сингари бадий санъатлар воситасида бетакрор тасвирлангани билан алоҳида ажралиб туради.

Таъкидлаш жоизки, маснавий хотимаси ана шу тасвирни хулосалаб келган. Модомики, чарх золи шунақа маккор ва раҳмсиз экан, оқил одамнинг унга муносабати қандай бўлмоғи керак? Қай йўл билан у давлату иқболга эришмоги мумкин? Маснавий хотимаси ана шу сингари саволларга жавоб беришга ҳаракат қилингани билан ҳам алоҳида аҳамият касб этади:

*Оқил улким, даҳрдин силкиб этак,
Урса тажриду қаноат сори так.
Тарқ тутса ҳар на йўқу борини,
Балки ўзлук бори-ю осорини.
Айласа маскан фано майхонасин,
Қилса нўш у фонилиғ паймонасин.
Бўлса мадҳуш уйлаким билмай ўзин,
Очмаса то ҳашр қўпғунча кўзин.
Бу дурур маъни элига шоҳлиғ,
Давлату иқболу соҳибжоҳлиғ.
Соқиё, бер косаи озодалиғ,
Лаб-балаб айлаб майи афтодалиғ.
То ичиб они ҳаловат айлайнин,
ЛАҲЗАЕ майли фарогат айлайнин.*

Кўриниб турибдики, маснавийнинг «фотиҳаси бирла хотимаси писандида келган», яъни, “фотиҳа”да қўйилган поэтик муаммо “хотима”да ечилган, ҳал этилган. Муҳаммад Раҳимхон вафоти муносабати билан битилган бу маснавийда фано ва бақо фалсафаси ўзига хос бадий талқин қилинган.

Рубоий. “Фирдавсу-л-иқбол”нинг Огаҳий ёзган қисмида биргина рубоий матни келтирилган.

*Вусъат аро монанди анинг кам эрди,
Қоплон фалакка шердин рам эрди.
Андоқ қалин эрдики, йилон йўл топмай,
Ашжори авжи чархга муҳкам эрди.*

Ушбу рубоийда Хоразмдаги Бодой тўқайзори тасвирланган. “Зубдату-т-таворих”да: «*Бодой бир бешаедурурки, бағоят қалин ва зиёда васеъдурур. Ҳазрати қутбӯ-л-ақтоб, афзалу-л-асҳоб, зубдату-л-комилин, умдату-л-восилин Вайсу-л-Қараний розийаллоҳу анҳу ва ҳазрати ҳақиқатпанаҳ, ҳидоятдастгоҳ Шайх Жалил ота қаддаса сирраҳунинг қадамгоҳлари даги тоғ била дарё ўртасида воқеъдурур*”, деган маълумот берилади.

Кўриниб турибдики, “Фирдавсу-л-иқбол”даги рубоий ва “Зубдату-т-таворих”даги маълумот бир-бирига уйғун, бир-бирини тўлдиради. Вайсу-л-Қараний билан Шайх Жалил отанинг абадий манзили бўлган бу заминнинг табиати, ҳайвонот дунёси ўзига хос экани рубоийда гўзал бадий талқин этилган. Яъни, бешаенинг “вусъат аро монанди кам”лиги – кенг ва улкан ҳудудни қамрагани, унинг қоплонлари шердан ҳам ҳайбатлироқ экани тасвири бу фикринг исботидир. Рубоийда ифодаланишича, Бодойнинг тўқайлари шу даражада қалинки, улар орасидан илон ҳам йўл топиб юриши маҳол, дараҳтлари шу қадар юксакликка бўй чўзганки, чарх-

нинг авжига – энг юқори нуқтасига етган. Бир вақтнинг ўзида муболаганинг таблиғ (“Вусъат аро монанди анинг кам эрди”), гулувв (“Қоплон фалакка шердин рам эрди... Ашжори авжси чархга муҳкам эрди”) ҳамда ифрот (“Андоқ қалин эрдики, ийлон йўл топмай”) турлари қўллангани рубоийнинг юксак бадииятини таъминлаган.

Қитъалар. “Фирдавсу-л-иқбол”да Огаҳий ижодидан бу жанрга мансуб етти қитъя матни ўрин олган. Шайх Аҳмад Тарозий қитъанинг аввалги мисраси одатда қофијланмаслиги, ҳажми “ақалли икки байт” бўлиши, “мунинг ҳам аксари муқаррар эрмаслиги, ҳар нечаким, қофия тобсалар» айтилиши мумкинлигини таъкидлайди. Бироқ, Огаҳий ижоди туркий шеърият назариётчисининг қитъя ҳақидаги бу назарий қарашлари ўзгармас ҳақиқат эмаслигини, ислоҳ этилиши мумкинлигини тасдиқлайди. Негаки, Огаҳий қитъаларининг “ақалли (энг кичик ҳажми – Н.А.) икки байт” эмас. Асарда келтирилган қитъалардан бири ягона байтдан иборат экани бу фикрни тасдиқлайди:

*Ақл ила фаросатким, инсон шарафи андин,
Шаънида анинг гўё бир ояти мунзилдор.*

Таъкидлаш жоизки, “Фирдавсу-л-иқбол”даги етти қитъя матнининг турли ўринларида бошқа-бошқа мақсадлар билан келтирилган бўлса-да, улар мантиқан ўзаро боғлиқдай, бир-бирининг узвий давомидай таассурот қолдиради. Бу етти қитъанинг моҳиятини қўйидагича мухтасар ифодалаш мумкин:

- 1) ақл-фаросат инсонни шарафлаши, шу муносабат билан оят нозил бўлгани;
- 2) хулқи неку (олижаноб хулқ) билан куфр эли ҳам исломга кириши;
- 3) шоҳга садоқат кўрсатиш фуқаронинг ўзига ҳам баҳт келтириши;
- 4) номард ваъдасига кўнгул боғламаслик;
- 5) душман устидан зафар қозонишида хайл (қўшин) кўплигига магрур бўлмаслик;
- 6) фалак бевафолиги ва умр бебақолиги;
- 7) сипехри жаллод бирор кимсани шод қўймаслиги, одам фарзандларига ададсиз ғам ёғдириши.

Кўриниб турибдики, улар алоҳида-алоҳида мавзуларга бағишланган бўлса-да, моҳиятан яхлитлик касб этади. Бироқ, бу ҳол ҳар бир қитъанинг алоҳида назмий асар эканини инкор этмайди. Шу билан бирга, қитъалар ҳам умумматнинг таркибий қисми ўлароқ асосий гояни ёрқинроқ тасвирлашга, асарнинг бадиий жозибасини оширишга хизмат қиласди

Фардлар. Таъкидланганидек, бу жанрдаги шеърлардан иккитаси “фард” сарлавҳасида, қолган еттитаси эса “байт” номи билан берилган.

“Фирдавсу-л-иқбол” матнида “байт” сарлавҳаси билан келтирилган шеърлар тугал мазмунни ифодалashi, поэтик мукаммаллиги жиҳатидан ҳам фард жанри талабларига тўлиқ жавоб беради. Асарда “байт” сарлавҳаси билан берилган қўйидаги фард ушбу фикрни тасдиқлайди:

*Берур ўлса агар худо қулиға
Матлабин келтурууб қўяр иўлиға.*

Бундан ташқари, байт (фард)лар матнинг узвий қисми экани, юксак бадиияти билан ҳам алоҳида аҳамият касб этади. Муҳаммад Раҳимхоннинг доруссалтанадан сафарга отланиши муносабати билан ёзилган қўйидаги фард бунинг ёрқин мисолидир:

*Миниб иқболу давлат маркабига,
Анингдекким, қүёш күк аиҳабига.*

Бу сингари битиклар Огаҳийнинг чиндан ҳам “*фасоҳат ва балогат бобида нодир, маоний жақоҳирин назм этарга қодир*” (шоирнинг ўз таъбири – Н.А.) эканини тасдиқлайди.

Умуман, “Фирдавсу-л-иқбол”даги байт (фард)лар асардаги насрда берилган тасвири тақрорламаслиги, аксинча, уни тўлдириб, ифодага бадиий сайқал бериши жиҳатидан ҳам юксак адабий-эстетик қийматга эга.

Таърихлар. Аввало, таъкидлаш жоизки, “Фирдавсу-л-иқбол”га кирган ҳар икки таърих Мунис қаламига мансуб бўлиб, асарда “*вуфури фаросат ва фарти қиёсатда умарои изомдин мумтоз ва мустасно*”, дея таърифланган Султон мироб вафотига багишланган. Мазқур таърифдан ҳам кўриниб турибдики, Султон мироб Муҳаммад Раҳимхон саройининг хос аъёнларидан бўлган. Султон мироб асарда “*фаҳру-л-миллати ва-д-дин*”, дея васф этилган саййид Юсуф хожа нақиб билан бирга хоннинг қайнотаси Абдуллоҳ хожа эшон валади амжоди саййид Бокирхожа эшон саййид Отойининг тўйида асосий ташкилотчилардан бўлгани ҳам унинг саройдаги нуфузи нечоғлиқ баланд бўлгани далилидир. Асарда уларнинг “*тўй устида муқаррар бўлуб, жасин муҳомининг интизомига машгул*”, экани таъкидланади.

Таърихларнинг биринчиси:

*Беки гардунҳашам, мироби динпарвар, амири даҳр,
Ҳумоюн номи Султону султоннасл, дарёдил.
Баногаҳ тарки олам дода аз шавқи Ҳудованди,
“Раҳи фирдавс рафт” ў ҳам аз он таърих шуд ҳосил.*

Демак, таърих моддаси “*Раҳи фирдавс рафт*” жумласига беркитилган. Маълум бўладики, “*Раҳи фирдавс рафт*” жумласидаги ҳарфларнинг абжад ҳисобидаги йигиндиси – 1235 га тенг. Асарда Султон миробнинг вафоти “*зу-л-ҳижжанинг салхи*”да содир бўлгани зикр этилади. Синхрон жадвалга кўра, бу воқеа милодий 1820 йил 7 октябрга тўғри келади. Таъкидланганидек, кейинги таърих ҳам худди шу сана муносабати билан ёзилган.

“Фирдавсу-л-иқбол”га кирган назм намуналари, биринчидан, асарнинг бадиий савияси юксак бўлишини таъминлаган. Иккинчидан, бу шеърлар асар умумматнининг таркибий қисми сифатида унинг асосий гоясини тўлдириш, изоҳлаш, холосалаш вазифаларини бажарган. Учинчидан, асарга поэтик жозибадорлик багишлаб, ифоданинг санъаткорона бўлишига хизмат қилган.

Умуман, “Фирдавсу-л-иқбол” матни борасидаги кузатишлар асарнинг адабий манба сифатида филологик тадқиқотлар учун бой материал бериншини тасдиқлайди.





Гулчехра ИМОМОВА,
филология фанлари номзоди

АНЬАНАЛАР САТҲИДАГИ БАДИЙ СИНТЕЗ

Ўтган асрнинг сўнгги чорагидан бошлаб насрда, хусусан, ўзбек ҳикоячилигига туб бурилиш юзага келиб, адилар воқеаликни шунчаки акс эттириш йўлидан бормай, балки инсонлар характеридаги, онгидаги ўзгаришларни кўпроқ акс эттиришга интилдилар. Мана шу даврда яратилган айrim ҳикоялarda ҳалқимизнинг маънавий-ахлоқий қарашларини, онгидаги эврилишларни тасвирлашга мойиллик кучайди. Масалан, Ўлмас Умарбековнинг “Қиёмат қарз” ҳикоясида ҳалқимиз феъл-авторига хос омонатга хиёнат қиласлик, ҳалоллик, кишиларга олийжаноблик билан муносабатда бўлиш каби хислатлар улуғланади. Чунки реал ҳаётда ўзгалар ҳақидан тап тортмаслик каби нохуш тамоиллар авж ола бошлаган эди. Ижодкор ана шундай тамоилларнинг олдини олиш, бундай жиҳатларнинг ҳаётда кенг томир ёишига йўл қўймаслик учун ҳикоянинг бош гоясини омонатга садоқат билан муносабатда бўлиш жиҳатига қаратади.

Адаб ўз асари учун танлаган мавзу ва ифодаламоқчи бўлган гояси ўша давр ҳикоячилиги учун “ностандарт” ҳисобланар эди. Бундай “ностандарт-лик” эса, ижодкордан икки хил анъанани таққослаш орқали воқеаликни бадиий тадқиқ этиш йўлидан боришни талаб қиласларди. Адаб анъаналар сатҳидаги бадиий синтезни муваффақиятли ифодалай олган.

Ҳикоя қаҳрамони Сарсонбой ота уруш туфайли ёлғиз фарзандидан жудо бўлади. Устига-устак ҳамқишлоғи Ҳайдарали урушга кетаётib, омонат қолдирган иккита қўй ҳам орадан йигирма йил ўтгандан сўнг, қирқтадан ортади. Ҳайдарали дом-дараксиз кетгач, қўйларни кимга топширишни билмаган Сарсонбой ота ҳар бозор куни дўсти Мадумарнинг чойхонасига келиб, чойхона деразасидан бозордаги одамларни кузатади. Унинг мақсади бозорга келган одамлар орасидан Ҳайдаралини топиш ёки у ҳақда бирор хабар эшитиш эди. Бироқ унинг бундай хатти-ҳаракати ҳеч қандай натижажа бермайди. Вақт эса ўтиб бораради. Сарсонбой ота зиммасига олган омонатни беҳиёнат эгасига топшириш умидида яшарди. У ҳар куни қўйларни ҳайдаб, қирга чиқиб кетарди. Кунларнинг бирида қир этагига, дам олиш мақсадида уч-тўрт йигит келади. Улар қўйлардан бирини сўйиш учун сотишни сўрашади. Сарсонбой ота бунга кўнмайди. Шунда улар қўйлардан бирини тутиб олишга ҳаракат қиласдилар:

“— Ҳозир биттасини ўзимиз тутиб олсак-чи? — Йигит илжаяди.
— Ундей құлмайсиз! Омонат дедим-ку, бўтам!
— Жуда зиқна экансиз-да! — Йигит аччиқланди. — Битта қўй нима, одамдан ҳам азизми?
— Нима дейсан? — деди йигитлардан бири.
— Юр, биттасини тутиб келайлик. Раисга ўзимиз жавобини берамиз.

Йигитлар тош қалъя томон йўл олишди.

— Тўхтанг! — Қичқирди Сарсонбой ота. — Мусулмон боласимисизлар, меники эмас, дедим-ку! Эгаси йўқ бу қўйларнинг. Урушда бедарак кетган, йигирма йилдан бери боқиб юрибман... Инсоф борми?

Йигитлар тўхтаб қолишли, кейин битта-битта орқага қайтиши. Сарсонбой ота индамади. Унинг рангида қон қолмаган, лаблари титрарди.

— Узр бобой!” (Ўлмас Умарбеков. Сайлланма. Уч жилдлик. Биринчи жилд. Тошкент. Faafur Fulomномидаги Адабиёт ва санъат нашриёти. 1984 йил. 87-88-бетлар).

Адаб Сарсонбой ота билан йигитларнинг учрашиши ҳамда мулоқотла-ри орқали икки хил анъананинг тўқнашувини ва тўқнашувда ҳалолликнинг голиб чиқишини тасвирлашга интилади. Ушбу эпизод ҳалолликнинг енги-ши билан якун топади. Албатта, ҳаётда бунинг акси ҳам бўлиши мумкин. Лекин ижодкорнинг эстетик идеали бундай якун билан келиша олмас эди. Чунки адебнинг эстетик идеали воқеаликни гўзаллик қонуниятлари асосида тасвирлашни талаб этади. Дарҳақиқат, эстетик идеал ижодкорнинг дунёқа-раши, мағкуравий, диний ҳамда инсоний туйғулари асосида шаклланган бўлиб, бу идеалдан чекинишга изн бермайди.

Хулоса қилиб айтганда, ҳикоя Сарсонбой отанинг омонатга хиёнат қилмаслик, аҳдига садоқат билан, келгусида ўз мақсадига эришажаклиги-га умид қилиб, уйига қайтиши билан яқунланади.

Чинакам фарзанд ота-боболарининг касб-корини давом эттириши, уларга хос ижобий хислатларни ўзида шакллантириши зарур. Шу жиҳатдан қаралса, Ўлмас Умарбековнинг “Чарос” номли ҳикояси алоҳида диққатга сазовор. Ҳикоя “Мен” томонидан баён этилади. Маълум бўлишича, ҳикоя қаҳрамони эрталаб ишга кетаётуб, бир эшик олдида чарос еб турган болани кўриб қолади. Бу ҳолат унинг болалик хотираларини ёдига солади. У мактабда ўқиб юрган чоғлари қишлоқдаги катта узумзорга ўртоқлари билан ўғирликка бо-ришади ва бօғбон чолнинг қўлига тушиб қолади. Бօғбон чол унга қаттиқ тегмайди. Уни эргаштириб чарослар пишган жойга олиб боради:

“— Тузукми? — деди чол менга қараб ва кулиб қўйди. Кўкрагига тушиб турган қалин оппоқ соқоли силкиниб кетди. — Тузук бўлса, шундан узиб бераман.

У қийифига осиб қўйган пичноини қинидан сугуриб узум уза бошлади. Бир пастда яктагининг иккала бари тўлиб кетди.

— Мана, болам, ол! Ўртоқларингга ҳам олиб бор”. (Ўша жилд. 80-бет).

У бօғбон чолнинг раҳмдиллигию муруватидан караҳт бўлиб қолган эди. Унинг хотирасида бօғбон чолнинг қизил этиги, оқ яктагиу белидаги қийиқ сақланиб қолган эди. Бу хотиралар уни ўз қишлоғига бошлайди. Қишлоқ анча ободонлашган, узумбог ҳам ўша-ӯша, яшнаб турарди. Бօғ девори тагида ёнгоқ ўйнаб ўтирган уч-тўрт боладан у бօғбон чолни сўрай-ди. Болалардан бири бօғбон чолнинг ўтган йили вафот этганлигини айтади. У бօғдан нарироққа бориб, туриб қолади. Шунда:

“Қани, ҳой болалар! Болалар-ов! — деган овоз эшишилди. Шартта узумзор томонга ўтирилдим. Деворнинг орқасида оппоқ яктагининг этагига тўла-

тиб узум солиб олган бир йигит жилмайиб турарди. Мен то ўзимни ўнглаб олгунимча, болалар этакни бўшатишди, йигит узумзор ичида гойиб бўлди.

— Ким бу? — Сўрадим ҳалиги болалардан боқقا ишора қилиб.

— Узумчи буванинг ўғиллари”. (Ўша жилд. 81-бет).

Бу ифода орқали адид ўқувчи диққатини муҳим иккита деталга тортади. Улардан бири ёш боғбон йигитнинг кийган кийимлари айнан отаси-никига ўхшашлигига бўлса, иккинчиси йигитнинг ота касбини давом эттирганлигига ва унга хос хислатларни ўзида сақлаганлигига кўзга ташланади. Бу билан ижодкор ҳар бир инсоннинг фарзанди отаси бошлаган ишларнинг давомчиси, унга хос саҳоватпешаликни ҳам эгаллаб олиши зарур, деганояни илгари суради.

Хуллас, Ўлмас Умарбековнинг мазкур ҳикоясида анъаналар сатҳидаги бадиий синтезнинг ўзига хос нозик қирралари акс этган.

Нурулло Отахоновнинг “Дунё кенг...” ҳикояси чуқур ҳаётий мавзуга бағишиланган. Унда Maston, Сорабону ва Сотихон исмли кампирларнинг ўзаро муносабатларини тасвирлаш орқали айрим аёлларга хос бўлган ёмон хусусият ҳақида сўз юритилади.

Маълумки, баъзи аёллар бўш қолишидиде дегунларича, бир-бирларининг ифвосини қилишади. Ёзувчининг учта кампирни танлаши бежиз эмас. Бу учтадан иккитаси учрашиб қолса, албатта, учинчисини ёмонлаш бошланади. Учаласи учрашиб қолсалар, улар ўзларини ўзаро гўё иноқдек тутадилар, бир-бирларини мақтайдилар. Кекса аёллар характерига хос бундай жиҳатларни адид ишонарли тасвирлайди. Уларнинг суҳбатида оддий маиший воқеа ва деталлар топқирлик билан қўлланилган. Кампирлар бир-бирларини ёмонлашар экан, бу дунёнинг ўткинчилигини унутиб қўядилар. Ҳикоя масаланинг моҳиятини очиб берувчи қуйидагича фалсафий талқин билан якунланади: “Дунё кенг экан, одамлари турфа экан, умр эса — оқар дарё. Мен билганим шу бўлди, азизлар. Энди ер юзидан у кампирларнинг изи ўчган, ер тагида жисми ҳам куриб битган. Бор-йўғи ўн йил ичида, демак, ҳаш-паш дегунча... аввал Сотти шилпиқ оламдан ўтди. Бу жудолик Сорабону билан Maston кампирни етим қилиб қўйди. Лекин илож қанча, айюҳаннос солиб қолаверишди. Молнинг ўлимига мол ачинади, одамники бўлакча-да, азизлар. Кейин... Кейин Maston кампир қазо қилди. Дунёни хувиллатиб кетди бояқиши. Охири Сорабону... Айтишларича, жон таслим қилгунча Сорабону тоза қийналган эмиш. Ўлимдан олдин фақат бир-икки лаҳзагина хушига келибди, тилга кирибди, ўшандада ҳам зўрга: “Юрагим сиқилиб кетяпти”, дея олибди, холос. Начора, дунё кенг, одамлар турфа... ишонинг, азизлар”. (Нурулло Отахонов. Дунё кенг. Ҳикоялар. Тошкент. “Ёш гвардия” нашриёти. 1986 йил. 20-бет).

Инсон табиати қизиқ. Ўзи кенг жаҳонга сифмагани ҳолда, уни кичкина юрагига жойламоқчи бўлади. Шунинг учун у ўзгалар билан келиша олмайди. Инсон табиатидаги барча ножоиз қусурлар мана шундан келиб чиқади. Maston, Сорабону ва Сотихонлар оламдан кўз юмишди. Лекин улар тириклик чоғларида бир-бирлари билан келиша олишмади. Дунёнинг ўткинчилигини англаб етмадилар. Инсон табиатига хос хусусиятларни адид кампирлар ўртасидаги бир-икки мулоқот воситасида очиб беришга ҳаракат қилди. Бир қараганда, ҳикояда бадиий синтез йўқдек туюлади. Аммо, жиддийроқ эътибор қилинса, унда икки қутбли синтезнинг бир қутбини кўриш мумкин. Синтезнинг иккинчи устувор қутби ўқувчи онгига жонланиб туради. Чунки тириклик пайтида бир-бирларини кўра олмай ифво қилиб юрган кампирлар йўқликка кетгандан кейин ҳам дунё кенглигича қолаверади.

Хуллас, адид ҳикоя орқали инсонларни инсофга, бир-бирларини қадрлашга ва ўткинчи ҳаётда инсофли бўлишга ундейди. Агар бу ундов оддий ифодаланса, таъсири камроқ бўлар эди. Шунинг учун ёзувчи ўз ундови-нинг таъсирчанлигини оширишда анъаналар сатҳидаги бадиий синтезга мурожаат қиласи.

Халқ ҳаётида асрлар мобайнида шаклланган урф-одатлар, анъаналар ҳар бир шахснинг маънавий-ахлоқий камолотида белгиловчи аҳамият касб этади. Шу маънода, урф-одатлар, анъаналар инсонийликнинг сарчашмаси ҳисобланади. Ушбу сарчашмадан узилган шахс тубанликка юз тутади. Ижодкорлар мазкур муаммони чуқур англаган ҳолда, ўз ҳикояларида анъаналар сатҳидаги бадиий синтезга тобора қўпроқ мурожаат қўймоқдалар. Шойим Бўтаевнинг “Ёлғиз бош” ҳикояси халқ ҳаётидан, урф-одатларидан узоқлашган шахснинг фожиасини кўрсатиши жиҳатидан аҳамиятли-дир.

Ҳикоя қаҳрамони Жўра Мэлсов коммунистик мағкурага сидқидилдан берилган шахс бўлиб, бу йўлда у ҳеч кимни тан олмайди, ҳеч нарсадан тап тортмайди. У йигитлик чоғларидаёқ, янги ҳаёт қуришга қаттиқ бел боғлайди. Фалласини давлатга топширишдан бош тортган амакиси Мамаюсуф акани ҳам аямайди. Амакиси уни оқ қиласи. Мамаюсуф аканинг ко-рандасига дўқ-пўписа қилиб, фаллани яширган жойини кўрсат, деб айтганда, коранда унга қараб кетмонни улоқтиради. Бундан ҳурккан от уни йиқитиб юборади. Боши билан йиқилган Жўра Мэлсов оғир шикастланади. Шу воқеадан кейин Жўра Мэлсов бир неча тенгқурлари билан Ленинградга ўқишига кетади. Ўқишидан кейин катта мансабларда ишлайди. Вақти келиб нафақага чиқади. Бу орада хотини вафот этади. Ёлғиз қизи дорилфунунда ишлайди. Қизининг келажагидан умиди катта бўлиб, у қишлоғидан келган совчиларга рад жавобини беради. Қизини узатади, бироқ тўйдан сўнг қуёвнинг ароқхўрлиги маълум бўлади. Жўра Мэлсов ўз уйида ортиқчалигини сезиб, жомадонга Лениннинг асарларини жойлаб, ўз қишлоғига қайтади. Илгари уни туман раҳбарлари алоҳида ҳурмат билан кутиб олишарди. Бу гал эса, телефон қилганига қарамасдан, ҳеч ким чиқмайди. Уни фақат – жияни Кенжекутиб олиб, таксида ўз уйига олиб боради.

Дастлабки пайтлари, Жўра Мэлсовни турли хилдаги тадбир ва учрашувларга таклиф этишади. Кейинчалик, бу ҳам барҳам топади. Кунларнинг бирида эрта тонг маҳали синглиси уйготади ва ҳамқишлоқлари Ота чўпон қазо қылганлигини айтади. Таомилга кўра, эрталабдан кун ботгунга қадар қишлоқ одамлари марҳумнинг эшиги олдида туришлари зарур эди. Синглисининг даъвати билан Жўра Мэлсов уч кун марҳумнинг дарвозаси олдида оқсоқоллар билан ўтиради. Шунда мулла Сувонқул бобо уни қабристонга эргаштириб боради ва амакиси Мамаюсуф аканинг қабри ёнида тўхташади.

“Мулла Сувонқул бобо устини қалин ўт-ўланлар қоплаганидан ер билан битта бўлиб кетаёзган тепачага уни етаклаб борди. Ўзи қабр этагида ўтиради. Жўра Мэлсовга қабр бошидан жой кўрсатди. Ўт-ўланларни четга суриб, тирноги билан ўймалаб бир кафт майда кесак аралаш тупроқ олди. Жўра Мэлсовга узатди. Сўнгра ўзигаям олди. Тупроқни ўпди, қошига суртди.

– Мамаюсуф раҳматликнинг қабри – шу! – деди. Жўра Мэлсов бир қалқиди.

Унинг тупургани... Ёрматнинг отни ҳуркитгани... миясининг лат ега-ни... оғриқ... оғриқ... симиллаган оғриқ, туриб кетмоқчи эди, мулла Сувонқул бобонинг осойишта товуши уни яна жойига ўтқазиб қўйди.

— Марҳумлар кечиримли!
Кафтидаги тупроққа қараб:
— Тириклар ҳам кечиримли! — деди.

Жўра Мэлсовнинг қўксидаги йиллаб қотиб ётган тош бир томизғи билан эриб битгандай йўқ бўлди. Беихтиёр тупроқни ўпиб, ёш қалқан кўзларига суртди”. (Шойим Бўтаев. Шамол ўйини. Қисса ва ҳикоялар. Тошкент. 1995 йил. 135-136 бетлар).

Ана шундагина, Жўра Мэлсов ўз умрининг аллақандай сароблар оғушида кечганлигини англаб етди. Энг ачинарлиси шундаки, у халқ ҳаётидан, унинг урф-одат ва анъаналаридан бутунлай узилиб қолган эди. Амакиси-нинг қабри устида бўлиб ўтган воқеадан сўнггина, у ўз гуноҳларига иқор бўлади.

Адиб ҳикоя орқали ҳақиқий инсон қайси ерда, қайси мансабда ишлашидан қатъи назар, ўзи туғилиб ўсган тупроқдан оёғини узмаслиги, халқнинг урф-одат ва анъаналаридан йироқлашмаслиги лозим, шундагина, у ўзининг инсоний бурчига содик бўлиб қолади, деган гояни илгари суради.

Халқимиз ранг-баранг маросимлар, урф-одатлар ва анъаналарга бой.

Ўзбек реалистик ҳикоячилигига анъаналар сатҳидаги бадиий синтезга йўғрилган намуналарнинг кўплиги бу борадаги фикримиз тасдиги бўла олади.





Баҳодир КАРИМОВ,
филология фанлари доктори

АЪЗАМ ШОИРНИНГ ЎҚТАМ ОВОЗИ

Истеъдодли шоир Аъзам Ўқтамдан мухлисларига “Кузда кулган чечаклар”, “Кузатиш”, “Зиёрат”, “Тараддуд”, “Икки дунё саодати”, “Қирқинчи баҳор” каби шеърий тўпламлари ҳамда “Хабар” қиссаси мерос бўлиб қолди.

Аъзам Ўқтамнинг адабий шахсияти ва қиёфасини, истеъдодининг асосий қиррасини шеърий асарлари белгилайди. Унинг шеърлари ҳикматли, изтиробли, ўйинли, ҳисли, тазодли, ташбеҳли, ирсоли масалли, пичинг-кинояли... Ижодкорнинг шеърларида “ўз” ва “ўзга”, “мен” ва “сен”, “биров” жуфтлиги кўп ишлатилади. Лирик “мен”ни аксар ҳолларда ижодкор мени билан тўла-тўқис ёнма-ён қўйишида хатолик йўқ. Аммо, “сен” ҳамда “биров”нинг кўлами кенг. “Биров” ортида ёр, дўст, душман, шогирд, устоз каби образлар ва, ҳатто, “мен” ҳам туради.

Аъзам Ўқтам табиатига хос тўғрилик, қатъият, асқия, ҳазилга мойиллик, ҳозиржавоблик каби хусусиятлар шеърларида ҳам мужассамини топган. Аслида, сўзга эътибор, сўзида туриш, сўзини бирорлар ихтиёрига бермаслик шоирнинг юксак маданиятидан дарак беради. Ортиқча гапириб қўйиши – хатарли. Инсон қалбан ҳидоят топган бўлиши мумкин аммо ўринисиз гапириб қўйиши ёмон: “Тилим, қўрқинчларим сендан, Хатарли сенга эрк бермоқ”. (“Ўтинч”).

Ижодкор поэтик дунёсини дунёқарашидан ажратиб тасаввур қилиб бўлмайди. Собитсиз дунёқарашиб ва эътиқодсиз сўз ўткинчи; назарий нуқтаи назардан унинг бадиий талқин мезонларида нуқсон бўлади. Улкан синовларга бардош бериб келаётган инсоният томонидан ижод этилган дунё адабиётининг дурдона асарлари шунга гувоҳлик беради. Аъзам Ўқтам иймон-эътиқодли инсон сифатида юрагини қофозга тўқар экан, ижоди учун адабий мезонни, чегараларни аниқ белгилаб олади:

*Бир киши ҳолидан, Оллоҳ,
Сақлагил, бергил амон –*

*Ухлагай мўмин бўлиб ул,
Ўйғонур коғир бўлиб! (“Ҳар бало... ”).*

Ёки:

*Бас қил эмди, ҳар сўзингда
Битта таъна, иддао,
Чунки миннат айламак ҳам
Бўлмас эмиши исломда. (“Тонгда эркин... ”).*

Шоир ҳаётдаги аъмоли ва амалига мос келмайдиган гаплар билан сўзашмоплик қилишни хуш кўрмайди; сўзни тежайди, ортиқча исроф этмайди. Айниқса, “Қирқинчи баҳор” тўпламига кирган шеърлари қисқа, лўнда, кам сўз билан кўп маънолар англатган, англатадиган шеърлардир. Шоир наздида, “Ёмғир — бу пичирлаб қилинган дуо”. Адабий-эътиқодий тафаккур иплари азалий илдизларга бориб тақалган Аъзам Ўктам шеърларидағи бундай бадиий санъатлар чин инсонга хос тарзда жаранглайди: “Ариқдан сув ичиб турган ул қушлар — Оғиз чайқаётган муслимга ўхшар”. (“Ўхшашлик”).

Аъзам Ўктам шеърларида мантиқ кучли, шиддат ва ўқтамлик, лирик қаҳрамон руҳиятида улкан бир дард ва алам бор. Шоир шеърларида мақол ёки маталлар, иборалар, халқона фразеологик бирликлар воситасида образ яратади. Баъзи ўринларда: “Ҳаёт менга дўстмас, ҳа, ёт”, “Оллоҳ, паноҳингга ол-л, оҳ”, “Кўпиртириди: зиёли “зиёнли”га айланди” каби сўз ўйинлари учрайди. Сўздаги биргина ургу, нуқта, оҳанг, бўлиниш янги маъноларга олиб келиши табиий.

Маълумки, мумтоз бадиий санъатлардан бири қалб деб номланади; унда сўзлар ўнг ва тескари ўқилганда ҳам маъно беради. Лугавий жиҳатдан “ағдарилиш, ўзгариш, айланиш” маъноларни англатадиган бу бадиий санъатда сўздаги товушларнинг ўрни алмашади.

*Дарада ҳайқирдим:
“Мен улуғ, улуғ!”
Қайтарилар:
“Ғулу”.
“Фол оч, — дедим, —
Келажакдан фол”.
Эшитилар:
“Лоф”.
Инградим:
“Оҳ, оҳ, оҳ”.
Гумбуrlайди:
“Ҳо, ҳо, ҳо”. (“Ўйин ”).*

Шеърдаги “улуг-гулу”, “фол-лоф”, “Оҳ, оҳ — ҳо, ҳо” сўзлари фонетик ўзгаришга учраган ва ҳар икки ҳолатда ҳам маъно ифодалайди.

Шеърий мисралардаги: “Оҳ уриб, дод дедим ичим ёнган дам”, “Қўзғалдим, томирда тирилди исён”, “Ўв, кимларни йиғдинг ёнингта”, “Шартта юлиб берай, қон юрагимни”, “Шарт тувраниб ўрнимдан турдим”, каби туйғулар шоир табиатидаги жаҳдни, шиддатли руҳий ҳолатни намоён этаиди. Сокин ва хотиржам маҳалида ўша ҳолатларни кўмсайди: «Қани, қайда қолди кечаги жаҳдим?»

Аъзам Ўктам ўзига хос шеърий услубга эга шоир. Шу боис, унинг шеърлари ўзидан бошқа ҳеч кимга ўхшамайди. Шунинг учун шеърий мисралардан шоирнинг ўктам овози келиб туради: жиддий, салобатли, ижтимоий-

ятли, кутилмаганда фавқулодда ва тагдор. Баъзан ўйинга солинган ва ки-нояли, аммо маънодор:

*Тилингизда ўша хуш наво,
Кўлингизда ўзим билган соз.
Танимайроқ турибман аммо,
Янгирганга ўхшайсиз бир оз.
Иқболингиз тагин ҳам кулсин,
Бошингизда сўнмасин шуъла.
Аравангиз муборак бўлсин,
Қуллуқ бўлсин янги ашула. (“Табрик”).*

Шоирнинг “Тарааддуд” тўпламида “Бир кун”, “Бир тун” деган зид сарлавҳали ҳажми катта иккита шеър бор. Аъзам Ўктам унда умр мазмунига, қалбига, теграсига, дўстларига, устоз-шогирдлар, катта-кичилклар ҳолига, энг муҳими, ўз-ўзига қайта-қайта назар солади.

*Тонг яқин!
Узун кун бошланар шу зум,
Тонг – бу қора тунга бўлур ниҳоя.
Ўзингдан керакдир ўзингга ҳужум,
Ўзингга керакдир ўздан ҳимоя.*

“Бир кун” шундай якун топади. “Бир тун”да ўзликка теран назар билан бирга тазарру кайфияти устуворлик қиласди:

*...Вуҷудим соғломдир, бироқ дил майиб,
Қилт этгим келмаюр, турарман шундай:
Бирор салом, деса, кундек жилмайиб,
Хайр, дегим келар, хўмрайиб тундай...*

Зиддиятиларга тўла ҳаётни равонлаштириш, зиддиятларга тўла дунёни сокинлаштириш, ҳаловатда турмуш кечириш инсоннинг ўзига боғлиқ.

Аъзам Ўктамнинг адабий-эстетик борлигини, шеъриятига хос хусусиятларни биргина шу шеъри воситасида ҳам тасаввур қилиш қийин эмас. Шеърда лирик қаҳрамон руҳияти, кайфиятига мос соғлом-майиб, салом-хайр, жилмайиб-хўмрайиб, муслим-кофир ва бошқа тазодлар кўп кўлланган. “Маломат” (“Кулгали куч беҳисобдур, Йигламоқ одат эмас”); “Наслига тортиш” (“юксалди-ку пасткашлар”), “Коса тагида нимкоса” (“иссиқсовуқ, ёз-қишиш”) каби шеърлари, умуман, шу бадиий санъат асосига курилганни.

“Қирқинчи баҳор” тўпламида шоирнинг “Ҳаракат” сарлавҳали мансур шеъри бор: “Қаршилик. Қамоқ. Қийноқ. Қасос. Қин. Қилич. Қалқон. Қуюлади қон қайноқ. Қаттол, қаттиқ қатағон. Ўлар. Ўқирап. Ўйлар. Ўприлар. Ўртанарап. Ўнгланар. Ўқир. Ўйнар. Ўсар. Ўтар. Ўрганар. Қувонч қаҳат. Қотади. Қора қисмат. Қайгу. Қон. Қадим қудрат қайтади қачон, қачон, қачон? Олиш. Отиш. Ободлик. Оғир ожиз оламга. Омонлигу озодлик омонатдир одамга. Нотиқлар номард, ноқис. Нечун нолиш, насиҳат? Нажот – норози нафас. Нафрат – насиба, неъмат”.

Бунда талатўп замонларда инсон ҳаётида дуч келиши мумкин бўлган воқеа-ҳодисалар, ҳис-туйгулар ва тушунчалар жамланган. Сажъ, оҳанг, аллатерация, такрор учун шоир маҳсус сўзларни танлайди. Бунда бевосита сарлавҳа моҳиятини мазмунан таъминлайдиган бир маромдаги ҳаракат ҳам,

айни чоғда, ҳаракат сабабчиси бўлган ўзаро зиддиятлар силсиласи ҳам бор. Энг муҳим қирраси, бундай ҳаракатдаги сўз ўйинидан, аниқроғи, сўзларнинг бош ҳарфлари йигиндисидан “Кўқон” сўзи пайдо бўлади. Мансурада шу қадим шаҳарга хос хусусият жамлангандек таассурот қолдиради. Ҳақиқатан, агар бу тарихий масканнинг ўтмишига назар ташланса, қирғин-баротлар, қатағон замонларида не-не номардлик ва сотқинликлар бўлгани хаёлга келади. Ўша машъум қатағон даври остонасида турган шоир Чўлпон бу ўлкага хитобан: “Эй гўзал Фарғона, қонли кўйлакингдан айланай, Тарқалиб кетган қора ваҳший сочининг боғланай”, деб ёзган эди ўтган асрнинг йигирманчи йилларида. Аъзам Ўқтам шеъридаги руҳ шундай ижтимоий пафосга эга. Эркесвар Чўлпон қалби, умуман, бу тоифа шоирлар занжирли мұхитларга сифаслиги боис кишанларга ҳурлики қарши қўяди. Шунга монанд Аъзам Ўқтам ҳам ўтган асрнинг саксонинчи йиллар охирларида “Қизимга ҳасрат” шеърида: “Кишан билакузук эмасдир, тумор”, деб ёzáди. Бошқа ўринда, яна шу образни қўллаб таъкидлайдики: “Шайтон қанча бермасин, пишанг, Бўсағадан ҳатлатмас, ахир, – Пойимдаги у кумуш кишан, Бўйнимдаги бу тилла занжир!” “Чўлпон” шеърида: “Кишан шакирлашдан бошқани билмас”, дейди.

Шу ўринда, Чўлпонга ихлосли Аъзам Ўқтамнинг бирорта адабиётшуннос томонидан айтилмаган, фақат шоирларгина илғаб оладиган бир мулоҳазасини эслаб ўтишни истар эдим. Бир куни учрашиб қолганида, Чўлпон шеърларининг яхлит бир бутунлиқдан таркиб топгани юзасидан сўз очиб дедики: “Чўлпоннинг истаган бир шеърини исталган бир шеърининг давоми ёки оралиғига жойлаштириб ўқиши мумкин, ундаги мантиқ бузилмайди”. Адашмасам, бу фикр ўз исботи билан радио тўлқинларида ҳам жаранглади.

Аъзам Ўқтам шеърларида фикр ва ҳис-туйғу ўзаро уйғунликда ижтимоий-фалсафий қўлам ҳосил қиласди. Унинг битта шеърини тугал тушунтириш, талқин ва таҳлил қилиш учун истайсизми-йўқми деярлик ҳар бир сўзи, мисраси борасида мулоҳаза юритиш лозим. Масалан, “Алдаманг, устоз!” деган ихчам бир шеърида ёzádi: “Сиз менданки, Тортинмадингиз, Аниқ – уялмайсиз Тангридан, асло”. Тўрт қаторга жойланган бу матн бор-йўғи еттига сўздан иборат. Аммо унда салмоқли бир фикр ва туйғу мужассам. Алданган шогирд қалбидаги алам ҳислари ифодаланган. Бундаги пафос нафосатдан кўра ҳақоратга яқин; бу қуюшқондан чиққан кишининг аламдан чиқиши учун ёзган етти дона сўзи, устозидан кўнгли қолган бир кимсанинг дарди бу. Бунинг қоғияси йўқ, вазни ва оҳанги ҳам ўзига яраша. Аммо бунда амали сўзига мувофиқ келмайди дея тасаввур қилинаётган кимсанинг гаройиб сувратига ихчам бир чизги кўринади.

Теран ёзиш учун теран бир тасаввур ва тафаккур лозим. Олимлардан бири айтадики: “Лойқа, мужмал тасаввур қилинган нарсалар, тусмолланиб ёзилади”. Аъзам Ўқтамнинг азалий, миллий қадриятлар тўғрисида ёзган “Изоҳ шарт эмас” шеърида теранлик бор.

Ижодкор ўз маънавий дунёсини, чинакам ботиний қиёфасини, тоза борлигини ёзмаса, ёлғон ребуслар тўқишига, ўзидан фаришта ясаш йўлига ўтиб олади. Шоир шеърларини ўзидан, “мен”идан айириб талқин қилиш мумкин эмас. Шеър ҳар кимга турлича таъсир кўрсатади, одам уни турлича қабул қиласди. Бундай завқни талқин қилишнинг ҳам ўз гашти бор. Шеърнинг таваллуд айёмини, кимга бағишлилангани, қачон, қандай шароитда нима учун ёзилганини аниқлаб, таржимаи ҳол йўсинда таҳлил қилиш ҳам адабиётшунослик тажрибасида мавжуд усууллардан бири, албатта. Лекин Аъзам Ўқтамнинг ўғил-қизларига, устозлари ёки яқинларига бағишлиб

ёзган “Қизимга ҳасрат”, “Тўмарис билан суҳбат”, “Мактуб. Қодир Дехқонга”, “Низомиддинни уйғотиш” каби шеърларининг адабий-эстетик кўлами кенг.

Аъзам Ўқтам шеърлари, насрый ва публицистик асарлари моҳиятига оят, ҳадис ва ҳикматларни сингдириб ёзи. “Ҳақ сўзни битмакка сарфланган сиёҳ Жангда томган қондек қадрли бўлар!” Яна бир шеърида: “Бугун тонгда негадир отам Қараб қўйди норизо бўлиб”, дейди. Отани норизо қилиш кўнгилни бесаранжом этади. Бу ўринда, ота-онанинг розилигига оид ҳадис ёдга тушади. Дарвоҷе, Аъзам Ўқтамнинг “Икки дунё саодати” китоби Расулulloҳ саллоллоҳу алайҳи вассаллам айтган қирқ тўртта ҳадиснинг шеърий талқин ва изоҳларидан таркиб топгандир.

Аъзам “Хабар” номли қиссасида (“Шарқ юлдузи” журнали, 1995 йил 1-2 сон) ўтган асрнинг биринчи чорагидаги алғов-далғовларга, ўзгариш ва таҳқикаларга тўла давр воқеаларини қаламга олади. Шўро идо-расининг кириб келиши, номигагина ўтказилган сайловлар, бойлар, босмачилар ва ниҳоят, Акрам каби ислом дини йўлида жон куйдириб, динни бидъат-хурофотдан тоза кўриш ниятидаги йигитларнинг интилишлари – барча-барча қиссада тоза назардан ўтказилади. “Хабар” қиссасида Акрам, Тавфиқбек, Нуриддин қози сингари турли тоифа кишиларининг қиёфасини, ички ва ташқи оламини бир мунча теран тасаввур этиш мумкин. Асарда тифизлик бор, воқеа-ҳодисалар жуда ихчам-мухтасар баён этилган. Қиссанинг якунида Акрам Тавфиқбекка хат ёзиб, эл-юрт ўролар кўлига ўтгани хабари берилади. Асарга сарлавҳа қилиб олинган “Хабар”-нинг бир сабаби шу. Иккинчидан, айни мактубда, Қуръони каримнинг “Набаъ” – “Хабар” сурасининг сажъли-ѓўзал таржимаси келади. Сура моҳияти қисса мазмунига қайсиdir маънода боғлик.

Аъзам Ўқтамнинг «Кўзи боғлиқ қуш», «Мазмуни очилмаган...» шеър эмас», «Шайтонни таниб олинг, болалар» каби адабий таҳдил ва тақризлари, шунингдек, “Гапнинг индаллоси”, “Ўйнаб гапирсанг ҳам...”, сингари ихчам публицистик мақолалари ҳам ўз вақтида муҳлислар эътибори-ни тортганди.

Аъзам Ўқтам бир шеърида: “Ўлим деманг, ўлим ўлсин! Ўйнаб-кулиб юзга тўламан”, деб ёзган эди. Шоирни ўлган деманг, азизлар, “ўлим, ўлсин!” Аъзам Ўқтам бу йил элликка тўлди.

Аъзам Ўқтам “ўйнаб-кулиб юзга” ҳам тўлажак!





Йўлдош НОРБЎТАЕВ,
тадқиқодчи

ЎЗБЕК МИЛЛИЙ ЧОЛГУЛАРИ ТАРИХИДАН

Халқимизнинг қадимий бой тарихий, ижтимоий, маданий ҳаётида миллий чолгулар ҳамиша маънавият ва маърифатнинг ажralмас қисми бўлиб келган. Анъанавий халқ байрамлари, сайиллари, “Мустақиллик”, “Наврӯз” умумхалқ тантаналари, турли тўй маросимлари каби шодиёна тадбирларни ва яна маънавий ҳаётилизнинг кўпдан-кўп соҳаларини халқимизнинг қадрли куй ҳамда кўшиқларисиз тасаввур этиб бўлмайди. Чунки бундай оммавий йигин-тантаналарга миллий чолгуларда ифодаланган куйлар алоҳида файз ва шукуҳ бағишлайди. Сабаби – миллий чолгуларда ўтмишда яшаган аждодларимизнинг бой маънавияти, қобилияти, ҳаётбахш фазилатлари, ҳар қандай вазиятда ҳам намоён бўлган букилмас иродасида мужассамдир. Модомики шундай экан, миллий чолгулар бизни ўтмиш билан ўзига хос тарзда “жонли” алоқада бўлишга, аждодлар руҳини теран ҳис қилишга ҳамда ўзлигимизни англашга ҳам хизмат қиласди. Шу билан бирга, анъанавий чолгуларимиз миллий мусиқанинг ички қонуниятларини (парда, оҳанг ва бошқаларини) англаш қаторида, муайян жанрлар ривожи ва улар билан боғлиқ ижро-чилик (яккахон, жўрнавоз, ансамбл) шаклларини ўрганишда ҳам аҳамияти бекиёсдир. Шу боисдан, замондош олимлар ва амалиётчи мутахассислар миллий чолгуларнинг тузилишидан тортиб, уларда ижро этиш масалаларига доим катта ётибор бериб келадилар.

Ўзбек миллий чолгуларининг тарихи, уларнинг ўзига хос тембр-бўёқлари ва халқимиз маданий ҳаётида тутган ўрнига бағишлиланган бир қатор илмий-назарий асарлар, тадқиқотлар яратилган. Шулар қаторидаги Фитратнинг “Ўзбек классик мусиқаси ва унинг тарихи” илмий рисоласи, асосан, “Шашмақом” ҳақида бўлсада, муаллиф миллий чолгулар тўғрисида ҳам қимматли мулоҳазаларини билдириб ўтади. Шундай фикрларни, масалан, дўмбира, танбур (танбура), қўбиз, гижжак сингари чолгуларнинг келиб чиқиши тарихи ва замонавий маданий хаётда тутган ўрни ҳамда овоз хусусиятларини тавсиф этишда кўриш мумкин.

Муаллифнинг қўбиз чолгусига берган таърифи, унинг мунгли овози гижжакка нисбатанда афзал эканлиги ва шу боис ҳам анъанавий чолгу (мақом) ансамбли таркибидан ўрин олганлиги ҳар бир чолғушуносни ўйлантириб қўяди. Матъумки, бугунги кунда анъанавий қўбиз чолгуси амалиётда деярли қўлланил-

маяпти. Миллий қадриятларимиз қайта тикланаётган ҳозирги янги даврда, бу чолгунинг нуфузи ва унда анъанавий ижрочиликни қайта тиклаш лозимлиги шубҳа туддирмайди.

Ўзбек миллий чолгуларини тизимли равища ўрганиш ишлари илк бора санъатшунос В.Белеяев ишларида кўзга ташланади. Муаллифнинг “Музыкальные инструменты Узбекистана” (“Ўзбекистоннинг мусиқа чолгулари”) китобида, жумладан, чолгуларни алоҳида гурухларга бўлиб ўрганилганлигини кўрамиз. Олим ҳар бир чолгунинг шакл қиёфасидан тортиб, унинг товуш қаторларига ҳам илмий ёндашганлиги аҳамиятлидир. Шу билан бир қаторда, айрим мунозарали фикрлар ҳам билдирилган. Масалан, В.Белеяев халқимизнинг ўтмишида ҳам, ҳозирда ҳам севимли чолгуси бўлган танбурни ҳар жиҳатдан ўз аҳамиятини йўқотгандек кўрсатишга интилиши мунозаралидир.

Бунда муаллиф, эҳтимол, танбурнинг, асосан, хон саройларида ишлатилганлигини назарда тутиб ва, айни чоғда, “санъатнинг синфийлиги” таълимотига таяниб шундай ёзган бўлса керак.

Ўзбек миллий чолгуларининг узоқ ўтмишдан бошланган жиҳатини ўрганишда яна бир санъатшунос Т.Визгонинг “Музыкальные инструменты Средней Азии (Исторические очерки)” (“Марказий Осиё мусиқа чолгулари (Тарихий очерки-лар)” илмий лавҳалари қизиқиши уйғотади. Муаллиф миллий чолгуларнинг тарихий босқичлардаги ривожини хронологик тарзда амалга оширишга интилиб, ёзма ва тасвирий манбалар қаторида моддий маданият ёдгорликларидан унумли фойдаланган. Жумладан, энг қадими чолгулар қаторида пулфлама (най), урма (доира ва бошқалар) ва турли чертма чолгулар тилга олинади ҳамда улар ижтимоий ҳаётда бажарган вазифаси билан боғлиқ талқин этилади. Бунга эрамиздан аввалги бешинчи-биринчи асрларга тааллуқли археологик топилмалар муҳим ашёвий далил сифатида келтирилади. Масалан, археологик қазишимларда топилган энг кўп чолгулардан бирини доира ва шунга ўхшаш урма чолгулар ташкил этади. Бу ҳолатни санъатшунос С.Болтазода шундай шарҳлади: “Табиат ҳодисаларининг такорийлиги (табиатнинг ўлиш-тирилиши) коинот ва осмон жисмлари ҳаракатининг мунтазамлиги ва, умуман, вақт оқимининг изчиллиги, давомийлиги ибтидоий тасаввурда доим илоҳий мазмунга эга бўлиб, давравий айланма рақс ҳаракатлари табиий ёки сунъий урма чолгулар воситасида ифодаланган”.

Санъатшунос Т.Визго торли чертма чолгулар тарихини ўрганишда ҳам қимматли фикрларни баён этади. Масалан, Фаргона тог тизмаларида топилган кўплаб тасвирларда доирасимон чолгулар акси бўлса, Афросиёб топилмалари орасида удсимон (лютня) чолгули терракота ҳайкалчалари олимлар эътиборини ўзига тортган. Қадими топилманинг Т.Визго аниқлаган ноксимон коса хонали, калта даста тўрт торли чертма чолгуси ҳозирда маълум удни эслатади. Узоқ ўтмишда бу чолгу, асосан, аёл созандалар орасида кенг кўлланилганлиги ўринли ёзилган.

Кўп учрайдиган чолгулардан бири бу чанг (арфа)дир. Унинг келиб чиқишини олимлар Осиё маданияти билан боғлайди. Т. Визго кўхна Айритомдан топилган тоштахта (мусиқачилар акс этган карниз) асосида чуқур хulosаларга келган. Шубҳасиз, тоштахтада акс этган чолгучилар ансамбли қасбийлик (профессионализм) асосига эга. Чунки, шу асосда, анъанавий ижодий жамоа тузиш қонуниятларини англаш ҳамда амалиётда қўллаш имкони бор.

Чолгулар билан бир қаторда, уларда ижро этишга мўлжалланган куйлар таҳлили Ф.Кароматли тадқиқотларида атрофлича ёритилган. Хусусан, муаллифнинг “Узбекская домбровая музыка” (“Ўзбек дўмбира мусиқаси”) китобида дўмбира-нинг тузилиши, товуш қатори, жойлардаги машҳур ижрочилари ҳамда шу чолгу учун ижод этилган маҳсус куйлар тадқиқ этилган бўлса, олимнинг яна бир асари “Узбекская инструментальная музыка” (“Ўзбек мусиқа чолгуси”) китобида шу усуlda деярли барча миллий чолгулар кўриб чиқилган. Олим анъанавий чолгу ансамбларини, миниатюра тасвирлари ҳамда ҳозирги мусиқа амалиёти борасида олиб борган шахсий кузатувлари асосида баён этган.

Ансамбль ижрочилигига оид тадқиқотларда, хусусан, Ж.Расултоевнинг “Ўзбекская традиционная инструментально исполнительская культура” (“Ўзбек аньанавий чолгуларида маданий ижро”) ишида ўзбек чолгу ижрочилик маданияти кенг миқёсда тадқиқ қилинади. Миллий чолгуларни ўзбек мусиқашунослигига мавжуд таснифдан (Ф. Кароматли, О. Бочкарева ва бошқалар) фарқли равища (закс ва хорнбостел тизими асосида) қуидаги гурухларга тақсимлайди:

А. Идафонлар – қошиқ, қайроқ, сафойил, патнис, лаган, занг, суюкчанг-кўбиз, чангкўбиз;

Б. Мембрафонлар – қўш ногора, рез ногора, доира, кенчик;

В. Хордафонлар – қонун, чанг, қашқар рубоби, афғон рубоби, уд, танбур, дутор, дўмбира, сато, гижжак, қўбиз;

Г. Аэрофонлар – қўшнай, буламон, сибизга, карнай.

Ўзбек миллий чолгучилик ансамбли қадимий тарих ва бой анъаналарга эгалиги бир қатор тадқиқотларда кўрсатиб ўтилган. Жумладан, таниқли мусиқашунос олим Ф.Кароматли деворий чизғилар, терракота хайкалчалари, миниатюра тасвирлари ҳамда Шарқ мумтоз адабиёти каби манбаларга таяниб, чолгу ансамбларининг бир неча турларини аниқлайди. Шулардан асосийлари қаторида қўйида-ги икки қўриниш алоҳида кўрсатилган:

1. Садоланиш кучли чолгулар ансамбли;

2. Нисбатан майин садоли ансамбль.

Садоланиш кучли чолгулар, одатда, сурнай, карнай ва ногоралардан таркиб топган бўлиб, улар очиқ майдонларда, ҳалқ байрамларида, турли томошаларда (дарбозлар, қўғирчоқбозлар ва анъанавий) қўлланган. Шунингдек, ҳарбий юришларда ва ов пайтида ҳам бу ансамбль хусусиятидан мақсадга мос равища фойдаланганлигини қайд этади муаллиф.

Най, рубоб, гижжак ва доира чолгуларидан иборат майин садоли ансамблар эса, асосан, сарой, уй (хона) шароитларида қўлланиши ва баъзан бу турдаги ансамбль хонандага жўрнавозлик вазифасини бажариши эътироф қилинади. Бу турдаги ансамбль торли-камонли (гижжак, қўбиз, сато), торли-урма (чанг), торли-чертма (танбур, дутор), дамли (буламон, қўшнай) ва урма (доира, сафойил, қошиқ) чолгулар қўшилиши эвазига янада кенг тус олиши ҳамда бу шаклда катта тантаналарда намоён бўлиши ҳам муаллифнинг эътиборидан четда қолмаган. Йигирманчи асрда ушбу ансамблар негизида унинг турли хил қўринишлари, хусусан, “Мақом ансамбли”, “Ўзбек ҳалқ чолгу ансамбли”, “Карнай-сурнай ансамбли”, “Доирачилар ансамбли”, “Дугорчилар ансамбли”, “Гармончилар ансамбли” кабилар юзага келди. Бу ансамблар ижро жанри, услуби ва яна талайтина хусусиятлари билан бир-биридан фарқланади. Масалан, карнай-сурнай ва доирачилар ансамбларида ритмик ва динамик ифодавийликлар алоҳида бўрттирилса, гармончилар ансамбли, асосан, терма, лапар ҳамда достон номаларининг чолгу варианларини ижро этади.

Анъанавий ансамблар негизида тузилган ҳалқ чолгулари оркестрига эса, аньанавий ансамблардан фарқли равища, катта ижодий вазифалар юкланган эди. Жумладан, ҳалқ чолгулари оркестри миллий куйлар билан бир қаторда, бошқа ҳалқлар мусиқаси ҳамда бастакорларнинг асарларини ҳам ижро этиши кўзда тутилган. Табиийки, бундай ижодий вазифалар, ўз навбатида, оркестр таркибидаги чолгуларнинг имкон доирасини янада кенгайтиришни тақозо этган. Бунинг учун чолгуларнинг (айниқса, торли чолгуларнинг) садоланиш кучи ва соз тизимини қайта кўриб чиқиши зарур эди. Шу мақсадларни кўзлаган ҳолда, йигирманчи асрнинг йигирманчи йилларида таниқли созгар уста Усмон Зуфаров катта гижжак, катта дутор, катта танбурларни ясади. М.Харратов эса чанг чолгусининг катта шаклини яратди. Мазкур чолгулар 1927 йили Ўзбекистон радиоси ҳузурида тузилган Юнус Ражабий раҳбарлигидаги ҳалқ чолгулари (унисон) оркестрида илк бора қўлланила бошланган. Хусусан, ушбу унисон оркестрнинг таркибида Усмон Зуфаров томонидан ясалган “катта гижжак” ҳамда нисбатан қуий регистрли дутор

ва танбурлар ўрин олган эди. Халқ чолгуларининг янги бу кўринишлари оркестрнинг диапозонини маълум даражада кенгайтириши билан бирга, яна оркестрнинг ифодавий воситаларини ҳамда тароватини рангин бўёқлар билан бойитди.

Ўтган асрнинг ўттизинчىйилари ўрталарига келиб А.Петросянц бошчилиги-даги бир гуруҳ соз усталари – С.Диденко, В.Романченко, А.Кевхоянцлар халқ чолгуларини кенг миқёсда реконструкция қилиш ишларини олиб бордилар. Бу меҳнатнинг натижасида, ўн икки босқич асосида темпирация қилинган дутор, танбур, рубоб чолгулари, шунингдек, гижжак сирасига мансуб гижжак-прима, гижжак-альт, қўбиз-бас ва қўбиз-контрабаслар пайдо бўлди. Шу хил реконструкция қилинган халқ чолгулари сабаб бўлиб, 1938 йили Ўзбекистон давлат филармонияси хузурида иккита ижодий жамоа – халқ чолгулари “этнографик” оркестри (раҳбар Т.Жалилов) ва халқ чолгулари “нотали” оркестри (раҳбар А.Петросянц) вужудга келганди. 1948 йили эса Тошкент Давлат консерваториясида А.Петросянц ташаббуси билан халқ чолгулари факультети ташкил этилиб, унда реконструкция қилинган миллий чолгулар асосида талабаларга тизимли таҳсил бериш ишлари йўлга қўйилади. Бугунги кунда, миллий қадриятларимиз қайта тикланиб, янги назарлар асосида ривожланаётган босқичларни миллий чолгу ижрочилиги мисолида ҳам кузатишмиз мумкин. Жумладан, чолгуларимиздан анъанавий ижрочилик билан бир қаторда, турли хил ансамбл ва оркестрлар – халқ симфоник, дамли эстрада – симфоник каби ижодий жамоалар самарали фаолият олиб бормоқдаки, бу истиқолимиз шарофати туфайли юзага келган муҳит қирраларининг кўринишларидан биридир.





Ўўлингизга... қараб турган кўздириман

Замира ЭГАМБЕРДИЕВА

* * *

Қараб туриб кўзимга
Бор сиримни ўқийсиз,
Мен ҳақимда ўзимга
Афсоналар тўқийсиз.

Гулнинг иси келармиш
Ёзган ҳар бир хатимдан,
Ҳатто ҳарфлар кулармиш
Фол очишиб баҳтимдан.

Бу дунёнинг яроқсиз
Ёлгонини суйдик биз,
Мұхаббатнинг адоқсиз
Оловида куйдик биз.

Йилнинг тўртга фаслида
Гул ундирилик қуёшдан,
Суйган кўнгил, аслида,
Яралгандир бардошдан.

Йўлингизга энтикиб
Қараб турган кўздириман,
Тилингиздан тўқилиб
Қолган ширин сўздирман.

Ой оҳиста боқади
Юлдузларга мастона,
Менга жуда ёқади
Сиз тўқиган афсона.

* * *

Кўнглимда кезар қуюн,
Ўнгимми ё тушимми?
Сиз – тангрининг мен учун
Учирган бахт қушими?

Қилолмай кўздан қувгин
Телбага ўхшаб қолдим.
Не қилай, куйса бағрим,
Ишқ ўтин ушлаб олдим?

Юрак сезар, барибир,
Кўз илгамас шарпани.
Билолмадим, қайдадир,
Муҳаббатнинг Ватани?

Пойингизга бош эгай
Банди бўлди эс-хушим.
Елкамни тутиб берай
Зора, кўнса бахт қушим.

* * *

Юлдузларни, ойни, қўёшни
Паноҳида асрайди осмон.
Кўксидаги кафтдек бардошни
Нечун қийнар жамики инсон?

Тош отсалар бебош болалар
Чўкиб кетар сойнинг тубига.
Тогда унган чўғдек лолалар
Зеб беради менинг умримга.

Потирлаган юрак ҳам гўё
Қафасдаги қушмикан, дейман?
Биз талпиниб яшаган дунё
Бир лаҳзалик тушмикин, дейман?

Эркалатгим, ўпгим келади,
Юрагимни кафтимга қўйиб.
Кўзларимга суртгим келади,
У ҳам менга тикилса тўйиб.

Бош кўтарса йилларнинг гарди,
Изларидан янгишар мезон.
Осмон ойни асраран каби
Юрагини асрасин инсон.

* * *

Сиз тўқиган ёлғоннинг
Озори йўқ негадир.
Кўнгил деган қўргонни
Очгим келди кимгадир.

Мен кўрқмайман йўллардан,
Кушлар бизга ҳамроҳdir.
Гул тутгувчи қўллардан
Юз ўтиromoқ гуноҳdir.

Кўнгил деган қўргоннинг
Эшигига енг бўлай.
Сиз тўқиган ёлғоннинг
Поёнига тенг бўлай.

Кўзёш бўлиб юракнинг
Тўкилиши ёмондир.
Мендек жони ҳалакнинг
Кўрган куни гумондир.

Йўллар қургур адоқсиз,
Бизлар билан иши йўқ.
Бу дунёда гуноҳсиз
Яшагувчи киши йўқ.

Сигмай қолиб қўксимга
Оққан ёшлар, ёш эмас.
Отилмайди ҳеч кимга
Тоғнинг тоши тош эмас.

Кўнгил деган қўргонни
Оғим келди кимгадир.
Сўз тўқиган ёлғоннинг
Озори йўқ негадир.

* * *

Мен баҳтли аёлман, қирқта жоним бор,
Ҳаммаси умримга, сизга баҳшида.
Она деб аталмиш улуф номим бор,
Болангни эркалаб, суйиш яхши-да.

Қирқ жоннинг ҳеч бири меники эмас,
Аслида, ҳаммаси бировнинг мулки.
Уларни аямоқ қўлимдан келмас,
Илҳомнинг огуши – шоирнинг эрки.

Ишониб, алданманг табассумимга,
Қилдай қирқта жоним руҳимда меҳмон.
Шеър ишқи ёнадир бор вужудимга –
Мени асраб турган қирқ биринчи жон.





Дилдора ҲОШИМОВА,
докторант

«РОСТИ БУЛ ЭРДИКИМ, МАСТУР БЎЛДИ...»

(“Бобурнома”даги қиёслашда муаллиф шахсиятининг ёритилиши)

Шоир ва шоҳ Бобурнинг “Бобурнома” асари аввалидан сўнгигача деярли қиёслаш услубда ёзилган. Айнан, ушбу услубда муаллиф дунёқараш кенг очилган. Бобур давридаги ижтимоий, сиёсий, давлатчиликка оид маълумотларнинг энг муҳими, объектив характерга моликлиги, айнан, “Бобурнома”даги қиёсий таҳлилларда аён бўлади.

Хали ўн етти-ўн саккиз ёшлик пайтида, Самарқандни иккинчи марта эгаллаган Бобур ўзининг саркардалик лаёқатини Ҳусайн Бойқаро билан қиёслайди. Ушбу қиёслаш Бобурнинг салтанат бошқаруви, юртга султон бўлишининг бир неча қирралари, муҳорабаларда мардларча кураш олиб бориш ва мақсад сари интилишнинг таҳлилини берган. У: “Султон Ҳусайн мирзо ҳам Ҳирини ушбу йўсунлиқ гофиликта олибтур”, дер экан, гё ўзининг устунлигини намоён этмаётгандек, бу қиёслашда ёш, ҳали тажрибаси камроқ Бобур муҳораба олиб боришида Ҳусайн Бойқарога пайравлик қилгандек кўринади. Аслида, бу унинг мақсадига нисбатан “кириши сўзи” бўлиб, кейинги қиёслаш иборалари Бобурнинг юксаклигини, ёш бўлишига қарамасдан, муҳорабада голибликка эришганлигини исботгайди.

Бу қиёслаш Бобурдан анча катта ёшда бўлган, кўп маҳорабаларни бошидан кечирган, ҳаёт тажрибасига эга Ҳурросон подшоҳи Ҳусайн Бойқаро билан “Бобурнома” муаллифи ҳақида бораётганилиги мазкур матнга яна бир карра диққатимизни тортади. Бобур “аввал буким” деб бу қиёслашни бошлар экан, ўзининг салтанатни бошқариш ва муҳораба олиб борища, айнан, Самарқанд таҳтини иккинчи марта қайта эгаллашини Ҳусайн Бойқаронинг шу таҳлитдаги муҳорабаси билан солишишиб, қиёслаб ундан беш жиҳатдан устунлигини келтиради. Бунда Бобур ҳарбий маҳоратининг жуда кўп қирралари очилган.

Масала янада ойдинроқ бўлиши учун мазкур матнни тўлалигича келтиришни маъкул кўрдик: “Султон Ҳусайн мирзо ҳам Ҳирини ушбу йўсунлуқ гофиликта олибтур. Вале, иш билур киши олдида равшан ва инсофлиқ эл қошида мубайян-дурким, бу иш била ул иш орасида тафовутлардур ва ул олиш била, бу олиш орасида кўпроқ фарқ бордур. Аввал буким, Султон Ҳусайн мирзо кўп ишлар кўрган, бисёр тажрибалар кечурган улуг ёшлиқ подшоҳ эди. Иккинчи буким,

ганими Ёдгор Мұхаммад Носир мирзо эди, ўн етти-ўн саккиз ёшлиқ бетажриба ўғлон йигит эди. Учинчи буким, ганимнинг ичидин кайфиёт ва ҳолотни билган киши Мир Али мирохұр мирзога кишилар йибериб, ғофиллиқта ганим устига келтурди. Тұртинги буким, ганими құргонда эмас эди, Боги Зогонда эди. Султон Ҳусайн мирзо олғон маҳалда Ёдгор Мұхаммад мирзо ва тавоби андоқ ичкулукка тушган экандурларким, ул кече Ёдгор Мұхаммад мирzonинг эшигидә уч киши экандур, алар ҳам маст, ўзи ҳам маст. Бешинчи буким, ул мартаба ғофиллиқта – ўқ келди ва олди”. (Захириддин Мұхаммад Бобур. Бобурнома. “Шарқ” нашриёти матбаса акциядорлик компанияси Баш таҳририяты. Тошкент. 2002 йил. 80-бет. Кейинги иқтибослар шу китобдан олинади. Таъкидлар бизники – Д.Х.).

Ҳусайн Бойқаронинг беш устунлик жиҳатидан Бобурнинг беш устунлиги қиёси мантиқан теран тарзда баён этилган. Бу, бириңчи навбатда, ҳар иккала саркарданинг муҳорабадаги ютуқ ва камчиликлари тазод тарзда ифода этилған-лиги билан ажралиб туради: тажрибалилік ва тажрибасизлік, катта ёшлилік ва ёшлиқ, муҳораба майдонининг географик қулайлік мавқеи, стратегик аҳами-яты ва ундан самарали фойдаланиш мүмкінлеги ва бунинг акси, Ҳусайн Бойқаронинг ҳийла ишлатыб, ганимнинг мастилигіда бир борғанда осон мақсадға әришгани ва Бобурнинг иккі марта келиб Самарқанд таҳтига эга бўлиши маҳо-рат билан қиёсий таҳлил этилган.

Бобурнинг бу қиёси, аслида, унинг ҳаёти ва ижодига оид ҳалигача мавжуд бўлган жуда кўп саволларга ҳам жавоб беради. Бу, энг аввало, унинг бобоси Амир Темур салтанатини аввалигидек тиклаш учун тасарруфида бўлган ерларни қайта қўлга киритиш, бунинг учун “юрг олиш”ни мақсад этганлиги, ёшлигиданоқ мардлик, жасорат, ғоҳида таваккал қилиб ҳам мақсад сари интилғанлигининг дастлабки қадамларида унинг Ҳусайн Бойқаро билан ўзининг ушбу қиёсида ёрқин ифодасини топғанлигини кўрамиз. Бобур ёзади: “Мен Самарқандни олғонда ўн тўққуз ёшта эдим. Не кўп иш кўруб эдим, не тажриба бўлуб эди. Иккинчи бу-ким, менинг ганимим Шайбоқхондек пуртажриба ва кўп иш кўрган ва улуғ ёшлиқ киши эди. Учинчи буким, бизга Самарқандтин ҳеч киши келмайдур эди. Агарчи шаҳр эли манга кўнгуллик эди, vale, Шайбоқхоннинг кўрқунчидин ҳеч киши бу хаёлни қила олмас эди. Тұртинги буким, менинг ганимим қўргонда эди, ҳам қўргонни олилди, ҳам ганимни қочурулди. Бешинчи буким, бир мартаба Самарқанд қасдига келиб, ганимга туйдурууб, иккинчи маротаба келганда Тенгри рост келтурди, Самарқанд фатҳ бўлди”. (80-бет).

Бунда “Бобурнома” муаллифининг очиқ кўнгиллилиги, асарда фақат рост сўзларни баён этганлиги, ҳатто юқоридаги фахриядан ҳам мақсади ўзини ким-дандир устун қўйиш эмаслигини таъкидлаганини кўрамиз. Ваҳоланки, у ўз жасорати билан ҳар қандай мақтовга лойиқ бўлган: “Бу деганлардин гараз элга санг кам урмоқ эмас, баёни воқеи бу эрдиким, мазкур бўлди. **Бу битилғанлардин мақ-суд ўзини орттурмоқ эмас, рости бу эрдиким, маствур бўлди**”. (80-81-бетлар).

Бобурнинг қиёслаш санъати “Бобурнома”нинг кейинги – Ҳиндистон тарихига оид тасвирларида ўзининг мукаммаллик даражасига етган, десак хато бўлмайди. Бунда ҳам Бобур Ҳиндистон табиати, набототи, ҳайвонот олами, қўл остидаги кишилар ва бошқа сultonларга хизматда бўлган турли-туман шахсларнинг руҳий ҳолатининг ранг-баранглиги, бир-бирига ўхшашлиги тубдан фарқ қилишини жуда маҳорат билан тасвирлайди. Бу масала алоҳида тадқиқот обьекти эканлигини инобатга олиб, биз Бобурнинг Ҳиндистон ва Ҳурросон сultonлари, шоҳ ва салтанат бошлиқлари билан ўзини қиёслаши мавзуини кўриб чиқиши, юқоридаги қиёс-лашларнинг мантиқий давомини ўрганиб, қиёслаш услубининг нозик томонлари-га назар солишини маъқул билдик.

Бобур 1525 йил воқеаларини тасвирлар экан, Амир Темур салтанатини аввали қаламравида эгаллаш, давлатчилик ишларидан тартиб ўрнатиши ниятида Ҳиндистон учун кўп маҳорабалар олиб боради ва бу иш унинг мақсади эканлигини ҳам очиқ баён этиади: “Ушбу тарихдин тўққуз юз ўттуз иккигача Ҳиндистонга, бажид уру-

шиб, етти-саккиз йилда беш навбат Ҳиндистонга черик торттук. Бешинчи навбатта таоло ўз фазл ва карами била Султон Иброҳимдек ганимни мақхур ва абтар қилиб, Ҳиндистондек васеъ мамлакатни бизга муюссар ва мусаххар қилди". (195-бет).

Бобур ўзини Ҳиндистон султонлари билан қиёслашни шунчаки бу юртни тасарруфига киритиш тарихидан бошламаган. У, энг аввало, Ҳиндистонда узоқ муддат ҳукмронлик қилган султон ва шоҳларнинг фаолияти билан ўзининг ҳарбий имкониятларини қиёслайди, чогишириди ва якуний хulosага келади. Бобур ўзини бу ўлкани турли даврларда забт этган Султон Маҳмуд Фазнавий (Фозий), Султон Шиҳобиддин Фурий билан солишириб кўради.

Айниқса, Бобур ўзининг лашкаркашлик ва юрт бошқариш сиёсатини Маҳмуд Фазнавий билан қиёслар экан, унинг ҳарбий маҳорати, устунлиги, кам қуч билан Иброҳим Лўдийнинг қудратли армиясини маглуб этганлигига оид фикрлари, унинг бошқа султонлардан нақадар устунлигини яққол кўрсатади. Бобур ижоди билан шугулланган кўпгина Farb олимлари уни Шарқ адабиётининг моҳир тарихчиси, адаби эканлигини тан олган ҳолда, ҳарбий саркардалиқ қобилиятига ҳам юксак баҳо берганлар. Масалан, инглиз тарихчиси Лейн Пуул бу борада ёзди: "Унинг мемуарлари бир аскарнинг ҳарбий юриш ва чекинишлари ҳақидаги оддий кундалик дафтар эмас: бу хотираларда Шарқ адабиётини жуда яхши билган, нозик ва билимдон кузатувчи, одамларни синчилаб ўрганадиган, улар ҳақида холис ва одил фикр юрита оладиган мутаассир қалб эгасининг дунё ҳақидаги шахсий таассуротлари ва нозик фикрлари берилган". Бу борада, айнан, "Бобурнома"да қайд этилган шу хусусдаги қиёслашга мурожаат этамиз: "Ҳазрати Рисолат замонидин бу тарихҳача ул юз (яъни, Ҳиндистон – Д.Х.) подшоҳларидин уч киши Ҳиндустон вилоятига мусаллит бўлуб, салтанат қилубтурлар: бири, Султон Маҳмуд Фозий ва авлоди Ҳиндистон мамлакатида муддати мадид салтанат таҳтига ўлтурубтурлар. Иккичиси, Султон Шиҳобиддин Фурий ва қуллари ва тавобии кўп йиллар бу мамолиқда подшоҳлиқ сурубтурлар. Учунчи мендурмен, vale, менинг ишим ул подшоҳларнинг ишига ўхшамас; не учунким, Султон Маҳмуд Ҳиндустонниким мусаххар қилди, Ҳурросон таҳти анинг таҳти забтида эди ва Хоразм ва Дорулмура салотини анга мутинъ ва мунқот эди. Самарқанд подшоҳи анинг зери дасти эди. Черики икки лак бўлмаса, худ бир лакта не сўз эди. Яна ганимлари раажалар эди. Тамом Ҳиндустон бир подшоҳда эмас эди. Ҳар раажа бир вилоятга ўз бошича подшоҳлик қилур эди". (195-бет).

"Бобурнома"нинг юқоридаги матнига эътибор берсак, Бобурнинг Ҳиндистонни тасарруфига киритиш учун қанчалик ҳарбий маҳорат зоҳир этганлигини кўрамиз. Агар Бобур Ҳиндистонда, Иброҳим Лўдийга қарши жангга кирганида лашкарларининг сони ганимининг лашкаридан ўн карра кам бўлса: "Ҳиндустон юрушида мунча черик била келилмайдур эди. Навкар ва савдар ва чокар жамиль черик била бўлғонлар ўн икки минг киши қамалга келди..." (195-бет). Маҳмуд Фазнавийнинг лашкари икки юз минг бўлмаса ҳам юз мингдан ортиқлиги, Бобурнинг тасарруфида Бадаҳшон, Қундуз, Қобул ва Қандаҳор бўлса, Маҳмуд Фазнавий салтанатига жами Ҳиндистон, Ҳурросон, Хоразм, Дорулмурадек чексиз ҳудуд бунинг устига Самарқанд подшоҳи ҳам унинг фармонига итоат қилган бўлган. Бобур ана шу номутаносиблиқда ўз устунлигини белгилаган, кам имкониятдан юксак ҳарбий натижага эришганлигини кўрсатган.

Бобурнинг тасвирида яна бир муҳим жиҳат мавжуд. Бу давлатчиликка бевосита таалуқли бўлган нозик масала бўлиб, у буни алоҳида таъкидлаган. Маҳмуд Фазнавий Ҳиндистонда давлат юришида маҳаллий рожаларнинг унга бевосита бўйсунмаганлиги, Бобур: "Тамом Ҳиндустон бир подшоҳда эмас эди. Ҳар раажа бир вилоятга ўз бошича подшоҳлик қилур эди", деб таъкидлаганидек, Маҳмуд Фазнавийнинг шунчалик катта ҳудудда султон эканлиги, беҳисоб бойликка эгалиги, унинг давлат бошқарувида ягона тартибининг мавжуд эмаслиги, бошболдоқлик ҳукм сурганилигини ҳукмронлигидаги камчилик сирасига киритади. Маъ-

лумки, Бобур Ҳиндистонда агарчи қисқа муддат – беш йил ҳукмронлик қилган бўлса ҳам, бу мақсади сари у на бойлик ва на касри нафсини аямай, дастлабки ишини маҳалий амалдорлар, рожаларни ўз давлат юритиш сиёсатига бирлаштиришга ҳаракат қилди ва бу масалада анчагина ютуқларга эриша олди ҳам.

Бобурнинг Ҳиндистонни забт этган Султон Шиҳобиддин Фурий билан ўзининг қиёслашида, биз Маҳмуд Фазнавий мисолидагидек кенг йўсингдаги таҳлини кўрамиз. Аммо, бу қиёслаш гарчи қисқароқ бўлса ҳам Бобур Шиҳобиддин Фурий давлатдорлигидаги энг катта камчилигини кўрсатади. У ҳам бўлса маҳалий рожалар бу султонга қарши курашганлар ва Фурий уларни ўзига, бутун Ҳиндистон доирасида ўз таъсир доирасига ўтказа олмаганки, Бобурнинг назарида, бу салтанат бошқарувида катта камчилигидир. Юқорида кўрганимиздек, Бобур бу камчиликни Маҳмуд Фазнавийнинг юрт бошқариш сиёсатининг ноқислиги сифатида ҳам баҳолаган: “Яна Султон Шиҳобиддин Фурий, агарчи Хурросон салтанати анда эмас эди, оғаси Султон Фиёсиддин Фурийда эди, “Табақоти Носирий”да келтурубтурким, бир навбат бир лаку йигирма минг (120минг) баргуствоңдор била Ҳиндистонга черик тортибдур. Мунинг ганимлари ҳам раай ва раажалар эди. Тамом Ҳиндистон бир кишида эмас эди”. (195-бет).

Инглиз тарихчиси Эльфинистон Бобурнинг давлатдорлик ва шахсга бўлган муносабати ҳарбий қобилиятининг “Бобурнома”да тасвиirlанганилиги ҳақида қуидагиларни баён этган: “Бу хотираларда буюк туркий подшонинг ҳаёти батафсил тасвиirlangan, унинг шахсий ҳис-туйгулари ҳар қандай муболага ва пардозлашлардан холи. Унинг услуби оддий ва мардона, шунингдек, жонли ва образли. У ўз замондошларининг қиёфаларини, урф-одатлари ва интилишларини, қилиқларини ойнадек равшан тасвиirlайди”.

Фарб ва Шарқ олимларининг Бобурга оид асарларидан бундай ижобий фикрларни кўп келтириш мумкин. Бу фикрлар “Бобурнома” муаллифининг давр сultonлари ва ўзининг ҳарбий юришларига оид билдирган фикрларига ҳам таалуқлидир. У, юқорида биз мисол келтирган султон ва подшоҳлар фаолиятини ўзининг қараашлари билан солишириар экан, Ҳиндистонни забт этишга оид қиёсини давом эттиради. Энди бу қиёса, у, бу юртда салтанат юритганларнинг исмишарифларини (Иброҳим Лўдийдан ташқари) тилга олмайди, балки уларнинг давлатчиликка оид фаолиятларини келтириш билан чекланади ва қиёслаш усули билан ўзининг қўлга кирилган ютуғи, галабаларини санаб ўтади. Бу матндан ўқувчи Бобурнинг олдинги сultonлар ва мағлуб бўлган Ҳиндистон сultonони Иброҳим Лўдийдан устунлигини англаб олади. Унинг: “аввал навбатким, Бҳираға келдук, минг беш юз, ниҳояти икки минг киши бўлғай эдук. Бешинчи навбатким келиб, Султон Иброҳимни босиб, Ҳиндистон мамоликини фатҳ қилдим, ҳеч қачон (Бобур бунда айнан Султон Маҳмуд Фазнавий ва Султон Шиҳобиддин Фурийнинг Ҳиндистонга юз мингдан ортиқ лашкар билан кирганлигини билдириб, қиёсан тасвиirlamoқда – Д.Х.) Ҳиндустон юрушида мунча черик била келилмайдур эди”, дейиш билан, ўзининг бу сафарини шижаат, мардлик, тарихда мисли қўрилмаган жасорат сифатида баҳолайди.

Бобурнинг ана шу муҳим тарихий воқеаларни тасвиirlашдан олдин юрт сultonларининг характер ва хусусиятлари, муҳораба олиб бориши усули ва шахсий намуналигини юксак қиёсий тарзда бериши, Шарқ мумтоз насрый асарлари сирасида Бобур маҳоратини алоҳида, юксак бадиий ифодалар билан йўғрилган тасвир сифатида кўз ўнгимида намоён этади. Шунингдек, бу қиёсий таҳлиллардан биз Бобурнинг давлат юргизиш сиёсати, қўлга кирилган ҳудудда мустаҳкам давлат бошқарувини барқарор этиш, энг аввало, у ерда яшаётган ҳалқнинг ишончига кириш ва сиёsat юритишида адл, инсофни асос билиш, имкон қадар давлат юритиш ишларида маслаҳат билан иш тутишга интилганлигини кўрамиз. Бобур фикрича, Маҳмуд Фазнавийнинг Ҳиндистонни забт этгунга қадар Мовароуннаҳр ва Хурросонда мустаҳкам салтанати мавжуд бўлса, Шиҳобиддин Фурийнинг уни қўллаб турган иниси Самарқандда султон ҳамда Хурросон унинг тасарруфида бўла туриб

Ҳиндистонни эгаллаган. Бобурнинг ҳарбий ва иқтисодий аҳволи бу икки султонлардан ўта мураккаб, ёнида қувватлаб турган бирон-бир темурийзода ва ёки бошқа юрт султони бўлмаганлигини таъкидлайди. Бобурнинг бу қиёсий тасвиirlари ва уларда келтирилган тарихий воқеалар, фактик маълумотлар ва ҳарбий куч қудрати ва мушкилотини билдирувчи далиллар унинг юксак саркардалик хусусиятларини англатади. Аслида, Бобурнинг кам ҳарбий куч билан ғанимларнинг кўп сонли лашкарлари устидан қозонган галабаси кишини ҳайратга солади ва, муҳими, буларнинг барчаси унинг қиёсий услуби орқали баён қилинган.

Бобур бу қиёслаш усулини ўзи билан Иброҳим Лўдийнинг шахсияти ва ҳарбий ҳаракатларининг тасвири мисолида давом эттиради. Энди, бу мисоллар аниқ, конкрет факту рақамлар билан берилади. Бунда Бобур мақсадга ўтишдан олдин Ҳиндистоннинг катта ҳудуди Султон Иброҳим Лўдий томонидан бошқарилаётганлигини, унинг лашкарлари юз мингдан ортиқ, икки ярим мингга яқин жанговар фили ва кемалари Бобурнинг ўн мингга етмайдиган лашкарлари билан юзма-юз бўлганининг қиёсий таҳлили берилган. Бу қиёсларда биз Бобурнинг юксак ҳарбий маҳорати, бир ўлкани ўз тасарруфига киритишдан олдин унинг иқтисодий, географик, жой рельефининг манзаралари ўз қўшиинининг қундалик ҳаётига зарур бўлган озиқа, от-улов емишини таъминлашдан тортиб, салтанат харажати ва унинг зарур заҳираларини таъминлашдек муаммоларни бирдан ҳал қилишга киришганлигини кўрамиз. Бу, масаланинг ҳарбий томони. Биз учун яна муҳим жиҳати Бобурнинг ушбу масалаларни маҳоратли адиб, ўша давр тарихий саргузашт жанри талабларида кам кўринадиган ҳолат – персонажлар характеристи, ўша даврдаги сиёсий, ҳарбий ҳолатни бошқа давр ва султонларнинг давлат бошқарувига оид мисоллар билан қиёсий ўрганганлиги, бу фактик маълумотларни “Бобурнома”да батафсил ифодалагани билан муҳим. Фақат бугина эмас, Бобур ўзининг ва бошқа султонларнинг давлатчилигини насрый тасвир тарзида баён этиш қаторида, “Бобурнома”да бадиий ифоданинг аъло намунаси сифатида қиёслаш усулидан фойдаланганки, бу жиҳат асарнинг қимматини янада оширган.

“Бобурнома”да юқорида келтирилган мисоллар таҳлит муаллифнинг қиёслаш санъати ҳақидаги тасвиirlар талайгина. Имкониятимиз чекланганлиги боис, биз Бобурнинг Ҳиндистон тарихи ва султонларининг давлат юритиш сиёсати, уларнинг бу жиҳатларининг қиёсий таҳлилларининг аксариятини мақола доирасида қамраб ололмадик. Бобурнинг Хисравшоҳ, Шайбонийхон, Боқи Чагониёний ва бошқа давр султонлари ва беклари тасвиридаги қиёсий қарашлари ҳам изчил қиёсий таҳлилга арзиди. Ушбу масалаларни изчил ўрганиш, шубҳасиз, Бобур ижодини янаем чукурроқ англашга ёрдам беради, деб ўйлаймиз.





ЛУКМА

Наим КАРИМОВ,
профессор

«МАРДИКОРЛАР АШУЛАСИ»НИ КИМ ЁЗГАН?

«Қатарон құрбонлари хотираси» музейини зиёрат қылған кишилар 1916 йил құзгалонига багишиланған экспозиция олдіда узоқ вақт түхтаб қоладилар. Бунинг сабаби, шу бўлимнинг сенсор-киоскидан Россиянинг совуқ ўлкаларига юборилган мардикорлар ашуласининг янграб, ота-боболаримиз бошига тушибан мушкул савдоларни эслатишидир.

1916 йил құзгалони Тавалло, Сидқий Хондайлиқий, Тошқин (Мўминжон Мұхаммаджонов), Ҳамза сингари шоирларнинг ёзувлари дагина әмас, балқи халқ оғзаки ижодида ҳам ёрқин ифодасини топган. Шундай асарлардан бири узоқ йиллардан бери халқнинг тарихий хотирасидан ўчмай келаётган "Николай қон жаллоб" қўшиғидир. "Поездингни жилдирган..." сатрлари билан бошланувчи бу қўшиқ матни билан танишган киши унинг 1916 йил құзгалонига сабаб бўлган "қон жаллоб" – Николай II нинг фармони асосида мардикорликка олинган ва Россия ўрмонларида мушкул бир шароитда дараҳт кесган йигитлардан бирининг пажмурда қалбидан отилиб чиққанини сезмай иложи йўқ. Эҳтимол, унинг дилини ўртаган, она юртига, ота-онасига соғинч ҳисси балқиб турган бу қўшиқ оғиздан-оғизга ўтиш жараённида, яна янги-янги сатрлар ва бандлар билан бойиган, айрим мисралари эса ўзгаргандир. Ҳар ҳолда, бу қўшиқнинг узоқ вақт давомида **халқ ижоди намунаси** сифатида яшаб келиши бежиз әмас.

Лекин ўтган асрнинг етмишнчи йилларида намангонлик айrim ижодкорлар ушбу қўшиқ матни Худойберди Қорабоев исмли ҳамшаҳарлари қаламига мансуб, деган даъво билан чиққанлар. Худойберди Қорабоевнинг Одилжон Эгамбердиев деган қариндоши эса, унинг "Мен қушимни гозга солсам..." деган шеърлар тўпламини нашрга тайёрлаган. Fafur Fулом номидаги Адабиёт ва санъат нашриёти мазкур тўпламдан жой олган шеърларнинг Худойберди Қорабоев қаламига мансублигидан шубҳаланиб, Фанлар академиясининг Тил ва адабиёт институтига тақриз учун юборган. Аммо таниқли фольклоршунос Тўра Мирзаевнинг институт номидан берилган тақризи ўта салбий бўлишига қарамай, нашриёт тўпламни 1980 йили нашр қиласди. Бунинг устига Тўра Мирзаев худди ижо-

бий тақриз бергандек, унинг номини тақризчи сифатида қайд ҳам этади. Ваҳоланки, тақризчи тўпламдан жой олган аксар шеърларнинг халқ оғзаки ижодига мансублигини аниқ мисоллар билан исботлаган эди. (Тақризнинг қисқартирилган нусхаси “Ўзбекистон адабиёти ва санъати” ҳафталигининг 1981 йил 24 апрель сонида босилган).

Худди ўша йилларда, бошқа бир фольклоршунос Малик Муродов телевидение орқали чиқишиларида Худойберди Қорабоевнинг намангонлик замондошлари хотирасида қолган “Оқмас Карасконнинг суви” достони ва айрим шеърлари тўғрисида гапириб, унинг миллатпарвар ва ватанпарвар шоир сифатидаги жиҳатларни жўшиб таърифлаган. Фольклоршуноснинг жўшқин нутқини эшитганлар орасида Худойберди Қорабоевни яхши билган маҳфий хизмат ходими бўлиб, унинг “босмачилар”га ҳам, чекистларга ҳам баравар хизмат қилганини айтиб, шундай “мунофиқ киши”нинг асосиз улуғланаётгани ҳақида тегишли идораларга хат ёзган. Худойберди Қорабоевнинг айрим шеърлари киритилган “Тирик сатрлар” тўплами нашри ўша заҳоти тўхтатилиб, табиийки, Худойберди шоирнинг шеърлари ундан олиб ташланган.

Аммо, орадан бир неча йил ўтиб, мазкур воқеа “унутилгач”,Faфур Ғулом номидаги Адабиёт ва санъат нашриёти Худойберди шоирнинг шеърларини юқорида қайд этганимиз “Мен қушимни розга солсам...” деган ном билан тўплам шаклида чоп этган.

Худойберди Қорабоев, чиндан ҳам, 1916 йилда мардикорликка олиниб, Россиянинг гарбий худудларига юборилган. У шоиртабиат, бадиҳагўй киши бўлибги на қолмай, мусиқага ҳам ҳавасманд бўлган. Эҳтимол, у мусофириликда кўрган билган ва ўз бошидан кечирган воқеаларни назмга тизгандир. Аммо, афсуски, унинг бирорта шеъри ҳаётлик пайтида чоп этилмаган. Босмачилар уни 1919 йилда ваҳшиёна қатл этганилар ва шу қилмишлари билангина қаноатланиб қолмай, асарларини кўйдириб ташлаганлар. Шу тарзда, ундан бирор ёзма асар бизгача етиб келмаган.

Одилjon Эгамбердиев ўтган асрнинг олтмишинчи-етмишинчи йилларида нафақат Фаргона водийси, балки Қирғизистон ва Тожикистоннинг шаҳар ва қишлоқларида, шунингдек, Сурхондарёнинг Вахшивор, Хонжизза каби гўшаларида яшаган саксонга яқин кишилардан ёзib олинган шеърларни Худойберди шоирнинг асарлари сифатида мазкур тўпламга киритган. Қизиги шундаки, манба сифатида тилга олинган саксондан зиёд кишилар орасида Сайфиддин Жалилов, Набижон Қобилов, Саида Зуннунова, Эътибор Охунова, Назиржон Сайдов, Исмоил Тўлак, Фарид Усмон, Усмон Шукур, Қобилжон Усмонов, Баҳром Жалилов сингари ўтган асрнинг йигирманчи-эллигинчи йиллари оралиғида туғилган, бинобарин, Худойберди шоирни қўришидан олган “маълумот”га таянган ҳолда, тўпламга шундай шеърларни киритганки, агар вақт топиб ахтарсангиз, уларнинг аксари халқ қўшиқлари ёки уларнинг бузилган нусхалари бўлиб чиқади.

Бу, масаланинг бир томони.

Одилjon Эгамбердиев Худойберди Қорабоевнинг Февраль тўнтаришидан сўнг, она юртига қайтишини тасвирлаб, унинг дунёқарашида рўй берган кескин ўзгариш тўғрисида бундай маълумотни берган: “Худойберди билан бирга гражданлар урушининг қаҳрамони, Андижон округ сиёсий идорасининг бошлиги Терехов, Н.А. Резников (Х.Девоновнинг дўсти, темир йўл ишчиси – H.K.) билан бирга Андижонга соғ-саломат қайтишган. Улардан аввалроқ партия топшириги билан Андижонда иш бошлаган ревком раиси Бильдин (дўмликда нутқ сўзлаган йигит) мардикордан қайтганларни илиқ қарши олди. Энди **шоир милтиқ ва қалам билан чекистлик қила бошлади**”. (Таъкид бизники – H.K., юқорида номи қайд қилинган тўплам, 13-бет).

Дарвоқе, Худойберди Қорабоев 1917 йилда она заминга қайтганидан сўнг, айни пайтда, ҳар икки томоннинг топшириқларини бажаради. Агар Худойберди Қорабоевнинг чекистлик фаолияти бир “қонжаллоб” (қон сотиб олувчи) дан

кутулиб, иккинчисига гирифтор бўлган эркесвар кишиларга ёқмаган бўлса, унинг “босмачилар” билан маҳфий алоқада бўлиши чекистларда унга бўлган ишончнинг йўқолишига сабаб бўлади. Хуллас, Худойберди Қорабоевнинг большевиклар манфаатига хизмат қилаётганини кечирмаган “босмачилар” уни ваҳшиёна равища маҳв этадилар. Чекистлар эса, унинг ўлимидан ўз мақсадлари йўлида фойдаланиб, одамларда “босмачилар”га қарши газаб-нафрат кайфиятини уйготадилар ва собиқ чекистнинг маълум даражада идеаллашишига йўл очиб берадилар.

Бу, масаланинг иккинчи томони.

Масаланинг яна бир томони шундаки, ҳар қандай илмий ва гайриилмий баҳслар ўқтин-ўқтин тақорланиб турганидек, “Мардикорлар ашуласи”нинг муаллифлиги масаласи ҳам шу кунларда айрим тарихчи олимларни қизиқтириб қолган кўринади. Яқинда андижонлик таникли олим, тарих фанлари доктори, профессор Р.Шамсутдинов шогирди Қ.Бозоров билан бирга “Андижондаги 1916 йил қўзғолони тарихидан лавҳалар” сарлавҳали мақоласини эълон қилди. Андижон Давлат университети “Илмий хабарнома”сининг 2010 йилдаги биринчи сонида чоп этилган мазкур мақолада, жумладан, шундай сўзлар ёзилган: “Мардикорликка ўнбоши қилиб тайинланган Худойберди Қорабоев мардикорлик мавзусида ёзилган ва ҳалқимиз орасида машҳур қўшиқ бўлиб кетган “Дўнгалагим” шеърининг муаллифи дид...”

Мақола муаллифлари ушбу сўзлардан сўнг шеър матнини тўла келтириб, яна давом этганлар: “Кези келганда шуни ҳам таъкидлаш жоизки, кейинги вақтларда эълон қилинган айрим тарихий асарларда... бу шеърни ҳалқ оғзаки ижоди маҳсули деб, ҳатто, матни бир оз ўзгартирилган тарзда берилмоқда. Жумладан, Ҳ.Зиёевнинг асарида: “Поезднинг жилдираги, Устахонаси билан дўнгалаги, Двинскага кетишиди Мард йигитнинг бир бўлаги”, шаклида, “Ватан тарихи” китобида эса: “Поезднинг жилдирган, Ўтхонаси билан дўнгалаги, Двинискага кетишиди Мард йигитнинг бир бўлаги”, деб берилган. Ҳолбуки, ҳозирда пойтахтдаги “Қатагон қурбонлари хотираси” музейи залларида янграб турувчи “Дўнгалагим” ашуласи-нинг матни ҳам Ҳ.Қорабоев матни билан бир хил”.

Муаллифлар “Ҳ.Қорабоев матни”дан олинган бир бандни келтириб, “шеърнинг муаллифи Ҳ.Қорабоев дейишга асос етарли”, деб масалага нуқта қўйгандек бўлсалар-да, илмий этикага риоя қилиб, яна ёзганлар: “Албатта, ҳали бу баҳсли масалани узил-кесил, ҳужжатли асосда ҳал қилиш вазифаси олдинда турибди, насиб қилса, буни уddaлармиз ҳам”.

Маълумки, йигирманчи йилларнинг ўрталаридан бошлаб, ўзбек фольклор-чиларининг янги авлоди Тошкент, Жиззах, Фаргона, Андижон сингари шаҳарларга бориб, ҳалқ ўртасида тарқалган тарихий мавзудаги қўшиқларни ёзib олишга алоҳида аҳамият берган. Шундай қўшиқларнинг бир қисми Ҳоди Зариф томонидан нашрга тайёрланган “Ўзбек фольклори” (1939) мажмуасида илк бор эълон қилинган. Баҳс боиси бўлган “Мардикорлар ашуласи” ҳам шу мажмууда “Николай қон жаллоб” номи билан чоп этилган. Бошқа аксар ҳалқ қўшиқларининг кимдан ёзib олинганлиги қайд этилган бўлса-да, мазкур қўшиқнинг манбаи негадир тузувчи томонидан кўрсатилмаган. Тахмин қилиш мумкинки, Ҳоди Зариф бу қўшиқни турли шаҳарларда турли кишилар ижросида эшитган ва ёзib олган. Шунинг учун ҳам қўшиқ матнини диққат-эътибор билан ўқиган китобхон унинг бир эмас, бир неча кишилар ижодининг маҳсули эканлигини сезмай қолмайди. Ҳоди Зариф мазкур қўшиқ матнини унинг бир неча версия нусхалари асосида тиклаган бўлиши мумкин, балки шунинг учун ҳам ижрочи исмини қайд этмагандир.

1916 йил қўзғолонининг йигирма йиллиги муносабати билан ўзбек адабиёти ва санъати асарларида чоризмнинг “халқлар турмаси” сифатидаги образини ёритишига алоҳида эътибор берилди. Шу муносабат билан “Николай қон жаллоб” шеъри “Дўнгалагим” номи билан қўшиқ қилиниб, радио орқали ижро этилди. Мазкур қўшиқ марғилонлик машҳур ҳофиз Акбар Ҳайдаров ижросидаги лаппаги

эса халқ ўртасида катта шуҳрат қозониб, ўз даврининг мусиқий “хит”ларидан бирига айланди. Одилжон Эгамбердиев “Дўнгалагим” шеърини шу пластинкадан кўчириб олган. Буни Одилжон Эгамбердиевнинг “Худойберди шоирнинг “Мен қушимни гозга солсам...” тўпламига кирган қўшиқ ва шеърлар ...ёзиб олинган, топилган қўлётмалар, қўшиқлар ёзилган нодир пластинка ва турли хотиралар асосида тикланди”, деган сўзлари тасдиқлаб турибди.

Агар эътибор берсангиз, тўпламдаги “Дўнгалагим”дан бошқа бирор шеърда “Двинска” топоними учрамайди, аксинча, бир неча шеърда “Сизрань” шаҳрию Волга дарёси тилга олинади, холос. Агар Сизрань Волга дарёси тармоқлари ўтган ерда жойлашган бўлса, Двинска, аксинча, 1893-1917 йилларда шундай деб юритилган, аммо Латвиянинг Даугава дарёси ёқасида жойлашган, ҳозирда Даугава писл деб аталган пристань-шаҳардир. “Николай қон жаллоб” қўшигининг ижодкори мардикорлик йилларини ўша ерда ўтказган.

Энди, мазкур қўшиқнинг Ҳоди Зариф нусхаси билан танишиб кўрайлик:

*Поездингни жилдирган
Ўтхонаси билан дўнгалаги.
Двинска кетишди
Мард йигитнинг бир бўлаги.*

*Двинска кетмас эди
Мард йигитнинг бир бўлаги,
Двинска кеткизган
Николай золим замбараги.*

*Двинска йўл бўлсин,
Қарагайзоринг кул бўлсин,
Йигитларни қийнаган
Николайнинг йўқ бўлсин.*

*Тошкентингиздан миниб,
Тўп остидан чиқдилар.
Оналари: “Вой, болам!” деб,
Кафан тўнин бичдилар.*

*Ўтхонасини қичқиртиб
Истансага юргизди.
Кўктеракка етмасдан
Соз дуторимни синдириди.*

*Сув ошини ичмайман,
Этигимни ечмайман.
Қорда қарагай кесганман,
Ҳеч ҳақимдан кечмайман.*

*Олиб ўтиб Одесга,
Иморатига яратди.
Тиззамиздан қон сўриб,
Ўз фойдасига қаратди.*

*Ўнг қўлинда бир қассоб
Чўчқани сўяди беҳисоб.
Бизни тўққиз ой ишлатди
Николай деган қон жаллоб.*

Мазкур қўшиқ матнининг лаппақдан ёзиг олинган нусхасида баъзи бир сўзлар ва сатрлар ўзгарилилган ёки тушириб қолдирилган. Бундан ташқари, матнга “Сизрань” ва “Андижон” сўзлари киритилган. Масалан:

*Бизни тўққиз ой ишлатди
Сизрань деган ўрмонда.
Кетолмаймиз Андижон,
Бир чақа йўқ кармонда.*

Агар қўшиқнинг Ҳоди Зариф нусхасида Николайнинг тахтдан ағдарилигани ва мардикорларнинг энди ўз ватанларига қайтиши мумкинлиги тўғрисида бирор имо-ишора бўлмаса, “Андижон нусхаси”да худди шу мотив етакчилик қиласиди:

*Тахта кўпrik битдими,
Поезд келиб ўтдими?
Мардикор олган Николай
Ўз тахтидан кетдими?*

Бу ҳар икки матнни ўзаро қиёслаш қўшиқнинг муайян бир муаллифга мансуб эмаслигини, унга ҳатто фольклорчи олимлар ёки қўшиқ санъатидан озми-кўпми хабардор кишилар ҳам кўл урганларини кўрсатади. Бинобарин, бундан қарийб юз йил аввал яратилган ҳалқ қўшиқларининг муаллифлиги масаласига оид баҳслар самарасиз эканлиги, шубҳасизdir.





Аҳмаджон МЕЛИБОЕВ

ЭРКИН СИДДИҚ, НИМА ДЕЙДИ?

Латифагүй, беназир инсон Эркин Сиддиқов ҳангомаларини кўпчилик адабиёт ихлосмандлари яхши билишади. Уларни тўплаб “Хотин йўғида” сарлавҳали бир китоб қилдим. Тезда марқалиб кетди. Ўқиб кўрсам, кўп ҳангомалар қолиб кетибди. Эркин ака билан нашриётида бирга ишлаган ҳамкаслари мен эшитмаган яна қанча ичакчўзи воқеаларни ҳикоя қилиб беришди. Ўз-ўзидан “Хотин йўғида”нинг иккинчи, қайта ишланган ва тўлдирилган нашри юзага келди. Муҳтарам журналхонлар эътиборига янги китобдан бир-икки шингилини ҳавола қилишини лозим топдим.

СИЗ БЕМАЛОЛ ҚАЙТАВЕРИНГ

Ёшлиар нашриётида ишлаб юрган кезларимиз. У пайтлари ёш ижодкорлар, айниқса шоирлар, китоб чиқариш учун йиллаб навбатда туришарди. Нашриёт режаси бир неча марта тасдиқдан ўтар, тинимсиз ўзгариб турарди. Деярли ҳар куни ишхонага вилоятлардан шоирлар келиб, қўлёзмалари ҳаракатга тушган-тушмаганлиги билан қизиқишарди. Ҳар йили қузда носирлар ҳам пахта теримига жалб қилинар, бирор киши бу ишдан ўзини четга олса, мукофотдан маҳрум қилинарди.

Ана шундай кунларнинг бирида ишхонада Эркин аканинг бир ўзи қоровул Фозил ака билан ҳангомалашиб ўтирган экан, эшик аста очилиб, нашриётнинг шеърият бўлимига қўлёзмасини анча аввал ташлаб кетган ёш шоир йигит ийманибина кириб келибди.

— Ассалому алайкум!
— Ваалайкум ассалом, келинг йигитча, хўш хизмат, — дебди Эркин ака мулоийимлик билан.

Шоир Эркин аканинг салобатидан гапини йўқотиб қўйибди.
— Ҳойнаҳой иш сўраб келгандирсиз, бизда уч киши навбат билан қоровуллик қилишади, ҳозирча учалалари дуппа-дуруст ишлаб туришиб-

ди, устиларидан шикоят тушаётгани йўқ, беш-олти йилдан кейин бир хабар оласиз-да, укажон...

— Йўқ, мен...

— Э-ҳа, бирор кишининг ўрнига пахта теримига бормоқчимисиз? — У йиллари пахта сиёсати шунаقا қаттиқ эдикӣ, ўзингиз бора олмасангиз, ўрнингизга бошқа бирорни жўнатишга мажбур бўлардингиз.

— Йўқ, ҳалиги...

— Дарвоқе, кўзимга иссиқ кўринаяпсиз, ҳойнаҳой, пастимиздаги магазинда ишласангиз керак? Нима, дўконга тансиқроқ бир нима келдими?

— Мен... ҳалиги, шеърларимни ташлаб кетувдим, нима бўлдийкин, шуни билгани...

— Қачон келдингиз?

— Эрталаб поезддан тушдим.

— Э, шунаقا демайсизми, шеърларингиз кўпмиди?

— Ҳа, юзтacha бор эди.

— Янгимиди?

— Янгилари ҳам, эскилари ҳам...

— Хавотир олманг, йигитча, — дебди Эркин ака меҳрибонлик билан.

— Бизда ҳозиргача бирор кишининг қўлёзмаси йўқолган эмас. Мана, менинг ўзимга бундан ўн-ўн беш йил аввал беш-олтита қўлёзма ташлаб кетишган. Делога тикиб, сейфга жойлаб қўйибман. Ҳар куни, кунора очиб, бир-бир шамоллатиб қўяман. Қандоқ бўлса, шундоқ турибди. Менга ёқиб қолдингиз, укажон. Худо хоҳласа, шеърларингизни топиб, ўзим сейфнинг тўрига олиб қўяман. Сиз bemalol қайтаверинг...

ДАДИЛЛИК

Бир йили Эркин ака билан машинада Жиззахга бориб, ўша йиллари донгдор пахтакор сифатида чўлда машҳур бўлган совхоз директорининг уйида меҳмон бўлдик. Зиёфат биз кутганимиздан ҳам аъло бўлди. Уй эгаси шахматга ишқибоз экан, қўни-қўшнилари, собиқ райком котиби, яна бир-икки киши келиб, зиёфатга йигилганлар ўртасида мусобақа қилишни мўлжаллашди. Ютқизган киши навбатдаги зиёфатни зиммасига олиши керак. Мен мезбонларга бош бармоғим билан Эркин акани кўрсатиб, “Эҳтиёт бўлинглар, шахматни зўр ўйнайди, шу чоққача бирорга ютқизган эмас”, деб шивирлаб қўйдим. Фикримни худди эшишиб тургандай, Эркин ака: “Қани, бир-икки партия ўйнанглар-чи, юришларингни кўрайчи”, деди.

Мусобақа бошланди. Биз икки киши дастурхоннинг бир четида ўзаро гаплашиб ўтирибмиз. Эркин ака мезбонларга эшиittiриб:

— Карпов Багиода Корчной билан ўйнаганидаги ўн еттинчи партия эсингиздами? — деб сўраб қолди. Мен дарҳол жавоб қилдим:

— Ҳа, эсимда. Ўттиз иккинчи юришда Анатолий фили билан рақиб пиёдасини урмай, нақд ютуқни қўлдан бой берган-а.

— Шу ҳолат бир вақтлар Капабланка — Ласкер ўйинида ҳам юз берган, аммо Ласкер филини мардона қурбон қилиб, галабага эришган, — деди Эркин ака. Ва яна қўшиб қўйди:

— Дадилликни Фишердан ўрганиш керак. Спасскийни айни шу дадиллиги учун таъзирини берган. Унинг юришларига беш кетаман-да!

Ҳазилни давом эттирдим.

— Эркин ака, ўзингиз ҳам беш йилча олдин Мамажон ака Мұхиддинов билан ўйнаганингизда қора отни оқ филга алиштиrmай, сал қолган иотқизиб қўйишингизга...

— Ҳа, — деди Эркин ака кўзойнагини тозалар экан, — ўшандада мен устоз пиёдани с7 хонасига суришини сира ўйламаган эканман.

— Отни a4 дан с5 га олиб ўтганингизда ҳам бўлар эди-ку?

— Йўқ, бўлмасди, Мамажон ака руҳни e8 га босишга тайёр бўлиб турганди...

Бу гаплардан кейин биз билан ўйнашга мезбонларнинг чоги келмади. Эркин ака:

— Майли, мен битта фигурамни олиб қўяман, иотқизсан, “Тошкент” меҳмонхонасида зиёфат бераман деса ҳам, у кишига рақиб топилмади.

АНЖИРХЎРЛИК

Куз ойлари эди. Маҳмуд ака Яҳъёев, Эркин ака, мен — учовлон эрта аzonда анжир егани Эски жўва бозорига тушдик.

Бозор гавжум. Мевалар сархил. Аввалига бир кило анжир олиб, шу яқин-атрофдаги чойхонага кириб, аччиқ чой дамлатиб, бир оз ўтиromoқчи бўлдик. Тўғрироги, Маҳмуд ака шундай таклиф кирилди. Аммо Эркин ака кўнмади.

— Анжирни шу ерда, тогоранинг бошида ейиш керак, гаштли бўлади, — деб туриб олди. Иложисиз кўндик.

Анжир сатаётган аёлларнинг кўпи Эркин акани танишар экан, «Э, жингалак соч, келдингми, яхши юрибсанми, ҳали ҳам иштаҳанг ўша-ўшами?», деб сўрашишди.

— Иштаҳамга сен мегажинларнинг кўзи тегди, энди мен ейдиган овқатга ёш бола ҳам тўймайди, — деди Эркин ака афсуслангандай бўлиб.

Биз бу гапларнинг маъносини тушунмай, гоҳ Эркин акага, гоҳ сотувчи аёлларга қараб турибмиз.

— Иштаҳам бўлмаса, ўтган йилги шартни такрорлаймиз экан-да, тўйгунча ейишми? Аммо ўшандада ҳаммамизни чув тушириб кетгандинг, — деб қолди сотувчи аёллардан бири.

— Майли, — деди Эркин ака. — Аммо бу сафар бир ўзим эмасман, иккита шеригим ҳам бор. Булар номига бир-иккита ейишади, холос. Шарти — тўйгунча. Қани, кўй анжирингдан...

Анжирпуруш пештахта устига уч-тўртга барг ёзиб, тогорадан бир жуфт-бир жуфт анжир олиб қўя бошлади. Эркин ака шумлик учунми ё аввалдан шунаقا ноёб тажрибага эгами, сотувчи анжирни барг устига қўйиб улгурмай лаққа-лаққа ютади. Сотувчи сал ҳаялласа, тогорадан ўзи олиб ейди. Бошқа бир аёл «ўн тўртта, ўн олтита, ўн саккизта, йигирмата», деб санаб турибди.

Саноқ йигирма олтитага боргандада анжирпурушнинг қўли қалтирай бошлади:

— Ҳой, йигит ўлгур, бўлди энди, ёрилиб ўлма тағин, муллакамлар ҳам бирортадан ейишин, олинглар, бу ярамасга қўйиб берсангиз тогора-погораси билан ейди, яна иштаҳалари йўқмиш, — деди бизларга ишора қилиб.

Эркин ака «Эҳ, энди иштаҳа келганида расво қилдинг-да», деб қўлини артди. Биз ҳам шоша-пиша уч-тўрттадан едик. Бозордан чиқаётганимизда Эркин ака гудраниб қолди:

— Бир марта тўйиб ейишга ҳам қўйишишмайди-я...

ҚОҒОЗИ ЯХШИ, АММО...

Эркин ака билан хонада қўлёзма ўқиб ўтирган эдик, ҳар икки куннинг бирида нашриётга келиб, муҳаррирларнинг бошини қотирадиган “жўқий” муаллифларимиздан бири, қўлида бир папка шеър, очерк ва мақолалари билан ассалому алайкум дея кириб келди. Бундан атиги уч кун аввал ҳам келиб, айтиши бўйича, кечаси ёзиб тугатган хужжатли қиссасининг қўлёзмасини ташлаб кетганди. Иш кўплигидан уни варақлаб чиқишга ҳам улгурмагандик.

— Мана, янги шеърларимдан олиб келдим, Умар Ҳайёмга ҳавас қилиб, беш юзта рубоий, уч юзта тўртлик ёздим. Мабодо керак бўлиб қолса деб, туман газетасида босилган очеркларимни ҳам ола келдим. Бир кўрасизларда, акалар, — деди у умидворлик билан.

Эркин аканинг пешонаси тиришди, сабаби нашриёт раҳбарлари тавсиясига кўра, шу муаллифнинг ижод намуналаридан умумий тўпламга киритишин режалаштирган эдик. Ҳар икки кунда бир папкадан қўлёзма олиб келади, аммо уларнинг ичидан битта ҳам яроқлиси чиқмайди.

— Домлажон, — деди Эркин ака ҳазин бир оҳангда, — худо хайрингизни берсин, бизга раҳмингиз келсин, бошқа ҳамма ишларни йиғишириб, уйга ҳам бормай қўлёзмаларингизни ўқиб ётибмиз. Аммо ҳалигача маъқул бўладиганини топа олганимиз йўқ.

— Майли, майли, — деди муаллиф хотиржамлик билан, — булари ёқмаса бошқасини олиб келаман, уйда ҳали қўп.

— Undай бўлса мана бу ўтмаганларини олиб кетинг-да, биродар, шкафлар тўлиб кетиб, қўйишга жой топа олмаяпмиз, — кесатгандай бўлди Эркин ака. Шу пайтгача индамай ўтирган эдим, гапга аралашгим келди.

— Овора бўлиб кўтариб юрадиларми, яхиси макулатурага топшира қолайлик, — деган таклиф киритдим. Эркин ака дарҳол жавоб қайтарди:

— Э, йўқ, ўтган ҳафта икки қоп қилиб олиб борсак, уёқ-буёғини титкилаб қўришдида олишмади. Изза бўлиб қайтариб олиб келдик.

Бу гап муаллифга ҳам қизиқ туюлди шекилли:

— Ие, нега олишмайди, сифатли оқ қофозга босилган бўлса, — дея ҳайрон бўлиб сўради. Эркин ака суҳбатга нуқта қўйди:

— Макулатурачилар ҳам димоғдор бўлиб кетишибди. “Қоғози ёмон эмас, аммо бир томонига ёзилган шеърларига чидаб бўлмайди” дейишияпти, ярамаслар...

ИККИ ЯРИМ ЙИЛГАЧА ХАЙР...

Бошқа нашриётларни айта олмайман, аммо “Ёш гвардия”да ўзига хос кун тартиби бор эди. Эрталаб ишга биринчи келган киши, албатта, чой қўйиши керак. Бир-икки пиёладан мириқиб ичилгач, муаллифларнинг қўлёзмалари билан ишлаш бошланади. Соат ўн иккиларга яқинлашганида тушликни қаерда қилиш масаласини ҳал қилиш лозим бўлади. Бордию сомса ейдиганлар кўпчиликни ташкил қилса, бирорта чаққонроқ йигитни олдиндан ўчиртга қўймаса бўлмайди. Лагмон ейиладиган бўлса ҳам шундай. Баъзан Эркин ака Миробидов ёки Ҳамид Жалоловнинг қўнгли “думба-жигар”, яъниким ўша пайтлари бағоят машҳур бўлган тўрт ти-йинлик пирожка тусаб қолади. Бошқалар қаршилик қилишмаса, пастга тушиб ўтирмай, хонанинг ўзида овқатлана қоламиз. Бир гал мен, бошқа бир гал Саидғани Сайдолимов хизматда бўламиз.

Пирожкахўрлик тугагач, шахмат мусобақаси бошланади. Ўтган кунги олишувда қаттиқ эзилгандар рақибларидан ўч олиш мақсадида астойдил жангга киришадилар. Мусобақа то директоримиз тушлиқдан қайтгунлари-ча давом этади.

Эркин ака шахматга унча қизиқмайди, томоша қилиб туришни, ют-қазаётган томоннинг асабига тегадиган луқмалар ташлашни ёқтиради. Шу боис, баъзи ўйинлар охирига етмай, жанжал бошланиб кетади.

Бир куни китоби нашриёт режасига кирган, аммо қўлёзмаси муҳокамадан ўтмаган бир муаллиф келиб қолиб, шахмат ўйинига киришиб кетди. Устма-уст уч марта юқизди. Асаби таранглашиб турган эди, Эркин ака оловга керосин сепди:

— Ука, аввал ҳам шахмат ўйнаганмисиз?

Муаллифнинг жон-пони чиқиб кетди. “Мени ким деб ўйляяпсиз, фалон-фалончиларни эзib юрган одамман. Разрядим бор. Хоҳласангиз, сизни ҳам... эзib қўйишим мумкин. Ўйнайсизми?”, деди жаҳл устида.

— Ўйнайман, — деди Эркин ака босиқлик билан, — менинг разрядим йўқ, аммо битта арзимас шартим бор.

— Қанақа шарт? — ҳайрон бўлди муаллиф.

— Ютқизиб қўйсам, беш йилгача қўлимга шахмат ушламай, эртадан кечгача қўлёзма таҳрир қиласман. Мабодо ютиб олсан, беш йилгача нашриётга келмай турасиз. Омон-эсон пенсияга чиқиб олай, ана ундан кейин bemalol...

Эркин ака шундай дея тахта устига шахмат доналарини шахдам тера бошлади. Ўйин бошланди. Бир зумда хонага одам тўлди. Униси уни юр, буниси буни юр, деб тургандан кейин нима ҳам бўларди. Орадан ярим соат ўтиб, ҳар икки томон ҳам дурангта рози бўлишиди.

— Хўш, — деди муаллиф Эркин акага қараб, — шартингиз нима бўлди?

— Икки ярим йилгача хайр, — деди Эркин ака ва ўрнидан даст туриб ташқарига чиқиб кетди.

ЖАБАЛАПА

Нашриётда йилига бир-икки марта мукофот пули ҳам олиб турар эдик. Бундай пайтлари Эркин аканинг саҳиyllиги тутиб, бизларга тушлиқда лагмон ёки сомса олиб берар, баъзан бошқаларни аралаштирумай, иккаламиз собиқ “Тошкент” меҳмонхонасининг олтинчи қаватига кўтарилиб, бир-бирилизни меҳмон қилар эдик.

Шундай зиёфатлардан бирида сафимизга нотаниш бир йигит келиб қўшилди. Иккаламиз билан ҳам қирқ йиллик қадрдондай қучоқлашиб кўришиди. “Э акахонлар, сизларни ҳам кўрадиган кун бор экан-ку”, дея гоҳ Эркин акани, гоҳ мени бағрига босади, суюнганидан кўзларига ёш олади. Бу ҳам майли, официантни чақириб, қовурилган жўжа, бедана, ичкилик буюради. Ароқни стаканларга тўлдириб-тўлдириб куяди. Э, охири баҳайр бўлсин-да, дея бир-бирилизга қараб турибмиз, чунки чўнтағимиз унча бақувват эмас. Янги танишимиз бўлса овқатни паққос тушириб ётибди.

Эркин ака аввалига ҳазил-хузул қилиб bemalol ўтираверди, аммо меҳмон йигит қўшни столда ўтириб, биз томонга ишвали қараётган аёлларга бизнинг номимиздан бир шиша конъяқ, бир шиша шампан виноси, шоколад совға қилган эди, бирдан хушёр тортди.

— Дўстим, — деди у меҳмон йигит томонга аста энгашиб, — сиз ҳадеб овора бўлаверманг, овқат топилади, аммо дўст топилмайди. Аҳмаджон

билин гаплашиб туринглар, мен бориб антиқа бир таом буюраман, мазза қилиб еймиз, ана ундан кейин бизницида бир кеча меҳмон бўласиз...

Бу гап янги танишимиизга маъқул келди. Эркин ака ўрнидан туриб, аввал бизга хизмат қиласётган официант аёл билан бир нималарни гаплашди, жаҳли чиқиб, бир оз тортишгандай ҳам бўлди, сўнг ошхона томонга ўтиб кетди. Орадан беш-ён дақиқа ўтгач, хотиржам бўлиб қайтиб келди ва:

— Э биродар, ўзиям қайноаси суйган йигитлардан экансиз, зўр таом буюриб келдим. Бир мазза қилайлик. Анави бемаза официант бўлса жабалапа тамом бўлди дейди-я. Тўғпа-тўғри ресторан бошлигининг олдига кирдим, илтимос қилдим. Олдига бир пачка пулни поп этиб ташладим. Ўзиям “хўб бўлади, ака” деворганини билмай қолди. Қани, овқат келгунча элликтадан олиб турайлик...

Меҳмон бундай номли таомни эшитмаган экан, қизиқиб сўраб қолди:

— Ака, жабалапа дегани нима ўзи?

— Французларнинг таоми, — бамайлихотир жавоб берди Эркин ака, — бизда энди-энди урф бўляяпти, Парижда бўлса, истаган пайтингда ейсан. Бир ой яшаб роса тўйдим. Озроқ ҳиди бор, аммо жоннинг роҳати. Э, юрган эканмиз-да паловхонтўрага маҳлиё бўлиб.

Меҳмон бирдан ҳушёр тортди.

— Ака, бу таомингиз яна, ҳалиги... қурбақанинг гўшти эмасми?

— Ие, биласиз экан-да, — хурсанд бўлиб кетди Эркин ака, — гўшти эмас, сон гўшти денг. Ўзим кўзим билан кўриб, ёғлисидан танладим. Эҳ, бир мазза қиласиган бўлдик-да.

Ранги қув оқарган меҳмон ёнини ковлаб, бир сиқим пулни официант аёлнинг қўлига тутқазди-ю, ўзини ташқарига отди.

